





OK 78-2



HELIODORVS.

AE
NI
TAS.

Lugduni Batavorum.
Excudebat GEORGIUS vander MARSE.
A^o. cId Idc xxxvii.



VENERI
ET
CVPIDINI

HVMANAE. VITAE. CONSER-
VATORIBVS. SVAVISSIMIS,
HELIODORI. EPISCOPI
TRICENSIS. AETHIOPICA
AMORIS. OMNIS. ET
FESTIVITATIS
DELITIAE
SACRA. SVNTO

ANNALS

OF

CALEDONIA

IN THE
NINETEENTH
CENTURY
BY
JAMES
MACKENZIE
ESQ.
OF
GLASGOW



LECTORI.

En illibatam The-
agenis & Chari-
cleæ pudicitiam , Le-
ctor, en jocos illos re-
creandis inter seria stu-
diorum ingeniis, juven-
tuti offero. quanquam
nec jocos quidem. Cur
enim sic appellem, ubi
spirant omnia venusta-
tem, Amor castitatem,
Ve-

P R Æ F A T I O

Venus pudicitiam? ubi
habent juvenes quod
cum fructu legant, se-
nes quo in melius edo-
ceantur? ut recte exem-
plar omnium pene hic
dixeris virtutum, cum
ejus potissimum, quæ
regii animi character
est; tum in adversis
pietatis & constantiæ.
Quid enim leve est,
intemerata contra tot
peccandi licentias pu-
di-

LECTORI.

dicitia? quantę in puel-
 la prudentiæ & religio-
 nis est, amatoris sui, cu-
 jus in fidem & custo-
 diam se permisit, sti-
 mulos tam arcto jure-
 jurando coercere? Cui
 vero non admirandam
 ad omnes fortunæ vi-
 ces & instabilitatem;
 ac, dum novos casus
 nova semper excipiunt
 pericula, imperterritum
 animum & regio gene-

P R Æ F A T I O

re dignos spiritus, qui
 vel barbarorum præ-
 donum animos in con-
 traria vertere potuerūt,
 intueri licet? Quòd si
 & pietatem attendas,
 nonne hac ipsa constan-
 tiam suam amantes ful-
 cierunt, quum Diis suis
 (si Ethnicorum tene-
 bris condonandum est)
 è præsentibus malis re-
 spirationem prudenter
 ac semper tribuerunt?

Vo-

LECTORI.

Vota verò & sacram
 rem in adversis qua rel-
 ligione, quo cultu, qui-
 bus animis iidem non
 solverunt? Omitto cæ-
 tera quæ tibi plena ju-
 cunditatis lectio exhi-
 bebit: quum tot pro-
 batissimorum virorũ ,
 & eorum quos tibi se-
 quentes paginæ exhi-
 bebunt, judicia, auto-
 rem satis commendent,
 examinationi quorum

PRÆF. LECTORI.

ac judicio standum erit.
Nostra solùm hæc cura
fuit, ut quæ lectione ca-
starum aurium digna
sunt, juventuti redde-
rentur: quæ dum à gra-
vioribus & magis feriis
relaxationem quærit,
habeat quod cum fru-
ctu legat, probet, amet.
Vale.

TESTIMONIA
De
HELIODORO,
ejusque Æthiopicis.

PHOTIUS IN BIBLIOTHECA.

Legimus HELIODORI Æthio-
pica. Opus est dramaticum, ca-
phraſi, qua argumentum con-
ſcriptum deceat. multa etenim eſt in eo ſi-
ne affectatione ſimplicitas, atque iucun-
ditas. Affectibus præterea rerum partim
preſentium, partim ſperatarum, aut in-
ſperatarum temperata narratio eſt, ſalute
ſæpenumero præter opinionem in mediis ca-
lamitatibus allata. Verba quoque adhi-
bentur ſignificantia, & pura, qua ſi in-
terdum, ut par eſt, in figuram deſlectan-
tur, perſpicua tamen ſunt, evidenterque
propoſitam rem exhibent. Periodi etiam,
pro ſubiecta re, aptæ; quippe aliquanto
breviores, contratioresque. Compoſitio
denique, ut cætera omnia, narrationi ipſi
accommodata, qua viri quidem, ſcæminæ-
que.

T E S T I M O N I A

que refertur amor, sed qui caſtitatis praeferat deſiderium, cuſtodiamque accuratam.

Dramatis huius argumentum auctori praeſtare Theagenes, & Chariclea, caſte inter ſe ac pudice amantes, cum ultro citroque iactati errarunt, & capti etiam indentidem, fidem tamen coniugalem conſtanter ſervarunt. Ergo nomina horum adducuntur, & ſummatim quidquid paſſi ſunt, egeruntve. Athenienſium feſtus dies, quo, Chariclea ſacerdote, Theagenes curſu certat. ab oculis tunc natus invicem amor, ortusque ex eo morbus in Chariclea, quae rapta, non invita, è domo Chariclis, qui parens habebatur. Raptor vero, opera Calasiridis, Theagenes. Abnavigatio atque appuſſio in Zacynthum. Navarchus Chariclea amore capitur, & ficta promiſſio facta à Calasiride coniugii. In litore Chariclea hoſpitio accepta, & indicium factum è piſcatore, qui receperat, Trachinum quendam, latronum praefectum, virginis raptum meditari. Hinc Calasiridis fuga & Chariclea: quos Trachinus infeſtatus, navem capit, captusque amore eſt, & Chariclea nuptias velle fingit. Expoſtulatione Theagenis ut fratris, Calasiridis vero

DE HELIODORO.

vero ut parentis, qui & voti competes
 reddit. Maris hinc tempestate suborta,
 & naufragium vitant, & ad quandam
 Ægypti oram navem appellant. Chariclea
 nuptiarum a Trachino facta mentio, &
 Calasiridis ficti parentis promissa, atque
 deceptio, nuptiali epulo instituto. Peloris
 amor, incitante Calasiride, & contentio
 Trachini & Peloris super Chariclea. Stra-
 ges hinc tandem nata, mutuaque latro-
 num internecio, quam ipsa quoque Cha-
 riclea mittendis in illos telis multum pro-
 movit. Luctus Charicleæ super Theage-
 ne, vulneribus strato. Aliorum iterum
 latronum incursus, qui aspectu Charicleæ
 consternati animo, eam deinde rapiunt cū
 Theagene, & ad Thyamin adducunt. Is
 erat latronum Bucolorum (sic enim appel-
 labantur, qui eam insulam tenebant) præ-
 fectus. Ardet & hic Charicleam, Thea-
 genesque frater nominatur. Impetus item
 in Bucolos fit, pugnaque excitata, horum
 oritur cades: Thyamis fuga dilapsus, Her-
 muthis quoque, & Cnemon, atque Thea-
 genes. Chariclea interim illo in antro ad
 quod abducta fuerat remansit, ad cuius
 ostium cæsa iacebat Thisbe; qua visa, tan-
 quam super Chariclea ingens Theagenis
 dolor.

TESTIMONIA

dolor exstitit, donec ex imo antro Chariclea acclamaret. De Thisbes cade hesitatio, & super ea Hermuthis luctus, ac fletus. Abitus Cnemonis atque Hermuthis, aliaque ex parte Chariclea atque Theagenis. Cnemon ab Hermuthi discedens Calasiridi occurrit. narrant utrinque, quacunque acciderint: Cnemon quidem de Thisbe, & Demenete noverca, deque exsilio per testularum suffragia, prater alia adversa: Calasiris vero de Charicle & Chariclea, atque Theagene. Virimque comploratio ob hac ipsa mala. Mox Cnemon latum narrat nuncium, Theagenem & Charicleam superstites etiamnum esse, se enim cum illis in Thyami manibus fuisse. Nausicles autem, apud quem & Calasiris habitabat, Charicleam adducit, sub Thisbes nomine. Ad huius ergo nomen turbatur Cnemon, quod nosset eam mortem obiisse: verum mox gaudium oritur super Chariclea. Investigatio primum Theagenis, nuptiaeque Cnemonis & Nausiclea. Calasiridis item peregrinatio cum Chariclea, ut Theagenem inveniant. Anus deprehensa, qua filium bello extinctum lamentaretur, magicisque artibus ac superstitione filii cadaver consuleret: aspicientibus Calasiride & Cha-

¶ Chariclea qua fierent. Interrogat illa iterum diris adhibitis cadauer, alterne filius viveret, & imprecatur mortuus matri, quod vi ageret, ac per nefas: alterum ergo filium occisum iri, sed illam prius, eo quod iniuriam mortuo fecisset. Vetula interitus, per hasta fragmentum in vita morientis.

Thyamis & Theagenes cum reliqua latronū manu in Ægypti urbem Memphim ibant, ut sacerdotium ille a fratre Petosiri natu minore occupatum, repeteret. Hinc tumultus ad urbem excitatus. Arsace ad urbem sedens, ab armis discedere, duello vero fratres configere iubet, victorem sacerdotio dignum, idoneumque fore iudicans. Singulare dehinc fratrum certamen, Petosiri invito, utpote armis ferendis insueto, Thyamide contra belligerandi peritissimo. Fratrem hic itaque tergum vertere, abiectisque armis se proripere cogit. insectatur Thyamis, & urbem saepius cursu ambiunt. Thyamin Theagenes sequitur, quem visum deperit Arsace Oroon-dati coniux. Superveniunt Calasiris & Chariclea. Et ille quidem liberos cognito in mutuam cadem ruere (Calasiridis enim filii Thyamis ac Petosiris erant) accurrit, & cla-

TESTIMONIA

& clamore sublato, agre cadem inhibuit, quod vix parentem liberi agnoscerent. Chariclea ibi in Theagenem incidit, ac positis deinde armis, Sacerdotium Thyamis adeptus a patre est. qui mox vita decessit.

En iterum insidia Arsaces in Theagenem adolescentem, & Charicleam. Cybeles quoque ancilla promptum ad omnia obsequium, domum Arsaces eos evocantis, huius quoque amor in Theagenem immodicus, machinis omnibus nequitia adhibitis, viisque quasitis omni delinimentorum genere. Prævum huc accedit consilium Cybeles, qua venenatum Chariclea poculum miscuit, sospite tamen Chariclea, sibi necem attulit venefica. Cruciatus, atque ærumna Theagenis & Chariclea, quod Arsaces amorem Theagenes detrectaret. Chariclea ignis pœna condemnatur, sedis Pantarbes lapidis beneficio exstinguitur. Sic evasit in præsentia Chariclea. Arsace interim furibunda necem in posterum diem machinatur Chariclea. Oroondates, Arsaces maritus, mittit [Bagoam eunuchum] qui noctu hos iuvenes secum sumsit. Sic enim imperatum fuerat, postquam Cybeles filius, spe potiundi Chariclea nuptiis frustratus, quacunque
ab

DE HELIODORO.

ab Arsace patrata essent, ad herum profectus nunciasset omnia.

Æthiopum mox irruptio, raptusque Theagenis & Chariclea, atque ad Hydaspem Æthiopum regem abductio narratur, & ut ille quidem Soli Deo, Chariclea vero Luna consecratur victima. Hinc certamina & sacrificia, presentibus Sisimithro, Gymnosophistarum principe, cum suis Gymnosophistis, atque Persina regis uxore. Postulat Chariclea sui defendendi potestatem fieri apud Hydaspem. Causa dicta est, iudicante Sisimithro, testibusque superstitibus probantibus, Hydaspis ac Persina filiam esse Charicleam. Regi non satis persuadetur, qui etiam sic hostiam, patriæ legi moribusque obsecutus, cadere illos parat. Populus contradicit. Sic rursus libera abire iussa Chariclea; quæ quidem liberatio incredibilem omnibus peperit letitiam. Sed iterum Chariclea discrimen creatum. Theagenes victus, ut hostia aris adhuc destinatur. Varia multaque eo nomine apud parentem preces, sed ille liberationem Theagenis, impunitatemque abnuat. Animo itaque externata Chariclea, omnia quæ sibi, & Theageni adversa accidissent, matri enarrat. Thea-

TESTIMONIA

genes interim taurum fortiter pugnando superavit, ingenti spectantis plebis voluptate: Æthiopum item maximum palastra vicit, illustrique victoria parta, plausum etiam populi meruit. Ducitur nihilominus ad aras coronatus, ut hostia instar cadat Theagenes. Charicles tum forte Athenis profectus, huic stadio adstabat, filiamque uti credebat suam ab ipso rege postulat. Spondet rex daturum, si amissam reperisset. Verum illam non inveniebat. Arripitur deinde, trahiturque Theagenes ab Charicle clamante: Hic meam Athenis rapuit filiam. Lata denique sententia, qua & Theagenes tandem indemnis est declaratus, ipso etiam adiudicante Sisimithro, neve posthac humanis victimis mortalium damno litaretur statuente. Gaudio hinc cuncti atque letitia exsultare, Theagenes etiam & Chariclea, quod tot tantisque defuncti periculis invicem potirentur. Sacerdotiis itaque illa quidem matris, hic soceri beneficio acceptis, & re divina facta, nuptias adornant.

Hac quidem Heliodorus Theodosii F. domo Phœnix Amindenus conscripsit, finivitque historiam: quem etiam Episcopi post dignitate auctum ferunt.

DE HELIODORO.

NICEPHORUS CALLISTUS

In

Historia Ecclesiastica.

*S*ed enim consuetudo ea qua in Thessalia
servatur, ab Heliodoro illo Tricensi e-
piscopo ortum habuit: cuius amatorii li-
belli hoc quoque tempore circumferuntur,
qua adhuc iuvenis composuit, & Æthio-
pica inscripsit. Nunc autem ea Chari-
cleam nominant. Quo nomine etiam epi-
scopatus ei ademptus est: nam quum le-
ctione eorum opusculorum iuvenes multi
in periculum coniicerentur, synodus pro-
vincialis statuit, vel libellos ipsos qui a-
mores accenderent, igni consumptos abo-
lendos, vel qui eos composuisset autori fun-
ctionem episcopalem abrogandam esse. Ille
vero episcopatum deponere, quam scripta
sua suppressere maluit.

CRUSIUS.

*M*ultarum hinc rerum (sicut & VIN-
CENTIUS OPSOPOEUS no-
tauit: cui magnam debemus gratiam de
tam bono Autore in lucem prolato) descri-
ptio-

TEST. DE HELIODORO.

*ptiones sunt : ut causarum naturalium ,
gemmarum , locorum , populorum (praesertim Aegypti & Aethiopia) fluminum ,
& rerum artificiosarum.*

*Propositum est Heliodoro , tum prodesse
legenti, tum delectare, &c.*

HIERONYMUS COMMELINUS.

Q*uam multa in his Rerum Aethiopicarum libellis, ceu emblemata quaedam , sententiae graves & seria, Ethica , Politica , OEconomica ? quam multa ad Antiquitatis cognitionem, quae temere alibi non reperiatur, hinc peti possunt ? Atqui hoc ita se habere testantur è vetustioribus MELISSA Antonii, & Maximi CENTURIAE. Recentiores recensere longum foret : unum dumtaxat Barnabam Brissonium nominabo. Huius DE REGIO PERSARUM PRINCIPATU librum qui leget, quantum Auctori nostro ille debeat, facile intelliget.*

Errores , quos in veteri Editione Hervagiana deprehendere potui , quatuor mss. collatione & fide, accurate sustuli , lacunasque supplevi: Anno clc lxxvi.

IN HELIODORUM.

At nunc Livoris certe noctemque geluque
 Perfregit geni vis radiosa tui,
 Heliodore; nec est alibi tam barbara lingua
 Tamque suilla animis inveniunda cohors,
 Quin te suspiciat, quin te veneretur, ut acre
 Intet Graiorum tot monumenta jubar:
 Acre jubar, sed dulce jubar, quodq; omne per æ-
 Ille perannantis Veris amicet honor: (vñ,
 Invidiaque hyemem casto defendat & igne,
 Arceat & flammæ barbara turba tuas.
 Sancta sed immittat Pietatis semina menti,
 Vimque Pudicitia non sinat esse rudem.
 Aptaque constanti præcordia fingat Amori;
 Fibrarumque beet quamque tenace Fide.
 Induretque animi vires, favor obvius ipsas
 Ne solvat crepero stantis in orbe Deæ:
 Neve minis eadem Sortis frangantur atrocis;
 Stent sed uti medio Petra creata mari.
 O lepidissima, nec scriptis Scripta ulla secunda;
 Ingenii sive est, seu genii artis opus!
 Scripta, Caballino quæ lavit Musa fluento,
 Lavit & ambrosio deinde liquore Charis.
 Scripta, quibus fixit plus basia mille Iuventas,
 Adjecit decoris vimque Diona sui.
 Scripta, Cupidineis ferri dignissima pennis
 Templâ ad Olympiaci lucidiora poli:
 Et splendere illic minui metuente nitore,
 Seu fuerint noctis tempora, sive dies.
 Hoc uti navifrago circumventæ æquore vitæ
 Esse Helice nobis aut Cynosura queant.

Scriptis IANVS GRVTERVS,
 & CALLIOPIVS *reconsuit.*

De magnanimitate

HELIODORI EPISCOPI,

*qui Æthiopica sua servare quàm
Præsulatum maluit.*

[Auctore Nicephoro Callisto l. xii, c. xxxiv.]

Perdere quum nollet cum libertate pudorem,
Extulit hoc flammis Heliodorus opus.
Insula contempta est: casti meditantur amores,
Oppedis sacro dum Chariclea pedo.
Pulchr'or es, quamvis fueras pulcherrima, virgo:
Addidit Antistes majus Hydaspe decus.
Hoc nata es primò, sed præfule nata secundò:
Sic nisi nata fores, jam cinis ipsa fores.
Ecquid Hydaspei dispendia sanguinis horres?
Ne metuas: vita est ista priore prior.
Bisgenita, o, genitura deos. Debetur Hydaspi:
Mitrato debes plus Chariclea patri.
Nec quoq, nunc opus est te quicquã cedere Baccho
Tu bipater nobis, ille binater erit.

P. S.

Aliud ejusdem.

Te bipatrem dixi, Bacchũ Chariclea binatrem.
Quid renuis? Vino quam bene junctus Amor!
Sed Vinum Chariclea nihil moderabile suavit:
Quid suasurus Amor, tu Chariclea vide.

De

De Constantia

CHARICLEÆ.

Regibus orta nigris nescit Chariclea parentes,
Candida sed similem seipsum Chariclea proci.
Seraque conservos caste dum servat amores,
His sine sorte vovet non meliore frui.
Lectaque victoris solenni victima pompa
Tartareos patris despicit una Deos.
In medio nequirit virgo comburiet igne,
Vir pariter medio salvus in igne stetit.
Conjugium fortuna paret: constantia sponsis
Enitet in summis intaminata malis.
Quisquis amans puras sentit sub pectore flamas,
Non valet impuras extinuisset faces.

I. BODECHERUS BANNINGIUS.

In

THEAGENIS & CHARICLEÆ AMORES.

Cupido loquitur.


Me puerum Chariclea vocat: vocat ille, sagittæ
Cui nostræ indomitas supposuere faces.
Hinc discas. Puerum quisquis me dixeris esse,
Haud pueri imbelles experire manus.

ZUERIUS BOXHORNIIUS.

PAULUS STEPHANUS H. F.
In Juvenilibus.

AMORES CASTI.

Per terras Iuvenē sequitur Chariclea, per undas,
Et comitem, sed non impatienter, amat.
Fidus amans sociam, sed caste, servat amantem,
Oscula eunt teneræ plena pudicitia.
Et quum legitimis venerunt tempora tædis,
Senserunt Veneris gaudia prima suæ.
Vos, ô, vos omnes huc appellamus amantes;
Ut vos & purus agat, non furiatus, amor.



HELIODORI

ÆTHIOPICORUM

LIBRI X.

GULIELMUS CANTERUS

ULTRAJECT.

LECTORI

Hlegantem fane Heliodori historiam nonnulli cum semel legerunt, à secunda tamen tertiaque lectione non abstinere, partim ob voluptatis non exiguum fructum, partim etiam quod ita scriptum hoc ordine poëtico, & artificio plane mirabili contextum est, ut integram ejus historiam non facile quis una lectione possit assequi. Quod cum nobis etiam visum fuisset, quo planior posthac lectoribus vel minus attentis foret lepidissima narratio, breve totius operis argumentum non levi studio concinnavimus, ac rectam universæ historiæ seriē paucis periodis complexi sumus. Ea sic habet:

3 HELIODORI ÆTHIOPICORUM

PERIOCHE.

Ex Hydaspe rege Æthiopum & Persina nascitur quondam Chariclea: qua Sisimithri gynosophista cum crepundiis exponenda datur. is eam septennem in Ægypto, legatus ad Oroondatem missus, apud Charicleam collocat. hic enim Pythius sacerdos cum esset, casu in Ægyptum venerat. itaque puellam hinc Delphos defert, & in templo apud se Diana sacerdotem educat. Paulo post ad Pythia profectus, inter ceteros Theagenes Thessalus & Chariclea amore captus, eam rapit, iuvante Calasire Ægyptio, qui forte ibidem aderat, & agnita Chariclea, cujus jampridem inquirenda curam à matre habebat, suis eam cupiebat restituere. Itaque navi utrumque imponens, postquam Cretam attigit, à Trachino pirata (is puellam in litore Zacynthio forte conspiciatus, deperibat)

capitur: cumque ille virginem in Ægyptum appulsus ducere pararet, Pelorum ejus præfectum rivalem opponit, sic ut orta propter prædam contentione, latrones omnes mutuis cadibus pereant. Hæc Thyamis latro Memphiticus superveniens, præda potitur. is cum Charicleam itidem ducere pararet, supervenientibus itidem aliis latronibus, illam quidem in speluncam quandam reponit, ipse autem capitur, Theagene interim & Cnemone aufugientibus. Paulo tamen post ad Charicleam Theagenes redit. Iam cum è spelunca uterque exiisset, à Mitrane præfecto Oroondatis (hic Ægypti erat satrapa) capitur. & Chariclea quidem Nausicli qui Thisben sibi ereptam conquiri jusserat, pro Thisbe traditur: Theagenes autem ad Oroondatem, ut regi Persarum Babylone serviat, mittitur. Ad Nausiclem porro Calasiris casu deveniens, Charicleam recuperat. At in itinere Theagenes à Thyamide Bessa præfecto intercipitur. Quo cognito Mitranes eos adortus, cum suis interimitur. Id cum Oroondates non inultum relicturus videretur, statuunt Memphim profecti eum antevertere. Memphita vero, cum Oroondates abesset, Arsaces uxoris jussu

Peto-

Petofirim jubent cum fratre Thyamide singulari certamine congregi, qui ab illo simul & sacerdotio privatus, & urbe pulsus fuerat. Iam Calasiris & Chariclea Theagenem ut quærerent profecti, commodum in certamen ipsum incurrunt: ac filios ille diremtos, hæc Theagenem recuperat. Arsace interim Theagenem nequicquam tentat. Quod cum Oroondates Thebis accepisset, ubi cum Hydaspe bellum gerebat, utrumque celeriter ad se mitti curat. at hi rursus ab Æthiopibus intercipiuntur. Hos Hydaspes Oroondate devicto, sacris triumphalibus victimas destinat. Itaque Meroen reversus cum sacra fieri juberet, Chariclea quidem statim prolatis crepundiis, & Sisimithre teste citato, filiam se Hydaspis & Persina decimo post anno probat: paullo post autem, cum legatis Oroondatis veniens Charicles, qui raptam Charicleam diu à se quasitam, huc tandem delatam cognoverat, Theagenem primum, deinde Sisimithrem, tum Charicleam agnoscit. Simul etiam parentes re tota cognita, Charicleam Theageni denique bonis avibus uxorem dant.

Handwritten text in a cursive script, likely from a 17th or 18th-century manuscript. The text is arranged in approximately 20 lines, though many are illegible due to fading and blurring. The script appears to be a form of early modern English or French cursive. The first line is particularly faint, but some words like "The" and "of" might be discernible. The text seems to be a formal letter or a legal document, given the structure and the use of capital letters at the start of some lines. The right edge of the page shows the binding of the book, suggesting this is a right-hand page.



HELIODORI

ÆTHIOPICORUM

LIBER PRIMUS.

Cum primum dies illucesceret, & sol cacumina montium illustraret, viri ex armis & rapto vivere soliti, supra montem qui ad influxum Nili in mare, & ostium quod Heracleoticum appellatur, protenditur, erecti, paululum consistentes, mare subiectum contemplabantur. Cumque initio in pelagus oculos coniecissent, nec quicquam applicaret quod spem prædæ ostenderet, in propinquum littus aspectum referebant. Erant autem in ipso res ejusmodi. Navis rudentibus ad continentem religata quiescebat, vacua navigantibus, sed plena oneris: quod vel iis qui procul aberant, conjectura

assequi licuit. onus enim usque ad tertiam zonam navis aquam premebat. At in littore plena erant omnia recens cę-
 forum hominum, partim prorsus ex-
 tinctorum, partim semimortuorum,
 partibus corporum adhuc palpitantiũ,
 & nuper esse finitum bellum declaran-
 tium. Cæterum non fuerant justı præ-
 lii notæ ac indicia, quæ apparebant, sed
 mixtę fuerunt infelicitis & infausti con-
 vivii, ac ejusmodi finem sortiti mise-
 rabiles reliquię: Mensę nimirum da-
 pibus refertę, quarum alię humi in
 manibus cęde stratorum jacebant, cum
 armorum loco quibusdam in pugna,
 ut ex improviso orto bello, fuissent:
 alię eos qui se absconderant, ut opina-
 bantur, occultabant. Præterea paterę
 everşę, & ex manibus quędam ef-
 fluentes, partim eorum qui biberant,
 partim eorum qui pro lapidibus illis usi
 fuerant. Subitum enim malum, novum
 usum afferebat, & jaculorum loco po-
 culis uti docebat. Jacebant vero, hic
 securi vulneratus, ille cochlea ictus,
 quę indidem ex littore suppeditarat:
 alius ligno contractis membris, non
 nemo torre adustus, alii alio modo.

Plu-

Plurimi autē jaculis arcu emissis confixi. Denique multiplicem speciem parvo in spacio numen exhibuerat, vinum sanguine imbuens, & convivio bellum adjungens, cædes potionibus, libationes mactationibus promiscue miscens, & tale theatrum prædonibus Ægyptiis instruens. Hi enim cum se in monte spectatores harum rerum præbuisent, spectaculum intelligere ne-
tquam potuerunt, cum prostratos ibi aliquos cernerent, nusquam autem victores conspicerent: tum victoriam manifestam, spolia vero non detracta: & navem solam vacuum quidem viris, sed quod ad alia attinet, intactam, non secus ac multorum præsidio munitam, & tanquam in tranquillo vacillantem intuerentur. Tametsi autem quid esset rei ignorarent, nihilo minus tamen lucrum & prædam spectabant. Se igitur victores esse cum statuissent, progressi sunt. Cumque jam non procul abessent à navi, & iis qui jacebant, spectaculum illis contingit, longe quam priora perplexius. Virgo sedebat in rupe, insigni quadam forma prædita, quæque dea credi posset, ob præsen-

IO HELIODORI ÆTHIOP.

rem quidem sortem non mediocri dolore affecta, verum generosos spiritus adhuc gerens. Lauro caput redimitum habebat: pharetra vero pendebat ab humeris: porro sub sinistro brachio arcus collocatus fuit: reliqua manus negligenter demissa. Dextro autem femori cubito alterius manus incumbens, ac digitis amplexa genas, deorsum spectans, & quendam procul jacentem ephebum contuens, caput immotum tenebat. At ille vulneribus laceratus erat: & paululum tantum sese erigere, tanquam ex profundo somno fere ipsius mortis, videbatur. Verū vel in his florebat virili pulchritudine, & gena defluxu sanguinis cruentata, magis tamen albedine resplendebat. Oculos vero ipsius dolor depri-me-bat, vultus autem virginis ad sese trahebat ac erigebat. Atque hæc videre cogebantur, quod illam videbant. Ut vero spiritum collegit, difficulter admodum respirans, languide prolocutus est, & O suavium, inquit, salvane es revera, an & tu quoque obiter ad belli cladem accessisti? Non potes omnino, ne post mortem quidem, à nobis.

bis divelli, sed spectrum & manes tui obeundo observant fortunas meas? In te sita sunt, inquit virgo, mea omnia: denique, ut vivam, aut non. Hic igitur, vides (ostenso cultro supra genua) haftenus cessavi, propter tuam respirationē cohibitus. Ac simulatque elocuta est, illico de petra desiluit. Illi vero supra montem præ admiratione simul & terrore, tanquam fulguris aspectu perculsi, alius aliud subibat arbutum. Majus enim quiddam, magisque divinum erecta illis esse videbatur, cum sagittæ repentina commotione clangorem edidissent, auro vero intexta vestis ad solem resplenderet, & capillus sub corona bacchico more jactaretur, ac magnam tergi partem occuparet. Hos quidem hæc perterrefaciebant: multoque magis corū quæ videbantur, quam quæ patrata fuerant, ignorantia. Quidam enim deam quandam esse dicebant, & deam quidem Dianam, aut ejus loci præsidem Isim: quidam vero sacerdotem divino furore afflatam, quæ ingentē stragem, quæ apparebat, edidisset. Hæc igitur judicabant, rem ipsam nondum sciebant.

bant. At illa subito delata ad adolescentem, & illi undiquaque circumfusa, flebat, osculabatur, abstergebat cruorem, ejulabat, & quamvis illum teneret, vix tamen ipsa sibi credebat. Quod cum animadverterent Ægyptii, mentem in aliam mutavere sententiam. An hæc sunt opera deæ? dicentes. mortuumne oscularetur numen, tanta commiseratione? Audendum sibi esse, ac abeundum, & quid revera esset cognoscendum censebant. Cum itaque se recepissent, decurrunt, virginemque adhuc apud vulnera adolescentisprehendunt: & à tergo consistentes, reprimunt sese, nihil neque loqui amplius, neque agere ausi. Circumsonante vero strepitu, & umbra illorum incidente in oculos, erexit sese virgo: & postquam respexit, rursus deorsum inclinavit, inusitato coloris conspectu, & prædonum armatorum specie ne minimum quidem perterrita, ad curationem autem jacentis totâ sese componens. Sic omnino desiderium vehemens, & sincerus amor, omnia quæ extrinsecus adveniunt molesta, aut jucunda, despicit: in unum vero id quod egre-

egregie animo charum est, intueri, & in eo totum animum atque omnem curam ponere cogit. Cum vero prætereuntes prædones in fronte constitissent, & aliquid aggressuri esse viderentur, rursus sese sustulit, & colore nigro esse conspicata, ac facie squalida: Si jacentium estis, inquit, spectra, immerito nobis negotium facestis: plurimi enim vestris ipsorum manibus interfecti estis. quod si qui à nobis, jure defensionis, ad depellendam à pudicitia injuriam susceptæ, id accidit. Sin estis aliqui ex iis qui vivunt: prædonum vitam, ut apparet, amplectimini. Per tempus autem advenitis. Liberate præsentibus calamitatibus, cæde hunc actum nostrum terminantes. Illa quidem ad hunc modum tragice lamentabatur. At illi, cum neque ea quæ dicerentur intelligere possent, eos ibi relinquunt, firma illis custodia imbecillitate ipsorum adhibita. Ad navem vero properantes, onus exponebant: aliis spretis (multa autem erant, & varia) auri & argenti, & lapidum pretiosorum, & serici quantum quisque poterat efferentes. Cumque jam
satis

fatis esse videretur, & tot res erant ut
 & prædonum cupiditatem satiant, præda in littore posita, in onera &
 portiones distribuabant, non dignitate
 singulorum quæ accepta fuerant, sed
 æquali pondere partitionem instituen-
 tes. Quod ad virginem & adolescen-
 tem attinebat, id postea fuerant cura-
 turi. Interim altera multitudo prædo-
 num advenit, duobus equitibus ordi-
 nem ducentibus. Quod cum vidissent
 priores, ne quidem manus contra le-
 vare ausi, nec ulla re ex spoliis ablata,
 ne insequendi hosti ansam darent,
 concitato cursu fugiebant: cum non
 plures essent quam decem, triplo au-
 tem numerum advenientium superare
 cernerent. Ac virgo quidem secundo
 jam capiebatur, nondum tamen capta.
 Prædones autem, etsi ad direptionem
 festinabant, tamen præ inscitia eorum
 quæ videbant, ac formidine aliquam-
 diu se reprimebant. Magnam enim
 stragem illam, à prioribus prædoni-
 bus editam esse arbitrabantur. Virgi-
 nem autem intuentes, cum peregrina
 & conspicua stola, eas formidines, quæ
 in illam irruebant, non secus ac si nul-

læ essent, contemnentem, totam vero in vulnera adolescentis intentam, & illius dolorem perinde ac suum graviter molesteque ferentem, cum hujus pulchritudinem, & magnitudinem animi mirabantur, tum saucii aspectu percellebantur. Tali forma præditus, & tam præcæta statura corporis jacebat. Jam enim paululum sese collegerat, & vultus pristinum statum revocarat. Tandem post longum tempus, cū appropinquasset is qui illis prædonibus imperabat, injicit manum virgini, & surgere ac sequi jubet. Illa vero etsi nihil intelligebat eorum quæ dicebantur, tamen id quod imperabatur conjectura assequens, trahebat una adolescentem, alioqui neque ipsum eam dimittentem: & cultrum pectori admovens, minabatur se sibi mortem conscituram esse, nisi utrumque abducerent. Quod cum dux, partim ex sermone, ac magis ex ipso gestu intellexisset: simul etiam se adolescente ad res maximas adiutore usurū sperans, si mansisset incolumis, descendens ex equo ipse, ac idem scutifero facere jussu, imponit captivos. Reliquis quidem,

dem, ut spoliis collectis sequerentur imperans: ipse autem euestigio juxta currens, & sustollens ac suffulciens, si forte quis ex ipsis laberetur. Nec vacabat gloria, id quod fiebat. Servire is, qui imperabat, videbatur, & victor ministrare captis in animum inducebat. Sic enim nobilitatis specimen, & pulchritudinis aspectus, vel prædonum ingenium sibi subdicere, & vincere feriores potest. Emenfi igitur ad duo stadia itineris juxta littus, deflexerunt recta ad radices montis: & mari ad dextram relicto, ac superato cacumine montis, ad lacum quendam ad alterum latus montis protensum properabant. qui erat ejusmodi: Pascuum vocatus est totus locus ab Ægyptiis. Est autem vallis in illo ipso tractu, exundationes quasdam Nili recipiens, & lacus existens, in medio altitudine infinita, circa oras autē in paludem desinens. Quod enim mari littora, hoc paludes lacubus fiunt. Ibi prædones Ægyptii, quotquot sunt, suam Rempublicam habent. Et alius, sicubi pauxillum terræ ex aqua eminet, tugurio compacto: alius supra navigium vitam agit,

agit, eodem in transvectione & habitando utens. In hoc illis mulieres serviunt, in eodem quoque pariunt. Editi autem infante, primum materno lacte, postea piscibus ex lacu ad solem assis eum nutrit. Quod si senserit eum reptare cupere, funiculo religato ad talos, ad extremum tantum navigii procedere permittit, novum quendam ductorem vinculum pedis illi adhibens. Atque ita quispiam bubulcus natus est in lacu, eundemque nutricem habuit, ac patriam sibi & idoneum propugnaculum ad tuendos latrones esse duxit. Idcirco quoque ad illum confluit tale genus hominum. Aqua enim omnes tanquam muro utuntur. Porro magna vis arundinis, quæ est in palude, pro vallo ante illos objecta est. Cum enim obliquas quasdam semitas, & multis anfractibus implicatas excidissent, & sibi propter peritiam faciles, aliis vero perplexas transmissiones effecissent, maximam munitionem ad id, ne ex incursione aliquo detrimento afficiantur, excogitarunt. Ac ea quidem quæ ad lacum & eos qui illum incolunt bubulcos attinent, sic habent.

bent. Cæterum sole jam ad occasum vergente, pervenit ad eum præfectus cum reliquo comitatu. Et hi quidem deponebant ex equis juvenes, & prædam navigiis imponebant. At magna turba eorum prædonum qui illic manserant, alio aliunde ex palude egresso apparebant, certatimque concurrebant: & præfecto obviam progressi, tanquam regem suum quendam excipiebant. Cumque multitudinem spoliatorum considerarent, & formam virginis divinam quandam rem esse cernerent, templa aliqua aut delubra à consortibus sui operis spoliata esse suspicabantur. Ablatam vero esse & ipsam sacerdotem, vel ipsum Deæ simulachrum vivum abductum esse, conjecturam ex virgine, eo quod negotium illis ignotum fuit, faciebant. Ac multis modis præfecto ob res bene ac strenue gestas gratulantes, ad illius domicilium eum deducebant. Hoc vero erat exigua insula, procul ab aliis, ad receptaculum illius tantum, cum paucis aliis qui illi adesse solebant, abscisa. Quo cum fuisset deductus, reliquam multitudinem in suam quem-

que

que domum abire jubebat, datis mandatis, ut postridie omnes ad eum convenirent: ipse vero cum paucis qui manere consueverant relictus, cum brevi intervallo aliis cœnam impertivisset, & ipse una sumpsisset, juvenes Græco cuidam tradit adolescenti, (qui non ita pridem ab illis captus fuerat, ut eo internuncio uterentur) tugurii sui parte propinqua illis attributa: cum ut sedulo curaret adolescentem, tum ut virginem ne ulla in re injuria afficeretur, custodiret, imperans. Ipsum autem labore itineris gravatam, & cura præsentium negotiorum implicitum, somnus oppressit. Porro cum quies & silentium tota palude esset, & ad primam vigiliam noctis processisset, solitudinem & absentiam eorum qui tumultuarentur, tanquam occasionem sibi datam ad luctum & lamenta virgo arripuit. Excitante etiam magis dolorem ipsa nocte, & nulla re quæ audiri aut videri posset ad sese animum revocante, sed soli mœrenti vacationem concedente. Cum igitur vehementius ingemuisset apud sese virgo (separata enim erat, prout imperatum

fuit , in quodam humili vilique lecto recumbens) & cum maximopere illa-crymasset : Apollo, inquit, quam lon-ge acerbius de nobis pœnam sumis, quam deliquimus. An non sufficiunt tibi hæc ad vindictam, quæ præterie-runt? quod necessariis & propinquis caremus, quod à piratis capti fuimus, quod aliis præterea sexcentis in mari periculis jactati, nunc à prædonibus in terra iterum jam comprehensi su-mus? Prætereane graviora his quæ ex-perti sumus, expectanda sunt? Ubi tandem hæc sistes? Siquidem in morte vacante omni contumelia, dulcis est exitus: sin me quispiam turpiter co-gniturus est, quam neque Theagenes unquam: næ ego quidem laqueo in-juriam anteverram, integram me & ca-ctam (quemadmodum adhuc feci) ad mortem usque servans, & pulchrum epitaphium pudicitiae inde referens. te vero nullus erit iudex crudelior. Hæc adhuc loquentē repressit Theagenes: Desine, dicens, charissima, & anima mea Chariclia. Merito tu quidem la-mentaris: verum exacerbas magis, quã existimas, numen. Neque enim pro-bris

bris incessere, verum orare necesse est: precibus, non criminibus, placatur id quod est potentius. At illa: Bene admones, inquit. Sed quomodo vales, obsecro? Melius, inquit, à vespera, ex adolescentis curatione, quæ mihi inflammata vulnera leniit, imo magis leniri senties sub auroram, subjecit is qui ad custodiam illius abhibitus fuerat. Nanciscar enim tibi ejusmodi herbam, quæ tertia vice conjunget vulnus. Atque hanc esse vim ejus, experientia compertum habeo. Ex quo enim hi me huc captivum adduxerunt, si quis unquã horum qui huic præfecto parent, saucius post conflictum venit, non multis diebus ad curationem indiguit. Quod autem afficior conditione vestrarum rerum, non est quod miremini. Videmini enim mecum communi esse fortuna, simulque vos qui Græci estis miseror, cum & ipse Græcus sim natus. Græcus, dii immortales! exclamarunt repente prævoluptate hospites. Græcus profecto voce & genere. Paulo post dabitur aliqua à malis respiratio. Sed quem te appellare oportet? inquit Theagenes. At ille:

bat: forma senem alliciens, & cum aliis in rebus ambitiose observans (nam si ulla alia mulier, maxime poterat furibundum sui desiderium excitare: & artem alliciendi, exactius quam credibile est, noverat) tum egressibus patris mei ingemiscens, & ad ingressus accurrens, & tardius venientem accusans, quod videlicet periisset si paululū commoratus fuisset, & amplectens post singula verba, denique lacrymas addens osculis. Quibus omnibus pater irretitus, totam illam & spirabat & contuebatur. Illa vero & me primum non secus ac si suus essem filius, in oculis ferre simulabat, hoc etiam sibi Aristippum devinciens: & interdum osculata est accedens, & subinde ut mecum se oblectare posset optavit. Quod ego admittebam, nihil eorum quæ suberant suspiciens: admirans autem, quod maternum erga me declararet affectum. Quum vero petulantius accederet, & calidiora essent oscula quam decebat, & aspectus modestiam excederet, in suspicionem jam apud me illam multa adducebant, & subterfugiebam, ac abblandientem re-

in Prytaneo cœnabar: & quemadmodum in ejusmodi conventu, & publico convivio, ibidem pernoctaturus erat. Illa autem venit ad me noctu, & conata est contra fas quippiam assequi. Sed cum prorsus resisterem, & omnibus blanditiis, pollicitationibus & minis repugnarem, graviter & ab imo pectore ingemiscens abiit: & una tantum nocte interposita, insidias mihi struere scelerata cœpit. Ac primum quidem neque è lecto surrexit, sed venienti patri, & quid esset rei percontanti, infirma se esse valetudine simulabat. Cum vero instaret, & quid illi accidisset, sæpius quæreretur: Egregia pietate, inquit, etiam erga meadolescens, communis noster filius, quem ego (deos contestor) plus etiam quam te sæpe dilexi, cum me gravidam esse quibusdam ex rebus sensisset (quod ego te tamdiu celavi, quoad aliquid certi scire possem) & absentiam tuam observasset, dum illum solito more moneo, & ad temperantiam adhortor, neve scortis & ebrietati animum dederet oro (neque enim me id latebat: tibi vero non dicebam, ne in ali-

vultu non invenuto. Hanc in me emittit, ut me amaret imperans. Ac amabat repente Thisbe: & quæ me tentantem antea sæpius rejecerat, tum prorsus alliciebat ad sese, aspectu, nutibus, notis. Ego vero vanus, quod repente pulcher essem, credideram, & ad extremum in thalamum noctu venientem recepi. Illa vero iterum rediit, & deinceps continue veniebat. Verum cum aliquando multum illam adhortarer, sibi ut caveret, ne à domina deprehenderetur: O Cnemon, inquit, quam nimium simplex mihi videris esse, si me ancillam, & argento emptam, tecum deprehendi periculosum putas. Qua porro pœna illam dignam judicabis, quæ se ingenuam esse prædicans, & legitimo jure conjugii cohabitato-rem habens, denique mortem sibi finem sceleris esse propositum sciens, adulterium committit? Desine, inquit, neque enim tibi fidem habere possum. Imo si tibi videbitur, in ipso facto adulterum tradam. Siquidem ita volueris, inquit. Maxime volo, respondit: & tua causa, qui ab illa tam insigni injuria affectus es: & non minus.

qui te enutrierunt. Injuria te affecimus, sed non tamen adeo ut ad mortem usque vindicta de me expetenda sit. ne indulgeas iræ, neque cæde paterna manus tuas contamines. Ille quidem his, & aliis præterea modis, miserabiliter supplex pro se precabatur. Ego autem tanquam fulgure percussus, tacitus & attonitus stabam, Thisben circumspiciens, quæ nescio quo pacto subduxerat sese: lectum & thalamum in orbem oculis lustrabam, nec quid dicerem sciens, nec ad agendum consilii quicquam habens. Excidit mihi & pugio è manibus. Et hunc quidem Demæneta propere accurrens arripuit. Pater autem cum jam extra periculum esset, injicit mihi manus, & ligare jubebat, Demæneta multis modis irritante, &, An nō hæc erant quæ prædicebam, clamante, quod caveri oporteret adolescentem, utpote occasione oblata moliturum aliquid? Intuebar vultum, mentem intelligebam. Ille autem, Prædicebas, cum dixisset, sed non credebam: me tum in vinculis detinuit, & exponere quippiam ut gestum erat volenti, ne dicendi quidem
pote-

potestatem fecit. Quamprimum autem illuxit, prehensum sic, ut eram vinctus, produxit ad populum, & asperso capiti pulvere, Non ad hanc spem, ô Athenienses, hunc educabam, dicebat: sed bacillum senectutis meæ futurum aliquando sperans, ut primum mihi natus est, liberaliter eductum, & initiis literarum institutum; cum in tribules & gentiles introduxissem, in epheborum album retulissem, civem nostrum etiam legibus effecissem, totam vitam meam ob hunc parum tranquille agebam. Cæterum postquam horum omnium oblitus, me injuriis primum & hanc quæ mihi secundum leges cohabitat, verberibus affecit: ad extremum & gladio armatus noctu advenit, & eatenus tantum ab eo quominus parricida fieret, abfuit, quatenus fortuna restitit, inopinato terrore ut illi gladius è manibus excideret comparans, confugi ad vos, nomenque istius deferro. tametsi enim mihi per leges liceret, mea manu illum interimere, tamen nolui, idque totum vestro reliqui arbitrio, melius me facturum existimans, si de filio, lege, non

cæde,

cæde, sumerem pœnam. Et simul illa-
crymabat. Ejulabat quoque Demæne-
ta, & se ob meum calum dolore affici,
simulabat: miserum appellans, ac iuste
quidem, sed ante tempus moriturum.
à malis Geniis adversus parentes inci-
tatum, non lugens magis, quam testi-
ficans lacrymis, & ceu veram accusa-
tionem ploratu confirmans. Cum au-
tem & mihi dicendi potestatem dari
postularem, scriba accedens, angustam
quæstionem instituit, An patrem ar-
matus gladio aggressus essem? Me ve-
ro, Aggressus sum quidem, dicente, sed
quemadmodum, audite: exclamarunt
omnes, ac neque causæ dicendæ jus ad
me pertinere judicantes, alii me lapidi-
bus obrui debere, alii carnifici tradi,
& in barathrum præcipitari censebant.
Me vero, toto hoc tumultu & tempo-
ris intervallo quo de pœna statuebant,
O noverca, clamante, heu propter no-
vercam tollor, noverca me injudica-
tum perimit: adhæsit ad multos id
quod à me dicebatur, & subibat eos
suspicio rei ipsius ut erat acta: verum
ne tum quidē audiebar. Ingens enim
tumultus & perturbatio populum præ-
occu-

occupaverat. Cum autem calculi discernerentur, mortem mihi decernentes circiter mille & septingenti reperti, quorum alii lapidibus me obruendum esse, alii in Barathrum mittendū judicabant. Reliqui vero ad mille, qui aliquid dantes suspicioni de noverca, exilio me in perpetuum damnabant. Nihilominus tamen horum vicit sententia. Tamen si enim erant aliis simul conjunctis pauciores, tamen cum illi diversa tulissent suffragia, sigillatim collatione facta, mille majorem numerum efficiebant. Atque ego quidem ita laribus paternis & patria pellebar. Nec tamē diis invisa Demæneta hoc deinceps impune tulit: quo autem pacto, postea audietis. Nunc autem vobis est somno indulgendum: nam & ad multam noctem processit, & vobis longa quiete opus est. Imo majore molestia nos afficies, inquit Theagenes, si pessimam hanc inultam in narratione reliqueris. Audite igitur, inquit Cnemon, quandoquidem vobis ita lubet. Ego ita ut eram, post judicium descendi in Piræum, & nactus navem quæ tum solvebat, navigabam Æginam,

nam, resciscens illic me habere conso-
brinos matris. Eo cum applicuissem,
& eos quos inquirebam invenissem,
non insuaviter primo tempus dege-
bam. Vigesimo vero post die solito
more expacians descendi ad portum.
Ecce autem lembus appellebat. Paulu-
lum igitur commoratus, unde esset, &
quos apportaret considerabam. Nec-
dum pons recte jacebat, cum exiit
quidam, & me accurrens amplecteba-
tur. Erat autem Charias, unus ex meis
synephebis: &, ô Cnemon, lætum
nuntium tibi affero, inquit: Luit
jam tibi inimica pœnas: Demæneta
morta est. O utinam sis salvus Cha-
ria. cur autem præteris hoc quicquid
est læti nuntii, tanquam quippiam im-
portunum afferens? Expone quæso &
modum. Quam metuo, ne usitato mo-
re sit mortua, & effugerit mortem, qua
digna fuerat. Non omnino deseruit
nos (inquit Charias) justitia, secun-
dum Hesiodi sententiam: sed quamvis
interdum aliquantisper connixerit in
sceleribus hominum, in longum tem-
pus ultionem protrahens, tamen in
ejusmodi nefarios acrem injicit ocu-
lum:

lum: quæ & de conscelerata Demænetæ supplicium sum. osit. neque me quicquam latuit eorū quæ dicta aut facta fuerunt, Thisbe mihi pro consuetudine quæ illi mecum intercedebat, omnia narrante. Cum enim tibi exilium injustum decretum attulisset, pater infelix, horum quæ fecerat pœnitentia ductus, in agrum quendam & solitariam villam sese à consuetudine hominum abduxit, & ibi degebat ætatem, suum animum exedens, ut ait poeta. Illam vero statim furia agitabant, & majore cum furore te absentem amabat, neque luctum intermittebat unquam, quasi tuum casum deplorans, revera autem magis sortem suam: & Cnemon, clamabat noctu ac interdiu, pusio suavissime, animam suam te appellans: ut etiam notæ mulieres illam invisentes, magnopere mirarentur, eamque laudarent, quod non verca materno amore esset prædita, & consolari & confirmare conarentur. Illa vero majus malum esse, quam ut consolatione leniri posset, & alias ignorare, quantus stimulus cor illius premeret, dicebat. Cum vero ad se rediis-

diisset, multis modis Thisben accusabat, quod non commode illi inservivisset: Quam nimium prompta & ad res atroces, inquiens, quæ in amore quidem me non adjuvisti, at ut charissimo privater, dicto citius effecisti, neque spatium mutandi consilii mihi concessisti: & prorsus manifestas dabat significationes, quod esset illi mali aliquid molitura. Illa vero graviter indignantem videns, & omnino mœrore perditam, paratamque ad insidias comparandas, ira simul & amore insanientem, statuit illam antevenire, in fidiis illi structis salutis suæ consulens, & ingressa ad eam, Quid est hoc, ô domina, dicebat, cur frustra accusas famulam tuam? Ego quidem voluntati tuæ, cum antea semper, tum etiam nunc sum obsecuta: quod si aliquid non evenit ex animi sententia, illa sunt fortunæ ascribenda. Atqui & nunc si jubes, in excogitando levamine præsentis mœroris, studium meum tibi non deerit. Quod autem, mea tu, inquit illa, reperiri possit, cum is qui hæc levare potuisset, magno locorum intervallo à nobis disjunctus sit, & me

corum qui judicabant insperata lenitas peremerit? Si enim lapidibus obrutus fuisset, omnino & in me una extincta fuissent & mortua hæc cupiditatis incendia. Cujus enim spes abjecta semel est, tollitur ex animo, & quod non amplius expectatur, efficit ut ad omnem sensum doloris ægri animi occalescant. Nunc videre me illum videor, per errorem præsentem audire arbitror, cum injustas insidias mihi obijciente, ut probrum, colloqui erubesco. Interdum vero & adveniente fruituram esse me existimo, & nonnunquam ipsa ad illum ubi ubi terrarum sit, ire statuo. Hæc me inflammant, hæc ad furorem adigunt. Justa quidem, ô dii patior: cur enim illum non benevolentia complectebam, sed insidiis petebam? cur non supplex fui, sed hostiliter sum persecuta? Non admisit primum, & merito quidem, ut alienam. Cubile patrum reverebatur. Fortassis adductus fuisset, cum tempore tum persuasionibus in leniorem sententiam traductus. Sed ego fera & immanis, quasi non amarem quempiam, sed illi imperarem, crudele facinus, quod

quod imperio non paruisset, & quod Demænetam contempsisset, quālonge forma superabat, perpetravi. Cæterum ô mea Thisbe, quam levationem facilem nominasti? ô domina, inquit, multorum opinione Cnemon ex urbe abiit, & Attica regione iudicio obtemperans excessit. Me vero non latuit, propter te anxie omnia inquirentem, quod hic quodam in loco ante urbem occultaretur. De Arsinoe audisti proculdubio de tibicina scilicet: cū hac consueverat. Post calamitatem recipit eum puella, & promittens se una emigraturam esse, detinet domi suæ absconditum tamdiu, quoad sese compararit. Demæneta autem: O beatam, inquit, Arsinoen, tum propter priorem consuetudinē quæ illi cum Cnemone intercessit: tum propter hoc exilium, quod ipsi cum illo contigit. Sed hæc quid ad nos pertinent? Magnopere, ô domina. Amare me ego Cnemonem simulabo rogaboque Arsinoen jampridem mihi notam ex arte, ut me introducat noctu ad eum, suum in locum. Quod si à me obtinebitur, tuum erit, ut te jam Arsinoen esse putes.

res, & tanquam illa ad eum ingrediaris. Curabo autem id quoque, ut cum aliquantum addiberit, cubitum eat. Si igitur adepta fueris id quod cupis, maxime tū convenit vacare amoris. Multis primo experimento extinctum est cupiditatis incendium. Amoris enim, quo res prosequimur, finis est satietas. Quod si tum quoque manserit, quod absit, secunda erit, ut ajunt, navigatio, & aliud consilium. Interea curemus id quod in præsentia licet. Approbabat hæc, & collaudabat Demæneta : & ut quamprimum aggrederetur ad ea quæ fuerunt constituta, orabat. Illa vero diem unū sibi ad hæc peragenda concedi à domina cum postulasset, Arsinoen quidem conveniens : Teledeum nosti? dicebat. hac vero annuente: Recipe nos, inquit, hodie: pollicitum enim illi hæc noctem. veniet autem prior, at ego subsequar, cum dominam cubitum deduxero. Ad Aristippum autem cum percurrisset in agrum, sic locuta est: Venio ad te here, accusatrix mei ipsius, & statuās in me pœnam arbitrio tuo: filium per me amisisti, non quidem volentem, sed tamen
adju

adjutricem. Cum enim sensissem, dominam haud recte vivere, sed cubili tuo injuriam inferre, tum mihi ipsi metuens, ne si res per alium quempiam deprehensa fuisset, non effugerem malum: tum præcipue tuam vicem dolens, quod cum tanto amore conjugem tuam complectereris, talem tamen ab illa referres gratiam: ipsa tibi nunciare verita, juveni hero indico, quum noctu ad illum venissem, ut nullus scire posset: & dicebam, quod adulter cum domina incestam consuetudinem haberet. At ille (erat enim ab illa, ut scis, antea exacerbatus) putans me tum adulterum intus esse dicere, ira vehementi incitatus, arrepto pugione, me sæpius retinere cupientem, & quod tum nihil tale esset dicentem, parum curans, vel etiam pœnitere indicii, & sententiam mutasse arbitratus, ad thalamum tanquam amens ibat. reliqua jam nosti. Nunc vero tibi licet, ut te de filio, quamvis in exilio degat aetatem, in præsentia purges: & de ea quæ utrumque vestrum injuria affecit, sumas pœnas. Ostendam enim tibi hodie Demænetam cum adultero, in do-

mo (quod vel maxime indignitatem
 auget) aliena, extra urbem, cubantem.
 Si hæc ita demonstraveris, inquit Ari-
 stippus, tibi quidem libertatis pretium
 persolveretur: mihi vero tum forte vi-
 vere libebit, ubi inimicam illam ultus
 fuero. Quamdiu ego jam angor ani-
 mo: nihilominus tamen, etsi rem su-
 spicabar, cum manifesta argumenta,
 quibus convincere possem, non habe-
 rem, quiescebam. Sed quid faciendum
 est? Hortum scis, inquit, ubi est mo-
 numentum Epicureorum? Ibi me sub
 vesperam veniens opperito. Hoc elo-
 cuta, recurrebat: & ad Demænetam
 veniens, Adorna te, inquit: delicatius
 comptam venire decet. Omnia, quæ
 tibi à me promissa fuerunt, parata sunt.
 Illa autem amiciebat sese, & faciebat
 ita quemadmodum jussierat. Postea
 vero quam advenit vespera, secum as-
 sumptam ducebat, ut erat constitu-
 tum. Cumque jam prope accederent,
 eam quidem subsistere paululum jussit:
 ipsa vero antevertens, rogabat Arsi-
 noen, in alteram ut emigraret domun-
 culam, & sibi quietē concederet. Eru-
 bescere enim ajebat adolescentulum,

nuper

nuper Veneriis rebus initiatum. Hac vero sibi persuaderi facile passa, reversa adjungebat sibi Demænetam: & cum introduxisset, deponit in lectum, & candelam aufert (ne scilicet agnosceretur à te, qui id temporis in Ægina versabaris) cumque tacentem implere cupiditatem mandasset: Ego vero ad adolescentem (inquit) abeo, & adducam tibi eum: in vicinia enim hic potat. Porro cum exiisset, Aristippum in eo loco qui commemoratus est, apprehendit, & ut veniens ligaret adulterum, incitabat. Ille autem subsequabatur: & cum accessisset, incurrit in domunculam, lectoque vix ad exiguum lunæ splendorem invento: Habeo te, inquit, ô diis invisâ. Thisbe autem repente hæc illo loquente, fores ut creparent quam maxime potuit impulit: & , ô rem inauditam, effugit nobis adulter, exclamavit. Vide autem here, ne iterum aberres. Ille vero, Esto fidenti animo, inquit, perditam & sceleratam, quam maxime volui, habeo. comprehensamque ducebat in urbem. At illa, omnia quæ circumstabant apud sese expendens, ut est verisimile:

expectationis suæ frustrationem, delictorum ignominiam, pœnam legibus constitutam: tum excrucians sese ob ea in quibus deprehensa fuerat, & indigne patiens quod decepta & delusa esset: cum ad puteum, qui est in Academia, pervenisset, (notus est tibi locus, ubi Heroibus duces more & instituto patrio parentant) repente divulsis senis manibus, in caput se præcipitem dedit. Et illa quidem jacebat mala male. Aristippus autem, Dedisti mihi pœnas etiam ante leges, tum cum dixisset, postridie omnia populo exponebat: & vixdum veniam consecutus, amicos obibat, quibus rationibus reditum tibi impetraret, cum illis consultans. An autem sit peractum aliquid, non possum dicere. Nam ut vides, antequam aliquid fieret, privatae cujusdam necessitatis causa huc navigavi. Verumtamen sperare debes, populum ad tuum reditum consensurum, & patrem ad inquisitionem & reductionem tui venturum esse. Hæc ita mihi Charias nunciavit. Quæ vero deinceps consecuta sunt, & quo modo huc veni, & qua fortuna sum usus,

lon-

longiore indigent cum oratione, tum tempore. & simul collacrymavit. Flebant quoque hospites, prætextu quidem illius calamitatis, reipsa autem quisque suorum casuum memoria: neque desissent à ploratu, nisi quodammodo somnus advolans, præ voluptate fletus lacrymas sedasset. Et hi quidem ita se somno dederunt. Thyamis vero (hoc enim erat nomen præfecto prædonum) cum maxima parte noctis placide quievisset, à quibusdam visis somniorum errantibus deinde perturbatus, repente somno solutus est: & in solvendis illis laborans, invigilabat meditationibus. Quo enim tempore galli canunt, sive (ut ferunt) naturali sensu cōversionis qua sol nobis appropinquat, ad dei salutationem commoti: sive præ caliditate, & motus ac escæ maturioris appetitu, una habitantes sua denunciatione ad operas excitantes: tale quoddam in somnium divinitus illi apparuit. Memphi in urbe sua, templum Isidis ingrediens, visus est sibi videre totum facibus accensis igne resplendescere: repletas vero esse omni genere animantium aras, sanguine

guine redundantes : ingressus vero templi, & circuitum, hominibus, crepitu & tumultu mixto omnia complentibus. Cum vero venisset in intimum templi palatium, deam obviam progressam, tradere sibi in manū Charicliam, ac dicere : Thyami, hanc virginem tuæ commendo fidei : veruntamen habens non habebis, sed iniquus eris, & occides hospitem, nec tamen illa occideretur. Hæc ut vidit, agebatur animo, huc atque illuc id quod erat significatum, quonam modo esset intelligendum, volvens. Postremo jam defessus, ad suam sententiam trahit explicationem : hoc quidem, Habebis, & non habebis, uxorem scilicet, non amplius virginem, arbitrabatur. At id, Occides, hymenem vulnerabis, significare conjectabatur : unde non morituram esse Charicliam. Ac somnum quidem hac ratione interpretabatur, sic illi cupiditate ipsius exponente. Quamprimum autem dies illuxit, præcipuos qui sub ejus potestate fuerant, venire jubebat, & prædam spoliolorum nomine speciose appellans, in medium proferri imperabat : & Cnemonem ad sese

seſe accerſebat, præcipiens ut eos qui in cuſtodia habebantur, una adduceret. Cum autem ducerentur, Quænam excipiet nos fortuna, clamabant: & vehementer Cnemonem orabant, ut ſi qua re poſſet, eos adjuvaret. Ille vero pollicebatur, & ſidenti animo eſſe jubebat, non omnino barbarico ingenio eſſe præfectum affirmans, ſed habere aliquid manſuetudinis & comitatis, utpote illuſtri genere natū, & neceſſitate cogente tale genus vitæ ſecutum. Poſtea vero quam adducti ſunt, & reliqua turba frequens convenit, cum in editiore quodam loco ante alios conſediſſet Thyamis, inſulam autem concioni designaſſet & ea quæ dicturus eſſet, Cnemonem captivis exponere juſſiſſet (intelligebat enim jam Ægyptium ſermonem, Thyamis autem nō exacte noverat Græcum) Commilitones mei (dicebat) animum meum quo ſemper erga vos fuerim, noſtis. Ego enim, ut ſcitis, cum eſſem filius antiſtitis Memphitici, fruſtratus dignitate ſacerdotii, eo quod frater minor natus poſt patris diſceſſum, eam mihi contra leges ademit, cum ad vos confugiſ-

fugissem, ut injuriam ulcisci, & pristinam dignitatem recuperare possem, munere imperandi mihi vestris suffragiis delato, hæctenus vobiscum vitam egi, nihil mihi præ cæteris ex multitudine præcipui tribuens. Sed, seu pecuniæ distribuendæ fuerant, æqualitatem amavi: seu captivi divenditi, summam in medium attuli, judicans ejus qui præclare velit imperare muneris esse, ut ipse plurimas res gerat, partorum cum aliis æqualiter sit particeps. Ex captis vero, viros quidem vobis adjudicabam semper, qui robore corporis usui erant futuri: imbecilliores divendebam. Injuriam autem in mulieres prorsus sum expers, cum ingenuas, aut pecunia redemptas, aut ipsius fortunæ commiseratione adductus dimitterem: inferioris vero conditionis, quas non tam jus belli captivas, quam consuetudo servire cogebat, singulis ad obsequia distribuere. In præsentia vero, unum tantum ex reliquis spoliis peto à vobis, hanc peregrinam virginem. Quam cum possem mihi ipse dare, melius me facturum existimo, si communi consensu vestro accepero. Stultum est

est enim, captivæ vi allata invitis amicis videri aliquid facere conari. Quocirca hoc à vobis peto beneficium, nō gratis, sed ita vos vicissim remunerans ut reliquarum rerum ex præda particeps non sim futurus. Cum enim vulgarem Venerem despiciat propheticum genus, non ad voluptatis usum, sed ad propagationem sobolis hanc mihi adjungere constitui. Ac ipsas causas, quibus sum ad id adductus, vobis recensere volo. Initio mihi bono genere nata esse videtur. Ejus rei conjecturam facio, cum ex his opibus quæ circa illam repertæ sunt, tum quod neutiquam calamitatibus fracta est, sed inde usque ab initio animos contra fortunam attollit. Deinde indolem & ingenium probū & modestum, certis argumentis perspicio. Si enim forma superat omnes, & aspectus verecundia, etiam illam intuentes ad gravitatem quandam invitat, an non egregiam quoque de se existimationem merito relinquet? Quodque omnium eorum quæ dicta sunt, maximum est, sacerdos cujusdam deæ videtur esse. Sacram igitur stolam, & coronas, etiam

tiam in adversa fortuna dimittere, intolerabile & nefas sibi esse ducit. Num quod igitur conjugium, ô vos qui adestis, hoc convenientius esse potest, homine prophetico dicatam deo ducere? Approbarunt omnes, & matrimonium inire bonis avibus jubebant. At ille iterato sermone: Vobis quidem, inquit, habeo gratiam: cæterum convenienter præsentî instituto fecerimus, si quæ sit puellæ hac de re sententia, cognoverimus. Si enim imperii lege utendum fuisset, prorsus mihi velle suffecisset. Quibus enim vi cogere licet, percontari supervacaneum est. Verum, cum nunc de legitimo agatur conjugio, utriusque voluntatem congruere necesse est. & cum convertisset sermonem: Quo igitur animo accipis id, ô virgo, quod de habitando nobiscum proponitur? interrogabat: & simul, quinam essent, & à quibus oriundi, dicere jubebat. At illa, cum longo tempore vultu humi defixo stetisset, subinde caput commovens, orationem quandâ præmeditari videbatur. Tandem Thyamidem contuita, & plus quam antea pulchritudinæ tanquam ful-

fulgore quodam obruens (rubore enim magis quam solebant, præ intentione cogitationis illi genæ suffusæ fuerant, & oculi quodam modo vehementius & acrius sese intenderant) interpretante Cnemone. Conveniebat (inquit) potius fratri huic meo Theageni oratio. Decere enim puto mulierem silentium, virum vero responsionem inter viros. Cum vero mihi dicendi potestatem feceritis, & hoc primum humanitatis indicium exhibeatis, ut suadendo potius quam vi id quod æquum est obtinere conemini, maxime cum omnia quæ sunt dicta in me potissimum dirigantur: egredi cogor ex his legibus quas mihi ipsi præscripsi, quæque virginum sunt propriæ: & ad interrogationem victoris respondere, in tanta tot virorum frequentia. Igitur nostræ rationes sic se habent. Nazione Iones sumus, Ephesi in illustri familia nati. Cum autem pubertatis annos ingressi essemus, legales ad sacerdotii munus vocante, ego Dianæ, frater autem hic meus Apollinis designatus est sacerdos. Cæterum cum sit annuus honor, & tem-

pus impleretur, profecti sumus in Delum cum sacro apparatu, ibi muscos & gymnicos ludos exhibituri, & sacerdotium more & instituto majorum deposituri. Quamobrem navis onerabatur auro, & argento, & vestibus, & aliis rebus necessariis, quantum ad ludorum apparatus & epulas populo publice instruendas satis esse videbatur. Solvebamus igitur ex portu, cum parentes tum ob ætatem provectionem, tum ob metum navigationis & iactationis in mari domi mansissent: porro alii cives, magna frequentia, pars eandem navim conscendissent, pars suis navigiis uterentur. Postquam autem maxima pars navigationis confecta est, improvise tempestas orta, & ventus vehemens, turbinesque mixti, & presteres mare concitantes, navem à proposito cursu abripiunt: cum gubernator magnitudine mali superatus remisisset, & tempestatis violentia ex holcade excessisset, fortunæque gubernationem permisisset. Ferebamus igitur continuo venti flatu dies septem, & noctes totidem. Ad extremum in litrus ejecti sumus, quo in loco

co nos cepistis , atque etiam magnam
 conspexistis stragem. Ubi cum nautæ
 super convivium , quod propter salu-
 tē quæ nobis contigerat agitabamus,
 nos aggressi essent, & propter pecu-
 niam interimere statuissent , non sine
 jactura omnium amicorum ac neces-
 sariorum, & illorum pariter interne-
 cione cædentium & cadentium , soli
 victoriam obtinuimus, & servati su-
 mus (quod utinam non accidisset) mi-
 serabiles reliquæ. Quod cum ita sit,
 hoc nomine tamen in adversa fortuna
 felices sumus, quod in manus vestras
 deus aliquis nos adduxit: & quod iis
 qui mortem metuebant, de conjugio
 deliberandi facultas est data. quod
 neutiquam recusare volo. Nam cum
 captivam victoris thalamo dignam
 judicari, omnem superet felicitatem:
 tum diis dicatam, antistitis filio, pau-
 lo post etiam annuente deo antistiti
 cohabitare, omnino singulari provi-
 dentia divina vacare non videtur. U-
 num tantum ut mihi largiaris, Thy-
 mi, à te peto. Permite me primum
 cum in civitatem venero, vel eo ubi
 ara Apollini aut templum dicatum sit,

sacerdotium & ejus indicia deponere. Commodius quidem esset Memphi, cum recuperares antistitii dignitatem. Eo enim pacto eveniret, ut nuptiæ cū victoria conjunctæ, & post res bene gestas celebratæ, essent hilariores. Veruntamen an id prius fieri debeat, tuo relinquo arbitrio: tantum à me patrii ritus ante perficiantur. Scio autem te assensurum esse, qui & à puero, ut ais, sacris rebus sis destinatus, & graviter ac pie de diis sentias. Illa quidem post hæc dicendi finem, lacrymarum vero fecit initium. At omnes alii qui aderant, collaudare, & sic facere jubere, & se paratos esse ad omnia exequenda, clamore promittere. Approbabat & Thyamis, partim volens, partim invitus. Nam præ cupiditate qua incendebatur erga Charicliam, etiam illam horam qua hæc gerebantur, infinitum esse tempus dilationis ducebat. Rursus autem illius oratione, tanquam alicujus Syrenis cantu demulcebatur, & ad assensionem impellebatur: simul etiam aliquid ad somnium referebat, Memphi nuptias celebratum iri credens. Solvit deinde concionem, initio præ-

præda distributo, multa ipse præcipuis ex rebus, sponte illi concedentibus aliis, auferens. Porro mandat in decimum diem paratos esse, tanquã Memphim iter habituros. Græcis autem idẽ quod antea tabernaculum attribuebat. Ac aderat una in eodem tabernaculo Cnemon, jussu Thyamidis, non amplius ut custodiæ, sed colloquii causa adhibitus: & cibum lautiozem quam quo ipse utebatur, præbebat Thyamis: atque etiam Theagenem, sororis reverentia, ejusdem victus participem faciebat. Ipsam vero Charicliam, ne aspicere quidem sæpius constituerat, ne aspectus inflammaret vehemens desiderium, quod illum excruciat, atque ita aliquid contra ea quæ communi consensu decreta fuerant, quæque jam sunt commemorata, facere cogeretur. Thyamis igitur has ob causas aspectum virginis defugiebat: haudquam possibile esse, ut simul aspicere quis, & intra temperantiæ metas continere se possit, existimans. Cnemon autem, postquam omnes celerrime dilapsi sunt, alius aliud in lacu latibulum subeuntes; herbam quam pridie

Theageni promiserat, quæsitum ibat aliquantum à lacu. Sub hoc tempus vacationem nactus Theagenes, flebat & ejulabat: cum Chariclia quidem nihil omnino loquens, cæterum sine intermissione deos contestans. Hac vero quærente, nunquid solito more communem tantum fortunam deploraret, an etiam novi aliquid illi accidisset? Quid autem, inquit Theagenes, tam novum aut magis contra fas fieri possit, quam cum iusiurandum & pacta violantur? Chariclia vero mei oblita est, & alienum approbat conjugium. Dii meliora, inquit virgo: neque mihi sis calamitatibus meis gravior: neque, cum multis argumentis, rebus ipsis comprobatis, quo sim animo erga te, antea sis expertus, ex sermone ad tempus accommodato, & in aliquem usum prolato, de me quippiam suspiceris: nisi contrarium potius eveniat, & tu facilius sententiam mutes, quam me de sententia discessisse comperias. Ego enim non defugio, neque deprecor calamitatem: verum ut non caste moderateque vivam, nihil est tam violentum quo pertrahi possim. In uno
me

me tantum scio mihi moderatam non esse, nimirum in amore quo te ab initio complexa sum: veruntamen hoc quoque legitimo & honesto. Non enim tanquam amatori obtemperans, sed veluti cum viro principio pacta, tradidi me tibi, & ad hoc usque tempus caste consuetudinis expertem asservavi, sæpius tentantem repellens: & conjugii, quod à primo inter nos est constitutum, & jurejurando post omnia stabilitum, occasionem sicubi legitime contrahi posset, circumspiciēs. Porro considera quam sis ineptus, si me barbarum Græco, prædonem ei quem amo, anteferre putes. Quid autem sibi volebant illa, quæ in præclara illa concione sunt à te recitata? inquit Theagenes. Nam quod me fratrem tuum esse finxisti, perquam sapiens inventum est, & procul Thyamim abducens à zelotypia nostri amoris, atque efficiens ut nobis una esse tuto liceat. Intelligebam quorsum tenderent & illa, quæ de Ionia, & de errore circa Delum dicebantur. erant enim verarum rerum involucria, & revera audientes in errorem inducentia. Cæ-

terum tam prompte conjugium approbare, & pacisci palam, & tempus præscribere, hæc quid significarent, conicere nec poteram, nec volebam. Optabam autem, ut hiatu terræ absorberer potius, quam talem laborum propter te susceptorum, & spei exitum aspicerem. Chariclia Theagenem amplexa, & sexcentis modis exosculata, & profusis lacrymis humectans: Quam suaviter, inquit, accipio has formidines, quas mea causa sustines. Hinc enim declaras, quod non labascas in amore erga me, quamvis multis calamitatibus incumbentibus. Cæterum certo scito Theagenes, quod neque in præsentia nobiscum sermones contullemus, nisi hæc ita promissa fuissent. Vim enim vehementis cupiditatis tergiversatio contratio nixu intendit: oratio vero cedens, & ad motum voluntatis apposita, primum ardentemque impetum sedavit, & concitatam appetitionem suavitate pollicitationis consopivit. Primo siquidem conatu qui agrestius amant, in promissionem efflagitandam sibi incumbendum esse existimant, & se potiri post promissa

missa putantes, tranquilliori sunt animo, in spe vacillantes. Quæ ego quoque prospiciens, sermone me in illius potestatem tradidi: iis quæ deinceps consecutura sunt, diis commendatis, & Genio, qui initio amoris nostri tutelam fortitus est. Multum sæpe intermissus dies unus aut alter momenti ad salutem attulit, & prosperos casus præbuit, quod nullis consiliis homines consequi potuissent. Quocirca ego ipsa etiam hoc tempore id consilii cæteris prætuli, certa incertis discutiens. Caute igitur est, suavissime, tanquam lucta hoc figmento utendum, & silentio occultandum, non tantum apud alios, verum etiam apud Cnemonem. Tamen si enim rationibus nostris favet, & Græcus est: tamen captivus in præsentia, & victori, si ita res ferat, plus gratificaturus. Nam neque amicitiae tempus, neque jus cognationis, satis certum pignus nobis illius erga nos fidei exhibet. Quamobrem etiam si aliqua suspicione attigerit aliquando res nostras, initio negandum est. Pulchrum est enim mendacium, cum auctori commodat, & audienti non

nocet. Hæc & multa alia in eam sententiam Chariclia optime suggerente, Cnemon incurrit nimium festinans, & magnam perturbationem vultu declarans, & O Theagenes, herbam tibi affero, dicebat, quam apponens curato vulnera. Cæterum oportet ad alia vulnera & mutuas cædes paratos esse. Hoc vero petente, ut quæ dixisset, uberius & planius exponeret: Ratio temporis non fert, inquit, ut nunc audias. Metuendum est enim, ne verba rebus antevertantur. Verum sequere ocyus, sequatur autem una & Chariclia. & assumptū utrumque ducebat ad Thyamidem. Cum autem illum galeam polientem, & acuentem hastam deprehendisset: Tempestive, inquit, versaris circa arma: sed & ipsa ea indue, & idem ut alii faciant impera. Multitudo enim hostium tanta, quanta nunquam antea, nobis imminet: & jam exiguo intervallo distat, ut ex proximo colle erectus eam conspexerim: eoque adventum nuncians, festinato accurram, nihil de celeritate remittens. Quin etiam dum transmitterem, quibus quivi denunciavi, ut sese appararent. Sustulit

stulit sese his auditis Thyamis, & ubi esset Chariclia quærebat: tanquam illi magis metuens, quam sibi. Quam ubi proxime limen stantem, ut se represlerat, ostendit Cnemon: Tu quidem hanc duc in antrum, ubi etiam thesauri nostri tuto asservantur, soli, nemine arbitro, dicebat, illa autem demissa, charissime, & ori operculo ut solet fieri imposito, redi celerrime: nobis bellum erit curæ. Scutiferum autem victimam adducere jubebat, ut sacrificio diis præsidibus facto, prælium inirent. Cnemon itaque imperata exquebatur, & Charicliam varie lamentantem, identidemque ad Theagenem sese convertentem, ducebat, postremo in antrum immisit. Hoc autem non erat naturæ opus, qualia multa in terra & sub terra fornicata existunt: sed artis prædonum, naturam imitantis, & manuum Ægyptiarum fossio ad custodienda spolia affabre excavata. Erat autem factum tali quodammodo. Os illius angustum fuit, conclavis cujusdam abditi foribus subjectum, ut limen altera janua in descensu fieret, cum necessitas postularet. Incidebat
autem

autem facile, & aperiebatur: reliqua pars inde in obliquos cuniculos varie & promiscue secta. Siquidem interiores meatus & sulci, alicubi separatim magna arte errantes, alicubi in sese incidentes, & radicum in morem implicati, ad unam planiciem in fundo confluentes, coalescebant: quo & lumen exiguum quadam rima à summitate lacus incidebat. Eo cum demississet Charicliam Cnemon, peritia loci deductam, & quum aliis multis modis confirmasset, tum quod ad illam cum Theagene sub vesperam venturus esset, promississet, (neque enim se illi permissurum esse, ut cum hostibus manus conserat, sed illum effugiturum esse prælium) nihil prolocutâ, sed malo veluti morte ictam, & tanquam anima Theagene privatam, spiritu & voce linquentem relinquens, egressus est ex antro: & limine clauso aliquantum illacrymans, tum propter necessitatem sibi impositam, tum propter illius fortunam, quod propemodum vivam defodisset: & latissimum inter mortales nomen Charicliæ nocti & caligini tradidisset, recurrit ad Thyamidem.

midem. Quem deprehendit studio pugnandi ardentem, & una cum Theagene egregie armatum, & eos qui circa illum congregati fuerant, propemodum ad rabiem oratione incitantem. Stans enim in medio, dicebat. Commilitones, non video quid attineat vos pluribus hortari, qui admonitione nulla indigeatis, sed vitam præcipuam bellum semper ducatis, præsertim inopinato hostium adventu verborum prolixitatem præcidente. Cum enim jam hostes re ipsa vim inferant, eam non iisdem rationibus à nobis propulsare, prorsus est eorum qui consilio rei conuenienti destituantur. Scientes igitur, quod nō de uxoribus, neque de liberis agatur (quod vel solum plerisque ad excitandos animos ad prælium suffecit: tametsi & hæc minoris momenti, & alia quæcunque victores manent, si vicerimus, habere licebit) sed de vita & animabus nostris (neque enim unquam pactis bellum inter prædones compositum est, neque fœderibus finitum: sed aut superstites esse victores, aut mori victos necesse est) ita cum inimicissimis,

animo

animo & corpore incitati concurramus. Hæc locutus, scutiferum circumspiciebat, & nomine sæpius Thermutim vocabat. Cum vero nusquam adesset, vehementer minatus, ad tractum cursu contendit. Jam enim prælium commissum fuerat: & licuit videre etiam è longinquo, eos qui extremas partes lacus, & aditum ipsum incolebant, jam venire in hostium potestatem. Nam ii qui advenerant, cadentium, vel fuga sibi consulentium naves & tuguria succenderant: à quibus flamma in vicinam paludem projecta, & arundinem, cujus magna vis in ea erat, acervatim vorante, ingens quidam & intolerabilis splendor ab igne redditus in oculos, in aures autem fragor & strepitus incurrebat, & omnis belli species ciebatur ac exaudiebatur, indigenis omni contentione & robore prælium sustinentibus: illis vero multitudine & improvise accessu longe superantibus, & quosdam in terra cædentibus, quosdam in lacu una cum ipsis navigiis, atque etiam domunculis deprimentibus. Ex quibus omnibus sonitus quidam conflatus in
 ærem

aërem ferebatur, cum pedestri prælio
 & navali decernerent, caderent & ca-
 derent, sanguine lacum cruentarent,
 igni & aqua implicarentur. Quæ cum
 vidit & audivit Thyamis, somnium
 illi in mentem venit, quod si viderat,
 & totum templum facibus & victimis
 refertum. atque illa esse hæc, quæ
 nunc viderentur, animadvertēbat: &
 ex somni visione contrariam priori
 colligebat sententiam; quod habens
 non habiturus esset Charicliam, utpo-
 te bello ereptam: & quod interfectu-
 rus esset, & non vulneraturus: gladio
 scilicet, & non venerea lege. Denique
 cum deam ut fraudulentam conviciis
 onerasset, indignum ratus aliquem
 alium Chariclia potiri, suis aliquanti-
 sper se continere jussis, ac si in loco ma-
 nentibus præliandum esset, furtim cir-
 ca insulam pugnando, & occultis eru-
 ptionibus ex paludibus in circuitu fa-
 ciendis: sufficere enim vel sic multi-
 tudini hostium resistere. Ipse tanquam
 Thermutim inquisiturus, & diis pe-
 natibus vota nuncupaturus, nulli ut il-
 lum sequeretur permittens, ad domun-
 culam revertēbatur. Haud facile au-
 tem

tē inde, quo semel contendit, revocari,
 aut deflecti potest barbaricum inge-
 niū: & si salutis suæ desperaverint, prius
 tollere consueverunt quoscunque cha-
 ros habent: barbari, aut secum una esse
 velle, etiā post mortem oberrantes, aut
 à vi hostium & injuria vindicari. Ean-
 dem ob causam & Thyamis omnium
 quæ erant præ manibus oblitus, præ-
 cipue cū veluti retribus, hostium copiis
 circumdatus esset: amore vero, zelo-
 typia & ira furens, cum ad antrū con-
 tento cursu venisset, desiliens, altaque
 voce inclamans, & Ægyptiace multa
 proferens, ut circa os ipsum offendit
 quandam, quæ illum Græce alloqueba-
 tur, ex voce ad illam deductus, injicit
 capiti sinistram manum, & pectus ju-
 xta mammam gladio trajicit. Atque
 hæc quidem hoc tam tristi modo jace-
 bat, miserabili & ultimo ejulatu edi-
 to. Ille autem cum excurrisset, & li-
 men clausisset, tumulumque aliquan-
 tum accumulasset, cum lacrymis, &
 his verbis, Hæc tibi à nobis sponsalia
 dona dantur: ad navigia perveniens,
 alios quidem fugam adornare depre-
 hendit, cum jam hostes ex propin-
 quo

quo conspicerentur, Thermutim vero venire, & sacrificium inchoare. Et hoc quidē cum conviciis objurgato, quod à se jam ante pulcherrimū sacrificium factū esset, conscendit ipse cum Thermuthi, & tertio remige. Neque enim plures ferre possunt navigia, quibus in lacubus navigantur, ex ligno tantummodo & trunco uno crasso agrestius excavata. Solvit simul & Theagenes cum Cnemone in altero navigio, eadē ratione alius in alia cymba, atque ita deinceps reliqui omnes. Postquam autem profecti sunt non procul ab insula, circumnavigantes potius quam in altum navigantes: cohibuerunt remigium, & navigia instruebant in fronte, tanquam hostium impetum ex adverso excepturi. Deinde appropinquantes tantummodo, neque undarum impetū sustinentes, reliqui omnes simulatque viderunt hostes, illico fugiebant, ut ne primum quidem clamorem & strepitū belli pertulerint. Discedebant quoque sensim ex pugna Theagenes & Cnemone, non ob metū precipue terga dantes, Solus Thyamis fugere sibi indignū fortasse ratus, præterea Charicliæ ne

superstes quidē esse volens, immisit se-
 se in confertos hostes. Cumque jã ven-
 tum esset ad manus, exclamavit quidã:
 Hic est ille Thyamis, intentus sit in eū
 quilibet. Itaque repente in orbem con-
 versis navigiis, conclusum eum tene-
 bant in medio. At illo strenue dimi-
 cante, & alios vulnerante, alios interfi-
 ciente, dignum erat admiratione id
 quod deinceps fiebat. Nemo enim tan-
 to ex numero gladiū vel dejiciebat, vel
 educebat, sed quilibet omni studio an-
 nitebatur ut vivum capere posset. Ille
 autem diu admodum repugnabat: sed
 tandem privatur hasta, cum simul eum
 plures obruissent. Amittit & armige-
 rum, qui præclare quidem illum adju-
 verat: sed letali vulnere, ut videbatur,
 faucius, desperata salute in lacum sese
 immisit, difficulterque in paludē ena-
 vit. quandoquidem nemini, ut illum
 persequeretur, in mentē veniebat. Jam
 enim Thyamidem ceperant: & eo ca-
 pto, totā victoriam se adeptos esse ar-
 bitrabantur. Cumque tot sociis orbatī
 essent, magis tamen cum istum unum,
 à quo interfecti fuerant, stiparent, læ-
 tabantur, quā cognatos amissos luge-
 bant.

bant. Sic omnino prædonibus, animabus ipsis pecuniæ majore precio æstimantur, & amicitiae nomen ac necessitudinis ad unū lucri finem destinatur. Quod & istis accidit. Erant enim ii, qui antea metū Thyamidis, & ejus comitum, ad Heracleoticum ostium fugam fecerant. Indignantes igitur, quod alienis rebus privati essent, & adeplorū spoliolum jacturam non secus ac propriarum facultatum iniquo ferentes animo, tum iis qui domi fuerant collectis, tum vicinis pagis convocatis: ad parem & æqualem sortem eorum quæ accepturi essent, expeditionis fuerunt duces & signiferi. Thyamidem autem ea de causa capiebant: Petosiris illi Memphi frater erat. Hic insidiis sacerdotum antistitiū contra morem & institutum patrium Thyamidi cum eripuisset (erat enim minor natu) & majorem natu fratrem prædonum ducem esse audiret, metuens ne occasionem nactus adveniret aliquando, neve tempus ipsum insidias à se factas patefaceret, adhuc sentiens multorū de se suspicionem, existimantium quod ille sustulisset Thyamidem, ut qui nusquā

compareret: missis nunciis in prædonum pagos, pecuniæ magnam vim & pecudum, proposuit præmium iis qui vivum illū adduxissent. Quibus illecti latrones, neque in ipso fervore belli memoria lucri amissa, postquam quidā eum agnovit, multorum morte vivum adepti sunt. Et hunc quidem in terram ablegant, dimidia parte ad illius custodiam adhibita, multifariam illis lenitatem qua videbantur esse usi, obicientem, ut probrum & vincula gravius ac molestius ferentem quam mortem. Reliqui vero ad insulam versi sunt, ea spe quod thesauros quos quærebant, illic essent inventuri. Sed ubi totā percurrerunt, neque ullam partem intactam aut inexploratam reliquerunt, nihil eorum quibus spe jam atque animo incubabant, adepti, parvis quibusdam exceptis, si quid forte circa antrum, dum reliqua conderentur, sub terram relictum fuerat: igne tabernaculis injecto, vespera jam adventante, & prohibente illos in insula diutius manere, metuentes ne insidias eorum qui effugerant ex prælio, viderent, ad suos reversi sunt.

HELIODORI

ÆTHIOPICORUM

LIBER SECUNDUS.

Ac insula quidem sic igni atque incendio vastabatur: Theagenem autem & Cnemem, quamdiu sol erat supra terram, malum latebat. ignis enim species de die attenuatur, radiis diei illustrata. Postea vero quam occubuit, noctemque reduxit, & ignis non impedito splendore recuperato, procul apparebat, ipsi ex palude nocte confidentes sese erexerunt, insulamque prorsus jam flamma comprehensam animadverterunt. Tum vero Theagenes caput feriens, ac vellens crines: Valeat, inquit, jam vita hodie, terminentur ac dissolvantur omnia, metus, pericula, curæ, spes, amores: interit Chariclia, perit Theagenes. Nequicquam ego infelix timidus fui, & fugam viro indignam capessere in-

animum induxi, tibi me suavium ser-
 vans. Enimvero non amplius ero su-
 perstes, charissima, te jacente præter
 naturæ communem legem, quod est
 omnium gravissimum: & præter opi-
 nionem tuam, haud sane in iis mani-
 bus, in quibus volebas, vitam relin-
 quente. Igni, heu me miserum, con-
 sumpta es, cum tibi faces hujusmodi
 numen pro nuptialibus facibus accen-
 disse. Consumpta est præcipua inter
 homines forma, ut neque reliquæ nõ
 fucatae pulchritudinis in corpore mor-
 tuo remanserint. O crudelitatem sin-
 gularem, & infandam numinis acer-
 bitatem. Erepta est mihi facultas su-
 premi complexus: ultimis osculis &
 exanimibus orbatus sum. Hæc dicen-
 ti, & gladium circumspicienti, subito
 Cnemon manum repulit, & Quid si-
 bi volunt hæc Theagenes, dicebat?
 quid luges eam quæ vivit? est Chari-
 clia, & quidem salva: esto fidenti ani-
 mo. Cum autem hic, Amentibus ista
 & pueris, Cnemon, dixisset: perdidisti
 me, qui mihi quoque dulcissimam
 mortem eripueris: jurabat Cnemon,
 & omnia dicebat, mandatum Thy-
 mis,

mis, antrum, quo pacto ipse demississet, quæ sit antri natura, quod nihil omnino sit metuendum ne in profunditatem ignis perveniat, ab sexcentis anfractibus fractus & repulsus. Respiravit ad hæc Theagenes, & ad insulam properabat, jamque veluti præsentem animo circumspiciebat, & cubiculum sibi antrum fingebat, luctus in quibus ibi erat futurus, ignorans. Provehebantur igitur summo ardore, ipsi remigum officio fungentes. Portitor enim ipsorum in primo conflictu, clamore sublato, tanquam pertica quadam excussus fuerat. Huc igitur atque illuc de recto cursu deferebantur, tum quod inscitia non pariter, nec æqualibus intervallis remigabant: tum quod ex adverso ventus incidebat. Veruntamen vincebat inscitiam promptitudo animi. Cum igitur difficulter & multo cum sudore ad insulam appulissent, quanta potuerunt celeritate ad tabernacula cucurrerunt. Et hæc quidem jam conflagrasseprehendunt, & ex loco tantum cognosci: lapidem vero, qui limen fuerat, regmentumque antri, eminere & conspici. Ventus enim

vehemens tuguriis illatus, cum ea ut-
pote de tenui arundine, atque hac ip-
sa palustri texta, sufflando igne in tran-
situ combussisset, propemodum plani-
ciem subjectam ostendebat, flamma
quidem acriter ematcescente, & in
cinerem resoluta: cinere vero plurimo
quidem impetu venti vehementis ab-
lato, reliquo autem qui manserat pau-
co admodum, flatu extincto, & ad
transitum præbendum arefacto. Faci-
bus igitur semiustis inventis, & reli-
quiis arundinis incensis, ingressu an-
tri aperto, Cnemone duce decurrebāt.
Postquam autem paululum processer-
unt, repente exclamavit Cnemon, O
Jupiter, quid hoc rei est? perimus,
interfecta est Chariclia: tum facem in
terram dejectam extinxit, & manibus
oculis applicatis in genua collapsus lu-
gebat. Theagenes autem, tanquam
aliqua vi protrudente ad corpus jacen-
tis delapsus, diu illud immotus tene-
bat, & adhærebat undiquaque ample-
ctens. Cnemon itaque cum omnino
dolori illum succubuisse & in calami-
tatem incisum esse intellexisset, me-
tueretque ne sibi aliquid mali consci-
sceret,

fceret, gladium illi clam aufert ex vagina quæ sub latere pendebat: & solo relicto, excurrit tanquam faces accensurus. Interea tragice & lugubriter fremens Theagenes, O dolorem, inquit, intolerabilem, & calamitatem divinitus immissam: quænam usque adeo infatiabilis Erynnis, in nostram perniciem ira percita fuit, quæ exilium à patria imposuit, periculis in mari, periculis piraticis objecit, prædonibus multoties tradidit, facultates à nobis alienavit? Unum erat pro omnibus relictum solatium, sed & hoc ereptum est. Jacet Charicia, & hostili manu charissima perempta est: haud dubie pudicitiam propugnans, & mihi se aservans. Nihilominus tamen jacet infelix, neque ipsa quenquam ex forma fructum cepit, neque mihi ulli usui fuit. Cæterum ô suavium, alloquere me jam ultimo, solito more: manda quippiam, si quid adhuc spiras. Heu me miserum, taces. fatidicum illud & divino lepore præditum os silentium premit, caligo facis gestatricem, ac chaos ex sacratio deorum ministram occupavit. Oculi vero lumine carent,

qui omnes pulchritudine illustrabant, quos non vidit interfector, certo scio. Cæterum quote nomine quispiam appelleret? sponsæne? at desponsata non es. An porro nuptæ? enimvero expers es conjugii. Quem igitur appellabo? quem postremo alloquar? an omnium suavissimum nomē Charicliæ? O Chariclia, adesto animo, fidum habes amatorem, haud ita multo post me recuperabis. Jam enim tibi inferias peragam mea ipsius cæde, & libabo tibi sanguine amico meo, continebitque nos rude sepulchrum hoc antrum. Licebit autem nobis utique inutua frui consuetudine post mortem, etiam si vivis à deo concessum non est. Quod simulatque elocutus est, illico manum injecit tanquam extracturus gladium. Cum autem non invenisset, ô Cnemon, exclamavit, quam me perdidisti. atque etiam prius injuria affecisti Charicliam, suavissima consuetudine iterum jam privatam. Hæc illo dicente, ex meatibus antri vocis quidam sonus exaudiebatur, Theagenes, vocantis. Ille autem nihil territus audivit, & Veniam charissima animâ, dicebat.

Mani.

Manifestum præbes argumentum, te adhuc supra terram ferri: partim quod à tali corpore, ex quo per vim expulsa es, discedere sine molestia non possis: partim quod, quia sepulta non es, fortassis ab infernalibus umbris arcearis. Et cum interim supervenisset Cnemō facibus accensis, idem sonus iterum exaudiebatur, Theagenem appellans. Cnemon igitur exclamans: Dii boni, an non (inquit) Charicliæ vox est? Omnino existimo illam servatam esse, Theagenes. Siquidem ex intima antri parte, quo loco scio me illam reliquisse, vox ferit meas aures. Non defines, inquit Theagenes, me toties frustrari ac decipere? Atqui decipio te, dixit Cnemon, ac vicissim ipse decipior, si hanc quæ jacet Charicliam esse compererimus. extemploque jacentem obvertebat in faciem. quam ut vidit, Quid hoc est portentum, ô dii prodigiorum authores! exclamat. Thisbes facies apparet: retulitque pedem, ac tremens immotus cum quodam stupore stetit. Theagenes autem jam inde collecto spiritu, & in bonam spem animo converso, tum revocabat Cne-

mo-

monem, quem jam deficiebat animus :
 tum ut quamprimum ad Charicliam
 duceret, orabat. Parvo autem spacio
 intermisso, cum ad sese rediit Cne-
 mon, iterum jacentem circumspicie-
 bat. Erat autem revera Thisbe. Nam
 & gladium qui prope exciderat, ex
 ansa agnoscebat esse Thyamis, quem
 ille juxta cædem præ ira & festinatio-
 ne in ipso vulnere reliquerat. Denique
 tabella quadam eminente supra pectus,
 sub axilla sublata, volebat quid esset in
 ea scriptum legere : sed non sinebat
 Theagenes, sine intermissione incum-
 bens, & Charissimam (dicens) prius
 excipiamus : nisi nunc etiam nos deus
 quispiam ludificabitur : hæc autem
 vel postea licebit cognoscere. Acquie-
 vit Cnemon, atque ita accepta tabula
 gladioque sublato, ad Charicliam fe-
 stinabat : quæ manibus ac pedibus ad
 lumen reptans, & accurrens ad Thea-
 genem, ex illius collo pendeat. Ac
 illa quidem, Redditus es mihi, Thea-
 genes? hic autem, Vivis mihi Chari-
 clia? sæpius dicebant. postremo in so-
 lum subito labuntur, & mutuis ample-
 xibus cohærebant, nullam vocem
 præter

præter mugitum quendam edentes: parūque aberat quin exanimarentur. Sæpius enim nimia lætitia in mœrorem evasit, & immodica voluptas dolorem genuit, à nobis ipsis accersitum. Quemadmodum & ii præter spem atque opinionem servati periclitabantur: donec tandem Cnemon scaturiginem quandam repurgans, cum confluentem illico aquulam cavis manibus hausisset, faciem illorum consperfit, & nares subinde attrectans, ut ad sese redirent, effecit. Illi autem, cum familiariter impliciti essent, & jacere se deprehendissent, repente erecti, erubescabant propter Cnemonem (ac Chariclia præcipue) qui horum spectator fuerat: & ut veniam illis daret, orabant. Qui leniter arridens, & ad hilaritatem illis animum relaxans: Hæc, inquit, etiam laudem merentur, me iudice, & quovis alio, qui cum amore ante luctatus, suaviter in pugna succubuit, & ejus casus inevitabiles moderate cognovit. Verum illa Theagenes neutiquam laudare potui, quorum etiam me revera pudebat, quum viderem te peregrinam, & nullo vin-

culo

culonecessitudinis conjunctam mulierem, circumfusus lugere turpiter, præsertim me superesse & vivere charissimam asseverante. Theagenes autem, Ne, inquit, me Cnemon apud Charicliam traducas, quam ego in alieno corpore lugebam, hanc esse illam quæ jacebat existimans. Verum quoniam errorem in illa re fuisse benevolentia quædam numinis apertissime ostendit, tuum jam est egregiam illam animi fortitudinem in memoriam revocare, qua meam sortem prior deplorabas, & inopinatam jacentis agnitionem, perinde atque in scena dæmonas productos, refugiebas, armatus & gladio instructus mulierem, atque eam mortuam pertimescens, strenuus & Atticus bellator. Leviter adhæc arriserunt, & quasi coacti, neque sine lacrymis: ut in tali calamitate, magis luctu & lacrymis occupati. Igitur cum paululum spatii intermiseret Chariclia, genam sub aуре scalpens: Beatam quidem, inquit, judico, quam Theagenes luxit, aut etiam osculatus est, ut ait Cnemon, quæcunque tandem illa sit. Veruntamen, nisi me amo-

re angi & morderi suspicabimini, quænam fuerit illa fœlix, & lacrymis digna Theageneis, & quo errore ignotam tanquam me osculatus sis, cupe-rem, si forte scis, ex te discere. Miraberis, inquit. Thisbe enim Cnemon hic dicit esse, Atheniensem illam fidicinam, insidiarum erga se & Demænetam architectatricem. Chariclia autem perterrefacta, &, Quomodo consentaneum esset, Cnemon, dicente, ex media Græcia ad extremos Ægypti fines tanquam ex composito esse transmissam? aut qui fieri potuerit, ut nos huc descendentes lateret? De his non habeo quod dicam, respondit ipse Cnemon. Cæterum quæ de illa comperi, sunt ejusmodi. Postquam enim Demæneta dolo circumventa in puteum se præcipitavit, & pater retulit ad populum de eo quod factum fuerat: initio quidem veniam est consecutus, & in eo, ut mihi reditum impetrare posset apud populum, & ad inquisitionem mei navigaret, erat occupatus. Thisbe autem ex illius occupatione vacationem sibi faciebat, & in conviviis secure tum se, tum artem suam pro-

prostituebat. Cum autem aliquando gratia superasset Arsinoën, remissum quid fistula canentem, ipsa celeriter fides pulsans, & concinne ac suaviter citharæ accinens, non animadvertit se sibi apud illam conflasse meretriciam invidiam & æmulationem, conjunctam cum indignatione singulari: præcipue cum eam quidā mercator Naukratites, cognomento Nauficles, amplecteretur: Arsinoe, cum qua primū consueverat, contempta, ea de causa quod illi intumescere genas inter canendum videbat, & vehementer inflādo præter decorem ad nares exurgere, oculis incensis, ac sua sede excedentibus. Quamobrem tumens ira, & ardens æmulatione Arsinoe, cognatos Demænetæ accedens, insidias illi à Thisbe factas exposuit: quædam ipsa per se suspicata, quædam ita quemadmodum illi Thisbe societate conjuncta dixerat, recensens. Cum igitur coivissent in damnationem patris mei, necessarii Demænetæ, & eloquentissimos quosque oratores, ad accusandum, magna pecunia conductos produxissent, in judicatam & non

con-

convictam periisse Demænetam clamabant, & adulterium ad prætextum cædis compositum fuisse narrabant, & ut exhiberet adulterum seu vivum seu mortuum postulabant: denique nomen saltem proferre jubebant: ad extremum, Thisben in quæstionem postulabant. Cum autem pollicitus pater, non posset illam in quæstionem ferre: prospexerat enim illa, cum primum judicium cogeretur, & (sic enim illi erat cum mercatore constitutum) fuga sibi consuluerat: populus inique ferens, interfectorem eum quidem non judicavit, qui omnia ut gesta fuerant, exposuerat: veruntamen ut adiutorem insidiarum contra Demænetam, & exilii mihi injuste indicti, ex urbe pepulit, & proscriptione bonorum multavit, ejuscemodi fructum ex secundis nuptiis quæsitis consecutum. At sceleratissima Thisbe, quæ quidem nunc in conspectu meo dat pœnas, ea ratione navigavit Athenis. Atque hæc tantum scire potui, quæ mihi Anticles quidam in Ægina narraverat: cum quo cum iterum in Ægyptum navigassem, ut si forte Naucratiæ Thisben reperis-

sem, reducens Athenas liberarem patrem suspicionibus & criminibus in eum illatis, sumerem vero de illa insidiarum nobis omnibus factarum poenas: nunc hic, & una vobiscum, rem inquirō. Porro quid fuerit in causa, & modum, & casus quos hoc intervallo passus sum, deinceps audietis. At quomodo Thisbe in hoc antro, & à quibus sit interfecta, deo quopiam fortasse, qui nobis exponat, opus erit. Cæterum si videtur, tabellam, quam in pectore ipsius invenimus, aspiciamus. Consentaneum est, fore ut inde aliquid præterea addiscamus. Placuit sententia. & aperiens, incipiebat in eam sententiam scripta legere. C N E M O N I H E R O, hostis & vindex Thisbe. Initio nuncio tibi Demænetæ mortem, quæ illi à me tua causa comparata est. Rationem autem, quæ id fecerim, si me receperis, coram exponam. Porro scito me in hac insula esse decimum jam diem, à quodam prædone ex eorum numero qui hic sunt, captam: qui se etiam armigerum esse præfecti gloriatur, & me conclusam detinet, ne prospiciendi quidem

vel

vel extra fores facultatem concedens :
 hac pœna mihi, ut ipse dicit, propter
 amorem quo me prosequitur, at quem-
 admodum ego conjectura assequi pos-
 sum, propter metum ne à quopiam
 auferar, imposita. Veruntamen ego te
 deo quodam offerente prætereuntem,
 here, & conspexi, & cognovi : atque
 hanc tibi tabellam clam per contuber-
 nalem anum transmisi, formoso &
 Græco, & amico principis tradere
 imperans. Eripe me quæso ex manibus
 prædonis, & suscipe ancillam tuam : &
 si tua voluntas feret, serva, hoc co-
 gnito, quod ea, quibus in te delinquere
 sum visa, necessitate coacta : quibus
 autem inimicam tuam ulta sum, ea
 sponte fecerim. Quod si tam vehemens
 ira tua est, ut mutari non possit, utere
 hac contra me ut lubet, dummodo in
 tua sim potestate, etiam si mori oport-
 eat. Longe enim melius esse existi-
 mo, manibus interimi tuis, & fune-
 ris officium Græco ritu consequi, quàm
 morte graviolem vitam, & amorem
 barbaricum inimicitia acerbiolem At-
 tica sustinere. Talia quidem Thisbe &
 tabella loquebatur. Cnemon autem,

Factum bene ô Thisbe, inquit, quod interfecta sis, & ipsamet tuarum calamitatum nuncia, ex tua ipsius cæde narrationem nobis in manus tradens. Sic omnino ultrix Erinny's, ut res ipsa testatur, toto orbe terrarum te agens, non prius justum flagrum cohibuit, quam me (tamen si in Ægypto ætatem agentem) injuria affectum, spectatorem tui supplicii constituisset. Sed quidnam erat sceleris, quod tibi jampridem struente contra me, & machinanti per literas, fortuna à manibus eripuit? Quam te etiam nunc suspectam habeo, & magnopere metuo, ne commentum sit etiam Demænetæ mors, & cum mihi verba dederint ii, qui id ipsum nunciarunt: tum tu mari venias, alterum spectaculum tragicum ex Attica etiam in Ægypto de nobis exhibitura. An non tandem desines (inquit Theagenes) nimium esse fortis, simulachra & umbras reformidans? Neque enim dixeris, quod & mihi, aspectuique meo, aliquibus præstigiis imposuerit, cum ego nulla ex parte hujus fabulæ sim particeps. Sed hæc quidem jacet rêvera exanime

corpus,

corpus, & hac de causa nihil est quod labores Cnemon. Cæterum quisnam sit author hujus erga te beneficii, qui illam interfecit, & quomodo huc demissam, aut quando, egomet vehementer ambigens obstupui. Alia non possum tibi dicere, inquit Cnemon. at interfecto ejus omnino est Thyamis: si quidem conjectura facienda est ex gladio, quem juxta cædem invenimus. Illius enim esse cognosco, & insigne hoc ansæ: aquila enim ebore cælata est. Dicas igitur, inquit Theagenes, quomodo cædem hanc, & quando, & qua de causa patrarit. Quo pacto autem hoc scire possent? respondit Cnemon: neque enim me fatidicum hoc antrum effecit, quemadmodum adytū Delphicum: & sicuti iis qui Trophoni specum subierunt, usu venire ferunt, ut divino furore afflati vaticinentur. Colliacrymarunt subito Theagenes & Chariclia, atque, ô Pitho & Delphi, plorantes clamabant. Cnemon autem perculsus est, nec potuit conjicere quidnam illis à nomine Pythonis accidisset. Ac hi quidem hisce erant occupati. Porro Thermuthis

scutifer Thyamidis, postquam è prælio saucius in terram enavit, cum nox supervenisset, navigium quoddam, quod ex naufragio juxta paludem ferebatur, nactus, & conscendens, ad insulam ac Thisben festinabat. Hanc paucis ante diebus, cum duceretur à Nausicle mercatore, in angusta quadam via ad latus montis, ex insidiis, Thermuthis interceperat. Ut autem tumultus belli perstrepuisset, & hostes adventabant, quando illum ad afferendam victimam Thyamis mittebat, extra teli jactum collocans, & servare sibi incolumem cupiens, clam eam in antrum demiserat, atque adeo præperturbatione & festinatione circa ipsum os reliquerat. Quo in loco, ut injecta erat initio, metu præsentium periculorum, & incertitia semitarum in profunditatem suadi ferentium, manentem Thisben Thyamis offendens, tanquam Charicliam, interfecerat. Ad hanc igitur (ut qui effugerat periculum belli) properans Thermuthis, postquam ad insulam applicuit, contento cursu ad tabernacula perrexit. At hæc quidem, præter cinerem nihil erant

rant amplius. Ore vero ex lapide vix tandem invento, & arundine, sicubi adhuc reliquiae manserant, accensa, decurrit summo studio, nominatim Thisben appellans, tantumque nomine Græcisans: verum ut vidit jacentem, diu stupens, immotus stetit. Ad extremum, cum murmur & sonos quosdam sensisset, ex concavis antri partibus efferri (colloquebantur enim adhuc Theagenes & Cnemon) illos ipsos esse interfectores Thisbes suspicabatur: angebaturque animo, cogitans quid sibi faciendum esset: cum ferocia quidem latronibus insita, & ira barbarica magis tum etiam propter amoris frustrationem intensa, ad impetum ibidem in eos quos putabat esse authores, faciendum impelleretur: rursus autem inopia armorum & gladii, vel invitus ad moderationem revocaretur. Visum est itaque illi consultissimum esse, initio non hostiliter supervenire: si vero suppeditarent arma, deinde hostes aggredi. Atque hoc apud animum constituto, venit ad Theagenem torvis trucibusque oculis circumspectans, & occultam ani-

mi sententiam vultu declarans. Illi autem ut viderunt virum nudum, ex improviso supervenientem, saucium, cruenta facie, non eodem modo se gesserunt: sed Charicia ad interiores partes antri descendit, forassis verita nudi & deformis viri, qui apparuerat, conspectum: Cnemon autem quiescebat, & pedem referebat, cum agnosceret quidem Thermuthim, sed tamen præter spem conspiceret, & aliquid novi aggressurum esse arbitraretur. Verum Theagenem non magis terrebat spectaculum, quam irritabat: & gladium intentabat, tanquam percussurus, si quid temerarium aggrediretur, & Siste gradum, dicebat, aut vulnus accipies: quod autem nondum accepisti, in causa est, quod te paululum agnoscam, & qua mente venias ambiguum sit. Deprecabatur accidens Thermuthis, supplex, temporis magis ratione, quam morum, factus: & Cnemonem in auxilium vocabat, meritumque se esse ut servaretur, dicebat: nulla in re unquam se illum injuria affecisse, & socium pridie fuisse, & ad amicos venire asseverans. Per-

motus

motus est his Cnemon, & accedens crexit amplexum genua Theagenis, & ubi esset Thyamis, continue querebat. Ille autem omnia dicebat, quomodo conflixerat cum hostibus, quomodo in mediam aciem sese immittens dimicabat, nec illorum nec suæ salutis parcens: quomodo quemque obvium trucidabat, ipsum vero tuebatur ac protegebat edictum, quo unicuique mandabatur, Thyamidi parceret: denique quod quid ad extremum illi acciderit, non posset dicere, & ipsa saucius in terram enasset, in præsentia vero ad inquisitionem Thisbes in antrum veniret. Illi autem quid ipsius interesset, Thisben inquirere, aut unde ipsam adeptus esset, percontabantur. Dicebat & hæc Thermuthis, ac enarrabat, quomodo mercatoribus abstulisset, quomodo illam deperiisset, quomodo alio quidem tempore clam apud sese asservasset, sub adventum autem hostium in antrum demississet: nunc autem inveniat à quibusdam interemptam, quos qui sint scire non possit: veruntamen libenter resciscat, causæ & occasionis cædis co-

gnoscentæ gratia. Cnemon itaque singulari studio cupiens sese quamprimum suspicione liberare, Thyamis est interfecto dicebat: & in testimonium adducebat gladium, quem juxta cædē invenerant. Eum ut vidit Thermuthis adhuc cruore manantem, calido adhuc ferro recentem cædem exsudante, & cognovit esse Thyamidis, vehementius atque imo à pectore ingemiscens, & quomodo confectum esset negotium ignorans, caligine ac silentio oppressus exhibat ex antro, & ad corpus jacentis veniens, ac pectori capite imposito, ô Thisbe subinde, neque præterea quicquam dicebat, usque dum nomen paulatim mutilans, & paulo post ipse deficiens, somno clam oppressus est. Theagenem autem & Charicliam, una cum Cnemone, subibat de statu rerum suarum cogitatio, & videbantur quidem quasi consultare velle: sed tum æruinarum quæ præterierant, multitudo: tum præsentium calamitatum moles, & imminentium incertitudo, obscurabat atque impediebat partem animæ ratiocinatricem: seipsum vero sæpissime intuebantur, &

quili-

quilibet alterum quippiam in rem præ-
 sentem dicturum esse expectans, dein-
 de spe lapsus, in terram vultum demit-
 tebat, ac rursus attollens suspirabat,
 gemitu dolore levato. Postremo re-
 clinat sese in terram Cnemon, colla-
 bitur in saxum Theagenes, rejicit sese
 in eum Chariclia: & somnum qui-
 dem urgentem diu repellebant, consi-
 lium aliquod capere de præsentibus
 rebus cupientes: verum angoribus &
 labore fracti, legi naturæ vel inviti
 parebant, & in dulcem somnum ut ex
 ingenti mœstitia lapsi sunt. Sic equi-
 dem cum affectione corporis & animæ
 pars intelligens consentire cogebatur.
 Postea vero quam paululum somnum
 produxerunt, ita ut palpebræ tantum
 nonnihil levarentur, Charicliæ ibi una
 cubanti insomnium tale venit: Vir sqa-
 lida coma, & truci ac insidioso aspe-
 ctu, manibus cruentis oculum ejus
 eruebat. Illa autem statim exclama-
 vit, & sibi ereptum oculum esse di-
 cens, Theagenem vocabat. Atque hic
 vocatus statim aderat, & illius casum,
 quasi etiam eum in somnis sentiret,
 deplorabat. Porro illa manum faciei
 admo-

admovebat, & partem quam in somnis amiserat, attrectans, ubique inquirebat. Ut vero somnium fuisse intellexit, somnium fuit, dicebat: habeo oculum, ades animo & omitte timorem Theagenes. Respiravit his auditis Theagenes, &, bene est, inquit, quod solares illos radios incolumes servaveris: ceterum quid tibi accidit, aut quis terror te invaserat? vir, inquit, sceleratus & protervus, neque tuum invictum robur pertimescens, jacenti mihi ad tua genua insultabat gladio armatus, atque adeo illum mihi dextrum exemisse oculum omnino putabam. Utinam autem revera id mihi accidisset, potius quam in somnis apparuisset. Hoc vero, Dii meliora, dicente, & hoc quamobrem diceret sciscitante: quoniam sane, inquit, melius fuerat, altero oculo me privari, quam de te esse sollicitam. Quam metuo ne te hoc insomnium petat, quem ego oculum & animam, & fortunas meas omnes esse duxi. Desine subjecit Cnemon: (nam exaudierat omnia, ad primum clamorem Charicliæ de somno excitatus) Mihi enim aliud quiddam som-

somnium videtur significare, & utrum parentes habeas, responde. Hac vero annuente, & si quando erant dicente: Igitur patrem tibi esse mortuum existima, dicebat. Inde autem ejus rei conjecturam facio. Siquidem ut egrediamur in hanc vitā, & hac luce fruamur, parentes scimus esse authores. Quo circa non abs re patrem & matrem oculorum pari, tanquam sensu capaci lucis, & eorumquæ videri possunt ministro, somnia occulte significant. Grave & hoc est, inquit Chariclia: veruntamen sit potius verum, quam illud alterum: & vincat tuus tripus, ac ego falsa vates esse pronuncier. Hæc quidem ita evenient, & in iis acquiescere oportet, dicebat Cnemon. Nos autem revera somniare videmur, insomnia & imaginationes expendentes, nostrarum autem rationum considerationem nullam in medium proponentes, præsertim quandiu licet, Ægyptio hoc (significabat autem Thermuthim) à nobis separato, & exanimis amores fingentē, ac lugentē. Excipiens itaque ejus verba Theagenes: enimvero Cnemon, inquit, quoniam

te

te deus aliquis nobis copulavit, & socium calamitatũ fecit, auspicare consilium. Nam & locorum in hisce regionibus, & linguæ peritus es: & nos alioqui minus apti sumus ad id quod sit necessarium intelligendum, utpote majore fluctu ærurnarum obruti. Paululum igitur immoratus Cnemon, sic locutus est: Malis quidem qui magis abundet, incertum est. Satis enim magnum onus calamitatum & mihi numen imposuit. Veruntamen quoniam me ut majorem natu, dicere de præsentibus rebus jubetis, sic accipite. Hæc insula, ut videtis, deserta est, & neminem præter nos continet. Deinde argenti quidem, & auri, & vestium magna copia: (multa enim sunt hæc quæ in hoc antro cum nobis erepta, tum aliis adempta, Thyamis, & qui illi aderant, deposuerunt) cæterum frumenti, & eorum quæ sunt ad victum necessaria, ne nomen quidem relictum est. Periculum est igitur, ne si diutius hic manserimus, vel fame sit nobis pereundum, vel adventu sive hostium revertentium, sive horum qui nobiscum fuerunt, si collecti (quoniam

niam

niam hunc thesaurum non ignorant) propter pecunias advenerint. Tunc enim effugere non possemus, quin interimeremur: aut saltem, si lenius nobiscum agerent, contumeliis eorum & petulantiaë objiceremur. Cum enim semper sit infidum bubulcorum genus tum nunc præcipue, cum duce, pro imperio revocante illorum animos ad moderationem, carent. Relinquenda igitur est nobis, & fugienda, tanquã retia quædam, aut carcer, insula: ablegantibus primum Thermuthim, eo prætextu, ut interroget & curiose inquirat, si quid de Thyamide possit cognoscere. Facilius enim ipsi seorsim consultabimus, & aggrediemur ad ea quæ facienda sunt: & alioquin virum à nobis removeere consultum est, natura inconstantem, & feris ac immanibus moribus præditum, præterea aliquid de nobis suspicantem Thisbes causa: neque prius conquieturum, quam nos, si occasionem nactus fuerit, insidiis circumveniat. Approbata sunt hæc, & visum est ut fierent: & abeuntes ad os antri (jam enim & diem esse intellexerant) excitarunt

Ther-

Thermuthim, prorsus somno torpentem, & cum deliberatorum quæ verisimilia erant exposuissent, ac facile viro levi persuasissent, corpus autem Thisbes in alveum quendam imposuissent, & quantum pulveris ex tabernaculis relictum fuerat, id totum supra illam aggessissent, & ea quæ fieri assolent propter religionem, eo apparatu quem tempus suppeditabat peregissent, lacrymisque ac luctu pro omnibus cæremoniis parentassent, Thermuthim ad id consilium perficiendum quod antea fuit constitutum, emiserrunt. Sed ille paululum progressus, reversus est: neque se solum iturum esse dixit, neque temere objecturum tanto periculo explorationis, nisi Cnemō particeps negotii esse vellet. Quod cum detrectare vidisset Cnemonem Theagenes (referens enim ea quæ dicta fuerant ab Ægyptio, videbatur angī animo, & formidare) Tu vero, inquit, consilio yalueras, at animis es aliquanto imbecillior: atque id de te comperi, cum ex aliis rebus tum præcipue ex præsentī tempore. Enimvero excita spiritus, & ad fortitudinem
erige

erige animum. In præsentia enim ne aliquam suspensionem de fuga concipiat, necessarium esse videtur, ita cum eo pacisci, & initio una ire. (nihil est enim periculi, cum inermi iter facere, ei qui gladium habéat, & sit munitus armis) deinde occasione oblata clam eum relinquere, & venire ad nos in eum locum quem constituerimus. Constituemus autem pagum aliquem propinquum, si quem alibi nosti in quo homines mansueti. Bene monere Cnemoni est visus: & Chemmin quendam pagum sic appellatum indicabat, opulentum, & frequentem hominibus, denique ad ripas Nili in colle munitionis causa contra incursum bubulcorum situm. distare vero transmissa lacu, stadiis propemodum centum: oportere autem, ut meridiem versus recta eant. Difficulter quidem, respondit Theagenes, præsertim propter Charicliam, quæ longioribus itineribus assueta non est: attamen ibimus, mendicos nos esse, & eos qui victus quærendi causa cum præstigiis quibusdam circumvagentur, assimulantes. Hercle, inquit Cnemon: etenim e-

stis nimis deformi & distorto aspectu
 (Chariclia præcipue, utpote cui oculus
 nuper sit elisus) quare mihi videmini,
 tales cum sitis, non stipem frustra pa-
 nis, sed cultros & lebetes petitori. Ad
 hæc arrisit leviter, & dicis causa, ita
 ut summa labra tantum risus percurre-
 ret. Jurejurando vero firmatis iis quæ
 decreverant, & quod nunquam spon-
 te se essent deserturi, contestantes
 deos, exquebantur ea quæ constituta
 fuerant. Cnemon igitur & Thermu-
 this multo mane transmissio lacu, iter
 faciebant per densam quandam sylvā,
 transitu difficilem. Præcedebat autem
 Thermuthis, cum hoc Cnemon dixis-
 set & voluisset, peritiam difficultatis
 itineris, qua ille præditus esset, præte-
 xens, & illi provinciam monstrandæ
 viæ demandans: magis vero suæ secu-
 ritati consulens, & occasionem sibi ad
 effugiendum præparans. Cum autem
 longius progressi in armenta incidis-
 sent, & ii qui pascebant ea, diffugis-
 sent, densioresque sylvæ partes subiis-
 sent, ariete quodam ex iis qui gregem
 præcedebant mactato, & ad ignem à
 pastoribus præparatum torrefacto, car-
 nes

nes vorabant, neque exactam affationem expectantes, ventre quod fame stimularetur properante. Tanquam igitur lupi quidam, aut thoes, deglutiebant absquisa quolibet, & paululum tantummodo igne denigrata, ita ut quædam adhuc semiusta inter mandendum sanguine stillarent. Postquam autem sese expleverunt, & lacte sitim restinxerunt, iter propositum tendebant: & jam tempus consilii exequendi erat. Itaque cum collem quendam ascendissent (sub hoc situm esse pagum Thermuthis dicebat, atque ibi Thyamidem captum, aut detineri in vinculis aut interemptum esse conjectabatur) affligi sibi ventrem ob nimiam repletionem causabatur, & magno cum cruciatu ex lacte profluere dicebat Cnemon, atque Thermuthim ut progrediretur, orabat, si vero assecuturum esse. Hoc semel atque iterum faciens, & tertio sincere agere visus est, & difficulter se illum assequi confirmabat. Postquam autem Ægyptium assuefecit, ad extremum mansit illo inscio, & in densitatem profundiorē, quanta celeritate potuit,

per declivem sese conjiciens profugit. Et ille quidem cum in cacumen montis evasisset, quiescebat in quodam saxo, vesperam & noctem operiens: qua constituerant, cum venissent in pagum, Thyamidis statum explorares simul & Cnemonem circumspiciens si forte superveniret, quiddam nefarium illi moliens. Neque enim relinquebat de illo conceptam animo suspicionem, quod Thisben interemisset: & quo pacto illum vicissim interficere posset, cogitabat: ac deinde ad aggrediendum Theagenem rabie quadam incitabatur. Cum vero Cnemon nusquam appareret, & nox intempesta jam esset, in somnum versus Thermutis, æneum quendam & ultimum somnum dormivit, aspidis morfu, factorum fortasse voluntate, non inconvenientem vitæ finem sortitus. At Cnemon initio cum Thermuthim reliquisset, non prius respitavit in fugam, quam nocturnæ venientes tenebræ cohibuerunt ejus impetum, eodemque loco ubi nox illum occuparat sese abscondit, & foliorum quantum poterat supra se accumulavit: sub quibus jacens,

cens, magna ex parte in somnem ducens noctem excruciabatur, omnem strepitum & quamlibet auram, ac foliorum motum, Thermuthim esse existimans. Quod si quando vincebatur paululum à somnò. fugere se putabat, & statim convertebat sese, & circumspiciebat à tergo eum qui nusquam insequabatur: & dormire volens, avertabatur id quod volebat, in graviora somnia quam res ipsa erat incidens. Ad extremum nocti irasci videbatur, longiorem esse cæteris existimans. Ut autem diem summo desiderio vidit, primum præcidit ex comæ prolixitate tantum, quantum ad comparandam speciem prædonibus convenientem apud bubulcos aluerat, ne illum obvii quique averfarentur, aut suspectum haberent. Bubulci enim cum alia faciunt ut formidabiliore appareant, tū etiam comam ad fastum promittunt, & quatiunt super humeros sparsam, non ignorantes quod coma eos qui amor operam dant acceptiores, prædones autē terribiliores efficiat. Cum igitur præcidisset Cnemon tantum comæ, quantum comptiori alere conve-

nit minus prædone, ad Chemmim quendam pagum qui ad conveniendū cum Theagene constitutus fuerat, properabat. Jam vero Nilo appropinquantī, & ad Chemmim pagum transmissuro, senex quidam vir in ripa oberrans apparuit, diu sursum ac deorsum juxta alveum deambulans, & tanquam cum fluvio cogitationes quasdam communicans, comam sacro quodam ritu promissam habuit, prorsus canam, mentum hirsutum, angustiore profunditate: pallium & reliquum vestitum, Græcum habitum representantem. Paululum igitur cohibuit sese Cnemon: sed cum sæpius prætercurret senex, neque adesse quenquam sentire videretur (adeo totus erat cogitationi intentus, & mens soli meditationi vacabat) à fronte accedens, in primis illum avere jubebat. Hoc vero se non posse dicente, quod non ita illi à fortuna accideret: admiratus Cnemon. An, inquit, Græcus hospes? aut unde? Neque Græcus, neque hospes, sed hinc Ægyptius. Qui fit igitur quod pallio Græcos imitaris? Calamitates, inquit, mihi

mihi hunc splendidum habitum, alio vestitu commutarunt. Cnemone autem aliquem se ornare posse ob calamitates demirante, & hæc cognoscere volente: Ex Illo me fers, inquit senex, & malorum examen, atque ex his infinitum murmur erga te commoves. Cæterum quo iter instituisti, aut unde venis adolescens; aut quomodo Græce loqueris in Ægypto? Rem, inquit Cnemon, ridiculam postulas. Cum enim nihil de tuis rationibus mihi dixeris, præsertim prius interrogatus, mearum rerum cognitionem expetis. Non accipio ut probrum: videris enim esse Græcus: & quædam te quoque, ut apparet, fortuna in aliam figuram transformat: tum omnino desiderio audiendi rationes nostras teneris. Atqui dolor meus jam diu parturit aliquibus exponere, & fortasse huic arundini exposuissem, juxta fabulam, nisi in te incidissem. Ripas igitur has Nili, & ipsum Nilum relinquamus: neque enim est idonea longioribus narrationibus extremitas ripæ, locus meridionali ardori solis expositus: ad pagum vero, quem videmus ex adver-

so situm esse, pergamus, nisi te forte
 negotium magis arduum avocat. Ibi
 te hospitio excipiam, non in mea do-
 mo, sed in viri boni, qui & me ut sup-
 plicem recepit: apud quem meas ra-
 tiones, si volueris cognosces, & vicif-
 sim tuas mecum communicabis. Ea-
 mus, inquit Cnemon. Nam alioquin
 iter ad hunc pagum habeo, ut qui
 quosdam necessarios hic expectare de-
 beam. Conscendentes igitur navigiū
 (multa autem ad ripam fluctuabant, ad
 usum transvectionis pro mercede pa-
 rata) transmittunt in pagum, & in
 ædes in quibus diversabatur hospes,
 perveniunt. Ac patrem familias qui-
 dem non deprehendunt: excipiunt
 autem eos summo studio, filia herilis
 jam nubilis, & reliquæ ancillæ quot-
 quot domi erant, quæ hospitem cole-
 bant in patris loco. Sic enim, ut opi-
 nor, erat à domino imperatam. Et
 hæc quidem lavabat pedes, & pulve-
 rem abstergebat sub tibia: alia lectum
 curabat: & mollem præparabat accu-
 bitum: alia urnam ferebat, & pyram
 accendebat, alia mensam inferebat,
 panibus triticeis & fructibus variis re-
 fertam.

fertam. Quod Cnemon miratus, Fortasse, inquit, in domicilia Jovis Hospitalis venimus pater, adeo sedula collimur observantia, & singularem animi benevolentiam declarante. Non in Jovis, inquit, sed in ejus viri qui Jovem Hospitalem, & supplicum patronum, exacte novit. Vitam enim, fili, ille quoque in peregrinationibus & mercatu agit, multæque urbes, & multarum gentium mores ac studia sunt illi nota. Quam ob causam, ut est consentaneum, cum alios, tum me quoque non multos ante dies errantem & vagabundum tectò recepit. Quisnam autem erat error, pater, quem narras? Liberis, inquit, à latronibus privatus, & maleficos noscens, sed ulcisci non valens, verfor in hoc loco, & luctu dolorem prosequor: non fecus atque avis quæpiam, cum illius nidum draco populatur, & præ oculis sobolem vorat. accedere quidem reformidat, fugere autem non potest: amorem enim in ipsa repugnat, ac dolor: sed stridens circumvolat obsidionis calamitatem, in aures immanes, & quas natura misericordiam non docuit, nequicquam

maternum & supplicem luctum ingerens. Velis igitur, Cnemon inquit, quomodo & quando grave hoc bellum sustinuisti, enarrare. Postea, inquit. Nunc vero tempus est, ut etiam ventrem curemus. Ad hoc respiciens Homerus, & quod ipso omnia minoris ducantur, præclare perniciosum eum appellavit. Sed primum à nobis, pro Ægyptiorum sapientum disciplina, libetur diis immortalibus. Neque enim me quicquam adducet ut hoc violem: nec unquam tantum dolor invalescet, ut memoriam & observantiam numinis ex animo excutiat meo. Hæc locutus, effundebat ex phiala meram aquam, & Libo (dicebat) diis hujus terræ, & Græcis, & ipsi Apollini Delphico, ac insuper Theageni & Charicliæ, bonis & honestis. Siquidem & hos in deorum numerum refero. simulque collacrymavit, tanquam aliam libationem illis præterea faciens mœrenti fletu. Obstupuit auditis his nominibus Cnemon, & undiquaque senem oculis lustrans. Quid dicis? inquit. ruine sunt revera liberi Theagenes & Chariclia? Liberi, dixit hospes: qui

qui mihi absque matre nati sunt. Casu enim meos filios dii eos designarunt, & ediderunt animi dolores, & constitutio animi erga illos à me pro natura habita est: ex qua illi me quoque patrem & putarunt esse, & nominarunt. Cæterum dic mihi unde tu illos noris? Non tantum novi, inquit Cnemon, sed etiam illos esse salvos & incolumes tibi nuncio. O Apollo, inquit exclamans, ac dii cæteri, ubinam terrarum sint isti, ostende. Servatorem te meum, ac diis ipsis æqualem esse ducam. Præmium autem, inquit, quodnam erit? In præsentia quidem, ait ille, gratitudo, viro sapienti pulcherri-
 mum munus. multosque novi qui hoc donum tanquam thesaurum in animo reposerunt. Quod si in patriam venerimus, (quod futurum esse brevi, dii mihi prænunciant,) hauries opes quæ maximas. Futura, inquit, & incerta, promittis, cum liceat ex præsentia copia remunerari. Indica, si quid in præsentia vides. Adeo cupide vel partem aliquam corporis amittam, ut nullo membro me mutilatum esse, sed integra omnia habere sim existimaturus.

Hoc

Hoc, inquit, postulo, ut de his mihi unde sint, & quibus parentibus nati, & qua fortuna usi, enarrare non recuses. Habebis, respondit, præmium quoddam magnum, & cui nullū aliud comparari posset, etiamsi opes omnium hominum postulasses. Sed nunc cibi aliquid capiamus. Ad hanc enim rē longiori tempore utrique nostrum, & tibi ad audiendum, & mihi ad narrandum opus erit. Cum igitur comedissent nuces, & ficus, & recens decerptas palmas, & aliā id genus, quibus vesci senex consueverat: (anima enim nihil unquam escæ gratia privabat) sorbebant quoque is quidē aquam, Cnemon autē & vinum. Atque hic parvo spacio temporis intermisso: Bacchus, inquit, quam gaudeat confabulationibus & carminibus convivali- bus, non ignoras pater. Quare nunc quoque cum me sibi vendicarit, ut a- veam aliquid audire incitat, & ad re- petendum præmium à te mihi promissum impellit: tempus est ut jam fabulam hanc tanquam in scena (ut dici- tur) instruas. Audies, inquit: atque utinam contigisset frangi Nausiclem nobi-

nobiscum una esse, quem sæpius flagitantem, ut à me initiaretur hac narratione, alias aliter differendo elusi. Ubi autem tum esset interrogabat Cnemó, postquam nomen Nauclis agnovit. Ad venationem, inquit, profectus est. Qualem? iterum quærente: Ferarum, inquit, immanium, quæ vocantur quidem homines & bubulci, cæterum latrociniis exercendis vitam agunt, & difficulter circumveniri possunt, tanquam lustris & cavernis palude utentes. Cujus autem criminis illos reos facit? Atticæ, inquit, amicæ raptus, quam Thisben ille nominabat. Papæ, dixit Cnemon, atque illico conticuit, veluti sese reprimens. Sene vero, quid illi accidisset, percontâre: ad alia Cnemon eum abducens, Demiror, inquit, qui, aut quibus copiis confusus, illos aggredi in animum induxerit. At ille: A rege magno, inquit, satrapa Ægypti Oroondates est constitutus, cujus jussu, præfectus excubiarum Mitranes, fortitus est hunc pagum. Hunc Nauclis magna summa pecuniæ conductum, ducit cum equitibus & peditibus multis. Molestè autem fert ere-

prio-

ptionem Atticę puellę, ut non tantum amicę & egregie canentis fidibus: sed multo magis, quod eam ad regem Æthiopum secum abducturus fuerat, quemadmodum ipse dicebat, uxori illius in lufum sociam, & familiarem Græcorum more futuram. Tanquam igitur ingenti pecunia, quam pro illa expectabat, privatus, omnem ad eam rem comparat & adhibet machinam. Author etiam ipse fui, & hortator illi ad eam rem aggrędiendam: fieri posse, ut alicubi liberos meos repertos mihi fervaret, cogitans. Excipiens autem Cnemon: Satis est, inquit, jam bubulcorum, & satraparum, & regum ipsorum. Parum enim aberat quin me non advertentem animum, prorsus aliorum sermone traduceres. Appendicem hanc nihil (ut ajunt) ad Bacchum annexisti. Quare reducas orationem ad id quod à te promissum est. Inveni enim te quasi Proteum Pharium, non quidem ut illum in commentitiam & fluxam speciem verti, sed me abducere à proposito conari. Cognosces, inquit senex. Exponam autem initio meas res breviter, non fucum tibi faciens in

nar-

narratione, ut tu existimas, sed distinctam & coherentem cum iis quæ sequentur, tibi præparans orationem. Mihi est urbs Memphis patria, pater autem & cognomen Calasiris. Porro genere vitæ nunc erro, non multo autem ante antistes fueram. Habui autem & uxorem urbis instituto, sed amisi lege naturæ. Hæc cum è corpore in aliam requiem excessisset, aliquanto tempore ætatem agebam expertus malorum, in duobus filiis ex ea susceptis me oblectans. Non post multos autem annos, luminariū cælestis circuitus fati definitus, mutat totum statum nostrarum rerum, & oculus Saturnius in domum irruit, in deterius afferens mutationem, quam quidem mihi sapientia præmonstravit, cæterum effugiendi facultatem non dedit. Nam factorum decreta immutabilia providere quis potest, effugere vero non potest. lucrum vero ut in talibus rebus prospicientia est, obtundens adversorum casuum aciem & ardorem. Calamitates enim, filii, quæ inopinato adveniunt, sunt intolerabiles: at prævisæ, æquiore animo perferuntur. Illas enim animus

metu

metu occupatus reformidat, & ægre fert: has autem consuetudo rationi familiares reddit. Accidit autem mihi tale quiddam. Muliercula Thracica, maturo ætatis flore, pulchritudine autem post Charicliam secundas tenens, nomine Rhodopis, nescio unde, aut quomodo, adverso fato eorum qui illam cognoverunt, profecta peragrabat Ægyptum, atque etiam Memphim petulanter veniebat, magna pedissequarum & servorum caterva, & multis opibus stipata, omnibus Venereis illecebris atque lascivia exacte instructa. Neque fieri potuit, ut non quivis, qui in illam incidisset, caperetur: adeo inevitabilem quendam & invictum fascinum meretricium ex illius oculis attrahebat. Ingrediebatur etiam sæpe templum Isidis, cujus ego eram antistes, & deam continue colebat & venerabatur sacrificiis ac donariis, quæ multis talentis constabant. Pudet dicere, attamen non celabo: & me vicit, sæpius visa: vincebat & continentiam, quam in vita summo studio servaveram. Ac diu quidem multumque oculis corporis, animi oculis resistebam:

ad

ad extremum tamen victus, & affectu amatorio, tanquam aliquo onere, pressus sum. Cum igitur initium molestiarum & ærumnarum divinitus mihi incumbentium, quas jam antea præscieram, mulierem esseprehendissem, & intellexissem quod esset fatalis necessitatis involucrum, quodque is cui tū fors obtigerat deus, illam sibi tanquam personam induisset: statui non dedecorare sacerdotale munus, cui à pueritia innutritus fueram (& restiti) neque delubra deorum & arcas prophanare. Atque eorum quæ erant fatis destinata, non ob rem ipsam (quod absit) sed sola animi constitutione convenienti mihi multa imposita, & ratione in iudicium adhibita, exilio punio cupiditatem, & ex patria discessi infelix: tum cedens Parcarum necessitati, & illis quidvis statuendi in nos arbitrium permittens: tum etiam execrandam Rhodopin fugiens. Metuebam enim hospes, ne eo qui tum dominabatur in urbem vim faciente, vel ad turpius opus impellerer. Cæterum quod me in primis & post omnia expellebat, filii erant: quos mihi arcana

ex diis sapientia, infestis armis concursuros, prædicebat. Tollens igitur ab oculis tam crudele spectaculum (quod vel solem ipsum averfaturum esse existimo, radiis nube objectatectis) & paternos oculos aspectu cædis filiorum liberans, emigravi è terra & domo paterna, discessum meum indicans nemini, hæc antevertens: prætexens iter hoc nomine, quod magnas Thebas profecturus essem, ut alterum ex filiis majorem natu viserem, qui ibi tum apud avum agebat. Thyamidi erat illi nomen, hospes. Rursus Cnemon, tanquam nomine Thyamidis ictus, cohibuit se tamen ut taceret, propter ea quæ deinceps narrabantur. Ille autem sic pertexebat narrationem: Relinquo errorem intermedium, adolescens: nihil enim pertinet ad id quod tu sciscitaris. Cæterum cum audirem esse quandam urbem Græcam, Apollini quidem sacram, deorum autem aliorum delubrum, hominum vero sapientum tabernam, remotam à tumultu populari: habebam ad illam iter, conveniens homini prophetico receptaculum, sacris rebus & ceremoniis

moniiis destinata urbem proponens. Et cum per Crissæum sinum ad Cithrhum appulisssem, ex navi cucurri ad urbem. Postquam vero astiti, vox proculdubio divina protinus aures meas incescit: & cum aliis de causis urbs mihi commotatio meliorum visa est, tum non minime natura situs. Prorsus enim veluti munitio quædam & arx natura constituta, Parnâssus dependet, prominentibus lateribus urbem quasi quodam sinu complectens. Optime dicis, inquit Cnemon, & ut aliquis qui revera afflationem Pythicam sensit. Eum enim esse situm urbis, etiam pater mihi quondam dicebat, quando illum ad consilium Amphictyonicum augurem urbs Atheniensem miserat. Igitur Atheniensis es, fili? Ita, inquit. Nomen vero quod tibi est? Cnemon, respondit. Qua fortuna usus es? deinceps audies: nunc autem continua narrationem. Continuabo, inquit. Ascendebam in urbem. Collaudato igitur à curriculis, agris, & fontibus, oppido, & ipso Castalio fonte, ex quo me etiam aspersi, ad templum festinabam. Etenim

me & murmur multitudinis, quod tempus instaret, in quo sese vates mortura esset, excitaverat. Cum itaque ingressus deum venerarer, & quiddam etiam apud me optarem, respondit hæc Pythia:

Fertilis à regione ferens vestigia Nili,

Fortia Parcarum stamina sponte fugis.

*Durato, Ægypti quoniam nigricantia
tradam.*

Arva tibi cito, nunc noster amicus eris.

Hoc oraculum ut reddidit, ego procidens in aram pronus, ut mihi propitius esse vellet omnibus in rebus, deprecabar. At magna circumstantium caterva collaudabat deum propter ejusmodi responsum mihi primo congressu datum. prædicabant autem fortunas meas, & me observabant inde modis omnibus, amicum me venire deo post Lycurgum quendam Spartanum, dicentes. Et cum in area templi habitare vellem, permittebant, utque mihi commeatus daretur ex publico decreverunt. In summa, nihil boni deerat. aut enim ad sacra & sacrificia, quæ multa & varia tota die peregrini & indigenæ gratificantes deo faciunt,

inqui-

inquirebam aliquid & scrutabar, aut cum philosophis colloquebar. Non parvus autem numerus ejusmodi hominum confluit ad templum Delphicum, & prorsus est Musæum ipsa urbs, sub Musarum duce deo vaticiniis dedita. Ac initio quidem alias de aliis rebus quæstiones à nobis movebantur. Erant enim, qui quomodo nos Ægyptii deos coleremus, quærerent: alius, quamobrem alia apud alios animalia sacra & divina haberentur, & quæ esset de quolibet narratio: percontabatur. Quidam pyramidum formam & constructionem, nonnulli fistularum ductus & anfractus sciscitabantur. Quid multa? Ægyptiarum rerum nihil non inquisitum relinquebant. Etenim omnis Ægyptiaca narratio, mirū in modum Græcas delectat aures. Ad extremum tandem & de Nilo, qui essent ejus fontes, & quæ præter alios fluvios peculiaris natura, & unde æstivo tempore solus inter omnes crescât aquis, quæstionem mihi quidam ex urbanioribus proponebat. Me dicente ea quæ sciebam, & quæ de hoc fluvio sacris libris perscripta, solis antistibus co-

gnosceret ac legere licet: & narrante, quod in supremis Æthiopiæ, ultimis autem Libyæ partibus oriatur, qua parte orientale clima desinens, initium meridiei præbet: crescit vero æstivo tempore, non (ut quidam putarunt) Etesiarum adverso flatu rejectus, sed iis ipsis ventis circa solstitium æstivum, à septentrionalibus partibus versus meridiem, omnes nubes pel-
lentibus ac trudentibus, donec in zona quæ torretur ardore solis colligan-
tur, in qua illorum motus retunditur propter incredibilem circumstantis æ-
stus vehementiam, toto qui antea fue-
rat paululum congregatus & conden-
satus: humore liquecente, & inde
copiosis imbribus cadentibus. Super-
bitque Nilus, nec se fluvium esse pati-
tur, sed effunditur extra ripas, & elu-
vione tanquam mari quodam Ægy-
ptum operiens, adventu suo fœcundat
agros. Quare ad bibendum dulcissi-
mas præbet aquas, ut quæ illi ex cæle-
stibus imbribus suppedient: & est
tactu placidus ac lenis, non amplius
calidus, sicut ubi incipit: verumta-
men adhuc repidus, ut in ejusmodi
locis

locis ortus. Quam ob causam solus ex
 fluvris, vapores non exhalat: omni-
 no enim consentaneum esset, si exhala-
 ret, eum ex nive liquefacta, quod
 quidam docti apud Græcos voluerunt,
 incrementum capere. Cum de hisce in
 eam sententiam differerem, sacerdos
 Apollinis mihi maxime familiaris,
 Charicli erat illi nomen, Præclare,
 inquit, dicis, & ipse assentior huic
 sententiæ: sic enim etiam à sacerdoti-
 bus in Catadupis Nili audiui. Et ego
 ad illum, ô Charicles, nunquid etiam
 eo veneras? Veneram, dixit, sapiens
 Calasiri. Quæ autem necessitas eo de-
 ducebat? rursus quærebam. Ille au-
 tem, Adversa fortuna rei domesticæ,
 respondit: quæ mihi & felicitatis cau-
 sa extitit. Me vero illud in speciem
 absurdum mirante, Non miraberis,
 inquit, si rem ita ut gesta est, exposi-
 tam audieris. Audies autem, quando-
 cunque placuerit. Igitur tempus est,
 inquibam, ut exponas: nunc enim
 placet. Charicles autem remota mul-
 titudine, Cognosce, inquit: siquidem
 te mihi jamdudum utilitatis cujusdam
 causa auditorem meorū casum exo-

ptabam. Ego cum iniissem matrimonio, liberos non habui. Sero tandem, & ætate provecta, assidue deum supplex orans, filiolarum pater sum appellatus, cum deus mihi non feliciter eam nascituram esse prædixisset. Pervenit & ad nuptiarum tempus, & elocavi eam in matrimonium ambienti (multi autem erant) qui meo iudicio erat honestissimus. Eadem autem nocte, qua marito accubuerat, mortua est infelix, cum fulmen quoddam, seu manu excitatus ignis in cubile incidisset. Atque ita hymenæum, qui canebatur adhuc, excepit luctus, & ex porticibus ad sepulchrum deducebatur. & faces quæ lumen ediderant nuptiale, eadem ipsæ funebrem rogam succendebant. Addebat ad hanc fabulam & aliam Tragicam calamitatem numen, dum matrem puellæ dolori & luctui indulgentem, mihi aufert. Divinitus igitur immissum malum non ferens, non expello me quidem à vita, iis qui de rebus divinis differentes, id facere nefas esse docent, obtemperans: expello vero me patria clam, & solitudinem domus procul fugio. Magnū est enim
ad-

adjumentum ad oblivionem malorum, recordatio animi, oculorum a motione obscurata. Cumque multa loca vagabundus peragraſſem, veni tandem aliquando & in tuam Ægyptum, & ipsos Catadupos, ad viſendas catartas Nili. Rationem igitur profectionis meæ in ea loca, tibi expoſui, amice. Corollarium autem, vel, ut verius dicam, caput ipſum narrationis, te in primis cognoſcere cupio. Cum deambularem per ocium in urbe, & quædam quorum eſt inopia apud Græcos coemerem (jam enim nimio angore animi, temporis intervallo decocto, in patriam redire properabam) vir quidam me accedit gravis, & prudentiam vultu declarans, nuper quidem adoleſcentiæ annos egreſſus, colore vero proriſus nigro, & me ſalutabat, ac de re quadam colloqui ſe velle mecum dicebat, non exacte Græce loquens. Prompteque obtemperantem, in templum quoddam vicinum introduxit, & Folia quædam, inquit, & radices Indicas & Æthiopicas te emere vidi: quod ſi hæc à me ſincere & abſque omni fraude emere volueris, libenter ti-

bi proponam. Volo, inquam, & ostende. At hic, vide sis inquit, ne in emendo parcum nimis te exhibeas. Tu fac, inquam, ne in vendendo grande nimis pretium exigere videaris. Hic autem proferens sacculum quendam, quem habebat sub axilla, ostendebat lapides pretiosos quosdam, admirabiles. Margaritę enim inter illos erant, nucis parvę magnitudine, exacta rotunditate suis partibus omnibus in modum circuli absolutę, & candore maxime splendentes, smaragdique, & hyacinthi: illi quidem veluti verna seges vi-
rentes, quadam lubricitate tanquam olei resplendente: hi vero imitabantur colorem marini littoris, sub arduo scopulo paululum erecti, & subjecta omnia purpureo colore tingentis: denique mixtus erat omnium, variusque fulgor, oculos delectās atque recreans. Quę ut vidi, Alios, inquam, hospes, jam emptores tibi ut quęras opus est, quod ego & meę facultates vix uni ex iis quę video pares esse possint. Si, inquit, emere non potes, attamen dono accipere poteris. Mihi quidem, inquam, ad accipiendum donum vires
non

non defunt: ceterum tu nescio quo animo nobis illudas. Non illudo, dixit: sed serio & singulari studio facio: & juro per deum hujus templi præsidem, me tibi omnia daturum, si ad hæc præterea donum aliud suscipere volueris, longe his præstantius. Ridebam jam tum, his auditis. Hoc vero causam sciscitante. Ridiculum enim, inquam, mihi videtur, quod tanta dona promittens, præmium insuper pollicearis, longe dona superans. Crede, dixit: sed jura etiam ipse, quod optime sis usurus dono, & ita quemadmodum ego docuero. Mirabar quidem hæsitans: jurabam tamen, tantarum rerum Ipe adductus. Postquam autem jusiurandum à me factum est, ita quemadmodum ille mandabat, ducit me ad sese, & ostendit puellam insigni & divina forma præditam, quam ipse annos septem natam esse dicebat, mihi vero jam non procul abesse à tempore apto conjugio videbatur. Sic enim formæ excellentia, multum etiam addit ad proceritatis speciem. Et ego quidem stabam stupens, tum propter inscientiam eorum quæ fiebant, tum propter

infa-

infatiabilem cupiditatem ea spectandi
 quæ videbam. Ille vero ejusmodi ver-
 ba fecit : Hanc quam vides hospes ,
 mater quandam ob causam , quam
 paulo post audies , fasciis involutam
 exposuit, fortunæ ambiguitati ejus ra-
 tiones permittens. Ego aut forte in eā
 cum incidissem , sustuli. Neque enim
 fas erat, in periculo versantem animā,
 semel ingressam humanum corpus, de-
 spicere & negligere. Est enim hoc etiā
 unum ex præceptis gymnosophistarū ,
 qui sunt apud nos : quorum ut audi-
 tor essem , aliquanto ante sum dignus
 judicatus. Alioqui tum etiā ex ocu-
 lis infantis, magnum & divinum quid-
 dam elucebat, adeo me circumspicien-
 tem acriter & blande intuebatur. Ex-
 positus autem fuerat una cum illa cu-
 mulus lapidum quem nuper ostendi :
 & fascia quædam de serico filo texta ,
 literis vernaculis & narratione de ra-
 tionibus infantis insignita, matre (ut
 opinor) has notas & indicia puellæ
 procurante. Quæ ut legi, unde & quæ
 esset cognovi, atque in agrum aspor-
 tavi , longe distitum ab urbe, pastoribus
 nutriendam tradens , & intermi-
 nans

nans ne cuiquam dicerent. Ea vero quæ una erant exposita, apud me detinebam, ne quæ insidiæ propter ea puellæ struerentur. Primum igitur ita res erat occulta. Postquam autem successu temporis puella flore ætatis & forma præstantiore, quam sunt usitatæ, esse videbatur (pulchritudo autem, neque sub terram occultata latuerit, sed mea quidem sententia etiam illinc in lucem prodiret) metuens ne illius rationes patefierent, & ipsa necaretur, & ego aliquid molestiæ inde caperem, dedi operam ut legatus ad Satrapam Ægypti mitterer, & venio, hanc una mecum adducens, ejusque res constituere cupiens. Ac huic quidem illico, quamobrem veniam, exponam: si quidem se hodie legationi audiendæ vacaturum mihi denunciavit. Tibi vero & diis, qui hæc ita gubernarunt, in manum do puellam: conditionibus jurejurando firmatis, quod hanc liberam habiturus sis, & libero in matrimonium daturus, sicuti eam à nobis accipis: vel potius à matre, quæ illam exposuit. Confido autem te omnia de quibus collocuti sumus, expleturum esse,

esse, jurejurando fretus, & tuis moribus, quos per multos dies, quibus hic versaris, revera Græcos esse cognovi. Hæc habui, quæ tibi in præsentia breviter dicerem, jam me avocante negotio legationis: planius vero & exactius arcanis puellæ crastino die initiaberis, circa templum Isidis mecum conveniens. Faciebam ita, quemadmodum ille voluerat: & assumptam puellam ducebam rectam ad me domum. Ac illo quidem die tractabam puellam honorifice & reverenter, variis blanditiis deliniens: & agebam Deo magnas gratias, ex eo tempore filiam meam existimans eam esse, & nominans. Postridie autem propere ad templum Isidis, qui locus mihi fuerat cum hospite ad colloquium constitutus, abii: & cum diu obambularem, neque usquam appareret, veniens in domicilia Satrapæ, an aliquis legatum Æthiopum vidisset, quærebam. Ibi quidam mihi renunciavit, quod esset profectus, imo potius expulsus; ante solis occubitum: cum Satrapa illi, nisi finibus excederet, morte minatus esset. Me autem quærente

cau-

causam, Quod, inquit, legationem exponens, imperabat ut abstineat à smaragdinis fodinis, tanquam ad Æthiopiam pertinentibus. Reversus sum admodum ægre ferens, non secus atque ii qui gravem plagam acceperunt: quod cognoscere non potuissem quicquam de puella, quæ, aut unde, aut ex quibus esset nata. Ne mireris (interpellans inquit Cnemon) & ipse enim moleste fero, quod non audierim, sed tamen fortassis audiam. Audies, inquit Calasiris. Nunc vero quæ deinceps Charicles subtexuit, à me dicentur. Postquam enim in domunculam, inquit ille, veni, prodit mihi obviam puella, & nihil quidem dicebat, ut quæ nondum Græcam linguam percepisset. Salutabat autem manu apprehensum, & me visa tantum exhilarabat. Mirabarque, quod sicut generosi catuli, cuius vel paululum noto abblandiuntur, ita & illi meæ erga se benevolentia sensus inerat acris, & me ut patrem complectebatur. Statui igitur non diu Catadupis commorari, ne aliqua malevolentia numinis & altera filia me privaret: & per Nilum deve-

deVectus ad mare, ac navem nactus,
 navigabam domum. Et est nunc hic
 filia mecum: filia inquam, mea, & meo
 cognomine appellata. perturbatam e-
 nim, ob ipsam, vitam ago. Et quod
 ad alia quidem attinet, etiam voto me-
 lior est, tanta celeritate Græcum ser-
 monem didicit, tam celeriter ad flo-
 rem tanquam ramus aliquis præclare
 florens pervenit: pulchritudine autem
 corporis sic omnes superavit, ut o-
 mnium oculi, peregrinorum æque
 ac Græcorum, in illam conjiciantur.
 Denique ubicunque apparuerit, seu in
 delubris, seu cursibus, seu in foro,
 tanquam recens facta statua dei cujus-
 piam, omnium mentes ac vultus in se
 vertit. Cumque talis sit, tamen me
 dolore intolerabili afficit. Nuncium
 remisit omnino conjugio, & in vir-
 ginitatis statu agere totam vitam con-
 stituit: & Dianæ ministram se præ-
 bens, venationibus ut plurimum va-
 cat, & jaculandi artem exercet. Mihi
 vero jam vel vita ipsa acerba est, qui
 sperarim me ipsam nepoti meo ex so-
 rore daturum in uxorem (sane urba-
 no, & morum ac sermonis commen-
 datio-

datione gratioſo adoleſcenti) ſed fru-
 ſtra , propter immitte ejus judicium.
 Haſtenus enim nec obſervantia , nec
 pollicitationibus , nec argumentis ul-
 lis illi perſuadere potui. Sed, quod eſt
 graviffimum, meis (ut dicitur) con-
 tra me utitur pennis , & multiplicem
 in dicendo experientiam, atque appa-
 ratum, ad id demonſtrandum, quod o-
 ptimum vitæ genus delegerit, confert,
 divinis laudibus virginitatem ornans,
 & prope deos immortales collocans,
 immaculatam & illibatam, & incor-
 ruptibilem appellans. Amores vero, &
 Venerem, & omnem nuptialem pom-
 pam ac cæremoniam, extreme vitupe-
 rans. In hac re ut mihi ſis auxilio, te
 implore: & propterea naſtus occaſio-
 nem, quæ ſe ultro quodammodo ob-
 tulit, longiore narratione apud te
 neceſſario ſum uſus. Largiaris mihi
 gratiam hanc bone Calafiri, ſapientiã
 aliquam aut incantationem adhibe,
 perſuadeas aut verbis, aut factis, ut na-
 turam ſuam agnoſcat, & quod mulier
 ſit nata perpendat. Facile autem id ne-
 gocium exequi poteris, ſi volueris. Ne-
 que enim illa abhorret à colloquiis

virorum, sed ut plurimum cum illis
 conversans est educata, & habitat ibi
 tecum in eodem domicilio, hic inquā
 in circuitu & in ambitu templi. Ne
 me, qui tibi sum supplex, despicias, ne-
 que patiaris sine liberis & consolatio-
 ne, sine successoribus in gravi senectū-
 te ætatem agere, per Apollinem ipsum
 oratus, & deos tuos patrios. Collacry-
 mavi his auditis, mi Cnemon: quoniā
 & ille non sine lacrymis preces suppli-
 ces afferebat, & promittebam me illum
 pro virili adiuturum. Adhuc nobis hi-
 sce de rebus deliberantibus, incurrens
 quidam nunciabat, præfectum lega-
 tionis Ænianum pro foribus adesse, &
 jam pridem esse sollicitum, orareque ut
 sacerdos adsit, & rem sacram incipiat.
 Me vero interrogante Chariclem, qui
 essent Ænianses, & quæ esset hæc sacra
 legatio, & quod sacrificium celebra-
 rent: Ænianses inquit, Thessalicæ gen-
 tis est nobilissima portio, & prorsus
 Græca, à Deucalione Græco orta, ad
 Maliacum sinum protensa, metropo-
 lim prædicans Hypalam, quemadmo-
 dum ipsi volunt, ab eo quod cæteris
 præsit & imperet cognominatam: ut
 autem

autem aliis videtur, quod sub OEta monte sita sit. Sacrificium vero & sacram legationem hanc, quarto quoque anno, quando & Pythius agon celebratur, (celebratur autem nunc, ut scis) Æneanes mittunt Neoptolemo Achillis filio. Hic enim est dolo interfectus, ad ipsas Apollinis aras, ab Oreste filio Agamemnonis. In præsentia vero hæc sacra legatio, etiam magnificentius quam cæteræ instruitur. Achillidem enim se esse gloriatur legationis dux. Forte enim pridie adolescenti obviam veneram: & mihi revera videtur in illo singulare quiddam, dignum Achillidis elucere: ejusmodi specie & proceritate conspicitur, ut ea quod dea sit natus confirmet. Me vero mirante, & quomodo ex Ænianum familia cum sit, Achillidem se appellet, dicente: (Homeri enim Ægyptii poësis, Achillem Phthiotam esse ostendit) Juvenis quidem, inquit, una cum reliquis Ænianibus heroëm sibi asserit. Thetim ex sinu Maliaco nupsisse Peleo, & Phthiam circa sinum illum esse antiquitus appellatam asseverans. Alios vero, propter gloriam viri illum

sibi vendicantes, mentiri. Alioquin etiam alia ratione sese in numerum Æacidarum refert, Menesthium suum avum proferens, Sperchii filium & Polydoræ natæ ex Peleo, qui & cum Achille inter primos duces expeditionem suscepit ad Trojam, & inter præcipuos Myrmidonum propter cognationem copias duxit. Cumque Achilli undiquaque adhærescat & annascatur, atque omni ex parte illum Ænianibus adjungat, argumenti loco sumit præter alia quæ recenset, etiam hanc parentationem, quæ Neoptolemo mittitur, qua omnes Thessali (ut ille dicit) cesserunt Ænianibus, testantes illos propius genus hoc attingere. Illis quidem non invideo, inquam, Charicles, si hæc sibi ita largiantur, si etiam vere vendicent: cæterum præfectum sacræ legationis vocari intro jube: incredibili enim desiderio illius videndi teneor. Annuente Charicle, ingressus est adolescens, Achillejos quosdam spiritus gerens, & ad illum vultum & animos referens, erecto collo, atque à fronte comam etiam in altum refrænans, & cohibens: nasus & nares libere
aerem

aerem attrahentes, signum iræ & impetus: oculi non prorsus ravidī, attamen cum ravo colore nigricantes, aspectum acriorem, neque tamen inamabilem habentes, tanquā maris post fluctus nuper in tranquillitatem compositi. Postea vero quam nos, ut est moris, salutavit, & vicissim est resalutatus, tempus esse ut sacrificium deo offerretur dicebat, ut & inferias heroi, & conjunctam cum illis pompam in tempore perficere liceret. Fiat, inquit, Charicles: & consurgens, Videbis (ad me inquit) Charicliam hodie, si antea non vidisti. Adesse enim & ministram pompæ & parentationi Neoptolemi, consuetudo est. A me autem puella, Cnemon, fuerat jam antea visa, & una sacrificia celebrabat, & de sacris narrationibus interdum aliquid inquirebat. Sed tamen tacebam, futura expectans: simulque ibamus ad templum. omnia enim quæ ad sacrificium pertinebant, erant jam apparata à Theſſalis. Ut autem accessimus ad aram, & adolescens rem divinam incipiebat, precato antea sacerdote, ex aedyto effatur hæc Pythia:

Gratia cui orditur, sed finit gloria nomen,

Hanc canite o Delphi, progeniemq, dea.

Qui mea linquētes delubra, salumq, ruētes

Ad solis venient torridū ab igne solum.

Magna ubi præcipue virtutis præmia tādē

Temporibus fuscis, candida sæta gerent.

Hæc ut est deus elocutus, multiplex
dubitatio eos qui circumstabant, subi-
bat, quid vellet oraculum interpretari
nequeuntibus. Alius enim alio respon-
sum detorquebat: & ut quisque vole-
bat, ita & conjecturam faciebat: non-
dum autem quisquam vera assequeba-
tur. Oracula enim & somnia ut pluri-
mum ex eventibus judicantur. Alio-
quin autem Delphi stupentes & atro-
niti ad pompam magnifice instructam
properabant, neglecta cura de iis quæ
responsa fuerant, accuratius inqui-
rendi.

H E-



HELIODORI

ÆTHIOPICORUM

LIBER TERTIUS.

Postquã autem pompa & parentatio peracta est : Atqui haud peracta est, pater, excipiens Cnemon : siquidem me nondum spectatorem tua reddidit oratio, sed magis quam credi possit, audiendi desiderio superatum, & spectare panegyrim festinantem ; non secus ac post festum venientem (ut dicitur) prætercurris, cum simul & aperueris theatrum, & clauseris. Ego quidem, ô Cnemon (inquit Calasiris) minime te vellem hisce ab instituto alienis perturbare, ad præcipuas narrationis partes, & ea quæ à principio flagitasti deducens : cæterum quoniam è diverticulo spectator esse voluisti tu quidem, vel hinc te Atticum esse declaras : ego autem tibi pompam celebrem inter paucas cum ipsius causa, tum eorum

quæ ex ipsa evenerunt, breviter exponam. Præcedebat hecatombe, viris mysteriis initiatis, incultiore vita & habitu eam ducentibus. cinctura cuique vestem albam in nodum colligebat: manus vero dextra cum humero & mammilla nudata securim ancipitem vibrabat. Boves omnes nigri, collo lascivientes, & ad mediocrem convexitatem illud attollentes, cornua paria & minime intorta gerentes: pars deaurata, pars coronis ex floribus confectis implicita: simis tibiis, & profundo gutture supra genua dependente. Numero autem exacte Hecatombe, & revera nomen implente. Subsequebatur hos aliarum victimarum diversa multitudo. Cujuslibet autem animantis genus, seorsum & ordine ducebatur, cum tibia & fistula iniciatorem quandam & denunciatricem sacrificii partem inciperat. Hæc armenta & ductores boum, Thessalicæ virgines excipiebant, pulchra quadam & profunda cinctura, & capillis solutis. Distribuebantur autem in duos choros. Quæ in primo choro fuerant, ferebant quasi illos florum & fructuum ple-

plenos. In altero autem bellaria & aromata calathis ferentes, locum odoris fragrantia replebant. Nec vero manuum ministerio in hisce utebantur, sed supra caput gestantes, ad choream justo ordine & transversum ducendam sese mutuo tenebant, ut incedere simul & choreas ducere commode liceret. Cantilenæ autem præscriptum alter chorus illis dabat: huic enim, ut totum hymnum caneret, negotium datum fuerat. Hymnus autem erat, in quo Thetis laudabatur, & Peleus, & postea horum filius, ac hujus deinceps. Post hos, ô Cnemon: Sed quid Cnemon? inquit Cnemon. Jam enim me iterum suavissimis rebus privas pater ipsum hymnum mihi non exponens, tanquam me spectatorem tantum eorum ex quibus pompa constabat, & non auditorē etiam constitueres. Audies inquit Calasiris, siquidem ita lubet. Erat autem talis cantilena:

*Cāto Thetin, nitidis ô Theti pulchra comis:
Immortale genus Nereos aquorei.*

Quæ nupsit Peleo virgo, jubente Iove.

O Venerem nostram, lumen & aquoreum:

Quæ belli Martem magnanimum peperit,

*Deque furente hasta mater Achille fuit ,
Fulmine Græcorum: laus adit unde deos.*

*Cui peperit puerum Pyrrha Neoptoleum ,
Excidium Troum, præsidium Danaum.*

*Tu facilis nobis esto , Neoptoleme ,
Felix quem tumulo Pythia terra tegit :*

*Accipe nunc hymnos munera sacra pios :
Pelle omnẽ nostra promptus ab urbe metũ.*

Cãto Thetia, nitidis Theti pulchra comis:

Hymnus igitur , Cnemon, hac ratione , quantum meminisse queo, fuerat compositus: tantumque concinnitatis inerat in choreis, & sic strepitus saltationis ad cantum quadrabat, ut oculi in contemptum eorum quæ cernebantur, ab auditu adducerentur: & ii qui aderant, virgines semper transeuntes, tanquam à sono cantus pertracti, sequerentur. Usque dum à tergo epheborum equitatus, & horum præfectus cum resplenduisset, omni auditu melius egregiarum rerum spectaculũ repræsentavit. Turma epheborũ quinquagenario numero constabat, in vicenos & quinos utrinque in medio equitantem præfectum sacrae legationis stipantes diviso. Ocreæ quidem ipsis purpureo loro intertextæ supra talos

los contrahebantur: chlamys vero alba, aurea fibula in pectore neſtebatur, cæruleis capitibus in orbem ad oram inferiorem picta. Equi autem Theſſalici omnes, & illorū camporum amœnitatem hilaritate aſpectus repræſentantes: frenum quidem, veluti dominum recuſarent deſpuebant, & ſpuma complebant: cæterum menti reſtricti ſelloris, quocumque verterer, obtemperabant: phaleris vero & frontalibus argenteis ac deauratis ita exornati erant, ut hac in parte certamen de gloria inter ephebos eſſe videtur. Sed hos, Cnemon, ſic exornatos, adeo deſpiciebant & præteribant oculi eorum qui aderant, & in præfectum equitum (erat autem cura mea Theagenes) conjiciebantur, ut videretur tanquam à fulgure totum id quod prius lucebat, obſcuratum eſſe. Tantam lucem nobis conſpectus attulerat, cum eques quoque ipſe eſſet, & armatus, & haſtam fraxineam ærea cuspide vibraret, non reſectus galea, ſed aperto capite ſeſe oſtentans, purpurea chlamyde indutus, cujus alias partes aurum variabat, Lapithas contra Centauros armans: fibula

fibula vero Palladem ex electro repræsentabat, Gorgonis caput in scuto pectori præferentem. Addebat autem aliquid gratiæ & commendationis iis quæ fiebant, venti placida aura. Blande enim aspirabat, comam tranquille circa collum carpens, & capillos in fronte discernens, ac oras chlamydis tergo equi & femoribus injiciens. Dixisses & equum ipsum intelligere formam domini, & quod pulcher ipse pulcherrimum gestaret rectorem sentire. Ita collum commovens, & arrectis auribus caput attollens, & irux supercilium supra oculos versans, ferebat & ferebatur exultans ac superbiens: & laxato freno alacriter progrediens, ac in utrumque latus alternis sese librans, extremaque ungula terram leniter pulsans, commotionem cum incessus tranquillitate temperabat. stuporem incutiebat omnibus illud spectaculum, & victricia fortitudinis & formæ suffragia omnes adolescenti tribuebant. Denique pervulgatæ mulieres, & quæ affectum animi continentia occultare non poterant, malis & floribus eum petebant, benevolentiam
 quan-

quandā ab ipso, ut videbatur, captantes. Idem enim iudicium apud omnes valebat, non posse quicquam humani apparere, quod Theagenis pulchritudinem superaret.

At roseis postquā digitis aurora refulsit,
 (ut Homerus dixit,) ac è templo Dianæ evecta est pulchra & sapiens Chariclia, tunc quod & Theagenes vinci aliquando posset, cognovimus: sed eatenus vinci, quatenus nativa muliebris formæ venustas prima viris comparens, maiorem quandam & singularem ad alliciendum vim habet. Vehabatur enim in rheda, quam jugum boum album trahebat: veste vero purpurea ad pedes usque demissa, & aureis radiis variata, induta fuerat, Zona porro pectus præcinxerat, in quam artifex totam suam artem concluderat, cum neque antea quicquam ejusmodi fabricavisset, neque iterum pari arte conficere potuisset. Duorum enim draconum caudas ad partem dorsi inter scapulas connectebat: porro colla sub mammillas permutatim producens, & in nodum tortuosum implicans: capita vero elabi è nodo sinens, tanquam appen-

pendicem nodi ab utroque latere suspenderat. Dixisses serpentes non videri serpere, sed revera serpere: neque rigido & terribili aspectu formidabiles, sed humido somno diffluentes, veluti hoc illicio sopiti quod circa puellæ pectus essent. Ac illi quidem erant, quod ad materiam attinet, aurei, cæterum colore cærulei. Aurum enim arte denigrabatur, ut asperitatem & varietatem squammæ nigrum fulvo mixtum repræsentaret. talis quidem erat zona puellæ. Coma autem neque omnino complicata, neque dissoluta, sed præcipua illius pars & à collo producta, super humeros jactabatur. Cæterum eam quæ à vertice & à fronte descendit, lauri tenelli rami coronabant, rosis similem & candidam, turbarique immodice & præter decorum spiratione aurarum non sinebant. Ferebat autem sinistra arcum deauratum, à dextro humero pharetra dependente, altera vero facem accensam. Cumque eo habitu esset, majus tamen ab ipsius oculis lumen quam à face reddebatur. Illi ipsi, Theagenes & Chariclia, exclamavit Cnemon. Ubinam
terra-

terrarum sunt isti, ostende dicebat,
 per deos obtestans Calasiris, conspici
 eos à Cnemone arbitratus. Ille autem:
 Videre me, inquit, pater, etiam ab-
 sentes putabam: adeo illos proprie, &
 quales visos novi, animoque retinco,
 tua narratio expressit. Haud scio, in-
 quit, an tales videris, quales illo die
 Græcia & sol est conspiciatus: adeo
 conspicuos, adeo beatos, ut hujus qui-
 dem, viris: illius, mulieribus optabi-
 lis esset felicitas. Illorum enim con-
 junctum par immortalitatem esse du-
 cebant: præterquam quod adolescen-
 tem indigenæ, virginem autem Thes-
 sali magis admirabantur: id quod pri-
 mum videbant, utrique præcipue su-
 spicientes. Novus enim & inusitatus
 conspectus, facilius quam consuetus,
 potest animum percellere. Sed ô dul-
 cem deceptionem, ô suavem opinio-
 nem, quomodo me in spem sustulisti,
 quum te videre charissimos, & osten-
 surum esse expectarem, Cnemon? Tu
 vero me omnino decipere videris. Cū
 enim ipsos jamjam venturos esse, & in
 conspectu futuros, initio oratione pro-
 miseris, obque istæc præmium à me
 hanc

hanc ipsam de illis narrationem perieris, vesperam jam & nocte adventante, nusquam præsentes ostendere potes. Ille autem : Ades animo, inquit, & omitte timorem, eo quod sint revera venturi. Nunc autem fortassis aliquod impedimentum intercessit, quod tardius veniant quam inter nos convenerat. alioqui ne præsentes quidem ostenderem, integra mercede prius non reportata. Quamobrem si ad conspectum illorum properas, imple id quod tu vicissim promisisti, & deduc ad finem inchoatam narrationem. Ego, inquit, & alioqui sponte defugio negocium, quod me ad recordationem eorum ex quibus dolorem capio, ducit, & me molestum esse tibi tanta garritate satiato existimavi. Cæterum cum tam cupidus audiendi esse videaris, & honestis narrationibus insatiabilis, age, ad eam partem à qua sum digressus, aggrediamur, accenso prius lychno, & libationibus ante somnum diis nocturnis factis : ut usitatis cæremoniis peractis, pernoctare nobis vacantibus hisce narrationibus tranquille liceat. Hæc dixit, statimque lychnus

chnus accensus ab ancilla senis iussu inferebatur: & libationem faciebat, cum alios deos, tum præ cæteris Mercurium invocans: ac petebat felicem insomniis noctem: & ut sibi apparent charissimi in somnis, supplex orabat. His autem peractis: Postquam igitur, inquit, ô Cnemon, sepulchrum Neoptolemi pompa circumvit, & tertio ephebi equis sunt circumvecti, ploratum sustulerunt mulieres; & viri inconditum clamorem ediderunt. Tū quasi ad unum quoddam signum, boves, arietes, capræ mactabantur, tanquā una manu cæde omnibus illata. Denique ara insigni magnitudine sexcentis lignis fissis onerata, & desuper legitimis omnibus victimis impositis, ut inciperet libationem sacerdos Apollinis, & aram succenderet, petebant. Charicles autem libationem quidem ad se pertinere dicebat; aram autem præfectus sacræ legationis ab æditua face accepta succendebat. hanc enim consuetudinem patria sancit lex. Hoc dixit, ac ipse libabat. Theagenes autem facem accipiebat. Sane ut statuamus quid sit, mi Cnemon, & quod di-

vinum quiddam anima, cognatum-
 que superiori naturæ, ex operibus &
 functionibus ejus cognoscimus. Simul
 enim se invicem intuebantur, tanquã
 anima sui simile primo congressu co-
 gnoscente, & ad cognatum præstantia
 dignitateque par accurrente. Princi-
 pio igitur repente, quasi consternati
 constitierunt: & faciem hæc quidem
 constantius tradebat, ille autem reci-
 piebat, uno obtutu in sese defixis o-
 culis, non secus ac hi qui se alicubi an-
 tea noverunt, aut viderunt, alter in al-
 terius memoriam redeunt. Deinde
 leniter arriserunt, & furtim, ita ut ri-
 sum diffusio tantum vultus redargue-
 ret. Postea tanquam illos facti pude-
 ret, rubore sunt suffusi: & rursus cum
 affectus, ut arbitror, cor pervassisset, ex-
 palluerunt. denique sexcentæ species
 intra exiguum tempus in illorum vul-
 tu vagabantur, ac mutatio omnis ge-
 neris tum coloris, tum oculorum, si-
 gnificans animi commotionem. Hæc
 latebant vulgum, ut consentaneum
 est, cum alius in aliam rem & cogita-
 tionem animum intendisset. Latebant
 & Chariclem, consuetam precationẽ

&

& invocationem recitantem. Ego autē soli observationi juvenum vacabam post illud tempus, quam de Theagene sacrificante in templo oraculum cecinit, ad suspicandum ea quæ eventura fuerant, ex nominum conjectura commotus. Sed tamen adhuc nihil exacte de iis quæ in reliqua parte oraculi prædicta fuerant, conjiciebam. Cæterum postquam sero aliquando, & quasi per vim a virgine avulsus Theagenes, facē subjecit, & aram succendit, soluta est tandem pompa, Thessalis convivia ineuntibus. Reliqui autem ex populo in suam quisque domum discesserunt. Chariclia quoque albo pallio sese operiens, cum paucis familiaribus ad conclave suum, quod erat in ambitu templi, contendit. Neque enim habitabat cum credito patre. quo minus persuaderi posset, omnino sese ab illo separans. Ego igitur curiosior redditus ex his quæ audieram, & videram, obviam venio Charicli, dedita opera. Ille autem: Vidistine, intetrogabat lumen meum, & Delphorum, Charicliam? Non nunc primum, inquit, sed & antea sæpius, quotiescunque populus

in templo erat. Et non tantum è diverticulo, ut dicitur, sed & una mecum non raro sacrificavit, & de divinis ac humanis rebus, si quid aliquando ambigebat, me interrogavit, & ex me didicit. Quid igitur tibi visa est in præsentia? Num etiam aliquem ornatum pompæ attulit; Bona verba, inquit, Charicle: non secus ac si luna stellis cæteris antecellat, interrogas. Atqui laudabant quidam, inquit, & Thessalum adolescentem, secundas illi tribuentes. imo & tertias, ego inquam. Cæterum coronidem pompæ & oculū revera tuam filiam agnoscebant. Voluptatem inde capiebat Charicles (michi vero ex veris ad scopum iter præparabatur, id præcipue cupienti, ut fidenti animo vir esset) & arridens: Eo nunc ad ipsam, dicebat. Quod si tibi placet, eas una, & ne forte aliquid molestiæ ceperit ex turbæ tumultu, mecum revisas. Gaudens quidem annuebam: veruntamen præ me ferebam alii occupationi anteferre illius negotium. Postquam autem pervenimus eo quo sese recipiebat, ingressiprehendimus eam in lecto languentem, &

con-

conquiescere nequeuntem, & oculos amore madentes. Cumque patrem solito more amplexu excepisset, quærenti quid illi accidisset, dolorem capitis sibi molestum esse dixit: libenterque se quieturam, si liceat. Turbatus his Charicles, exivit è thalamo nobiscum una, ancillis ut pax esset rebus imperans. & progressus ante ædes, Quid hoc autem est, bone Calasiri, dicebat? Quis languor filiolum invaserit? Ne mireris, dixi, si cum in tanta populi frequentia sese ostentavit, attraxit invidum aliquem oculum. Subridens igitur ironice, Tu quoque, dixit, vulgi more fascinationem esse aliquam fortasse credis. Ut aliud quippiam quod maxime verum sit, inquã. atque hoc ita existit. Hic aer undique nobis circumfusus, per oculos, nares, & anhelitum, & alios poros intus penetrans, & una secum exteriores qualitates, quibus imbutus est, inferens, qualis influxerit, talem quoque affectum iis qui illum exceperunt, inseminat. Quamobrem cum aliquis cum invidia res præclaras est intuitus, simul & circumstantem aërem infesta

qualitate implevit, & spiritum à se amarulentia plenum in id quod propinquum est transmisit. Ille autem, ut tenuis & subtilis, usque ad ossa ipsa & medullas penetrat: atque ita plerisque fuit invidia morbi causa, qui proprium nomen fascinationis accepit. Jam autem & illa considera, Charicles, quam multi dolorem oculorum & pestis contagionem hauserint, cum haudquaquã attigissent illis morbis laborantes, imo ne lecti quidem, nec mensæ ejusdem, sed tantum aëris fuissent participes. Argumento tibi sit, si quicquam aliud, tum etiam amorum ortus, quibus objecta visa initium & ansam dant: & tanquam subventaneos affectus per oculos in animas adjiciunt. Ac verisimili quidem ratione. Cum enim inter cæteros poros & sensus qui sunt in nobis, aspectus plurimarum mutationũ sit capax, & calidissimus, facilius recipit affectiones circumstantes, ferventi spiritu transmigrations amorum ad sese trahens. Quod si opus est, exempli causa narrationem aliquam tibi ex libris sacris, à naturæ consideratione sumptam, proferam. Charadrius, ictericis

ricis medetur: quæ avis, si isthoc morbo laborans aliquis eam conspexerit, fugit, & averfatur cum conclusis oculis, non invidentia (ut quidam ajunt) auxilii, sed quod aspiciens accersit & trahit ad sese à natura morbum, veluti fluxum quendam: ac ea de causa declinat aspectum, tanquam iectum. Et quod serpens qui basiliscus vocatur, solo afflatu & aspectu obvia quæque exsiccet & inficiat, fortasse audisti; Quod si aliqui & charissimos, ac eos quibus bene volunt, fascinant; mirum non est. Cum enim natura sint invidi, non hoc quod volunt, sed quod à natura est illis insitum, faciunt. Ad hæc paululum commoratus, Hanc controversiam, inquit, sapientissime, & maxime probabilibus argumentis dissolvisti. Utinam autem etiam ipsa desiderium & amorem aliquando sentiret: tunc equidem illam recte valere, non ægrotare existimarem. Scis quod hac etiam in re tuam opem imploraverim. Nunc vero nihil minus metuendum est, quam ne hoc illi acciderit, quæ lectu odit, & amorem averfatur, sed fascinatione re vera labo-

rare videtur. Neque mihi dubium est, quod & hanc dissolvere voles, pro nostra amicitia, & sapientia tua omnibus in rebus singulari. Promittebam, si eā ex aliquo laborare sensissem, me pro virili opem laturum. Cumque adhuc de his deliberaremus, accurrit quidam properans, & O præclari, inquit, vos vero tanquam ad prælium, aut ad bellum, & non ad convivium vocati, ita cunctamini, cum quidem illud apparet optimus Theagenes, præses autem sit illius maximus heros Neoptolemus. Huc ite, neque ad vesperam convivium protrahite, cum soli ex omnibus absitis. Inclinator igitur Charicles, in aurem mihi: Hic, inquit, ad est baculo invitans. Quam sublimis est Bacchus, præcipue humectatus. Sed eamus: metuendum est enim, ne ad extremum plagas nobis inferat. Tu quidem jocularis, eamus tamen, inquit, bam. Postquam autem venimus, prope seipsum collocavit Chariclē Theagenes. Mihi quoque tribuebat aliquid honoris, Chariclis causa. Jam quid tibi molestus sim, narrans illa quæ in convivio fuerunt, choreas virginum, tibici-

bicinas, armatam & pyrrhichiam sal-
 rationem epheborum, & alia cum qui-
 bus lautos & opiparos cibos Theage-
 nes temperaverat, familiare & magis
 aptum comotationi convivium effi-
 ciens: sed quæ & te audire in primis
 necesse est, & mihi narrare jucundum,
 hæc sic accipe. Theagenes præ se fere-
 bat quidem lætitiā, & seipsum fran-
 gebat, ut humaniter ac festive tractare
 præsentēs videretur: cæterum à me
 deprehendebatur quo sum animo ten-
 deret, cum jam oculos versaret, jam
 vehementius & sine ulla causa inge-
 misceret, nunc tristis esset & veluti
 cogitabundus, mox vultum hilario-
 rem sumeret, tanquam sibi conscius
 & seipsum revocans, denique in o-
 mnem mutationem facile delaberetur.
 Mens enim amantis, perinde atque
 ebrii, flexibilis est, & quæ nulla certa
 sede manere queat, tanquam animo
 utrisque in humido affectu fluctuante.
 Proinde & in ebrietatem amans, & in
 amorem ebrius proclivis est. Postea
 vero quam oscitatione mœrenti & an-
 xia plenè apparebat, jam & cæteris
 qui aderant præsentēs, manifestum e-

rat quod non recte valeret. Ut etiam Charicles qui præter varietatem hanc nihil animadverterat, submisit ad me diceret: & hunc invidus vidit oculus: idemque mihi videtur, quod & Charicliæ, illi accidisse. Idem, inquit, ego, per Ism: nec injuria, quandoquidem in pompa post illam excellebat. Hæc quidem nos. Cæterum ubi calices circumagi oportuit, propinabat quidem Theagenes cuique vel invitatus, benevolentia ergo. Ad me autem ut pervenit, cum me accipere ab illo officium benevolentia dixissem, sed poculum non recepissem, acriter & ardentibus oculis obtuebatur, contemni se existimans. Quod cum intellexisset Charicles: A vino, inquit, & cibis animantium abstinet. Illo autem causam interrogante: Ægyptius est, inquit, Memphites, & antistes Isidis. Theagenes igitur cum Ægyptium me esse, & antistitem, cognovit, subito ingenti voluptate est affectus: & sicuti ii qui in thesaurum aliquem inciderunt, sese erigens, aquam poposcit: & cum ebibisset: O sapientissime, inquit, ad hanc potionem, qua tibi ex

iis

iis quæ tibi sunt suavissima propinavi,
& amicitiaæ fœdus inter nos hæc men-
sa faciat. Faciat, inquam, optime Thea-
genes, quæ mihi jampridem tecum in-
tercedit: & recipiens bibebam. Ac
tunc quidem in hæc defuit convivium,
& discedebamus in suam quisque do-
mum, cum me Theagenes sæpius &
calidius quam priore notitia, amanter
& cum osculis complexus esset. Post-
quam autem veni eo quo me recipie-
bam, insomnis primum noctem tradu-
cebam in lecto, sursum ac deorsum co-
gitationem de juvenibus versans, &
quid vellent extremæ partes oraculi
inquirens. Cum autem ad mediam no-
ctem processisset, video Apollinem &
Dianam, utrebar: (siquidem rebar, &
non potius vere videbā) ac ille Thea-
genem, hæc autem Charicliam mihi
tradebat. & nomine me compellantes:
Tempus est, dicebant, ut in patriam
redeas: id enim postulat Parcarum
lex. Ipse igitur egredere, & hos rece-
ptos adjuuge tibi comites, in libero-
rum diligens loco, & deduc ex Ægy-
ptia terra, quo & quomodo diis pla-
cet. Hæc cum dixissent, illi quidem di-
sces-

scefferunt, data significatione, quod non somnii visio fuisset, sed res ipsa sic se habuisset. Ego vero alia intelligebam ita quemadmodum videram, cæterum ad quos homines, aut ad quam terram deducendi essent adolescentes, dubitabam. Hæc quidem, inquit, pater, siquidem ipse postea cognovisti, deinceps mihi quoque narrabis. Cæterum quonam modo dicebas tibi ostensos esse deos, quod non in somnis venerint, sed manifeste apparuerint? Eo modo, inquit, fili, quem sapiens Homerus quasi ænigmate significat: multi autem ænigma prætereunt:

*Namque pedum (ut alicubi ille dicit)
crurumque simul vestigia pone,*

*Perfacile agnovi remeante, aurasque secante:
Dii quoque cognosci possunt, certoque notari.*

At qui ipse videor ex multorum numero esse: & hujus me fortasse redarguere volens Calasiri, horum versuum fecisti mentionem: quorum ego sententiam vulgatam teneo, inde usque ab eo tempore quo & verba ipsa edoctus sum. Cæterum inspersam illis theologiæ doctrinam ignoro. Paululum igitur immoratus Calasiris, &
men-

mentem ad arcanam significationem
 eruendam excitans: Dii, inquit, & nu-
 mina, Cnemón, venientia ad nos, & à
 nobis recedentia, in alia animalia fa-
 rissime, in homines autem ut plurimū
 sese transformant, similitudine magis,
 ut visum insomnii esse opinemur, no-
 bis imponentes. Quamvis igitur pro-
 phanos homines latuerint, tamen quin
 à sapiente cognoscantur, effugere non
 possunt: sed ex oculis notari possunt,
 cum continuo obtutu intueantur, &
 palpebras nunquam concludant: &
 magis etiam ex incessu, qui non ex di-
 motione pedum, neque transpositione
 existit, sed ex quodam impetu aërio, &
 vi expedita, findentium magis auras
 quam transeuntium. Quamobrem sta-
 tuas quoque deorum Ægyptii ponunt,
 conjungentes illis pedes, & quasi u-
 nientes. Quæ etiam Homerus sciens,
 ut Ægyptius, & doctrina sacra instru-
 ctus, occulte & involute versibus red-
 didit, relinquens intelligenda iis qui
 possent. De Palladè quidem:

Atque truces oculi fulsere tuenti.

De Neptuno autem:

*Namque pedū crurumq; simul vestigia
 pone, Per-*

Perfacile agnovi remeante.

tanquam fluente in incessu. Hoc enim est, Perfacile remeante: non ut quidam decepti, perfacile agnovi, putarunt. His quidem me ô divinissime initiasti, inquit Cnemon. Cum vero sæpe Homerum Ægyptium appelles: neque credere non possum, & vehementer admirans obsecro, ne prætereas hanc partem orationis inexcussam. Et si alienum est Cnemon ab instituto meo, nunc de his differere: tamen audies breviter. Homerus ab aliis quidem aliunde nominetur: & patria cordato sit urbs quævis viro. Erat autem revera nostras, Ægyptius: & urbs illi Thebæ centiportes, ut ex ipso cognoscere licet: pater autem opinione hominum antistes, sed non mentitus Mercurius. Atqui erat illius existimatus pater antistes, eo quod cum ejus uxore celebrante quædam sacra patria, & in templo dormiente, coivit deus, & Homerum procreavit, ferentem notam incessæ consuetudinis. In utroque enim femore inde usque ab ipso partu, ingens longitudo criniû innatabat. Unde cum inter alios, tum inter Græcos ober-

oberrans, & poëma canens, nomen est
 nactus: ipse quidem nomen proprium
 non dicens, neque patriam aut genus
 nominans, cæterum iis qui sciebant
 illam corporis affectionē, ut in nomen,
 illi verteretur perficientibus. Quorsum
 autem spectans, pater, tacebat pa-
 triam? Aut quod pudebat illum exilii:
 erat enim pulsus à patre, quando ex
 ephebis inter consecratos recenseba-
 tur, ex eo quod notam ferret in cor-
 pore spurius cognitus. vel hoc etiam
 sapienti consilio fecit: ac dum veram
 celaret, omnem urbem patriam sibi
 vendicabat. Hæc quidem recte & vere
 dicere mihi visus es, facienti conje-
 cturam ex poëmate viri, cum omni vo-
 luptate & oblectatione quasi Ægyptia
 temperato, & ex naturæ excellentia:
 quæ certe ita omnes non superaret, nisi
 è divinis quibusdā revera fundamen-
 tis extitisset. Sed postquam deos Ho-
 merice deprehendisti Calasiri, quid
 deinceps sit consecutum, mihi expone.
 Prioribus, Cnemon, similia: rursus in-
 somniæ, & deliberationes, & amicæ
 nocti cogitationes. Gaudebam, ali-
 quid me eorum quæ non cogitabam,
 inve-

invenisse sperans, & reditum in patriā expectans: excruciar̃ autem, fore ut Charicles filia privaretur, cogitans. Dubitabam qua ratione juvenes essent una abducendi, & excogitandus modus comparandi exitus. De fuga eram sollicitus, quo modo illam clam capessere, & quo dirigere deberemus: & utrum terra, an mari: denique procella quædam cogitationum me obruebat, & insomne reliquum traducebam noctis. Necdum exacte dies illuxerat, perstrebat ostium atrii, & sensi quendam puerum vocantem. Interrogante autem famulo, quis pulsaret fores, & quam ob causam? dixit is qui vocabat, quod Theagenes Thessalus adesset. Delectatus sum nuncio de adolescente, & vocari intro jubebam: offerri mihi ultro & quasi casu initium consilii capiendi, quod præ manibus habebam, existimans. Conjectabar enim, quod cum me in symposio Ægyptium & antistitem esse audisset, veniret adiutorem sibi in amore assumpturus, ita ut plerique (sicuti existimo) animo affectus, qui Ægyptiorum sapientiam unam & eandem esse existimant,

mant, haud recte judicantes. Est enim quædam vulgata, & ut ita dicam, humi serpens, quæ simulachrorum ministra est, & circa mortuorum corpora volvitur, herbis intabescens, & incantationibus dedita, neque ad ullum bonum finem perveniens, neque hos qui illa utuntur deducens, sed in multis etiam ipsa suis rationibus offendens, tristitia vero quædam & sordida interdum præstans: nimirum visiones eorum quæ non sunt, tanquam essent; & frustrationes speratarum actionum, flagitiorum inventrix, & profusarum voluptatum ministra. Altera vero, fili, quæ revera sapientia est, & à qua illa adulterina degeneravit, quam nos sacerdotes & antistitū genus ab incunte ætate excolimus, supra res cælestes contemplatur, deorum convictrix, & naturæ præstantioris particeps, astorum motus inquirens, & futurorum præscientiam in lucro ponens: ab his quidem terrenis malis remota, omnia vero ad honestatem & utilitatem hominum instituens. Propter quam & ego patria cessi ad tempus, si quo modo quæ tibi antea narravi, mihi ab ipsa

prædicta, & bellum filiorum meorum inter sese possem evitare. Sed hæc cum diis aliis, tum Parcis commendata sint: in quorum, ut hæc faciant, aut non, potestate situm est: qui etiam mihi exilium non magis propter hæc, ut videtur, quam propter Charicliæ inventionem imposuerunt. Id autem quomodo evenerit, ex iis quæ sequentur cognosces. Cæterum Theagenē, postquam ingressus est, & salutavit, resalutatum prope me in lecto colloca-
bam, &, Quæ necessitas tam mane te ad me adducit? interrogabam. Ille autem cum diu demulssisset faciem: Anxius sum, inquit, de summa rerum: erubescō autem aperire, & conticuit: Animadverti igitur tempus esse mentiendi apud ipsum, & divinandi ea quæ sciebam. Itaque hilarius eum contuitus, Etiam si ipse dicere cuncteris (inquam) tamen sapientiæ nostræ & diis nihil est ignotum. Et cum paululum me erexissem, & calculos quosdam nihil numerantes in digitis composuissem, & comam sparsissem, afflatus viminis imitans, Amas (dixi) ô fili. Exiit ad illud vaticinium. Postea
vero

vero quam & Charicliam addidi, jam
 iam id me divinitus cognovisse exi-
 stimans, parum aberat quin procum-
 bens adoraret. At cum inhiherem, o-
 sculabatur sæpe caput, accedens, & diis
 agebat gratias, quod spe sua lapsus nõ
 esset, utque illi servator essem preca-
 batur: neque enim se superstitem esse
 posse, si auxilio, atque hoc ipso celeri
 destitueretur. Tantum malum se in-
 vasisse, atque ita flammis affectus illi
 præcipue tum primum amorem sen-
 tientem. Consuetudinis enim mulie-
 bris expertem se esse dicebat, multis
 modis iurans: semperque respuisse o-
 mnes, & conjugia ipsa, & amores si a-
 licujus audisset, quoad illum Charicliæ
 forma convicisset: quod non naturali
 abstinencia & robore fuisset præditus,
 sed usque ad illum diem mulierem a-
 more dignam non vidisset: & hæc di-
 cens lacrymabat, veluti invitum & per-
 vim à virgine se victum esse declarans.
 Erigebam illum, & consolabar, & Esto
 fidenti animo, dicebam, cum semel ad
 nos confugeris: non enim erit illa no-
 stra sapientia fortior. Est quidem au-
 sterior, & difficulter in amorem delabi

potest, Venerem & conjugium con-
 temnens, vel si nomines tantum. Sed
 propter te omnia movenda sunt. Ars
 & naturam frangere potest: tantum
 confidentem esse oportet, & imperanti
 necessaria parere. Promisit se omnia
 facturum, sicut ego imperassem. Ita
 illo obsecrante ac obtestante, & præ-
 mium omnes suas facultates mihi pol-
 licente, veniens quidam à Charicle:
 Petita te Charicles, dicebat, ut ad se
 venias. Est autem hic prope in templo
 Apollinis, & hymno deum placat, pro-
 pterea quod turbatus est nescio quo-
 modo in somnis. Consurgo subito, &
 Theagene ablegato, in templum per-
 veniens, deprehendo Chariclem seden-
 tem in sella, admodum tristem, & con-
 tinue ingemiscentem. Accedens igi-
 tur, Quid ita tristis es & mœrens? in-
 terrogabam. Ille autem: Cur enim non
 debeam esse, cum & insomnia me tur-
 baverint, & filia mea sicuti audiui ægra
 sit, & totam noctem insomnem ducat?
 Me vero cum aliqui dolore afficiat
 illius adversa valeundo, tum præcipue
 quod cum sequens sit certamini desti-
 natus dies, quo armatis cursoribus æ-
 dituam

dituam facem sustollere, & præesse legitimum est, alterum ex duobus evenire necesse sit: ut aut absens pervertat ac destruat morem usitatum, aut vel invita veniens, gravius etiam affligatur. Quamobrem si quidem prius fieri non potuit, nunc saltem opem illi ferens, & adhibens medicamentum aliquod, officium justum erga nos amicitiamque nostram, conjunctum cum pietate erga deum feceris. Scio quod minime sit tibi difficile, si modo volueris, fascinationem (ut ipse ais) curare. Antistibus enim vel maxima præstare, haud est impossibile. Fatebar me neglexisse, illi quoque fucum faciens, & ut mihi spacium præsentis diei concederet postulabam, quod essem aliquid compositurus in usum medicamenti. Nunc autem ad virginem eamus, inquam, diligentius consideraturi, & quoad fieri potest, eam consolaturi. Simul vero, Charicles, velim te de me verba aliqua facere apud puellam, & me commendatum illi. noriorum efficere, ut mihi reddita familiarior, confidentius quoque sanantem admittat. Sit ita, inquit. Postquam au-

dem, annuebat tamen Chariclia, tanquam libenter consilium de me datum admittens. Et tunc hisce constitutis, discessimus, reducente mihi in memoriam Charicle, ut ea quæ à me petierat curarem, & cogitarem quomodo in Chariclia cupiditatem aliquam conjugii & virorum efficerem. Deducebam igitur lætum, cum illius voluntati brevi satisfactum iri promissem.

L 4 H E-



prætendens. & cum comparuisset, continuo totum theatrum ad sese convertit. Cæterum haud scio an nemo oculum Theagenes. anteverterit. Velox est enim amans, ad videndum id cuius desiderio tenetur. Atqui ille insuper cum audisset antea id quod erat futurum, in eam solam observationem animo vacabat. Quapropter nē tacere quidem potuit, sed submitte ad me, (sedebat autem proximus mihi dedita opera) Illa ipsa, inquit, Chariclia est. Et hunc quidem quiescere jubebam. Ad edictum autem præconis, veniebat quidam reximia in habilibus armis specie, & magnos spiritus gerens, solusque inter cæteros clarus, ut videbatur: qui in multis jam antea certaminibus coronatus fuerat, tunc autem concertatorem non habebat: nemine, ut existimo, in certamen prodire aucto. Remittebant igitur eum Amphityones. Neque enim lex permittit, ut ei qui non inierit certamē, corona decernatur. Ille autē provocari à præcone in certamen, cū qui vellet postulabat. Imperabant iudices, proclamavit præco, ut prodiret aliquis, qui certamen

men inire vellet. Theagenes autem ad me : Hic me vocat , inquit. Me autem , Quomodo hoc dicis ? quærente : Sic erit , inquit , pater. Neque enim quisquam alius præfente & vidente me , ex manibus Charicliæ victoriæ præmium auferet. Frustrationem autem , inquam , & ignominiam quæ hanc confequitur , nihil omnino curas , nec expendis ? Quis autem , inquit , tam furiofe videre & appropinquare Charicliæ contenderit , ut me antevertat ? cui vero perinde atque mihi , afpectus illius alas addere poffit , & eum in fublime rapere ? An nefcis , quod Amorem etiam alatum faciunt pictores : agilitatem illorum qui eo detinentur , quafi ænigmate quodam fignificantes ? Quod fi oportet jactationem accedere ad ea quæ dicta funt , nemo ad hunc ufque diem quod me pedibus præcurrerit , gloriatus eft. Hæc dixit , & profiluit , ac progreflus in medium , nomen edebat , & indicabat gentem , & locum curfus fortiebatur : & induta tota armatura , ftetit ad carceres , ftudio currendi anhelans , & fignum tubæ invitus & vix expectans.

ctans. Præclarum quoddam erat spectaculum, & conspicuum, & quale Homerus, in quo Achilles præliq ad Scamandrum certat, introducit. Commota enim erat Græcia tota ad illud factum, quod præter opinionem accidebat, & Theageni victoriam precabatur, non secus ac si quilibet certamen iniret. Magnam enim vim habet etiam ad conciliandam aspicientium benevolentiam, formę venustas. Commota quoque fuerat & Chariis, supra modum: & vidi, cum id diu observarem, subinde in alium atque aliū vultum eam commutari. Nam postquam ita ut exaudirent omnes, præcursu certantes nunciavit, & proclamavit, Ormenus Arcas & Theagenes Theſſalus, relinquebantur carceres, cursus autem conficiebatur propemodum oculorum comprehensionem effugiens. Ibi ne quieta quidem manere amplius virgo potuit, sed commovebatur illius gradus, & pedes præ exultatione saliebant: tanquam animo una cum Theagene sublato, & illum in cursu adjuvante: ac spectatorum quivis pendebat ab eventus expectatione,

tione, & solitudinis plenus erat. Ego
 vero etiam magis, qui jam apud me
 constitueram, ut illius non secus ac
 filii curam susceperem. Nihil mirum
 est, inquit Cnemon, quod videntes &
 præsentes solliciti sunt: nam & ego
 nunc Theageni metuo, & à te peto ut
 eo citius, si victor est renunciatus, ex-
 ponas. Cum jam medium stadium cō-
 ficeretur, Cnemon, paululum conver-
 sus & Armenum torve contuitus, al-
 levari letum in altum, & erecto col-
 lo, & visu prorsus in Charicliam in-
 tenso, in eam ceu sagitta ad scopum
 ferebatur: & tantum anticipavit Ar-
 cadem, ut ille multis orgiis à tergo
 relinqueretur: quod intervallum po-
 stea mensum est. Accurrens igitur ad
 Charicliam, totus ex industria in il-
 lius pectus incidit, quasi impetum cur-
 sus continere non posset: & cum pal-
 mam auferret, me non latuit quod vir-
 ginis manum oscularetur. Beasti, dixit
 Cnemon, quod & vicit & osculatus
 est. Sed quænam deinceps consecuta
 sunt? Non tantum audiendo non sa-
 tiari Cnemon, sed etiam à somno haud
 facile opprimi potes: & cum jam non
 parva

parva pars noctis præterierit, vigilias sustines, & ex producta in longum narratione tædiū non contrahis. Ego vero & Homerum reprehendo, pater, qui cum aliarum rerum, tum amoris satietatem esse dixerit: quæ res (me iudice) nullam satietatem admittit, neque cum fruitur quispiam, neque cum auditu percipit. Quod si ab aliquo Theagenis & Charicliæ amoris fiat mentio, quis est usque adeo adamanti-
no corde, aut ferreo, ut non se obletetur, totum licet audiat annum? Quam ob rem continua narrationem. Theagenes quidem, Cnemon, coronabatur, & renunciabatur victor, ac deducebatur omnium gratulationibus: Chariclia vero plane victa erat, & mancipata amor, magis quam prius, cum iterum Theagenem vidisset. Amantium enim mutuus aspectus, affectus recordatio ac redintegratio est: & inflamat mentem conspectus, perinde atque ignis materiæ admotus. Ac illa quidem domum veniens, similem noctem prioribus, vel etiam acerbiorē traducebat. Ego autem iustus in somnis eram, quonam verteremur fugæ
celan-

celandæ causa considerans, & in quam regionem mittat juvenes deus cogitans. Ac fugam quidem per mare intellexi capessendam esse, ex oraculo conjecturam faciens, ubi dicebat;

Salumque ruentes,

Ad solis venient torridum ab igne solū.

Cæterum quo essent deducendi, unam saltem ad cognoscendum rationem inveniebam, si quo modo possem adipisci expositam cum Chariclia fasciā, quam illius rationibus insignitam esse, Charicles dicebat se audisse. Consentaneum enim mihi videbatur, quod inde & patriam & parentes puellæ, quos jam suspicabar, essem cogniturus, quo fortassis etiam fatis mitterentur. Mane igitur ad Charicliam cum venissem, & alios necessarios lacrymantes deprehendo, & non minime Chariclem. Accedens igitur, Quid est tumultus? interrogabam. Ille autem: Intensior est, inquit, redditus morbus filia, & graviores hanc, quā antea, noctem experta est. Secede, inquam, & reliqui omnes exeat: tripodem autem quispiam tantum, & laurum, & ignem ac thus apponat: neque me

me prius quisquam inturbet, quam
advocavero. Imperavit hæc Charicles,
& fiebant. Nactus igitur ocium, quasi
in scena repræsentationem fabulæ in-
cipiebam: & thus adolebam, & quæ-
dam susurrantibus labris præcatus, lau-
rum à capite ad pedes Charicliæ sur-
sum ac deorsum subinde commove-
bam: & somnolenter, vel potius ani-
liter oscitans, sero tandem desii, cum
multas quasdam nugas in me & in puel-
lam effudissem. Illa autem identidem
caput commovebat, & subridebat, er-
rare me frustra & morbum ignorare
significans. Assidens igitur propius,
Esto bono animo filia, dicebam: mor-
bus enim vulgaris est, & curatu facilis,
fascinatio te impetivit haud dubie, cū
pompæ interesses: magis vero, cum
præesses certamini. Ego autem suspi-
cor eum qui fascinavit. Theagenes est,
qui certavit armato cursu. Neque e-
nim me latuit, quod in te sæpius in-
jiceret, & oculos petulantius in-
jiceret. Illa autem: Ipse sive ita me
vidit, sive non, multum valeat. Cæte-
rum cujas est, aut unde oriundus? Vi-
debam enim multos illum cum quodā
stupor-

stupore admirantes. Quod Thessalus sit genere, audisti antea ex præcone, quando ipsum renunciavit. Refert vero se ad Achillem generis authorem, & mihi vere hoc sibi sumere videtur, conjecturam facienti ex proceritate & forma, Achilleam generositatem confirmante: præterquam quod non est arrogans, neque insolens, sicut ille, sed animi ferociam & fastum suavitatē lenit ac temperat. Quod cum ita sit, tamen acerbiora ipse patitur, quam intulit: habeat licet invidum oculum, & te aspectu infascinarit. O pater, inquit, tibi quidem habeo gratiam, quod vicem nostram doles, & moleste fers: sed quid frustra imprecaris ei, qui nos nulla injuria affecit? Neque enim fascinatione laboro, sed alio quodam (ut videtur) morbo. Quid igitur celas, inquam, filia, & non potius audacter exponis, ut eo facilius auxilium invenire possimus? An non pater sum tibi ætate, vel magis benevolentia? An non patri tuo notus, & iisdem animorum studiis conjunctus? Indica quo labores: habes me fidum, si velis etiam jurejurando obstrictum. Dic confidenter.

fidenter, neque dolori vires taciturnitate suppedites. Omnis enim affectio quæ cito cognoscitur, facile curari potest: sed quæ tempore inveterascit, propemodum est insanabilis. Alimentum est enim morborum, silentium: cæterum quod enunciat, leniri consolatione facile potest. Paululū igitur immorata ad hæc, & varias animi mutationes & affectus vultu declarans: Concede mihi, inquit, hodiernum diem, audies vero postea, nisi ipse antea cognoveris, quandoquidem vaticinandi artis peritum te esse vis. Abibam confurgens, dans facultatem puellæ, ut interim animi pudorem moderaretur. Charicles autem mihi occurrebat, &, Quid habes quod dicas? quærebat. Omnia fausta, dicebam. cras enim dolore, qui illi molestus est, liberabitur. Et aliud quidpiam ex quo voluptatem magnam percepturus es, inceptabit. Interea nihil vetat quo minus medicum accersi jubeas. Atque his dictis recurrebam, ne plura ex me Charicles sciscitaretur. Et cum paululum tantum progressus essem extra domunculam, video Theagenem ibi-
 M dem

dem circa templum & ambitum templi
 obambulantem, & secum colloquen-
 tem, tanquam sufficeret illi, si habita-
 culum tantum Charicliæ videret. De-
 flectens igitur præteribam, quasi illum
 non conspexissem. Ille autem: Salve,
 inquit, Calasiri: & audi: te enim ex-
 spectabam, Conversus sum subito, &
 Theagenes est, dicebam, formosus.
 Non hercle animadverteram. Qui for-
 mosus, inquit, qui Charicliæ non
 placet? Simulabam vultu, me indi-
 gnari: & Non desines, dicebam, me
 & artem meam afficere contumelia, à
 qua jam illa capta, & te amare coacta
 est, & tanquam aliquem præstantiorē
 se videre optat? Quid dicis, inquit,
 pater? videre me Chariclia? Quam ob-
 rem igitur non ducis ad ipsam? & simul
 procurrebat. Apprehendens igitur eum
 pallio: Sta hic, inquit, etiamsi valeas
 currendi celeritate. Neque enim est
 negotium hoc tanquam præda, nec ad
 consequendū facile, & cuivis volen-
 ti expositum: sed magno consilio in-
 diget, ut commode perfici; & magno
 apparatu, ut secure agi possit. An ig-
 noras, quod pater virginis primum di-
 gnita-

gnitatis locum Delphis obtinet? An non legum tibi venit in mente, quæ capitalem pœnā in tales constituunt? Haud multum refert, inquit, etiam si moriar, potitus Chariclia: sed tamen si videtur, petamus illam in matrimonium mihi dari, patrem accedentes. Neque enim indigni sumus, qui cum Charicle affinitatem contrahamus. Nō obtinebimus, inquam, non quod aliquid in te reprehendi aut desiderari possit: sed Charicles sororis suæ filio virginem jampridem despondit. Plorabit, inquit Theagenes, quicumque tandem sit: neque quisquam alius, me vivo, in thalamos ducet Charicliam. non usque adeo manus hæc & gladius torpet meus. Desine, inquam, nulla re ejusmodi opus erit: tantum mihi obtempera, & fac sicut ego præcepero. Nunc vero discede, & cave ne sæpius me convenire deprehendaris, sed quiete & solus mecum congregere. Abibat subtristis. Charicles autem postridie mihi factus obviam, quamprimum me vidit, accurrens, multoties caput osculabatur. Tantum valet sapientia, tantum amicitia: continue exclamans:

perfectum est à te magnum opus. Capta est, quæ difficilis captu fuit: & victa est inexpugnabilis antea: Amat Chariclia. Ad hæc lasciviēbam, & contrahebam supercilium, & superbe incedens: Minime dubium erat, dicebam, quod ne primum quidem impetum sustinere posset, cum quidem adhuc nihil majus admoverim. Verum unde, Charicle, amantem deprehendistis. A te persuasi, inquit. Medicos enim probatæ fidei, quemadmodum admonueras, cum advocassem, ad inspectionem ducebam, præmium opes quas haberem pollicens, si illi adjumento esse possent. Illi autem quamprimum ingressi sunt, interrogabant, ex quo laboraret? Hac vero averſa, & carmen Homericum exclamante,

Inter Achivos Pelida præstantior omnes.
 sapiens Acestinus (novisti fortasse virum) manum carpo etiam invitæ injiciens, videbatur ex arteria affectionē judicare, cordis motus (ut existimo) indicante. Cumque nō parvo tempore arteriam tentasset, & sursum deorsumque sæpius contemplatus esset, O Charicles, inquit, frustra huc nos advoca-

vocasti. Medica enim nihil in hac profecerit opera. Me vero, O dii, quid hoc dicis? exclamante: perit igitur mihi filiola, & jam extra omnem spem salutis posita est. Ne tumultueris utique, inquit, sed audi. & cum me abduxisset seorsum à puella & ab aliis: Nostra, inquit, ars affecti corporis curationem proficitur, animi vero nō principaliter, sed tum tantum cum compatitur corpori afflicto: vicissim illo sanato, juvatur simul, & convalescit. Cæterū puella morbo quidem laborat, sed nō corporis. Non enim humor aliquis redundat, non capitis dolor illam gravat, non febris inflammat, non aliud quicquam in corpore, neque pars, neque totū morbo detinetur. Hoc profecto, neque aliud quicquam, pro vero habendum est. Me autē obsecrante, & ut diceret, si quid intellexisset, postulāte: An non, inquit, etiam ipsi puellæ notū est? affectum esse animæ, & morbum, amorem manifestum. An non vides quod illi oculi turgescunt, & aspectus distortus est, & facie pallet, cor non accusans? adhæc animo errat, & quidvis oblatum loquitur, & vigilias abs-

que causa sustinet. denique succum corporis & justam amplitudinem subito amisit. Inquirendus est tibi, Charicles, si modo fieri possit, aliquis qui illam sanet. Præstiterit autem id cupitus solus. & hæc cum dixisset, discedebat. Ad te autem ego cursim abii, meum servatorem, & deum: quem solum beneficio nos afficere posse, & ego & illa agnoscit. Nam me multis modis petente, & ut diceret quid pateretur obsecrante, unum tantum respondit: quod ignoraret quidem quid sibi accidisset, sciret autem quod solus Calasiris sanare posset, & ut te ad illam accerferem, orabat. unde vel maxime sum conjectatus, tua sapientia captam esse. An igitur, sicuti quod amat (ad illum ego) ita & quem amet., dicere possis? Non per Apollinem, inquit. Quomodo enim, aut unde hoc scirem? Optarem autem illam præ omnibus divitiis Alcamenem amare, sororis meæ filium, quem jampridem ipsi, quod ad voluntatem meam attinet, sponsum designavi. Me autem dicente, quod liceret facere periculum, introducenti ad illam, & ostendenti adolescentem: collaudato

dato consilio, discededat. Rursus autem, quo tempore forum est refertum, mihi factus obviam, Audies rem acerbam & molestam, dicebat: filia insanire videtur, adeo inusitatum quiddam illa detinet. Introducebam, sicut jubebas, Alcamenem, & delicatius exornatum ostendebam. Illa autem tanquam Gorgonis conspecto capite, aut aliqua re adhuc magis formidabili, alta & acuta voce exclamavit, & vultum ad aliam partem conclavis avertit, & manus tanquam laqueum collo admo-vens, se sibi mortem conscituram esse minabatur: & jurejurando confirmabat, nisi quamprimum exiremus. Ab illa quidem vel dicto citius discessimus: quid enim faciundum fuit, absurditatē tantam videntibus? Tibi autem supplices iterum sumus, neve illā interire, neve nos voto nostro frustrari patiaris. O Charicles, inquam, haud falso dixisti insanire puellam. Commoveatur enim à copiis quas illi immisi, & his non minimis, sed quæ illam (ut conveniebat) ad ea facienda, à quibus & natura & animi constitutione abhorrebat, cogerent. Sed mihi videtur

contrarius quispiam deus, impedire
negocium, & cum meis ministris di-
gladiari. Quamobrem tempus est om-
nino, ut mihi fasciam ostendas, quam
cum filia expositam, te cum cæteris in-
diciis recepisse dicebas. Quam metuo,
ne præstigiis aliquibus imbuta sit, &
imposturis exacerbantibus animam
picta: cum inimicus aliquis illi statim
ab initio, ut aliena ab amore, & abs-
que prole totum tempus vitæ degeret,
ita insidias struere voluisset. Approba-
bat hæc, & paulo post afferebat fas-
ciam. Tempus mihi ab illo dari peto:
obsequitur. ego ad hospitem reversus,
ne vel tantillum quidem differens, fas-
ciam perlegi, literis Æthiopicis non
vulgaribus, sed regiis notatam, quæ
Ægyptiis sacris cognominatis sunt si-
miles. Et cum percurrerem, talia quæ-
dam inveni scriptum exponere: **PERSI-
NA REGINA ÆTHIOPUM**, quod-
cumque tandem cognomen habituræ,
& solis doloribus filiæ, donum ultimū
exaro hanc inscriptam lamentationē.
Obrigui, Cnemon, postquam nomen
Persinæ audiui: attamen ea quæ seque-
bantur, legebam, quæ erant talia:
quod

quod ob nullum scelus, filiola te na-
 tam exposui, & patrem tuum Hyda-
 spem conspectum tuum celavi, testis
 mihi sit Sol, author nostri generis: ve-
 runtamen excusatam iri me tibi ali-
 quando cupio, filia, si superstes man-
 seris, & ei qui te sublaturus est, si quē
 Deus adduxerit, totidenique vitæ ho-
 minum, retegens causam expositionis.
 Nobis majores ex diis quidem sunt,
 Sol & Bacchus. Porro ex numero he-
 roum, Perseus & Andromeda, & Mē-
 non post hos. Hi igitur qui regia do-
 micilia successu temporis extruxerunt,
 picturis ea sumptis ab illorum rebus
 gestis, exornarunt. Ac aliorum quidē
 imagines & res gestas in habitaculis
 virorum & porticibus depinxerunt:
 thalamos autem Andromedæ Persei-
 que amoribus variarunt. Ibi aliquando
 nos, decimo jam elapso anno, postquā
 me Hydaspes uxorem cognovit, nec-
 dum essent nobis liberi, sub meridiem
 quiescere contigit, somno æstivo cō-
 pellente. Tum quoque mecum rem
 habuit pater tuus, somnium illi hoc
 præcipere jurans: & sensi me continuo
 gravidam esse. Tempus igitur usque

ad partum, festum publicum erat, & sacrificia gratiarum actionis ergo diis fiebant, tanquam rege sperante successorem generis. Postquam autem te albam peperisti, inusitatum Æthiopibus colorem referentem, ego quidem causam cognoscebam, quod cum aspectui, in consuetudine cum viro pictura Andromedam obtulisset, & undique ostendisset nudam, (tum primum etiam eam Perseus ex rupibus deducebat) simile illi in præsentia infœliciter formasset. Veruntamen statui & meipsam liberare ignominiosa morte (pro certo habens tuum colorem adulterii crimen mihi conciliaturum, nec quenquam crediturum esse casum exponenti) & tibi natæ incertitudinem fortunæ largiri, longe morte manifesta, aut omnino spurio nomine optatiorem: teque mortuam esse continuo, apud virum fingens, clanculum & occulte exposui: quam maximas opes potui, præmium ei qui te sustulisset una exponens: & cum aliis rebus te ornans, tum hac fascia, & miserabili narratione tuarum mearumque rationum involvens, quam lacry-

mis

nis propter te profusis & sanguine
 sculpsi, cum simul primo enixa essem,
 & in multiplicem luctum incidissem.
 Cæterum ô suavium, & ad exiguum
 tempus filia, si superstes fueris, memi-
 neris præclari tui ortus, colens pudici-
 tiam, quæ sola muliebris virtutis &
 animi regii character est: & parentes
 imitare, eam exercens. Memineris au-
 tem ante omnia, ut inter pignora te-
 cum exposita, anulum quendam in-
 quiras, & tibi vendices: quem pater
 tuus mihi, cum illi desponsarer, do-
 navit, regio quidem signo in circulo
 sculptum, lapide autem Pantarbe &
 occulta yi prædito, in pala consecra-
 tum. Hæc tecum sum locuta, scriptū
 ad hunc usum inveniens, cum me nu-
 men vivo colloquio & coram in ocu-
 lis posito privasset: quæ ut facile muta
 & irrita esse, ita & ad utilitatem ali-
 quando pervenire possunt. Etenim in-
 certitudo fortunæ hominibus ignota
 est. Denique hæc quæ sunt à me scri-
 pta (ô nequicquam formosa, quæ no-
 bis crimen forma conciliasti) si quidem
 servata fueris, indicia tibi erunt: sin,
 quod utinā semper aures meas lateat,
 sepul-

cliam venissem, deprehendo solam jã
 prorsus affectu fessam, & animo qui-
 dem eluctari conantem, corpore au-
 tem omnino afflictam, cum cessisset
 morbo, & resistere ingruenti magno
 impetu non quivisset. Cum igitur pro-
 cul removissem eos qui aderant, & ne
 qui quam tumultuaretur imperassem,
 tanquam preces quasdam & invoca-
 tiones puellæ admoturus: Tempus
 adest, inquit Chariclia (sic enim pri-
 die promisisti) dicendi quid patiaris;
 & non celandi virum te benevolentia
 prosequentem, qui etiam te tacente
 omnia scire possit. Illa autem appre-
 hensam meam manum osculabatur, &
 illacrymabat: & O sapiens Calasiri,
 da nobis hanc gratiam primum dice-
 bat, sine me tacentem infelicem esse,
 cum ipse, ut vis, morbum cognoveris:
 & ignominiam evitatam in lucro po-
 nere, occultantem ea quæ cum pati
 turpe, tum enunciare multo turpius
 est. Me autem etsi dolore afficit mor-
 bus invalescens, tamen illud magis,
 quod initio morbum non superarim,
 sed victa sim ab affectu, qui mihi sem-
 per ante hoc tempus odiosus fuit, &
 vel

vel auditu ipso venerandum virginitatis nomen contaminat. Confirmans igitur ipsam: O filia, inquit, duabus de causis recte facis, quod premis rationes tuas. Nam & mihi nihil opus est ut ea cognoscam, quæ jampridem ex arte mihi sunt nota: & non abs te tibi accidit, ut erubescas ea dicere, quæ mulieres occultare magis decet. Sed quoniam semel amorem sensisti, & Theagenes conspectus te cepit (hoc enim vaticinium divinum mihi indicavit;) tu quidem scito te non solâ, neque primam hunc affectû experiri, sed cum multis illustribus fœminis, cû multis quoque virginibus, alioqui (si spectes cætera) pudicis. Maximus enim deorum est Amor, ac ipsos etiam deos interdum superare dicitur. Cæterû considera quo pacto optime tuas res in præsentia constituas. Siquidem expertem esse amoris initio, beatitudo quædam est: at ubi captus sis, ad moderationem revocare animum, sapientia singularis. Quod & tibi si credere volueris, licet: cupiditatis nimirum turpe nomen repellere, conjunctionis autem legitimum vinculum amplecti,
& in

& in matrimonium vertere morbum. Sudore multo manabat post hæc dicta, Cnemon ; & manifestum erat omnino, quod lætaretur iis quæ audierat : sollicita esset autem, & anxia, de iis quæ sperabat: denique erubesceret, conscientia eorum in quibus erat deprehensa. Cum igitur non parvo temporis intervallo quievisset: O pater, inquit, matrimonium nominas, & hoc amplecti jubes, tanquam manifestum esset, aut patrem assensurum esse, aut inimicum meum illud ambiturum. Quod ad adolescentem attinet, firmum est, inquibam. Magis etiam ille, quam tu captus est, simili ratione commotus. Siquidem ut est consentaneum, animæ utriusque vestrum, primo congressu mutuam alterius dignitatem cognoverunt, & in parem affectum sunt delapsæ: auxi vero & ego ipse, tibi gratificans, illius cupiditatem. Cæterum qui putatur tuus esse pater, alium tibi parat sponsum, Alcamenem, tibi non ignotum. Illa autem: Alcameni quidem sepulchrum prius quam matrimonium meum paret. Me enim aut Theagenes ducet, aut id quod est, fatale

tale excipiet. Tu vero unde cognove-
 ris quod non sit meus pater, sed pute-
 tur esse, Charicles, quæso expone.
 Ex hac, inquam, tænia: simul eam
 demonstrans. Unde autem eam ade-
 ptus es, aut quo modo? Postquam e-
 nim me in Ægypto à nutritio acceptā,
 nescio quomodo huc adduxit, abstra-
 hens illam à me, repositam in cistella
 asservavit, ne temporis injuria cor-
 rumperetur. Quomodo recuperaverim
 (inquam) deinceps audies. In præ-
 sentia vero, an ea quibus est insignita
 scias, dic mihi. At cum illa nescire se
 confiteretur: genus, dicebam, & gen-
 tem, & fortunam tuam exponit. deni-
 que ut aperirem illi quæ scirem, obse-
 cranti, referebam omnia, scriptum al-
 ternis legens, & ad verbum interpre-
 tans. Postquam autem seipsam agno-
 vit, & animum erexit, magis ad genus
 suum ferebatur, & Quid facere oportet?
 interrogabat. Jam tum consilium
 manifestius incipiebam, omnia ita ut
 se habebant retegens. Ego dicebam,
 filia, etiam Æthiopes adii, studio illo-
 rum sapientiæ cognoscendæ. Fui &
 matri tuæ Persinæ notus. Semper enim
 hospi-

hospitium & receptaculum sapientum generis, est aula regia: & alioqui consecutus eram aliquantum glorię, Ægyptiacę sapientię, accessione Æthiopicę, majorem addens auctoritatem. postquam autem me domum discessurum sensit, tuas rationes omnes mihi exponit, jurejurando primum fidem silentii à me accipiens, & dicebat, sapientibus indigenis dicere se non ausuram fuisse: à me autem petere, ut scisciter deos, primum an exposita servata sis: deinde, qua in terra degas ætatē. Neque enim se audire in genere Æthiopum ullam talem esse, et si id anxie inquisiverit, ego autem cum omnia à diis didicissem, & superstitem te esse, & ubi vitam degeres dixissem, rursus petebat ut inquirerem, & in patriam reverti juberem. Se enim sine prole & liberis, ex dolore quo propter te afficiatur, manere: paratamque esse, si quando apparueris, confiteri patri tuo id quod accidit. Scireque illum persuasum iri, tum diuturnitate temporis quo secum vixerit, experimentum de se habentem, tum successionis liberorum præter opinionem oblata, ductū

cupiditate ac desiderio. Hæc illa dicebat, & ut facerem obsecrabat, multis modis me per jusjurandum Solis obtestans: quod violare nemini sapientū fas est. Ego autem venio, preces jurejurando firmatas executurus: quamvis non eam ob causam hoc iter susceperim, tamen deorum monitu, maximo ex errore hoc lucri reportans. Et jam longo tempore in id intentus, nec quicquam convenientis observantiæ erga te jampridem intermittens; tacens autem rem ipsam, ut occasionem nancisci, & tæniā arte aliqua, fidei faciendæ causa iis quæ tibi dicturus eram, adipisci possem, expectans. Quāobrem licet tibi obtemperanti, & fugā hinc nobiscum capeffenti (priusquam aliquid vel per vim, quod minime velles, sustineas, Charicle tibi jam Alcamenis nuptias apparante summo studio) genus, & patriam, & parentes recuperare, & Theageni viro cohabitare, quascunque in terras voluerimus, sequi nos parato: & cum peregrina & extranea vita, genuinam & principem commutare, una cum charissimo regnanti. Siquidem oportet cum diis &

aliis

aliis rebus, tum oraculo Apollinis fidē habere. & simul reducebam in memoriam oraculum, & quid vellet exponēbam. Neque enim ignotum fuit Charicliæ, cum alioqui vulgo esset decātatum, & illius interpretatio à multis quæsitā. Adhæsit ad hæc. Postquam igitur deos ita velle & tu dicis, & ego credo, quid est tandem faciendum pater? Fingendum, ajo, quasi approbes Alcamenis nuptias. Grave quidem est, inquit, & alioqui turpe, vel pollicitis alium anteferre Theageni; cæterum quoniam me in deorum potestatem, & tuam, pater, tradidi, quemnam scopum habet, & modum, commentum hoc, ut priusquam ad rem deducatur, dissolvi possit? Reipsa cognosces, inquam. Quædam prædicta mulieribus, interdum cunctationē attulerunt; eadem subito agi cepta, majore cum audacia plerunque peracta sunt. Sequere tantum consilia mea, cum in aliis, tum in præsentia, ut te accommodes ad sententiam Chariclis de nuptiis, tanquam illo nihil acturo sine meo ductu & auspiciis. Promittebat hæc. Atque illam relinquo lacrymantem. Vix au-

tem ex arculis egressus, Chariclem, conspicio tristem admodum, & omni mœrore plenum. Et, O præclare, ad ipsum inquo; Quando te oportebat sequi, & lætari, & diis sacrificia facere, gratiarum actionis ergo, ea quæ jam pridem optabas consecutum, Chariclia sero tandem arte multiplici & sapientia, ad cupiditatem nuptiarum inclinata, tum tristis es, & mœstus, & tantum non lacrymas, haud scio quem ob casum. Ille autem; Sed cur non esse debeam? cum sit futurum, ut charissima mihi in vita, fortassis ante in alias sedes transferatur; siquidem assentiri oportet somniis cum aliis, tum iis quibus perterrefactus sum hac nocte; quarebar, aquilam emissam è manibus Apollinis, cum subito devolasset, hei mihi, ex meo sinu filiolum rapuisse, ferentem ad extremum nescio quem terræ terminum, tenebricosis quibusdam simulachris & umbrosis plenum. Denique neque cognosci potuisse quidnam egisset, infinito intervallo interjecto, ut una cum volatu conspectus effugeret, tanquam ex insidiis efficiente. Hæc ut dixit, ego quidem quo tenderet

deret somnium conjiciebam; illum vero à consternatione animi abducens, & ut quam longissime abesset à suspicionem eorum quæ futura erāt, efficiēs; Sacerdos, inquit, & quidem inter deos vaticiniis clarissimi, non videris mihi conjectationem ex somniis recte nosse; quod cum insomnia tibi nuptias filiæ prænuncient, & aquilam quidē accepturum sponsum quasi ænigmate significant; hæc vero futura annuente Apolline, & tanquam ex manu sua maritum adducente annuncient; vultu indignationem declaras, & somnium in deteriorem partem trahis. Quamobrem faustum habeamus os Charicle, & accommodemus nos ad voluntatem numinum, eo magis in id ut puellæ persuadeamus incumbentes. Hoc vero interrogante, quid facto opus esset, ut magis obtemperantem puellam haberet; Si forte tibi adhuc est, inquit, preciosi aliquid in reposito, aut vestis auro intertexta, aut monile magno constans, hæc tanquam sponsalia affer à sponso, & donis placa Charicliam. Inrecusabilem habet apud mulierem fascinum, aurum & lapis. Deinde alia

quoque ad hanc celebritatem tibi sunt apparanda. Oportebit enim continuare nuptias, nulla interposita mora, dū adhuc puella cupiditatem arte extortam immutabilem retinet. Nihil me intermissurum esse existima corum quæ in me sita sunt, cum dixisset Charicles, recurrebat, ex verbis rem ipsam facere præ voluptate accelerans; & fecit, quemadmodum postea cognovi, ea quæ illi suggereram, nulla dilatione; cum vestem preciosam, tum monilia Æthiopica, à Persina cum Chariclia indiciorum ergo exposita, veluti sponsalia ab Alcamene præferens. Ego autem obuius factus Theageni, ubi versarentur ii, ex quibus pompa constiterat, interrogabam. Ille autem, virgines quidem dicebat jam egressas esse, ideo ut lentius iter faciant præmissas; cæterum ephebos neque amplius ferre moram, tumultuantes, & se ad reditum in patriam impellentes. Quæ ut cognovi, & quæ illis dicenda essent, ac sibi facienda, utque observaret cū à me daretur signum occasionis & tēporis imperavi, ab hoc discedebam. Ad templum autem Apollinis contende-
debam,

debam, supplicaturus deo, ut me oraculo de fuga una cū juvenibus facienda edoceret. Sed erat vel quavis cogitatione celerius numen; & iis qui actiones suas ad illius voluntatem accommodant; auxiliatur etiam non imploratum, benevolentia sæpius preces antevertens, quemadmodum & nunc, nondum sciscitationem factam anticipavit. Apollo responsione, reque ipsa significabat suum ductum & voluntatem. Siquidem me sollicitum de iis quæ cogitabam exequendis, & ad vatem (ut dixi) properantem, cohibuit quædam vox prætereuntem; Præclare, properes, hospites cum te vocent. Celebrabant autem cum cantu tiliarum, convivium in honorem Herculis. Cohibui impetum, postquam hæc sensi: neque enim mihi fas erat, divinam vocationem præterire. Postea vero quam accepto thure adolevi, & aqua libationes feci, videbantur mirari sumptum mearum oblationum: ut tamen una particeps essem convivii, petebant: obtemperabam & hac in parte, & cum recubuissem in thoro, quæ myrthi & lauri hospitibus straverant,

acea quæ solitus eram degustassem: O
 præclari, ad ipsos inquam: convivio
 quidem suavissimo non amplius indi-
 geo, cæterum rationum vestrarum o-
 mnino ad huc sum ignarus. Quare tẽ-
 pus est ut mihi dicatis, qui, aut unde
 sitis. Indecorum enim est & agreste,
 eos qui ejusdem libarionis & mensæ
 fuerint participes, & sacrum salem ini-
 tium amicitiaæ fecerint, non etiam co-
 gnitis mutuo suis rationibus discede-
 re. Dicebant igitur se esse Phœnices
 Tyrios, mercatores artificio. Naviga-
 re autem Carthaginem, sitam in Afri-
 ca: navem onustam Indicis ac Æthio-
 picis, & ex Phœnice mercibus, eo
 ferentes. In præsentia vero Herculi
 Tyrio pro victoria parta epulationem
 instituire, quod hic adolescens (osten-
 so eo qui ante me sedebat) ornatus
 sit hic corona palæstrica, & victricem
 Tyrum inter Græcos declararit. Hic
 enim, postquam superata Malea, ven-
 tis adversis usi ad Cephaleuorum insu-
 lam applicabamus, somnium illi præ-
 dicere futuram victoriam in Pythiis,
 per patrium hunc deum jurans, cum
 nobis ut deflecteremus à proposita na-
 viga-

vigatione, & huc applicarem, per-
 suasisset, re ipsa fidem fecit vaticinio,
 victor nobis plæclarus, paulo ante mer-
 cator cum esset declaratus: & hoc sa-
 crificium deo monstratori, ob victo-
 riam partam, & gratitudinis ergo ce-
 lebrat. Diluculo enim optime solve-
 mus, si venti nostræ voluntati aspira-
 verint. Sic igitur revera statuistis, in-
 quio. Ita omnino, responderunt. Quã-
 obrem comitem me habebitis, si voluc-
 ritis. Mihi enim proposita est naviga-
 tio in Siciliam, quadam de causa. Hæc
 autem insula, ut scitis, præternavigāda
 vobis est, Africam petentibus. Si vo-
 lueris, dicebant. Neque enim quicquã
 commoditatis defuturum nobis existi-
 mamus, cum viro sapiente & Græco,
 & ut testatur experientia, diis grato
 versantibus. Velim, ad ipsos inquit, si
 modo mihi unum diem ad apparatus
 concesseritis. Habebis inquit, cra-
 stinum tantum, ut sub vesperam sis ad
 mare. Magna enim ex parte nobis &
 noctes in navigatione consumuntur,
 auris à terra consurgentibus, tranquille
 naves deducentes. Paciscebar me ita
 facturum esse, jurejurando prius, quod

non essent ante soluturi quam promississent, accepta fide. Ac hos quidem ibi reliqui, adhuc tibiis ac tripudiis operam dantes, quæ ad fidiculas volubile melos Assyriaca quadam consuetudine faciebant, nunc levibus saltibus in altum sublatis, nunc ad terram succiduo poplite sese demittentes, & flexus toto corpore tanquam numine afflati intorquentes. Et cum ad Charicliam venissem, adhuc in sinu pignora à Charicle ferentem & contemplantē, & ad Theagenem post illam, & utrique quæ facienda essent, & quando, suggessissem, domum reversus, intentus eram in ea quæ erant futura. Sequenti autem die talia fiebant. Cum mediæ noctes somno urbem mergerent, globus juvenū armatus ædes Charicliæ occupabat. Dux autem erat Theagenes hujus amatorii belli, ex pompa in cohortem ephebis instructis. Qui subito ingenti clamore edito, & sonitu scutorum iis qui paululū sentiebant perterrefactis, cum facibus accensis irruperunt in domunculam, emota haud difficulter janua: quod jam antea ut repagula facile aperiri possent, præparatum fuerat.

rat. Charicliamque instructam, & omnia prævidentem, ac vim sponte sustinentem rapiunt: non paucam supellectilem, quam virgo volebat, simul efferentes. Postquam autem domo egressi sunt, hi quidem bellico clamore sublato, & horrendum quendam strepitum scutis edentes, transibant per totam urbem, in incredibilem quendam terrorem incolas conjicientes: quod & intempestam noctem ideo, ut formidabiliores viderentur, elegerant: & Parnassus ad illum sonitum ab ære redditum, vicissim resonabat. Postquam autem egressi sunt ex urbe, quanta celeritate potuerunt, in Locrensiū & Oetæos montes equis avecti sunt. At Theagenes & Chariclia antea constituta facientes, deserunt Thessalos, & ad me clanculum confugiunt, & simul provoluti ad genua, diu amplectebantur, tremantes, &, *Serva pater*, continue dicentes. Ac Chariclia quidem hoc solum, etiam demisso in terram vultu, tanquam recens factum erubescens: cæterum Theagenes & alia me obtestans adjiciebat, *Serva* (dicens) *Calasiri peregrinos, & urbe ca-*

rentes supplices, omnibus privatos, ut ex omnibus se solos lucrifaciant: Serva fortunæ deinceps addicta corpora, & casto amorī mancipata exules, voluntarios quidem, sed alacres, & qui omnem spem salutis in te collocarunt. Confusus sum his dictis: & cum animo magis quam oculis supra juvenes collacrymassem, ita ut illos lateret, meum autem dolorem levarēt, erigebam eos, & confirmabam. Denique bona spe eventus illis proposita, quod divino auspicio negotium inchoatum esset: Ego quidē ad reliqua exequenda, inquam, ab eo: vos vero me hoc in loco operimini, in id omni cura & diligentia incumbentes, ne ab aliquibus conspiciamini. & hoc cum dixissem, recurrebam. Sed Chariclia me veste apprehendebat, ac retinebat. & O pater, Injustitiæ (dicebat) initium hoc, vel magis proditionis, si me sola relicta discedes, Theageni nostris rationibus commendatis: neque cogitabis, quam infidus sit ad custodiam amator, si in illius potestate fuerit id, ut amore perfrui possit, & iis qui illi pudorem incutere possint careat. Magis enim

enim incenditur, ut existimo, cum omni præsidio destitutum id quod expetit, expositum sibi videt. Quamobrem non prius te dimittam, quàm mihi tum præsentis temporis, tum magis etiam consequentis gratia, jurejurando à Theagene securitas firmetur, quod consuetudinem Veneream non sit mecum ante habiturus, quam genus & domum meam recuperavero: aut si hoc nūmen prohibuerit, saltem, prius quam me sponte consentientem in uxorem acceperit: sin minus, nequaquam. Cumque ego ea quæ dicta fuerant, miratus, omnino ita faciendum esse decrevissem, & domesticum focum in aram succendissem, thusque adolevissem, jurabat Theagenes, injuria se quidem affici dicens, quod anticipatione jurisjurandi fides sponte animi constitutione præstanda præcederetur: neque se laudare posse eam voluntatem, quæ metu potentioris coacta esse videatur: jurabat tamen per Apollinem Delphicum, & Dianam, & Venerem ipsam, & Amores, ita se omnia facturum, sicuti Chariclia vellet. Et hi quidem hæc, & quæcunque tandem

dem alia præterea contestantes deos,
 paciscebantur inter sese. Ego autem
 ad Chariclem contento cursu veniens,
 tumultu plenam & luctu domum de-
 prehendo: cum jam ministri ad ipsum
 venissent, & raptum virginis nuncia-
 sent: & cives frequentes confluerent,
 & Chariclem lugentem circumstite-
 rent: denique inscitia eorum quæ fie-
 rent, & inopia consilii ad ea statuenda
 quæ facienda essent, laborarent. Intō-
 nans igitur magna voce, O infelices,
 inquo: *Quamdiu tandem stupidis*
haud absimiles, muti & ignavi sedebi-
tis, tanquam una cum adversa fortuna
mens etiam vobis erepta sit? An non
armati jam persequimini hostes? Non
comprehendetis & supplicio afficietis
eos, qui vos injuria affecerunt? Chari-
cles autem: Supervacaneum est fortas-
sis, deinceps certare cum præsentī for-
tuna. Intellego enim, quod ob iram
deorum luo hanc pœnam: quam ab
eo tempore, quo intempestive in ady-
tum ingressus, vidi quæ fas non fue-
rat, deus mihi prædixit, propter ea his
quæ animo meo charissima essent me
privatum iri. Attamen nihil impedit,
 etiam

etiam cum diis (ut ajunt) pugnare: si-
quidem qui sint persequendi, & eum
qui tantam cladem nobis intulit, sci-
remus. Theſſalus, inquit (qui apud
te fuit in admiratione, quæ etiam mihi
amicum feciſti) Theagenes eſt, & ii
qui cum eo fuerunt adoleſcentuli. At-
que ita poſſis invenire aliquem adhuc
in urbe, qui uſque ad hanc veſperam
hic morabantur. Quamobrem ſurge,
& in concilium convoca populum.
Fiebat ita: duces indiſtinctam concio-
nem denunciabant, tuba præconium
urbi ſignificantes: populus ſtatim ad-
erat: theatrum nocturna curia fiebat.
Charicles in medium progreſſus, ſubi-
to omnibus lacrymas excuſſit, tali ha-
bitu viſus, & facie atque capite cinere
ſparſis talia dicebat: Fortaſſis me, ô
Delphi, meas ipſius rationes nunciare
volentem, in medium progredi, & tan-
tam convocaffe concionem exiſtima-
tis, magnitudinem mearum calamita-
tum intuentes. Cæterum aliter ſe res
habet. Eſi enim ſæpius ea ſuſtineam,
quæ vel cum morte ipſa comparari
poſſint: & nunc deſerta, & divinitus
vaſtata, & ſola in poſterum mihi ſit
do-

domus, omnibus simul charissimis, in quorum consuetudine & suavitate acquiescebam, orbara: tamen omnium communis frustratio & inanis spes, adhuc me sustentat, & ad tolerantiam vocat, inventionem filiaë, cujus res ipsa facultatem dat, pollicens. Sed me magis urbs movet: quam victricem, sumpta pœna de his qui illam injuria affecerunt, prius me videre expeto & expecto. Nisi forte nobis animum generosum, & indignationem pro patria, & diis patriis, Thessalici adolescentuli etiam abstulerunt. Nam quod est gravissimum, pueri tripudiones pauci, & sacraë legationis ministri, abeunt, primaria urbe inter Græcas vastata, & templo Apollinis pretiosissimo thesauro spoliato, hei mihi, meis oculis Charicliæ. O implacabilem numinis erga nos, & pertinacem iram. Primum mihi, ut scitis, genuinam filiam, una cum sponsalibus facibus extinxit: matrem præ dolore, quem ceperat ex illius morte, simul abduxit: me patria expulit. Sed erant omnia tolerabilia, post Charicliæ inventionem. Charicliæ mihi vita erat, spes & successio

cessio generis. Chariclia sola solatium,
 & ut ita dicam, ancora. Et hanc abrup-
 pit, ac abstulit, quæcunque est quæ
 me invasit tempestas. Nec quidē sim-
 pliciter, neque fortuito, sed quo tem-
 pore consuevit intempestive & crude-
 liter nobis insultare, propemodum ab
 ipsis thalamis, tanquam nuptiis vobis
 omnibus jam ante denunciatis. Adhuc
 hæc dicentem, & totum in luctum à
 proposito delabentem, dux Hegesias
 cohibebat, & amovebat. Et, O vos qui
 adestis, inquit, Charicli quidem &
 postea lugere licebit. Nos vero non
 mergamur hujus dolore, neque incon-
 siderate illius lacrymis, tanquam aquæ
 impetu, auferamur, occasionem negli-
 gentes, quæ cum omnibus in rebus,
 tum in bellis maximum momentum
 habet. Nam nunc nobis ex concione
 exeuntibus, spes est aliqua hostes pos-
 se comprehendi, dum ut neglectum i-
 ter faciant, efficit nostri apparatus ex-
 pectatio. Quod si adhuc miserantes,
 vel potius muliebri gestu deplorantes,
 cunctatione majorem illis facultatem
 ad effugiendum præbuerimus, nihil
 aliud nisi ut irrideamur, atque id ipsum

O.

ab.

ab adolescentulis, relinquitur. Quos ego ajo quamprimum comprehensos, cruci affigi oportere: & quosdam ex illis ignominia affici, translata etiam in familiam pœna. Hoc autem facile fieri possit, si ad indignationem commoverimus Thessalos, contra hos ipsos qui effugerint, & eorum posteros, interdicentes illis decreto sacra legatione, & justis funebribus herois, quæ ut ærarii publici sumptu constarent, decreveramus. Cum hæc adhuc collaudarentur, & decreto populi cōprobarentur: Confirmetur suffragiis vestris, inquit dux, si videtur, & illud, ut non amplius ostendatur æditua his qui cursu in armis certant. Quantum enim conicere possum, inde initium impietatis in Theagene flammæ concepit, & de hoc raptu, ut videtur, ex primo aspectu cogitavit. Bonum est enim, in consequens tempus tollere occasionem talis aliquorum conatus. Postquam autem & hæc uno calculo, & manu omnium obtinuit, Hegesias exitus signum dabat, tuba bellicum canebat, theatrum in bellum dissolvebatur, & cursus effusus ex concione in præ-

prælium fiebat, non tantum robustæ & armatæ ætatis: sed etiam multi pueri & puberes promiscue, promptitudinis accessione florem ætatis augentes, audebant illius expeditionis esse participes. Multæ quoque mulieres, fortiores quam pro natura animos gerebant, & eo quod cuique fuit obvium armorum loco arrepto, nequicquam insequabantur: & fœmineam, sui que sexus imbecillitatem conatu frustratæ cognoverunt. Vidisses & senis cum senectute pugnam, & tanquam trahentem corpus animum, ac illi præ ardore & promptitudine infirmitatem ut probrum objicientem. Tantum omnino dolorem urbs cepit ex raptu Charicliæ: & tanquam uno affectu commota, ad persecutionem subito, ne diem quidem expectans, publice sese effudit.

O. 2. HE-



HELIODORI

ÆTHIOPICORUM

LIBER QUINTUS.



Urbis igitur Delphorum his erat occupata, quicquid tandem effecerit: neque enim scire possum. Mihi vero, occasionem fugæ illorum persecutio attulit: & assumptos juvenes ducebã ad mare, ut erant eadem nocte, & imponebam in navem Phœniciam, continuo funes soluturam. Etenim jam diluculo aliquomodo apparente, non existimabant se amplius jusjurandum mihi datũ violaturos Phœnices, diem tantum & noctem unam expectandi mecum pacti. Magno igitur cum gaudio venientes nos recipiunt, & statim è portu remigio primum in altum provehebantur: deinde postquam placido vento à terra aspirante, fluctus humiles subibant, & quasi arridebant puppi, navem velis passis ferri permit-

Itebant. Atque ita Cyrrhæi sinus, & eminentiæ Parnassi, ac Ætoli & Calydonii scopuli propemodum transvolantem holcadem præteribant: & insulæ Acutæ figura ac nomine, ac mare Zacynthium, sole tum primum ad occasum vergente, apparebant. Sed quid hæc intempestive produco? Quid porro mei ipsius & vestri sum oblitus, & narrationem extendo, pelago vos deinceps revera committens? Hic reliquum sermonis cohibeamus, vicissimque paululum somni capiamus. Etsi enim minime sis in audiendo tædiosus, & fortiter somno repugnes, Cnemon, tamen existimo te jam deinceps labascere, cum ego meos affectus ad multā noctem produxerim. Et me alioqui, fili, cum senectus gravat, tum calamitatum recordatio mentem dissolvens, in somnum defert. Cohibe, dixit Cnemon, pater, non tanquam me narrationem submovente: nam mihi quidem, etiamsi multas noctes, & dies plures conjungas, id accidere non posse videtur, adeo insatiabili quadam suavitate & Syreniis illecebris condita est. Sed me jam pridem murmur quod-

dām, & sonitus tumultus cujusdam circa ædes circumsonat. Et quidem nō erant perturbatione vacuus, sed tacere per vim conabar, cum cupiditate à te dicendorum traherer. Ego quidem nō sensi, inquit Calasiris, tum quod sim vel ob ætatem hebetiori ac languidiori auditu: (senectus enim cum aliarum partium, tum aurium præcipue morbus est) tum fortassis eo quod narrationi animo vacarim. Videtur autem mihi Nausicles venire, ædium dominus: sed quid tandem, ô dii, effecit? Omnia, ut volebam, inquit Nausicles, cum subito illis apparuisset. Neque enim me latuit, bone Calasiri, quod sollicitus esses de meis actionibus, & tanquam animo una peregrinareris. Sed te perspexi, cum alias ex tua erga me observantia & voluntate, tum ex his de quibus te hic colloquentem ingressus deprehendi. Sed quis est hic hospes? Græcus (inquit Calasiris) alia vero deinceps audies. Tu vero si quid à te dextre confectum est, nuncia citius, ut habeas quoque gaudii participes. Sed & vos, inquit Nausicles, diluculo audietis: in præsentia autem vobis,

vobis, quod meliorem Thisben acquiſiverim, ſcire ſufficiat. Mihi enim cum ex itinere, tum ex aliis cogitationibus moleſtia ſomno brevi utique eſt lenienda. Hic quidem cum hæc dixiſſet, recurrebat facturus ut dixerat. Cnemon autem contriſtatus eſt, audito Thisbes nomine, præque ſollicitudine omnem cogitationem retro convertebat anxius, & graviter continueque ingemiſcens, reliquum noctis ſeſe diſcrucians traducebat: ut neque Calafiridem ad extremum lateret, quamvis arctiore ſomno detineretur: ſed erigens ſe ſenex, & cubito innixus, quid illi accidiſſet interrogabat, & quam ob cauſam tantopere inquietus eſſet, non multum diſtans ab inſanis. An non merito inſaniam, ad ipſum Cnemon, cum quod Thisbe ſit ſuperſtes, audierim? Quæ autem eſt hæc Thisbe, inquit Calafiris, aut unde auditam agnoſcis, & nuncio allato quod vivat, ſollicitus es? Et ille: Alia quidem audies poſtea, quando tibi & meas rationes exponam: cæterum illam interfectam hiſce oculis ego agnovi, & apud bubulcos hiſce meis manibus ſe-

pelivi. Dormi, dixit Calasiris. Hæc autem quomodo se habeant, non ita multo post cognoscemus. Non potero, inquit. Sed tu quidem quiesce immotus: ego autem haud scio an possim vivere, nisi quamprimum clam egressus, aliquo modo curiosus inquisiero, in quo errore Nausicles versetur, & quomodo apud solos Ægyptios mortui reviviscant. Arrisit ad hæc leniter Calasiris, & rursus lapsus est in somnum. Cnemon autem egressus conclavi, inhibuit quidem sese ut consentaneum erat, cum qui noctu & in tenebris in ignota domo oberraret: at tamen omnia sustinebat, metu propter Thisben, & suspicione exonerare se quamprimum properans. Donec sero tandem, & sæpius iisdem locis, tanquam in aliis sese volvens: sensit mulierem clam & lugubriter tãquam vernam lusciniã, lugubri & miserabili cantilena lamentantem: & ad domunculam luctu quasi manu ductus contendit, & foribus qua parte inter se committebantur, aurem admovens, audiebat, talique modo adhuc lamentantem deprehendit. Ego vero mise-

ra, ex manibus prædonum me elapsam esse, & mortem cruentam expectatam effugisse arbitrabar, & acturam me deinceps cum charissimo peregrinam & erraticam vitam, sed cum illo suavissimam futuram. Nihil est enim mihi tam molestum, aut grave, quod non cum illo sit tolerabile. Nunc autem nondum satiatum, me autem initio sortitum numen, cum parum voluptatum proposuisset, rursus decepit. Servitutem me effugisse existimabam; at servio rursus: carcerem, & in custodia detineor. Insula me habuit antea, & tenebræ: præsens status illi jam est similis, vel, ut verius dicam, etiam acerbior: eo qui hæc consolatione lenire & voluisset & potuisset, separato à me, & avulso. antrum prædonum die qui præcessit, diverforium mihi fuit: infernus & barathrum, denique quid aliud quam sepulchrum illa habitatio? Cæterum & hæc omnium mihi charissimus, præsens levabat. Illic & vivente luxit, & propter mortuam (ut rebatur) lacrymas profudit, tanquamque interfectam deploravit. Nunc & his sum orbata. Perit particeps mearum

calamitatum, mecum dolores tanquā onera partiri solitus. Ego autem sola, & deserta, & captiva, & multis modis deploranda relinquor, acerbæ fortunæ arbitrio exposita, & eo tantum vitam retinens, quod superstitē esse charissimum spero. Sed ô anima mea, ubi tandē es? aut quæ te excepit fortuna? An & ipse, hei mihi, servis libero animo, & servitutis impatiēte, præter amoris, præditus? Sed superstes sis tantum, & conspicias aliquando Thisben tuam. Ita enim me vocabis etiā nolens. Non amplius se continere potuit Cnemon, ut hæc audivit: neque expectabat ut reliqua audiret, sed ex primis alia suspicatus, ex his autem quæ sub finem audierat, Thisben esse prorsus statuēs, parum aberat quin collaberetur apud ipsas propemodum fores. Cæterum cum vix restitisset, metu ne ab aliquo deprehenderetur (jam enim galli secundo occinebant) recurrebat lapsans, & nunc pedes offendens, nunc vero in parietes subito incidens, & jam liminibus superis, jam vasis sicubi forte laqueari dependebant, caput impingens. Cum autem ad domunculam, in quam
 se

se recipiebant, longum tandem post errorem venisset, continuo in lectum corruit: & ipsius quidem corpus tremor invadebat, dentium autem multa collisio existerat. & fortasse ad extremum periculum devenisset, nisi statim Calasiris, postquam id sensit, assidue illum fovisset, & sermone omnino ut ad se rediret effecisset. Utque paululum respiravit, causam ex eo sciscitabatur. Ille autem: Actum est de me, inquit. Vivit enim revera pessima Thisbe. & cum hæc dixisset, iterum emoriebatur. Calasiris autem rursus multum negotii habuit, dum confirmare illum conaretur. Enimvero illudebat plane Cnemoni quoddam numen, quod, ut alioqui ut plurimum res humanas in ludibrii & lusus loco collocat, ita neque tum suavissimis tranquille & absque molestia frui permittebat: sed ei quod magnam voluptatem allaturum paulo post fuerat, casum adversum implicabat: vel quod ea sit ipsius consuetudo, etiam tunc ostendens: vel quod natura humana, meram & non temperatam lætitiā capere non possit. Quamobrem Cnemon quoque tū fugie-

risque tantum mixti osculis. Etenim Chariclia, si quid Theagenem molientem, & decori fines egredientem, senserat, commemoratione jurisjurandi coërcebat. Ille autem haud difficulter reduci se in viam patiebatur, & ad moderationem revocari, cum amore quidem inferior, voluptate autem superior esset. Cæterum cum sero tandè in memoriam eorum quæ essent agenda rediissent, necessitate coacti, se satiatos esse statuerunt: & Theagenes ejusmodi orationem exorsus est: Ut mutua consuetudine præsentis fruamur Chariclia, & hoc consequamur quod omnibus rebus anteposuimus, & propter quod omnia sustinuimus, & nos optamus, & dii Græcanici præbeant. Atqui cum humanarum rerum ratio sit instabilis, & alias alio inclinet, & multa passi sumus, & multa speramus, propositum est nobis etiam, sicuti pacti sumus cum Cnemone, omnino ad Chemmim pagum properare: tum incertum est, quæ nos fortuna sit exceptura: & magnum, immensumque (ut videtur) intervallum, ad terram quæ speratur à nobis, conficiendū restat:

reſtat: age notas aliquas componamus, per quas & præſentes arcana cognoſce-
mus, & ſi aliquandò ut ſejungamur ac-
ciderit, abſentes nos veſtigabimus
mutuo. Bonum eſt enim erroris com-
pendium, amicorum teſſera, quæ in-
ventionis cauſa aſſervatur. Collauda-
bat hæc Chariclia: & viſum eſt, ſi à ſe
invicem ſepararentur: ut templis aut
ſtatuſ inſignibus, hermis & lapidibus
in triviis, Theagenes quidem, Pythi-
cus: Chariclia vero, Pythias inſcribe-
rent, ad dextram, an ad ſiniſtram abie-
rit, ad hanc urbem, pagum, aut gen-
tem, diem inſuper & horam exprimen-
tes. Quod ſi convenirent, ſufficere qui-
dem ut alter ab altero tantum conſpi-
ciatur. Nullum enim tempus obſcura-
re in illorum animabus amatorias no-
tiones poſſe: attamen Chariclia pater-
num annulum ſecum expoſitum oſten-
debat: cicatricem autem in genu, ex
vulnere inſiſto à ſylveſtri ſue, Thea-
genes: Porro verborum teſſeras, illa
quidem facem, hic autem palmam ut
haberet, inter ſe conſtituerunt. Ad
hæc confirmanda, complectebantur
ſe invicem, & rurfus plorabant, lacry-
mas

mas (ut existimo) tanquam libationes fūdere incipientes, & oscula jurisjurandi loco figentes: His ita inter se constitutis, antro egrediebantur, omnino thesauros qui ibi erant reconditi, non attingentes. Etenim opes ex spoliis partas, impuras ducebant. Cæterum quæ secum ipsi Delphis advexerant, prædones autē eripuerant, ea collecta ad iter secum apparaverant. Chariclia vero etiam veste mutavit, imposito in sarcinulam quandam monili, & coronis, & sacra veste: atque ut occultiora essent, etiam alia supellectili viliori desuper injecta: arcu autem & pharetra Theageni ad ferendum tradita, onere illi suavissimo, & armis dei imperium in illū obtinendis propriis. Quamprimum autem lacui appropinquarunt, & navigium conscensuri erant, multitudinem armatam ad insulam transmittentem conspiciunt. Cum igitur in vertiginem ex illo formidabili spectaculo incidissent, diu steterūt obstupescit, tanquam præ magnitudine doloris occalluissent ad fortunæ injurias, ita sine intermissione in illos sævientis. Sero igitur tandem, & propemo

pemodum applicantibus iis qui adveniebant, Chariclia ut refugerent, & antro sese absconderent, atque ita clam delitescere possent, petebat: simulque ipsa refugiebat. At Theagenes illam retinebat, & Quousque tandem (dicebat) fugiemus fatum, quod nos ubique insequitur? Cedemus fortunæ, & non opponemus nos imperui qui in nos irruit. Quid aliud quam errorem irritum, & vitam erraticam, & insultum numinis, alium alii succedentem, lucrabimur? An non vides, quemadmodum exilio conjungat piratarum latrocinia & periculis marinis longe asperiora in continenti, magno studio & contentione conflare nitatur? Bella non ita pridem excitavit, prædones paulo post abduxit: captivos paulo ante detinuit, solitarios rursus & desertos effecit, liberationem & fugam liberam proposuit, evestigio interfectores admovit. Tale bellum quasi perlusum contra nos suscepit, nostras rationes non secus quam scenam aut fabulam repræsentans. Cur non igitur præcidimus & abrumpimus hoc tragicum ipsius poëma, & nos ii qui volūt
inter-

interficere, tradimus; ne si forte intolerandum finem fabulæ imponere cerneretur, nobis ipsi manus afferre cogat. His dictis non omnibus assentiebarur Chariclia, Fortunam quidem iuste ab illo accusari, dicens: cæterum hostibus sponte sese tradere, neutiquam consultum esse censens. Neque enim exploratum esse, an sint illos comprehensos statim interfecturi: neque se cum tam facili ac benevolo numine luctari, ut celerem calamitatum exitum & liberationem concessurum sit, sed fieri posse ut ipsos etiam reservare servituti velit. Quod qua tandē morte non esset acerbius? barbaris sceleratis ac perditis expositum esse ad injuriam indignam & ominosam: quam omnibus modis, & quoad fieri potest declinemus, spem, successus, experimento casuum qui præterierunt mercentes: cum sæpe jam etiam illinc unde minus credibile fuerat, superstites evaserimus. Faciamus ut vis, cum dixisset Theagenes, sequebatur præeuntem, non secus ac si traheretur. Neque tamen hostes, fuga ad antrum antevertenterunt: sed duntaxat eos qui à fronte

te adveniebant circumspicerent, non animadverterunt se à parte hostium, quæ in aliam partem insulæ descenderat, à tergo cinctos & conclusos esse. Et hi quidem perculsi steterunt, confugiente sub Theagenem Chariclia, ut si etiam mori opus esset, in manibus Theagenis id fieret. Ex his autem qui invadebant, intentaverant jam quidem ictum: cæterum postquã contuitu suo juvenes illustrarunt eos qui irruebant, concidit illis animus, & torpebant dextræ. Formosos etiam barbaricæ manus verentur, ut videtur: & ad amabilem aspectum, etiam immanis oculus mansuescit. Comprehensos igitur ducebant ad ducem, magnopere cupientes spoliis pulcherrimum in primis adducere. Et quidem hoc unum tantum allaturi fuerât. Neque enim quicquam aliud ullus est adeptus, quamvis ab oris ad oras insulã percurrissent, & armis tanquam retibus, totam undiquaque circumdeditissent. Nam reliqua quidem insula prior bello conflagraverat: solum antrum relictum fuit, quod ignorabatur. Et hi quidem ita ad Polemarchum ducebant.

bantur. Is autem erat Mitranes, præfectus excubiarum Oroondatis, satrapiam Ægypti magno administrantis, magna summa pecuniæ (ut dictum est) à Nauficle conductus, inquisitionis Thisbes gratia ingressus insulā. Postquam igitur Theagenes & Chariclia adducti sunt propius in conspectū, servatores deos sæpius invocantes, mercatorio quodam & callido consilio inito Nauficles exiit, & accurrens, Illa ipsa est Thisbe, magna voce dicebat, qua privatus fueram à perditis bubulcis, nunc autem eam tuo & deorum beneficio recuperō Mitrane. Tum apprehendebat Charicliam, magnopereque se gaudere simulabat : & Charicliam, ut se Thisben esse fateretur, siquidem salva esse vellet, adhortabatur, submisit & Græce illam alloquens, ut lateret id eos qui aderant. Successitque illi sophisma. Chariclia enim cum sensisset linguam Græcam, & aliquid quod esset sibi profuturum à viro agi conjectaretur, accommodabat se quoque & componebat ad scopum, & Mitrani interroganti quænam cognominaretur, Thisben se vocari fa-

tebatur. Tunc accurrens ille, osculabatur diu Mitranis caput, & fortunā ipsius demirans, inflabat barbarum, quod cum alia multa præclare gessisset in bellis, tum præsentem expeditionem prospere & feliciter suscepisset. Ille autem inflatus laudibus, & simul rem ita se habere, ex nomine falso, existimans, etsi perculsus est forma quæ ex veste, atque hac vili, tanquā ex nube lunæ splendor relucebat: tamen cum levitas mentis illius, fraudis celeritate comprehensa & conclusa esset, & tempus pœnitendi præreptum: Hanc igitur, inquit, cum tua sit, recuperatam ducito. & cum hoc dixisset, tradebat illi in manus, respiciens in illam continue, & quod invitus, ac propter præmium ante acceptum cederet de possessione puellæ, significans. Hic autem, quicumque tandem est (Theagenem innuens) sit nostrum spoliū: & sequatur, custodia illi adhibita, mittendus Babylonem. Siquidem ea inest corpori dignitas, ut ad mensam regiam ministrare possit. His dictis, trans mittebant lacum, & separati à se invicem, Nausicles quidem Chem-

Chemnim, habens Charicliam, pervenit: Mitranes vero, cum ad alios pagos suæ ditionis deflexisset, nulla mora interposita, Theagenem una cum literis, ad Oroondatem, qui tum erat Memphi, emisit. Sic autem erat scriptum in literis: OROONDATI SATRAPAE, MITRANES PRAEFECTVS. Adolescentem Græcum, præstantiorem quam ut sub meo degat imperio, & dignum qui in dei regis maximi solius conspectu versetur, & illi sit ab obsequiis, captum ad te transmissi, concedens tibi ut tantum & tale donum hero communi offeras, quale aula regia nec unquam antea vidit, nec postea conspectura est. Hæc ille quidem per literas significavit. Cæterum cum nondum dies exacte illuxisset, Calasiris cum Cnemone sperans se aliquid cogniturum quod ignoraret, ad Nausiclem venit. Atque ita quærenti, quid confecisset: omnia Nausicles dicebat, quod venisset ad insulam, quod desertum deprehendisset, quod primum nemo illi obuius fuisset, quod Mitranem fraude circumvenisset, quod quādam virginem quæ apparuerat, tanquā

Thisben accepisset: & quod melius
 illi successisset hanc nactus, quam si il-
 lam invenisset. Neque enim parvum
 discrimen esse, sed quantum fieret in
 comparatione deæ ad hominem. Adeo
 nullam esse præstantiam formæ, quæ
 illius pulchritudinem superet: neque
 se id exponere verbis digne posse, præ-
 fertim cum liceat præsentem demon-
 strare. Hæc ut audierunt, statim suspi-
 cari rem ipsam incipiebant, & obnixe
 orabant, ut quamprimum adesse puel-
 lam juberet. Ineffabilem enim pulchri-
 tudinem Charicliæ esse cognoscebant.
 Sed postquam est adducta, & (cum
 incederet oculis in terram dejectis, &
 faciem usque ad supercilia velaret)
 Nauficle ut bono animo esset adhor-
 tante, paululum oculos sustulit, vidit-
 que ac visa est præter omnem spem &
 opinionem: repente ploratus ab o-
 mnibus simul sublatus est, & tanquã
 ad unum signum aut plagam eandem
 ejulare cœperunt. Licebatque audire
 ut plurimum eas voces, ô pater, ô filia
 revera Chariclia, non Thisbe Cne-
 monis. Nauficles autem præ stupore
 & pene oblivione sui, obmutescibat,
 cum

cum Calasirim amplexum Charicliam, lacrymas non tenuisse intueretur: & quænam esset tanquam in scena agnitione mutua, ignoraret ac dubitaret: donec illum dissaviatus Calasiris, allocutus est. Tibi quidem, vir optime, dii tanta largiantur, quanta tuo desiderio & voluntati satisfaciant. Servator meæ filiæ nunquam speratæ exististi, & effecisti ut fruor conspectu mihi longe omnium jucundissimo. Sed ô filia, ô Chariclia, ubinam Theagenē reliquisti? Ploratum sustulit ad interrogationem, & parvo spacio intermisso: Comprehensum, inquit, captivū ducit, quicumque tandem est, qui & me huic tradidit. Petebat igitur Calasiris à Nausicle, ut indicaret ea quæ de Theagene sciret, quis esset qui in illum imperium haberet, & quo illum captum duceret. Dicebat omnia Nausicles, cum intellexisset illos esse hos, de quibus sæpe cum illo senex collocutus fuerat, iisque inquirendis oberrare ipsum in luctu sciebat. Addebat autem, nihil illis inde accessurum esse præter cognitionem, hominibus inopibus & egentibus: cum mirum sit fu-

turum, si vel magna summa pecuniæ
 proposita inducat in animum Mitra-
 nes, ut dimittat adolescentem. Sunt
 nobis & pecuniæ (clam ad Calasirum
 Chariclia) & promitte summam quā-
 tamcunque vis. Monile, quod tute
 scis, asservo, & mecum fero. Erectus
 igitur animo ad hæc Calasiris, cæte-
 rum metuens ne aliquam suspicionem
 rei, ut sese habebat, caperet Nauficles,
 & eorum quæ Chariclia offerebat: Bo-
 ne Nauficles, inquit, nunquam sapiens
 laborat inopia, sed facultates volun-
 tate metitur: tantum accipiens à præ-
 stantioribus, quantum petere honestū
 esse judicat. Quamobrem dic tantum
 ubi sit is, à quo detinetur Theagenes:
 siquidem divina beneficentia nobis
 non deerit, sed suppeditabit quantum
 voluerimus, ut avaritiæ Persicæ hac
 ratione medeamur. Subrisit ad hæc
 Nauficles, &, Tunc (inquit) effi-
 cies ut credam, te posse repente tan-
 quam ex machinatione ditescere, si pro
 hac mihi prius precium quo redimatur
 deposueris. Omnino autem scis, quod
 Persicum & mercatorium genus per-
 inde studeat opibus. Scio, dixit Ca-
 lasi-

lasiris, & habebis. Cæterum cur non cunctaris, & nedum nullum genus beneficentiæ erga nos intermittis, sed etiam anticipas nostras petitiones, & restitutionem filiæ sponte adprobas ac denuncias? me autem prius precari oportet. Nihil invideo, inquit Nausicles. Quin etiam si ita videtur, (faciam enim rem divinam,) adesto sacris, & precare deos, & nobis quidē opes petito, tibi autem accipe. Ne ludas, neque sis tam incredulus, ad ipsū inquit Calasiris: sed incipe & instrue sacrificium pro facultatibus, nos autē aderimus omnibus paratis. Faciebant ita: & paulo post à Nausicle quidam veniens, vocabat ut properarent ad sacrificium. Illi autem (jam enim quæ essent facienda, inter illos convenerat) læti & alacres ibant: hi quidē una cum Nausicle, & reliqua multitudo invitatorum (publicum enim instruxerat sacrificium) Chariclia vero cum filia Nausiclis, & aliis mulieribus, quæ varias consolationes adhibentes, & obsecrantes, vix illi ut una irent persuaserant: & haud scio an unquam sibi persuaderi passa fuisset, nisi prætex-

tu sacrificii defūgi precibus pro Thea-
 gene cogitasset. Postquam igitur ad
 templum Mercurii pervenerunt (huic
 enim sacrificium faciebat Nauficles,
 tanquam forensi & mercatorum præ-
 fidi, præ cæteris diis ipsum colens &
 venerans) & sacrificium fiebat, pau-
 lulum extra Calasiris contemplatus, &
 varium significari rerum futurarum
 eventum, jucundarum pariter ac tri-
 stium, mutationibus vultus declarās,
 injicit manus altari adhuc flagranti, &
 tanquam è pyra extraxisset ea quæ jã-
 pridem ipse ferebat, Hoc tibi, inquit,
 pretium redimendæ Charicliæ, ô Nau-
 ficles, dii per nos offerunt, & simul
 tradebat annulum quendam regium,
 eximiam rem & divinam, quod ad cir-
 culum attinet ex electro confectum,
 cæterum in pala amethysto Æthiopica
 relucens, tanta magnitudine, quã-
 tam oculus virginalis circumscribit &
 occupat: pulchritudine autem longe
 Ibericum & Britannicum superante.
 Hæc enim inertis, & cui nullus adest
 splendor, flore rubet: similisque est
 rosæ, quæ primum ex baccis in folia
 finditur, & tum radiis solis rubescere
 inci-

incipit. at amethystus Æthiopica valde & ex profundo rutilat. Quod si tenens illam circumverses, radium projicit aureum, non obscurantem asperitate visum, sed gratia & puritate singulari illustrantem. Atqui & vis ipsi inest genuina præ occidentalibus. Neque enim falso sibi vendicat appellationem, sed vere arcet ebrietatem ab eo à quo fertur, sobrium illum in conviviis retinens. Ac ejusmodi quidem est omnis Indica & Æthiopica amethystus: cæterum illa quam Nausicli offerebat Calasiris, longe vel has superabat. Pictura enim fuerat exornata, & ad imitationem animalium exsculpta. Ac pictura quidem talis erat. Puer pascebat oves, non admodum editæ rupi circumspiciendi causa tanquam speculæ insistens, pascua gregi obliquis tibiæ cantibus distribuens: illæ autem parebant, ut videbatur, & ad signum ac præcentum fistulæ in pastione perseverabant. Dixisset quispiam eas etiam aurea vellera habere, non arte id gratiæ addente, sed amethysto proprio rubore in tergis illarum rutilante. Depictæ erant & agnorum teneræ

neræ lasciviæ: & quidam gregatim cursu petram conscendentes, quidam circa pastorem petulantius sese in orbem intorquentes, pastorale theatrum præcipitium repræsentabant: alii vero in flamma amethysti tanquã in sole lascivientes, saltibus extremarum ungularum petram radebant. Nonnulli autem ex ipsis recens nati, & ferociores, etiam transilire velle circulum videbantur, cæterum ab arte prohiberi, auream palam illis, & rupi tanquam speluncã quandam circumdante. Erat autem rupes revera, & non imitatio. Cum enim extremam partem lapidis ad hoc ipsum circumscripsisset artifex, ostendit nativa veritate id quod volebat: supervacaneum esse existimans, lapidem in lapide fingere. Talis igitur erat annulus. Nausicles autem perculsus novitate rei, magis etiam delectatus præstantia, facultatibus suis omnibus precio lapidem respondere existimans: Ego quidem ludebam, dixit, bone Calasiri, & alioqui verba tantum erant postulatio precii ad redemptionem: scopus autem, ut tibi non redemptam filiam liberam dimitterẽ. E-

nim

nimvero cum non rejicienda sint (ut dicitis) præstantia dona deorum, accipio hunc divinitus missum lapidem : persuasum habens & hoc inventum mihi venire more solito, à Mercurio Deorum optimo & beneficentissimo, qui tibi omnino donū per ignem subministravit : unde & videre est, cum flamma relucere. Et alioqui judico lucrum esse pulcherrimum, quod cum nulla jactura præbentis, ditiores efficit accipientem. His dictis, cum consummasset sacrificium, epulas cum aliis una iniit : mulieribus seorsim in interiori templi parte loco attributo, viris autem in vestibulo collocatis. Postquam autem oblectationis ex cibis satietas illos cepit, & poculis mensæ cedebant, viri quidem Bacchum invocabant, cum libatione & cantu usitato in ingressu in navim : mulieres autem ad hymnum in honorē Cereris compositum saltabant. Chariclia vero secedens, res suas agebat : orans ut Theagenes salvus & incolumis sibi servaretur. Cæterum jam egregie fervente computatione, & alio ad aliam oblectationem verso, phiala sinceræ aquæ

sentia negligis & vilioribus concedis; cæterum arcanas res, & cum voluptate quadam divina temperatas, aves audire. Et mihi quidem videris numinis vim & naturam optime intelligere, qui Mercurium juxta Bacchum colloces, & sermonum oblectationem potationi misceas. Quamobrem etsi reliquum sacrificii splendorem & apparatus iuste sum miratus, tamen haud scio an quisquam magis ulla ratione Mercurium placare possit, quam si narrationum illius in primis propriam symbolam in convivium conferat. Parebat Calasiris, & cum Cnemoni gratificans, tum Nausiclem sibi propter ea quæ consecutura erant devinciens, omnia dicebat; prima quidem, & quæ jã Cnemoni exposita fuerant, contrahēs, & præcipua tantum quasi capita repetens: quædam autem sponte transgrediens, quæ Nausiclem scire, non esse operæ precium judicabat. Porro ea quæ nondum erant narrata, & cohærebant cum his quæ dicta fuerant, continuabat, inde inducto exordio: Ipsos, cum navem onerariam Phœnicū conscendissent, postquam Delphos effu-

ge-

gerunt, primum navigasse ex sententia, cum secundo vento etiam à tergo impellerentur: at cum ad Calydonium fretum pervenissent, non mediocriter turbatos esse, cum incidissent in mare natura inquietum ac turbulentum. Cnemone autem ut neque hoc præmitteret petente, sed diceret, si quam causam commotionis illo in loco existentis investigasset: Pelagus, inquit, Ionium, ex magna latitudine ibi in angustias redactum, & tanquam per ostium quoddam sese in sinum Crissæum infundens, & misceri cum mari Ægeō properans, ab Isthmo Peloponnesiaco inhibetur ac retunditur: providentia numinis fortasse, ne ex adverso sitam terram eluvione obruat, objecto collo interclusum. Et cum inde ut consentaneum est, refluxus existat, & circa hoc fretum magis quam in reliquo sinu cogatur & coarctetur, eo quod adhuc influit, in id quod reciprocatur sæpius incidente, bullitionem aqua efficit, & æstum ferventem excitat, ex mutuo concursu & collisione in fluctum cumulatam. Quæ cum plausu & laudibus excepta essent, his

his qui aderant verā esse causam contestantibus: Calasiris continuabat narrationem. Cum superassemus, dicens. fretum, & conspectum insularum Acutarū amissemus, Zacynthiorum promontorium prospicere nos conjectabamur, tanquam obscuram quandam nubem in oculos nostros incurrentem: & gubernator velum contrahere jubebat. Nobis autem percontantibus, quamobrem dissolveret & laxaret impetum, cum navis secundum ventum haberet: Quoniam si secundis auris vela permiserimus, circa primam noctis vigiliam ad insulam appellemus: cum interim metuendum sit, ne in tenebris, in loca saxi latentibus magna ex parte plena, & prærupta impingamus. Consultum est igitur pernoctare in mari, & ventum cessim & leviter excipere, ea proportionem, qua sufficere possit ut mane ad terram applicemus. Hæc dixit quidem gubernator, cæterum non fiebant. Nauficles: sed una cum oriente sole, nos quoque anchorā demittebamus. Porro insulæ incolæ, qui habitabant circa portum, non procul distantem ab

Q

urbe

urbe, ad spectaculum nostri adven-
 tus, tanquam novum & inusitatum
 quippiam, confluebant, admirantes
 (ut apparebat) habilitatem navis onerariæ,
 ad pulchritudinem simul & altitudinem elaboratæ, Phœnicum indu-
 striam & artificii gloriam vel inde co-
 gnosci dicentes: & quod incredibili &
 inusitata fortuna usi essemus, qui tran-
 quillam navigationem & secundam
 hyberno tempore, & jam occidentibus
 Plejadibus confecissemus. Reliqui igitur
 omnes, cum adhuc funes religaren-
 tur, relicta navi, ad urbem Zacynthū
 negociaturi currebant. Ego vero, au-
 dieram enim fore à gubernatore, quod
 in insula essent hybernaturi, ibā quæ-
 siturus alicubi diversorium circa lit-
 tus: navem, quod esset inconueniens
 nobis habitaculum futurum, propter
 turbam nauticam: urbem autem, quod
 parum tutum propter fugam juvenum,
 devitans. Cum igitur paululum pro-
 gressus essem, video senem piscatorē,
 sedentem pro foribus, & retis lacerati
 nexus reficientem. Accedens igitur
 propius: Salve, dicebam, vir optime,
 & dic ubinam diversorium quispiam
 adipi-

adipsi possit? Ille autem, Circa propinquum promontorium (inquit) saxo latenti hesterno die illisum, laceratū est. Rursus ego: Hoc quidem cognoscere mea nihil interfuit: cæterum officiose feceris, & humaniter, si aut ipse me hospitio receperis, aut alterum demonstraris. At ille: Non ipse, inquit, neque enim una navigabam (absit enim ut ita offendar, aut tantopere à senectute prematur Tyrrhenus) sed est puerorum culpa, qui in scititia saxorum sub mari latentium, ubi non oportebat, retia retenderunt. Sero igitur tandem cum intellexissem, quod hebetiorem haberet auditum, alta voce intonans, Salvere te jubeo, dicebam, & ut nobis hospitibus diversoriū ostendas, oro. Sed & ipse vicissim, Sis salvus, respondit, & maneat si vis apud nos: nisi forte es aliquis ex eorum numero, qui domos multis lectis exornatas inquirunt, aut famulitii ac servorum turbam secū adducunt. Ego vero cum dixissem, quod liberi mihi essent duo, & ego tertius; Grata est, inquit, proportio: uno enim plures vos invenietis. Etenim & mihi sunt

duo filii convictores) maiores autem natu, ductis uxoribus, sunt ipsi patresfamilias) & quarta, nutrix infantum. Siquidem mater ipsis est non ita pridem mortua. Quamobrem optime, ne cuncteris, neque dubites quin te simus læti & alacres excepturi, virum etiam ex primo colloquio generositatis specimen exhibentem. Faciebam ita: & non multo post cum Theagene & Chariclia me venientem, lubens Tyrrhenus excipit, & partē calidiorem domus nobis attribuit. Saneque non insuaviter hybernū tempus initio transigebamus, dies quidem simul consumentes : sejunctim autem cum dormiendum fuit, cum nutrice quidē Chariclia : ego autem separatim & Theagenes, Tyrrhenus vero in altero conclavi cum suis liberis, requiescentes. Mensa nobis etiam communis apponebatur, alia quidem nobis præbentibus, Tyrrheno vero obsonia affatim ex mari juvenibus suppeditante, cum partim ipse piscaretur, partim nos quoque interdum per ocium in captura adjuvaremus, quam variā, & ad omnē tēpus accommodatā instruxerat.

xerat. Et erat locus jaciendis retibus idoneus, & piscosus, adeo ut plerique quod capiebat ex arte commodum, fortunæ benevolentia referrent acceptum. Sed haud fieri potuit, quin (ut dicitur) semel infelices, non semper adversa fortuna laborarent. Neque in solitudine turbis & molestiis caruit forma Charicliæ: Sed Tyrius ille mercator, victor in Pythiis renunciatus, cum quo navigaveramus, seorsim me conveniens, sæpius mihi molestus erat, & dolorem afferebat, obsecrans, ac in matrimonium sibi dari tanquam à patre Charicliam petens: multa de se prædicans, & partim genus illustre exponens, partim præsentis opes enumerans, & hoc eadem quod illius propria possessio esset, quodque majorem partem mercium præ cæteris possideret, quæ essent auri, lapidum multis talentis constantium, & serici. Nec parvum momentum ad accessionem splendoris & gloriæ, etiam victoriam in Pythiis partem nominabat, & alia præter hæc multa. Me vero præsentem inopiam prætendente, & id quod nunquam in animum inducturus essem, ut

in alia regione & gente habitanti, quæ
 tanto intervallo distet ab Ægypto, si-
 liolam meam elocarem: Omittas hæc
 pater, dicebat. Dotem quidem me
 tulisse multorum talentorum, & uni-
 versarum opum, ipsam puellam arbi-
 trabor. Gentem vero & patriam vestrâ
 cum mea permutabo, deflectens à pro-
 posita navigatione versus Carthaginē:
 vobis autem me comitem, quo vo-
 lueritis, adjungens. Cum igitur vide-
 rem Phœnicem non remittere, sed &
 vehementi calore, in ea voluntate &
 proposito persistere, & diem nullum
 quin de iisdem mihi molestus esset in-
 termittere, statui in præsentia rem
 blandis pollicitationibus differre, ne
 aliquid per vim in insula pateremur:
 & omnia me facturum, cum venissem
 in Ægyptum, pollicebar. Ita cum
 hunc, paululum removissem, rursus
 fluctum (ut ajunt) supra fluctum numē
 advolvit. Nam Tyrrhenus non multis
 post diebus, cum me in littus quoddâ
 flexuosū assumpsisset: Calasiri, inquit,
 per Neptunum juro, & alios marinos
 deos, me & te non secus si meus esses
 frater, & tuos liberos perinde atque
 meos

meos ferre in oculis. Dicturus sum autem tibi negotium quod contra te struitur, molestum quidem & acerbum, cæterum quod & meretricere fas non est, cum iidem lares fuerint mihi tecum communes: & tua scire omnino interest. Insidiatur holcadi Phœniciæ piratica officina, sub latere hujus promontorii eos regente & amplectente delitescens, & speculatoribus per vices egressum navis observans. Quamobrem vide ut caveas, & cogites quidnam tibi faciendum sit. Siquidem propter te, magis autem propter filiam tuam, hoc tam crudele facinus, illis autem usitatum, conceperunt. Ego autem ad ipsum: Tibi quidem dii pro his dignas referant gratias: cæterum unde insidias deprehendisti Tyrrhene? At ille: Ex arte, inquit, viris sum notus, & cum illis opsonia affero, majus precium quam ab aliis reporto. Itaque heri cum nassas colligerem circa præcipitia, mecum congressus archipirata, Num audisti quando Phœnices è portu sunt soluturi? quærebat. Ego autem cum intellexissem insidias sermonis, Certi

quidem (inquo) quod dicam habeo nihil, Trachine: cæterum ineunte vere primum illos soluturos puto. Igitur, inquit, & virgo quæ apud te versatur, una cum illis navigabit? Incertum est quidem, dixi, verum cur tam curiose & anxie id scrutaris? quod depereo illam, ita ut vix sim compos mentis, cum semel tantum viderim. Neque me scio unquam incidisse in talem formam, præsertim cum multas & non deformes captivas ceperim. Occulte igitur eum pertrahens eo ut mihi totius consilii sui rationem explicaret: quid igitur, inquiebam, te opus est conserere manus cum Phœnicibus: & non potius sine sanguine, & priusquam conscendant, adipisci ex ædibus meis? Servatur, inquit, & apud prædones conscientia erga notos, officii & humanitatis. Tua igitur causa parco, ne tibi ea res difficultatem & laborem pariat, cum à te hospites amissi reposcerentur: tum una opera duo maxime consequi volo, opes navis, & matrimonium virginis: quorum altero omnino me frustrari necesse est, terra negotium aggredientem: & alio-

qui

qui neque tutum est, cum si quid ejusmodi accideret prope sita urbe, continuo & factum sentiretur, & persecutio futura esset. Cum igitur eum multis modis ob prudentiam collaudassem, ab illo discedebam. Tibi vero indicans insidias, quæ ab his struuntur piaculis, magnopere oro & obtestor, ut in id curam & cogitationem intendas, quo pacto te ipsum & tuos servare possis. Discedebam tristis, cum hæc audissem, & varia versabam apud me consilia: donec forte casu mihi obviã factus mercator, & de iisdem mecum colloquens, ansam cujusdam consilii præbuit. Occultans enim ex iis quæ erant indicata à Tyrreno, quæ volebam, illam tantum partem retegebam, quod quidam indigenarum cogitaret rapere virginem, cui resistere ipse & se opponere non posset. Ego autem tibi potius, inqueiebam, mallet ipsam desponsare, tum propter notitiam quæ mihi tecum jam antea intercedit; tum propter opes tuas: & in primis quod te in nostra patria habitaturum, si matrimonium consecutus fueris, ante promissisti. Quamobrem si id tibi o-

mnino cordi est, propere hinc abnavi-
 gemus, priusquã anticipemur, aliquid
 vel per vim passi. Vehementer est de-
 lectatus, his auditis : &, Recte pater,
 inquit : simulque accedens caput of-
 culabatur, & quærebat quando solve-
 re juberem? Etsi enim nondum tem-
 pestiva esset navigatio, licere tamen
 in alium portum sese transferentibus,
 insidias quæ struuntur evitare, & veris
 constantiam operiri. Igitur, inque-
 bam, siquidem valebit meum impe-
 rium, sub initium noctis navigare ve-
 lim. Et ille quidem sic futurum cum
 dixisset, discedebat. Ego autem do-
 mum reversus, Tyrrheno quidem ni-
 hil, liberis autem dicebam, quod
 post crepusculum rursus holcadem
 conscendere oportebit. His autem re-
 pentinum illud factum mirantibus, &
 causam quærentibus, distuli, postea
 me dicturum pollicens : nunc autem
 conducere ut ita fiat, dicebam. Cæte-
 rum postquam sumpta cœna modica
 in somnum lapsi sumus, in somnis mi-
 hi apparuit quidam senex, reliquo qui-
 dem corpore arefactus : verum suc-
 cincta veste genu paululum ostendens,
 satis

fatis apparebat, quæ ipsius ætate vegeta vires fuissent: galerum in capite gerens, & sapientiam ac versutiam aspectu declarans, & tanquam ex vulnere aliquo femur claudicans post se trahens. Cum igitur ad me propius accessisset, & minaci oris habitu subrisisset: O præclare, inquit, tu vero nullam rationem nostri habuisti, sed solus omnibus quicumque Cephalem præternavigarunt, & nostram domum contemplati sunt, gloriamque nostram cognoscere magni estimarunt, adeo nos contempsisti, ut neque vel hoc quod vulgare est, allocutus sis, præsertim in vicinia habitantem. Ac tu quidem horum non multo post lues pœnas, & senties eosdem casus & calamitates, quas ego sum expertus, mari ac terra simul in hostes incidens. Virginem vero quam ducis, meæ conjugis nomine alloquere: Salutat illam, quod in primis colat & omnibus rebus anteferat castitatem, finemque illi prosperum ac felicem annunciat. Proprii me, præ visione tremens: & Theagene, quidnam mihi accidisset, quærente: Propemodum (inquebam) exitum navis è portu negleximus: & ex-

per-

pergiscens, ea cogitatione sum perturbatus. Sed & ipse surge, ac tuas res collige. Charicliam autem ego accersam. Aderat filia, cum significassem. Tyrrhenus quoque cum sensisset, surrexit, & de eo quod fieret inquirebat. At ego, id quod in præsentia fit, tuum consilium est, dicebam. effugere conamur insidiatores. Te vero dii salvum & incolumem conservent, qui optimi viri officio erga nos functus es. Hanc autem da nobis ultimam gratiam, ac beneficium: Transmittens in Ithacam, sacrifica pro nobis Ulyssi, & pete ut iram suam erga nos mitiget, qua se commorum esse, tanquam spreto & contempto, cum nobis hac nocte apparuisset, significavit. Promittebat se ita facturum esse, & usque ad navem deducebat, magnam vim lacrymarum profundens: & ut nobis navigatio feliciter, & ex animi sententia succederet, à deo deprecans. Quid multis opus est? Cum primum lucifer illuxisset, in altum provehebamur, initio quidem nautis magnopere contradicentibus, ad extremum autem à Tyrio mercatore persuasis, cum se fugere adven-

adventum piratarum sibi prænunciatum dixisset. Et illum quidem latebat, quod vera diceret, cum figmento uti voluisset. Nos autem ventis adversis ac violentis usi, & tempestatem infestam, & fluctum ineffabilem experti, & eo propemodum ut non procul ab interitu abessent pervenientes, ad promontorium quoddam Creticum apulimus, altero clavo amisso, & maxima parte antennarum confRACTA. Visum est igitur, reficiendæ navis causa, & nostrum ipsorum recreandorum, dies aliquot in insula commorari. & his ita factis, navigatio nobis iterum denunciabatur in primum diem Lunæ accensæ, post conjunctionem cum sole. Et provecti in altum, spirantibus jam zephyris vernis, ferebamur diem & noctem, gubernatore ad Africæ terram holcadem dirigente. Dicebat enim, recta, & continuo cursu, vento impellente, pelagus transmitti posse. Accelerare autem se, ut possit continentem attingere, aut portum. Piraticum enim esse acatium, quod ex puppi appareret. Nam postquam à Cretico promontorio solvimus, sequitur vesti-

vestigiis nostris insistens, & nusquam
 declinans, persequitur nostram navi-
 gationem, tanquam ex eodem cursu
 suspensum: deprehendique illud sæ-
 pius una circumvehi, cum ego navem
 ex industria à recto cursu deflecterem.
 Hæc cum dicta essent, quidam com-
 moti sunt, & reliquos adhortabantur
 ut se ad defensionem appararent: qui-
 dam vero negligebant: Solere dicen-
 tes, in mari breviores naves, magnas
 consequi, tanquam majori experientia
 & certitudine viam demonstrantes.
 Cum hæc adhuc in utramque partem
 disputarentur, erat diei tempus, quo
 aratro bovem eximit agricola, & ven-
 tus jam ex nimio impetu languesce-
 bat, & paulo post remissus, inefficaci-
 ter & molliter in vela incidebat, con-
 cutiens magis quam promovens aut
 protrudens lintea. Ad extremum & in
 tranquillitatem subsedit, tanquam una
 cum sole occidens, vel (ut verius di-
 cam) persequentibus inserviens. Nam
 hi qui erant in acato, quamdiu impul-
 su venti navigabamus, longe à tergo
 navis onerariæ, ut est consentaneum,
 relinquebantur, majoribus velis plus
 venti

venti capientibus. cæterum postquam tranquillitas mare stravit, & necessitas remos advocabat, celerius quam dici potest supervenerunt, cum (ut existimo) omnes remigum officio fungerentur, leveque acatium, & ad remigium magis accommodatum, impellerent. Cum autem jam in propinquo essent, exclamavit quidam ex Zacynthiis qui nobiscum una conscenderant: Hoc illud est, viri, perimus: piratica classis: agnosco Trachini acatum. Concussa est ad nuncium holcas, & in tranquillitate tempestate implebatur, tumultu, lamentis, & transcurfationibus incitata: aliis in concavas partes navis subeuntibus, aliis sese ad pugnam in tabulatis adhortantibus, quibusdam descendendum esse in scapham & effugiendum censentibus: donec interim dum cunctarentur, vel invitos ipsos ancipians bellum sedavit & cohibuit, eo quod obvium fuit cuique armatos. Ego autem & Chariclia amplexi Theagenem, totum æstuantem & ardentem pugnandi studio, vix cohibuimus: Illa quidem, ut neque in morte (ut dicebat) ab eo separaretur, sed

sed uno gladio, & eodem vulnere communicatam cum illo calamitatem sustineret: ego vero, postquam Trachinum esse qui adveniebat agnovi, aliquid quod esset in posterum profuturum, providens. Quod & ita evenit. Cum enim appropinquassent piratæ, & transversim essent advecti, periculum facientes, si quo modo incruenti holcadem occupare, & in suam potestatem redigere possent, tela non coniciebant, sed tantum circumnavigationibus orbicularibus, nusquam navem progredi permittebant: denique obsidentibus erant similes, & iis qui pactis ac deditioe navem capere omnino cuperent: &, O infelices, dicebant, cur ita amentes estis, & contra vires adeo invictas, & longe vestris superiores, adversas manus tollentes, manifestum vobis interitum accersitis? adhuc humaniter vobiscum agimus. Permittimus ut scapham conscendatis, & servetis vos incolumes, si velitis. Illi quidem hæc proponebant. At ii qui erant in holcade, quamdiu prælio sine discrimine, & bello incruento decernebant, audaces erant, &

neuti-

neutiquam se excessuros esse dicebant. Sed postquam quidam ex piratis audacior, insiliens, & gladio obvium quemque feriens, cæde & morte bella geri docuit: tum pœnitebat facti Phœnices, & procumbentes, ut ipsis parcerent, quod imperata facturi essent, orabant. Illi autem, quamvis jam cæde grassabantur (conspectus enim sanguinis, irritatio & excitatio fit animi) tamen jussu Trachini præter omnem spem parcebant procumbentibus. & erant induciæ atroces, & bellum reip-sa quidem crudelissimum: pacis autem falso & adulterino nomine dissolutū, conditione prælio ipso graviore proposita. Siquidem ut cum una tantum veste nave excederent, pronunciabatur: & mors ei qui violasset, edicebatur. Sed est hominibus, ut videtur, anima omnibus rebus preciosior: propter quam tum quoque Phœnices, spe opum navis spoliati, tanquam jacturā non fecissent, sed lucrum consecuturi essent, ut alius alio prius scapham conscenderet, accelerabant: quilibet se in primis, & celerius quam cæteros, superstitem esse magna contentione ex-

210 R petens.

petens. Postquam autem & nos decreto obtemperantes aderamur, Trachinus erecta Chariclia: Nihil ad te, inquit, pertinet hoc bellum, charissima, sed propter te susceptum est. Et te jampridem inde usque ab eo tempore quo Zacynthus reliquistis, sequor, tantum propter te & pelagus & periculum aggressus. Quamobrem omitte timorem, & ades animo, & scito te dominam omnium horum mecum esse futuram. Hæc ille quidem dicebat. At illa (est enim prudentis consilii, tempotis rationem considerare; & in bonum commodissime vertere) industria singulari, & nonnihil ex mea admonitione mœrore ob circumstantia mala vultu excusso, & ad venustatem ac illecebras composito: At ego, inquit, diis ago gratias, qui hoc in animum tuum, ut lenius in nos statuas, inducunt. Quod si me vis omnino confidentem esse, & manere, exhibe hanc primam significationem tuæ erga me benevolentiae: fratrem hunc meum & patrem serva, neque jubeas illos navem deferere. Nā his separatis, nulla ratio est quæ me in vita retinere queat. & simul hæc dicens,

cens, procumbebat ad illius genua, & diu tenebat supplex, Trachino se amplexibus oblectante. & promissionem ex industria protrahente. Tandem cū & ob lacrymas in commiserationem deduceretur, & vultu ad obsequendum manciparetur, erecta virgine: Fratrem quidem, inquit, dono tibi summa voluntate. Video enim adolescentem plenum fortitudinis, & qui rationibus nostris adjumento esse possit. Senex autem hic, inane pondus, in gratiam tuam tantum adsit. Hæc cum dicerentur & fierent, sol quidem, cum circuitu suo exacte ad occasum pervenisset, spatium inter diem & noctem interpositum, obscurum & opacum reddidit: mare autem repente, seu causa mutationis à tempore accepta, seu fortunæ alicujus voluntate transmutatum commovebatur, & murmur descendentis venti exaudiebatur: flatusque nimius ac violentus irruens, tumultu inopinato, & perturbatione piratas implebat, cum propriam acutum reliquissent, & in holcade in direptione mercium deprehensi essent, & quonam modo magnitudine navis

usuri essent ignorarent. Quælibet igitur navigationis pars, à quovis obvio ex tempore & inconsulte tractabatur, & artem alius aliam quam nunquam didicerat, proprio Marte audacter aggrediebatur, quibusdam vela tumultuarie & perturbate remittentibus, aliis funes imperite distribuentibus. Atque aliquis imperitus proram fortiebatur, alius puppim tenebat & colla. Præcipue igitur nos in ultimum periculum coniecit, non vis tempestatis (nondum enim prorsus fuerat commota) sed inscitia gubernatoris, qui restiterat quidem quamdiu luminaris diurni fulgor lucebat: sed ad extremum succubuerat, cum tenebræ superassent. Itaque cum jam mergerentur, & non procul abesset quin deprimerentur, initio quidam ex piratis conabantur in suam acatam transcendere: deinde represserunt sese, excussi à proposito, tempestate: & Trachini consilio, qui persuadebat illos sexcentis navigiis abundaturos, si holcadem, & opes quæ illa continerentur, integras retinerent: & ad extremum etiâ, funem, in quo pendeat, ab holcade absci-

abscidit, aliam tempestatem hanc ipsos accersere affirmans, & simul securitati in posterum se prospicere docens. Suspectum enim esse, applicare aliquo cum utraque nave: cum sit futurum omnino, ut de his qui in altera navigassent, inquiratur. Videbaturque probabilia dicere, & duabus in rebus uno facto consilium suum probare. cum brevem remissionem sensissent, postquam acutum separavit: quamvis non omnino periculis liberati essent, sed fluctibus continuis sine intermissione jactarentur, & multas navis partes amisissent: denique omnem periculi speciem sustinerent, donec illa nocte vix elapsa, circa occasum consequentis diei, ad litus quoddam, juxta ostium Nili, quod Heracleoticum appellatur, appulimus, & in terram Ægyptiam fortuito, & præter nostram voluntatem infelices descendimus: aliquidem læti, nos autem magno cum dolore, & mari salutis beneficium ut probrum objicientes, quod nobis mortem omnis expertem injuriæ invidisset, & terræ formidabiliori, & expectationi tradidisset, nefario ac scelera-

to piratarum arbitrio expositos. Quod cernere licebat ex iis, quæ cum nondum in terram propemodum descendissent, piacula, aggrediebantur. Nam cum se Neptuno sacrificia gratiarum actionis ergo facturos dixissent, vinum Tyrium, & alia id genus ex navi efferebant, quosdam ad pecudes in vicinis locis coemendas dimittebant, cum plurimo argento, datis mandatis, ut pretium quod primum postularetur, solverent. Postquam autem illi statim aderant, totum ovium & suum agentes gregem, & hi qui manserant, iis receptis pyram succendebant, ac victimis excoriatis convivium apparabant: Trachinus me seorsim, ut alii exaudire non possent, assumpto: O pater, inquit, filiam tuam despondi mihi in uxorem: & nuptias, ut vides, celebraturus sum hodie, solennitatem suavissimam cum sacrificio deorum jungens. Quam ob rem ne & tu ipse re antea non audita aliquid tristitiæ aut mœroris in convivio præ te feras: & filia à te edocta, læto animo accipiat id quod est futurum: statui tibi meam prædicere sententiam: non quod suffragio tuo

confirmari illam velim, siquidem non
 deest mihi potestas, despondens & ob-
 ligans voluntatem: sed quod alioqui
 faustum & decorum esse judicem, si
 majori assensu & alacritate sponsa se
 præpareret, cum à parente nuptias præ-
 sciverit. Collaudabam hæc ab illo di-
 cta, gaudereque me assimulabam, &
 gratias agere Deo quam maximas, qui
 dominum filiae maritum designassent.
 Cumque discessissem paululum, ac ani-
 mum intendissem in cogitationem
 eorum quæ facienda essent, reversus
 obsecrabam, ut gravius celebrarentur
 ea quæ inchoata essent, & ut thalamū
 puellæ holcadem designaret, datis
 mandatis ne quisquam ingrediatur,
 aut molestus sit: ut etiam ornatus spō-
 sæ convenientis, ac reliqui cultus ac
 decoris cura in tempore suscipi possit.
 Etenim esset omnium absurdissimum,
 si ea quæ generis dignitate & opibus
 efferatur, & quod est maximum, Tra-
 chini conjunx sit futura, neque his
 quibus licet comeretur: etiam si nobis
 splendidiorē pompæ nuptialis appa-
 ratum, tempus & locus ademissent.
 Diffusus est gaudio, his auditis, Tra-

chinus : & lubens se ita facturum promittebat, jussitque ut statim omnibus quibus illis esset opus, exportatis, deinceps ad navem non appropinquarent. Et hi quidem quæ fuerant imperata, faciebant : efferebant mensas, pocula, tapetes, aulæa, Sidoniarum manuum & Tyriarum opera, & alia quorum in instruendo convivio usus est : omnes denique profuse & sine ullo ordine in humeris exportabant opes, quas multi labores & frugales cumulaverant, eas profusi convivii petulantia tradente fortuna. Ego vero assumpto Theagene, cum ad Charicliam venissem, & illam lacrymantem invenissem : O filia, inquam, hæc tibi jam sunt usitata, & non peregrina, attamen luges, & haud scio an eadem quæ prius, vel etiam aliquid novi. Illa autem : Omnia quidē, inquit : præ omnibus autem, ea quæ expecto, & mihi invidiam Trachini benevolentiam, quam consentaneum est illi rationem temporis intendere. Solent enim successus inopinati, ad petulanter agendum provocare. Cæterum Trachinus, & Trachini odiosus amor lugebit, qui à me anticipa-
tione

tione mortis evitabitur. Mea autem
 de te, & de Theagene, cogitatio, si
 quidem me à vobis separari ante finem
 continget, ad luctum deduxit. Rem
 ipsam, inquam, conjectaris. Nam
 Trachinus in nuptias suas & tuas, post
 sacrificium, convivium transmutat,
 & mihi ut patri consilium exposuit,
 jampridem cognitam habenti illius
 erga te furibundam commotionem, ex
 his quæ mecum Tyrrenus in Zacyn-
 tho collocutus est: tacenti autem apud
 vos, ne ob impendentes calamitates
 animo antetempus frangeremini, præ-
 fertim cum fieri potuerit ut insidias ef-
 fugeremus. Cæterum ô liberi, quoniã
 quo minus id fieret, Deus restitit, &
 in extrema pericula venimus, age ge-
 nerosum & abruptum facinus aggressi:
 contra periculi summum incremen-
 tum eamus: aut re bene gesta præsta-
 turi, ut nobis generose & libere vi-
 vere liceat: aut saltem id, ut caste &
 fortiter moriamur, in lucro posaturi.
 Postquam autem se facturos esse quic-
 quid juberem promiserunt, & quid
 faciendum esset ego docui, illos qui-
 dem relinquo sese apparantes. Ad eum

autem prædonem, qui secundas post Trachinum tenebat, (vocabatur autem Pelorus, ut opinor) cum venissem, habere me quidpiam utile, quod cum illo communicarem, dicebam. Cumque ille prompte obtemperasset, & eo ubi nullus exaudiretur esset, pervenisset: Audias, inquam, fili, breviter & compendio: neque enim angustia temporis prolixitatem orationis admittit. Amat te filia mea, siquidem ut à præstantiore victa est. Suspiciatur autem, quod archipirata convivium nuptiarum causa appareret. nam ejusmodi quidpiam significavit, cum ut elegantius exorneretur imperasset. Quamobrem vide, quomodo id discutere, & tibi potius filiam vendicare possis. Dicit enim se prius morituram esse, quam nupturam Trachino. Tum ille. Esto fidenti animo. Nam cum jam pridem & ipse perinde sim affectus animo, atque puella, optabam me aditum aliquem ad rem, & occasionem nancisci posse. Itaque aut sua sponte mihi sponsa Trachinus cederet, aut acerbis sentiet nuptias, ab hac dextra quæ convenit passus. Recurrebam cum hæc audissem, ne aliqua

qua oriretur suspicio; & ad liberos veniens, confirmabam eos animo, consilium rectam tenere viam nuncians. Cœnabamus paulo post. Tum ego, quandojam madidos vino, & in petulantiam proclives videbam, submissem ad Pelorum (sedebam autem proxime ipsum dedita opera) Vidistine, inqueiebam, quomodo puella exornata est? Hoc vero, Nequaquam, dicente; Arquilicet, dixi, ipsam videre, si clam perveneris ad navem. scis enim, quod & hoc Trachinus prohibuit. ipsam Dianam sedentem videbis; sed ita ut in præsentia moderate aspicias, ne & tibi & ipsi mortem concilies. Ille autē nihil cunctatus, tanquam urgente aliquo necessario negotio, surgit, & clam incurrit in holcadem. Cumque vidisset Charicliam, coronam ex lauro capite gerentem, & auro intexta veste refulgentem (siquidem sacra veste Delphis asportata, amicta fuerat tanquam aut victoriæ ornamento, aut funeri parentationi futura) & alia circa ipsam exornata, & speciem thalami nuptialis referentia, incenditur (ut est consentaneum) spectaculo, cum
simul

simul desiderium ac æmulatio concurre-
 rissent. Eratque manifestum indicium
 in vultu redeuntis, quod infestum
 quidpiam & furibundum cogitaret.
 Siquidem cum vixdum accubuisset;
 Ego vero, inquit, præmium, quod de-
 betur ei qui primus navem conscendit,
 quamobrem non reporto? Quoniam
 inquit, Trachinus, non postulasti;
 sed ne divisio quidem adhuc est pro-
 posita, eorum quæ capta sunt. Tum
 ille; Igitur virginem captivam mihi
 deponco. At cum Trachinus, Præter
 ipsam quod vis accipe dixisset; Pelo-
 rus sermonem excipiens, Dissolvis
 igitur, & abrogas piratarum legem
 quæ ei qui primus navem hostilem
 conscendit, & se pro omnibus certa-
 mini periculosisimo obtulit, electione
 pro ipsius arbitrio tribuit. Non hanc,
 inquit Trachinus, optime, dissolvo,
 sed alterius legis autoritate & patro-
 cinio nitor, quæ ut præfectis cedatur
 imperat. Sane affectus sum singulariter
 erga puellam, & accipio mihi illam
 in uxorem; anteferri me tibi justum
 esse pronuncio. Tu vero nisi id quod
 lex imperat feceris, non multo post
 plo-

plorabis, percussus hoc poculo. Pelorus autē eos qui aderant intuitus; Videtis inquit, quæ sint laborum præmia? Sic & vestrum quilibet aliquando præmio privabitur. Quid igitur deinceps videre licuit Naucicles? Mari comparasses viros repentino turbine concitatos: adeo cæcus quidam & stultus imperus ad ineffabilem tumultum eos impellebat, vino simul & ira tanquam furore quodam correptos. Cum igitur alii in hujus, alii in illius partes inclinassent, hi honorem & reverentiam tribui præfecto, illi non dissolvendam esse legem tumultuabantur. Ad extremum Trachinus quidem intentabat ictum, tanquam poculum impacturus Peloro: at eum hic (erat enim instructus antea) prævertit, pugione mammam trajiciens. Itaque ille jacebat mortifero vulnere accepto. inter reliquos autem atrox continuabatur bellum: & concurrentes sese feriebant, nihil omnino sibi parcentes: illi quidem tanquam præfectum ulciscentes, hi autem tanquam Pelorum juste protegentes. Eratque unus gemitus omnium, fustibus, lapidibus, poculis, mensis,

pul-

pulsantium & pulsatorum. Ego autem cum me longissime removissem ac sejunxissem, in quodam tumulo spectaculum ab omni periculo vacuum mihi præbebam. Cæterum neque Theagenes erat expers belli, neque Chariclia. Siquidem ea quæ constituta fuerant facientes, ille armatus gladio, alteri parti sese initio adjugebat sociū, omnino furore afflati similis: hac postquam commissum esse prælium vidit, è navi jaculabatur, singulari certitudine sagittas dirigens, & tantum Theageni parcens. Jaculabatur autem non in unam prælii partem, sed quem in primis viderat, cum conficiebat: cum ipsa non videretur, sed hostes facile ad ignem conspiceretur, & perlustraret: illis interea malum ignorantibus, & quibusdam divinas esse plagas suspicantibus: usquedum, cum alii cecidissent, solus Theagenes relictus est, cum Peloro singulari certamine dimicans, viro valde strenuo, & plurimis cædibus exercitato: cum ne Charicliæ quidem jaculatio prodesse quicquam posset amplius, dolentis quidem quod auxilium non ferret, metuentis autem fru-

frustrationem, cum jam cominus & confertis manibus prælium inirent. Veruntamen ad extremum non sustinuit illius impetum Pelorus. Postquã enim ad inopiam auxilii reipsa ferendi redacta Chariclia, sermonem auxiliarem Theageni ejaculata est, Srenuus esto charissime, exclamans, tum jam longe Pelorum superabat Theagenes, tanquam robur & audaciam illi voce subministrante ac suppeditante, & quod pugnae præmium superesset indicante. Nam erecto animo, multis vulneribus jam fracto & afflicto, insiluit in Pelorum, & gladio cæsum in caput dejecto, ab hoc quidem aberravit, cum ille paululum iñctum declinasset: cæterum summitate humeri præfecta, manum illi in commissura cubiti abscidit; & inde ille quidem versus est in fugam, hic autem insequabatur. De aliis, quæ hæc sunt confecta, non habeo quod dicam, nisi quod clam me reversus est, cum mansissem in tumulo, nec ausus essem noctu versari in loco hostili; sed minime inscia Chariclia. Nam animadverti, postquam dies illuxit, illum quidem non absimilem

lem

lem mortuo jacere; hanc autem assidere, & plorare, & quod se desuper confodere vellet declarare; cæterum parva spe quod superstes mansurus esset, reprimere se, ac sustentare. At ego infœlix, nec alloqui prius potui, neque rem cognoscere neque consolatione levare calamitatem, nec ea quæ fieri potuissent curare, quam marina mala, terrestria nullo spacio interposito, excepissent. Cum primum enim, simulatque diem conspexi, è tumulo descenderem, prædonum Ægyptiorum manus, ex monte qui illac protenditur, ut videbatur, decurrebat; & jam ceperat adolescentes, ac paulo post abducebat, quæcunque ferre poterat è navi exportans. Ego autem nequicquam è longinquo loquebar, meas & illorum deplorans fortunas, cum neque defendere possem, neque illis immisceri consultum esse judicarem, ad spem auxilii me reservans. Cæterum minime equidem par fui, procul relictus, senectute impediante, ut per ardua loca cum Ægyptiis una decurrere possem; nunc autem in inventione filia, deorum clementia, & tua Nauficle

cle benevolentia usus, cum quidem ipse nihil ad id contulisset, sed luctus tantum solos & lamentationes affatim largirer. Ad hæc lacrymabat ipse, lacrymabant & ii qui aderant: denique in fletum cum voluptate quadam temperatum, transmutatum fuerat convivium. (Vinum enim proclives quodammodo in lacrymas efficit.) usque dum Nausicles confirmans Calasiridem, O pater, inquit, tu vero jam in posterum esto lætus, ac hilaris, quandoquidem filiam hanc recuperaveris: & ne nō filium videas, sola nocte prohibearis. Mane enim Mitranem conveniemus, & omni ratione liberare, & redimere optimum Theagenem conabimur. Vellem omnino, dixit Calasiris. Nunc vero tempus est dissolvendi convivii. Recordatio fiat numinis, & gratiarum actio pro liberatione, cum libatione conjungatur. Post hæc circumducebantur libationes, dissolvebatur convivium: Calasiris autē Charicliā circumspiciebat. Cumque transitum multitudinis observans, eam non invenisset, sero tandem indicio cujusdam mulierculæ, aditum ingres-

sus, deprehendit vestigia simulachri
 amplexam : & cum orationis prolaxi-
 tate, tum doloris accessione, in arctio-
 rem somnum delapsam. Cum igitur
 paululum collacrymasset, & à Deo, ut
 ejus rationes in melius verteret, sup-
 plex petiisset, paulatimque ipsam ex-
 citasset de somno, ducebat ad concla-
 ve erubescens, ut videbatur, quod
 esset à somno victa imprudens. Hæc
 igitur cum se in gynæceo seorsum cū
 filia Nausiclis ad somnum composuif-
 set, vigilando vacabat curis, & cogi-
 tationibus, quæ illi incumbabant.

H E-



HELIODORI

ÆTHIOPICORUM

LIBER SEXTUS.

Calafiris autem, & Cnemon, cum in quadam parte conclavis virilis quievissent: postquam reliquum noctis tardius quidem quam volebant, celerius autem quam existimabant, elapsum est: quod illius maxima pars super convivium, & narrationum prolixitatem insatiabili conditam suavitate præterierat: neque exactum diem expectantes, ad Nausiclem veniunt, & ut exponeret, ubi Theagenem degere arbitraretur, ac eo quamprimum duceret, orabant. Atque hic quidem illis morem gerebat, & secum sumptos ducebat. Chariclia vero cum multis modis ut sequeretur oraret, manere coacta est: Nausicle, quod neque procul essent progressuri, & quamprimum cum Theagene redituri, affirmante.

Hanc igitur ibi relinquunt: inter mœ-
 rorem, propter illorum discessum: &
 lætitiā, propter ea quæ sperabat, flu-
 ctuantem. Ipsi vero cum primum è pa-
 go egressi essent, & ripas Nili præteri-
 rent, crocodilum conspiciunt, qui à
 dextra parte in alteram reptabat, & al-
 veum fluvii concitato impetu subi-
 bat. Alii igitur illo viso, ut consueto
 minime movebantur: præterquā quod
 Calasiris impedimentum quoddam in
 itinere futurum significari prædicebat:
 Cnemon autem vehementer etiam fu-
 gerat, conspectu perterritus, quamvis
 non exacte illi animal apparuisset, sed
 umbra potius tenuis illum subiisset: a-
 deo ut parum abesset quin refugeret.
 Calasiris igitur, Nausicle in risum ef-
 fuso, Cnemon (inquit) putabam ego
 te nocturnam tantum timiditatem in-
 festare, atque eam tibi ex strepitu ob-
 scuro, ac tenebris involuto accidere:
 tu vero & interdiu nimium es; ut vi-
 detur, animosus: & non nomina tan-
 tum exaudita, sed jam etiam spectacu-
 la vulgaria, & cuivis obvia, ac mini-
 me metuenda, tibi terrorē incutiunt.
 Cujus autem dei, Nausicles inquit, aut
 numi-

numinis appellationem audiens bonus hic, ferre non potest? Sane si ex diis alicujus, respondit, aut numinibus, non haberem quod dicerem: cæterum ad nomen hominis, quod magis est mirandum, neque viri cujuscumque, aut eorum qui gloria fortitudinis sunt illustres, sed mulieris, & hujus (ut ipse dicit) mortuæ, si quis illud commemoret, cohorrescit. Hac enim nocte qua venisti à bubulcis: incolumem nobis adducens Charicliam: nescio quo pacto, aut unde, hoc de quo dico exaudito nomine, ne paululum quidem somni me capere permisit, continue præ metu emoriens: ut multum negotii habuerim, illo revocando ad sese, & reficiendo: & nisi illum dolore affecturus essem, aut perterrefactus, & nunc dicerem, Nausicles, nomen, ut rideas magis: simulque Thisben commemorabat. Nausicles autem non amplius ridebat, sed contristatus est, cum audisset: & diutius cogitabundus, hæsitans & quærens apud animum, qua de causa Cnemoni, aut quo commercio, aut quid à Thisbe accidisset. Tum vero miros

l. 1110 S 3 risus

risus edidit, præ nimia lætitia, Cnemon: &, O bone Calasiri, vides, dicebat, quanta sit hujus nominis vis, & quod non mihi tantum est personæ instar ac terriculi, sed etiam Nausicli nostro. Quinetiam plane mirificam affectus mutationem attulit. ego enim vicissim rideo: scio enim non amplius esse superstitem: generosus autē Nausicles antea multo risu aliis illudebat. Desine, inquit Nausicles: satis enim nos ultus es Cnemon. Sed per hospitii & amicitiae custodes deos, per sales & mensam, quæ in nostra domo, experti estis, ut arbitror, summa voluntate vobis exhibita, unde sit Thisbes nomen, siue scitis, siue me terretis, siue jocum, in me composuistis, indicate. Calasiris autem: Tibi jam incumbit, inquit, narratio, Cnemon: quam cum sæpius mihi te expositurum promiseris, & communicaturum mecum de rationibus tuis, nihilominus tamen hætenus variis effugiis distuleris, opportune in præsentia institues: Nausicli simul gratificans, & nobis molestiam itineris levans, narrationeque amolians. Morem illis gerebat Cnemon, & narrabat omnia

omnia compendio, quæ antea Theageni & Charicliæ exposuerat: Quod illius patria Athenæ, quod pater Aristippus, quod Demæneta noverca fuisset. Recensebatque nefandum amorem, quo illum Demæneta deperibat; & quod spe lapsa, insidias illi struxisset, ministra insidiarum Thisbe subornata. Addebat & modum, & quod pulsus esset in exilium è patria, populo tanquam parricidæ hanc pœnam irrogante; quodque illi in Ægina degenti, primum Charias unus ex synephebis Demænetam esse mortuam, & modum mortis nunciasset, à Thisbe ipsi quoque structis insidiis; deinde Anticles, quod pater in calamitatem incidisset, facta bonorū publicatione, cum ii qui conjunctione sanguinis Demænetam attingebant, in damnationem illius coivissent, & populum in eam suspicionem, quod ipse cædem perpetrasset, adduxissent. Denique quo pacto Thisbe fugisset Athenis, cum amatore quodam, mercatore Naucrātensi. Ad extremum commemorabat Cnemon, quod cum Anticle ad inquisitionem Thisbes navigans in Ægyptum, ut si

forte illam ibi invenisset, reducens Athenas, liberaret patrem calumnia, & de illa pœnas sumeret; cum in multa alia pericula incidisset, & varios casus medio temporis intervallo fuisset expertus, etiam in piratarum potestatem venisset. Deinde, cum quodam modo effugisset, & ad Ægyptum rursus appulisset, à bubulcis captus fuerit, atque ibi cum Theagene Charicliaque familiaritatem inierit. Simul etiam Thisbes interitum adtexebat, & reliqua deinceps ordine, usque ad ea quæ erant Calasiridi & Nausicli nota omnia. Quibus auditis, Nausicles sexcenta versabat in animo consilia, nunc aperire suas & Thisbes rationes cogitans, & rursus differre statuens. Postremo vix sese continuit, partim ipse commodius esse judicans, partim alio casu impeditus. Cum enim circiter sexaginta stadia fuissent emensi, & ad pagum in quo Mitranes habitabat, propius accederent, quidam qui fuit Nausicli notus, sunt obviam, & quo contenderet tanto studio, rogabant. Ille autem, ô Nausicles, inquit, quæris quo properem? tanquam ignores, quid mihi

mihi in præsentia incumbat? A me omnia studia ad unum diriguntur scopum, ut Iliadis Chemmitensis imperata faciam. Illi colo agrum, illius causa quaero & comparo omnia, propter illam noctes diesque insomnes duco, nihil omnino recusans (quamquam inde nihil præter mulctam, & laboris molestiam reponem) quod mihi imperarit, seu magnum, seu parvum fuerit, Ilias illa. Et nunc accelero, avem quamdam hanc, ut vides, Niloticam phœnicopterum charissimæ mandato ferens. Quam facilem es, inquit Nauficles, amasiam consecutus, & quam exigua sunt illius imperia, quod tibi phœnicopterum, & non ipsam phœnicem potius, quæ ab avis Æthiopicis aut Indis huc ad nos pervenit, afferre jusserit. Et ille rursus: Illa quidem, inquit, more solito ex me meisque rationibus lusum facit. Cæterum quo vos vicissim, & quam ob causam iter instituitis? Postquam autem, quod ad Mitranem contenderent, responderunt: Inane est, inquit, & irritum vestrum studium, quod Mitranes in præsentia hic non sit, sed contra incol-

las Bessæ bubulcos hac nocte exercitum duxerit. Adolescentē enim quemdam captivum, quem ille Memphim ad Oroōhidatē miserat, ut inde (ut arbitror) ad regem magnum muneris loco perveniret, Bessaenses & eorum dux declaratus Thyamis, incursione facta ereptum detinent. Et ille quidem his dictis abibat; Mihi verò ad Isiadem est properandum, inquit, quæ me nunc forsitan suis acribus oculis circumspicit, ne mihi aliquam offensam in amore mora & cunctatio afferat. Est autem nimium callida in accusationibus etiam sine causa, & criminibus ac insimulationibus contra me fingendis. Illi verò ut hæc audiverunt, taciti & stupentes diu steterunt, quod præter opinionem spēs & expectatione sua frustrati essent. Donec sero tandem ipsos Nausicles revocavit ad sese, & confirmavit, admonens non oportere brevis frustrationis causa, & quæ ad tempus tantum acciderit, omnem spem & curam eorum quæ præ manibus essent, abjicere; sed nunc quidem Chemmim redeundum esse, & cum consilium gerendæ rei capere,

tum

tum peregrinationem maiore viatico instructos, ad inquirendum Theagenem, sive apud bubulcos, sive apud alios quoscumque illum esse audiverint, suscipere; bona spe inventionis ubique sibi proponenda. Nam neque nunc absque numine & providentia deorum videri factum esse, quod cum in quendam ex notis incidissent, iis quæ nunciata sunt quasi manu ducantur eo ubi Theagenē inquirere oportebit, iter ad bubulcorum pagum tanquam ad scopū dirigentes. Hæc quum dixisset, haud difficulter illis persuasit, simul (ut existimo) alia spe ex iis quæ nunciata fuerant elucente: & Cnemone seorsim etiam Calasirim bono animo esse, quod Thyamis Theagenem servaturus esset, jubente. Placuit igitur, ut redirent. Reversi Charicliam in vestibulo deprehendunt, procul & in omnes regiones illorum causa circumspectantem. Cum vero nusquam cum illis Theagenem cerneret, lugubri ploratu edito: An soli, inquit, pater, & quemadmodum hinc existis, rursus revertimini? Theagenes vero proculdubio, ut conjicere licet, occubuit?

buit? Exponite, per deos orati, quamprimum si quid habetis, neque augeatis mihi calamitatem nuncii dilatio-
 ne. Cum humanitate quadam conjunctum est, festinum adversæ fortunæ indicium, ut quod animum ad resistendum magnitudini mali præparet, & satietatem doloris cito afferat. Præcicens igitur ejus mœrorem, admodum agræ animo, Cnemon: Quæ malum est, inquit, ista consuetudo Chariclia? Proclivis es quodammodo in augurium deteriorum, sed falsorum utique: qua quidem in parte recte facis. Theagenes enim est, & diis volentibus manet incolumis: & quomodo & apud quos, breviter referebat. Calasiris autem: Apparet te nondum amorem expertum esse, Cnemon, ex iis quæ locutus es, dicebat. Scires enim profecto, quod & ea quæ nihil habent periculi, formidolosa amantibus existunt: solisque oculis, in iis quæ jucundissima & gratissima sunt, fidem habent. Illorum vero absentia, metum jam & sollicitudinem in animabus amore captis efficit. Porro in causa est, quod sibi persuaserunt uterque alteri cha-

charissimi nunquam se relicturos esse, nisi illorum conjunctioni aliquod triste obster impedimentum. Quare mi Cnemon Charicliæ quidem veniam damus, quæ vere exacti amoris affectu laboret: ipsi vero ingressi ostium, de iis quæ sunt agenda, cogitemus. His dictis, acceptam à manu Charicliam, cum quadam observantia paterna in ædes introduxit. Nausicles autem recreare illos à curis volens, atque etiam aliquid aliud moliens, convivium splendidius quam solebat instruxit, & solis cum filia symposium concessit, ut delicatior & comptior solito appareret, illam instruens, & sumptuosius exornans. Cum autem convivio satis esse oblectatos existimaret, ita ad illos est locutus: Mihi inquit, hospites (dii sunt testes eorum quæ à me dicentur) præsentia vestra est jucunda, etiamsi hic apud me totum velitis degere tempus, communi jure facultatum, & eorum quæ mihi charissima sunt. Cumque vos non in advenarum hospitum loco, sed amicorum in posterum, amantium mei, & verorum habeam, nihil erit mihi operi quod

in

in vos collatum fuerit. Quin etiam
 quandiu vobis adfuero, paratus sum,
 id si velitis, à necessariis meis postu-
 lare, ut operam suam vobis & auxi-
 liū quibuscunque in rebus possint, im-
 pertiantur. Cæterum haud dubie ipsi
 scitis, quod mihi ratio vitæ ad merca-
 turam est instituta, & hanc artem co-
 lo & exerceo tanquam agrum. Cum
 itaque jam Zephyri egregie flantes, ut
 navigationi mare pateat efficiant, &
 navigandi commoditatem mercatori-
 bus promittant, me quoque negotium
 tanquam præconium quoddam ad pe-
 regrinationē in Græciam evocat. Re-
 cte igitur feceritis, si mecum vicissim
 vestram sententiam communicaveri-
 tis, ut & ipse ad scopum vobis propo-
 situm, meas rationes constituere pos-
 sim. Post hæc dicta paululum quies-
 cens Calasiris: O Nausicles, inquit,
 Tu quidem bonis a vibus navigationē
 pares, Mercuriusque lucrum præstans,
 & Neptunus tranquillitatis effector,
 comites & deductores tibi adsint, te-
 que in omne pelagus latum & tran-
 quillum deducant: omnem portum tu-
 tum, & omnem urbem accessu facilem

& mercatorum studiosam efficiant, quod & præsentes nos tanta benevolentia complexus es, & discedere volentes dimittis hospitii & amicitiae leges exacte servans. Nobis autem etsi grave & molestum est, à te & domo tua, quam ut nostram esse existimemus effecisti, separari: necessarium est tamen & irrecusabile, ad inquisitionem charissimorum omnino aggredi. Et hæc quidem mea est & Charicliæ sententia. Cnemon autem quid habeat in animo, & sive nobiscum una oberrare, & gratificari nobis, sive aliud quidpiam facere statuit, ipse dicat in præsentia. Volens igitur ad hæc respondere Cnemon, & jamjam aliquid prolocuturus, singultivit subito, & repente illi calidæ lacrymæ profusæ, linguam obstruxere: donec sero tandem spiritu collecto, & gemitu edito: O fortunæ, inquit, humanæ omnis mutationis plena & instabilissima ratio, quantum malorum, refluxum: cum in aliis multis sæpius, tum in me declarasti. Genere & domo paterna me privasti, patria & urbe quæ mihi est charissima, extorrem egisti ad Ægyptiam

gyptiam terram (ut multos intercapedinis casus taceam) impegisti, prædonibus bubulcis tradidisti: Paululum quidem bonæ spei ostenderas, familiaritatem virorum, etsi calamitosorum, Græcorum tamen, concilians: cum quibus ego me reliquum tempus vitæ transacturum putabam. Sed & hanc, ut videtur, præcidis consolationem. Quo enim vertar? quidve mihi faciendum est? An relinquam Charicliam, quæ nondum Theagenem invenit? Sed intolerandum ô terra, & nefas factu est. An sequar, & una inquiram? Siquidem certa est inventio, præclarum est subire laborem spe felicitis exitus: sin inexplorata est futurorum ratio, & major molestia nos excipiet, incertum est ubi tandem consistet, aut quem finem consequetur hic meus error. Quid si à vobis & diis amicitia præsidibus, veniam deprecatus, nunc tandem in familiam & patriam reditus mentionem faciam? præsertim cum occasio opportune divina providentia, ut videretur, inciderit, & Nausicles hic (ut ait) in Græciam sit soluturus, ne vel interim si patri aliquid

quid acciderit, omnino successore or-
ba & exhæres domus relinquatur. Et-
enim, etiam si in inopia victurus sim,
servari tamen per me aliquas reliquias
generis honestum est, & propter se
expetendum. Sed ô Chariclia, tibi e-
nim me præcipue excusatum velim, &
à te veniam peto, ac deprecor, da mi-
hi hoc beneficium: usque ad bubul-
cos sequar, à Nausicle, ut parumper
expectet, etsi nimium properet, impe-
trans: ut si te forte tradidero in ma-
nus Theageni, sedulus depositi cu-
stos fuisse declarer: bona quoque spe
futurarum rerum, cum bona conscien-
tia factorum à vobis separer. Sin au-
tem, quod absit, spe lapsi fuerimus,
sic quoque veniam merear; neque te
solam tum relinquens, sed adhibens
tibi Calasirim hunc bonum & custo-
dem & patrem. Chariclia vero &
Cnemonem multis argumentis conjici-
ens erga Nausiclis filiam commotū
esse (acris enim est amans in depre-
hendendo eo qui simili affectui succu-
buit) & Nausiclem ex iis quæ ab eo
dicta fuerant, ut affinitas contrahere-
tur jampridem moliri, & Cnemonem

T

variis

variis illecebris allicere intelligens, simulque ne convenientem quidem itineri comitem, & suspicione vacantem in posterum futurum Cnemonem existimans. Quemadmodum lubet, inquit. Ac pro officiis quidem antea nobis præstitis, habeo tibi gratiam, & debere confiteor; quod autem ad consequens tempus attinet, non omnino incumbit necessitas ut nostrarum rerum curam suscipias, & in aliena fortuna vel invitus una pericliteris. Sed tu quidem Athenas tuas, & familiam, & domum tuam recuperes: Nausiclem hunc, & occasionem quæ cum ipso offertur, neutiquam negligens & contemnens. Ego vere & Calasiris cum iis quæ acciderint pugnabimus tamdiu, quoad finem erroris invenerimus; etiam si nemo hominum adjuvet, deos comites nos habituros esse confidentes. Hæc verba Naucicles excipiens, Charicliæ quidem, inquit, ex animi sententia quæ vult eveniant, & dii comites juxta illius preces adsint, & propinquos recuperet, quandoquidem tam excelfo animo, & prudentia singulari prædita est. Tu vero Cnemō,

quod

quod Thisben Athenas non reducas , non amplius ægre feras, presertim cum me habeas reum raptus illius, & clandestinæ Athenis avectionis. Ille enim mercator, Naucrathes, Thisbes amator, ego sum. Quod si tibi perinde atque mihi placebit, & pecuniæ magnā copiam consequeris, & domum & patriam tuam recuperabis, reducente me; denique si uxorem ducere voveris, hanc meam Nausicliam tibi conjungente, & maximam dotem addente; & illam, quod à te vicissim expectandum est, accepisse statuente, postquam genus & familiam tuam cognovi. Ad hæc ne paululum quidem cunctatus Cnemon, sed quæ optans antea & experiens non sperabat, ea tum præter spem oblata arripiens; Omnia, inquit, lubens accipio quæ promittis. simulque dexteram porrigenti, filiam Nausicles tradebat, & despondebat; & hymenæum cani à suis jubens, choreā primus incipiebat, subitas nuptias ex præsentī convivio efficiens. Alii igitur in cœtu reliquo erant, & hymenæum non denunciatum, in thalamis cum saltationibus & cantu celebrabant, &

nuptiali face tota nocte domus collucebat. Chariclia vero separata ab aliis, consuetum ingreditur conclave, ac ostium claudens ac muniens, à nulloque se impeditum iri confidens, quasi furore quodam bacchico percita, capillos nihil omnino sibi parcens solvit & turbat, & veste scissa; Age, inquit, & nos numini, quod res nostras sortitum est, qua postulat ratione, choreas ducamus. Canamus illi ploratus, & lamentis tripudiemus; tenebræ autem resonent, & nox obscura hac face terræ impacta, iis quæ agentur præsit. Quales enim etiam nostra causa porricus extruxit? quem verthalamum nobis comparavit? Solam & orbatam sponso numen habet, quod me sibi vendicavit, eo inquam, hei mihi miseræ, qui nomine tantum est sponsus. Choreas ducit Cnemon, conjugium contrahit; Theagenes vero errat, atque adeo captivus fortassis & vinctus. Atque hic quidem esset benignioris fortunæ casus, si modo maneret incolumis. Nausiclia nubit, & à me juncta est, quæ usque ad præteritam noctem una cubarat; Chariclia, vero

&

& sola, & deserta. Nec offendimur illorum fortuna, ô dii & numina: quin etiam ut illis ex animi sententia succedat, optamus; sed nostris rationibus, quod non æque nobis hæc impertiamini. Sic hunc actum nostrum in immensum produxistis, ut ultra omnes scenas representetur. Sed quid importune de calamitatibus divinitus immissis queror? Perficiantur & reliqua, quo usque diis placet. Sed ô Theagenes, ô sola mihi cura suavis; si quidem mortuus es, & hoc audiero (quod utinam nunquam resciam) neque ipsa differam, quin una sim tecum futura. In præsentia vero has tibi perago inferias (simulque vellebat crines, & in lectum imponebat) & has tibi desuper fundo libationes ex oculis, qui tibi chari sunt (moxque humectabatur stratum lacrymis:) Si manes incolumis, sicuti merito debes, huc ades, & una requiesce, in somnis mihi apparens. Parce tamen tum quoque mi Theagenes, & custodi connubiali lege tuam virginem, neque commercium ullum cum illa in somnis habeas. Ecce te & amplector, adesse te & me intueſi

existimans. Atque hæc elocuta, deiecit sese in lectum repente pronam, & circumfusa hærebat in amplexu singultiens, atque vehementius ingemiscens; donec illam præ nimio dolore stupor & vertigo subiens, & parti animæ intelligenti caliginem quandam offundens, clam in somnum deduxit, & ad diem usque claram detinuit. Quamobrem Calasiris mirans, & quod nusquam præter consuetudinem appareret, inquirens, ad thalamum venit, pulsansque fores vehementius, & nominatim continue Charicliam compellans, excitavit e somno. Illa vero subita vocatione turbata est, & cohabitum in quo deprehensa fuerat, ad ostium sese proripiens. vestem removit, & ad ingressum senis fores aperuit. Ille vero ut vidit capillos turbatos, & vestem scissam circa pectus, aspectumque adhuc fluctuantem, & quo furore antequam in somnum laberetur, agitata esset, satis indicantem, causam intellexit. Cumque illam ad lectum reduxisset, & collocatam exornasset, palliumque illi imposuisset: Quid hæc malum, inquit, Chariclia?

riclia? Cur tam graviter & absque modo te excrucias? Cur ita omni abjecta ratione succumbis casibus? In præsentia te non agnosco, quam semper generosam & modestam antea cognovi. An non ab hac ingenti amentia desines? An non cogitabis hominẽ te esse natam, rem instabilem, & levibus momentis ad utramque partem declinantem? Cur te ipsa interimis ante spes fortasse meliores? Parce nobis nata, parce inquam, si non tua ipsius causa, saltem Theagenis, cui vita tecum tantum est optabilis, & te superstitute in lucro ponitur. Erubuit his auditis Chariclia, maxime cum reputaret ea in quibus deprehensa fuerat. Cumque diu tacuisset, Calasiri responsicnem flagitante: Veras quidem ob causas, inquit, objurgas pater, sed tamen mihi fortasse condonandas. Neque enim me pervulgata, aut nova quædam cupiditas ad hæc impulit miserã, sed purum & castum utique, quamquam me non attigerit, desiderium, atque hoc ipsum Theagenis, qui me mœrore afficit quod una mecum non est: ac magis etiam terret, quod utrum

vivat, an non, scire non possim. Quod ad hanc rem attinet, bono animo esto, dicebat Calasiris, tanquam illo superstitite, & tecum una victuro, diis annuentibus: siquidem oportet iis quæ sunt de vobis oraculo prædicta, fidem habere: atque etiam credendum est ei, qui heri, quod à Thyamide cum Memphim duceretur captus esset, nunciavit. Quod si captus est, haud dubie quoque servatur incolumis, cū illi jam antea amicitia & familiaritas cum Thyamide intercedat. Quo circa non est cunctandum, sed properandum quantum fieri potest ad Bessam pagū, & inquirendi, tibi quidem Theagenes, mihi vero insuper filius. Audivisti enim omnino antea, filium meum esse Thyamidem. Tum Chariclia cogitabunda: Siquidem, inquit, filius tibi est Thyamis, & est tuus, & non alterius cuiuspiam, & alius, nunc res nostræ in summum discrimen adducuntur. Mirante & causam quærente Calasiri: Scis, inquit, quod veneram in potestatem bubulcorum captiva. Ibi igitur & Thyamidem impulerat in amorem mei in fausta qua prædicta esse videor

videor forma : & periculum est, ne si inquirentes in eum inciderimus, conspectam me, illam ipsam esse recordatus, nuptias quas aliquando mihi ab illo propositas fallaciis eluseram, ad rem deduci cogat. Calasiris autem : Absit ut tanta sit vis cupiditatis, ut etiam paternum vultum conspectum audeat contemnere, & oculos patris non revereatur filius, & non reprimat si quæ est pravam cupiditatem. Sed tamen quid prohibet, quominus aliquam machinam ad eludenda ea quæ tibi sunt formidabilia, excogites ? Videris autem esse industria, & callida, ad excogitanda contra eos qui te adoriuntur effugia, & dilationes. Exhilarata est his Chariclia, &, Sive serio dicis, inquit, sive jocularis, omitatur in præsentia. Ego vero artem etiam prius cum Theagene compositâ, à fortuna vero præcisâ, & nunc quod faustum felixque sit, introducam. Cum enim, ut fugeremus ex insula bubulcorum, necessitas postularet, placuerat permutato habitu, pannosus, & ad mendicorum similitudinem, versari in pagis & urbibus. Quam ob rem si pla-

cet, fingamus hunc habitum, & mendicorum personam agamus. Sic & minus erimus obnoxii insidiatorum injuriis. Securitas enim inter ejuscemodi tenuitate comparatur: fereque commiserationi propior est paupertas, quã invidiæ: & quotidie necessarium victum facilius adipiscemur. Etenim in peregrina terra empturis, ignorantibus loci consuetudinem, omnia carius venduntur: mendicantibus vero dantur facilius. Collaudabat hæc Calasiris, & quamprimum iter ingredi properabat. Itaque cum Nausiclem & Cnemone accessissent, & exitum cum illis communicassent, perendie sunt egressi, (neque jumentum ullum, etsi dabatur, neque hominem quemquam comitem sibi adesse patientes) Nausicle & Cnemone deducente, & reliqua domus multitudine. Deducebat etiam Nausiclia, multis modis patrem ut hoc illi concederet orans, sponsæ convenientem pudorem amore erga Charicliam superante. Ad quinque autem fere stadia progressi, valedicebant sibi invicem ultimo, pro sexu ratione, & dexteras jungebant. Cumque

que magnam vim lacrymarum profudissent, & ut prospere ac feliciter à se invicem separarentur, precati essent: ac etiam Cnemon veniam, quod una non iret, quod recens illi thalamus coaluisset, peteret: & quod illos esset affecuturus, occasionem nactus, fingeret, digressi sunt à se invicem: hi quidem ad Chemmim: Chariclia vero & Calasiris in mendicorum fictum habitum se transformarunt: pannis sese, antea præparatis, vilibus admodum, operientes. Postea vero Chariclia & faciem conspurcavit, interfa fuligine, & luto illito contaminans, & fasciæ conspurcatae oram desuper à fronte demissam, circa oculos incomposite loco tegmenti jactari sinens. Porro peram sub hala eo prætextu, tanquam buccellarum & viatici promptuarium esset: re ipsa vero ad receptaculum sacrae vestis, Delphis asportatae, & coronarum ac monimentorum cum illa à matre expositorum, indiciorumque suspendens. Calasiris autem pharetram quidem Charicliae corrupto & inutili corio involvens, tanquam onus aliquod aliud, transversum
in

in humeris ferebat: arcum vero nervo laxato, postquam celerrime ad rectitudinem rediit, loco baculi sumpsit, totus illi, & magno onere incumbens. Etsi forte se venturum alicui obviam præviderat, dedita operam majorem gibbum simulabat, quam senium coge-
bat, & altero pede claudicabat, à Chariclia interdum manu ductus. Postquam autem persona ejuscemodi fuerat illis prope assimulata ac efficta, paucisque scommatibus sese petierunt, & alter alterius habitum ut convenit joco perstrinxit, à deo illorum rationes gubernante, ut mala ibi sisteret, & præteritis esset contentus, deprecati, ad Bessam pagum properabant: ubi cū Theagenem & Thyamim se inventuros fuisse speravissent, optato eventu frustrati sunt. Propius enim ad Bessam circa solis occubitum accedentes, ingentem stragem recens cæforum hominum conspiciunt, plurimorum quidem Persarum qui ex habitu & armatura cognoscebantur, paucorum vero quorundam etiam indigenarum. Et belli quidem esse repræsentationem conjectabantur, cæterum à quibus &
cum

cum quibus gesti ignorabant. Donec circum euntes cadavera, simulque circumspicientes ne forte aliquis ex propinquis alicubi jaceret (cum enim sint meticulosi & solliciti animi de iis quæ charissima sunt, facile etiam acerbiora augurantur) inciderunt in quandam vetulam mulierem, corpori cujusdam indigenæ adhærentem & multiplices edentem ploratus. Statuerunt igitur conari aliquid, si fieri posset, ex anu cognoscere. Et cum propius assedis-
sent, principio quidem consolari & sedare illius vehementem luctum conabantur: deinde cum consolationem admitteret: quem lugeret, & quodnam bellum esset gestum percontabantur, Calasiride cum muliere, Ægyptiaca lingua loquente. Illa autem dicebat omnia breviter: Propter filium quidem jacentem se lugere, & ex industria ad cadavera venisse, ut aliquis armatus decurrens illam tollat è vita: interea vero iusta filio pro facultatibus, lacrymantem & lamentantem, solvere. Quod ad bellum attinet, ita narrabat. Deducebatur quidā peregrinus adolescens, forma & pro-
cari-

ceritate excellens, ad Oroondatem regis magni principem, Memphim. Missus autem fuerat à Mitrane, ut existimo, excubiarum præfecto, captus, tanquam maximum quoddam donum, ut ipsi ajunt. Hunc nostri ex hoc pago, (ostendens in vicinia situm) advenientes eripuerunt, cognoscere se ut suum, sive revera, sive prætextum fingentes, dicebant. Mitranes igitur cum hæc audisset, ut est consentaneum, iratus, adduxit exercitum contra pagum, ante hoc biduum. Est autem bellicosissimum genus hominum in hoc pago, semperque prædando vitam agunt, & mortem despicunt omnino: multasque propterea sæpius alias, & me in præsentia, viris & filiis orbas reddiderunt. Postquam igitur adventum illius certis argumentis cognoverunt, occupant insidiis loca quædam occultandis copiis idonea, & exceptos hostes vincunt: pars collatis signis, & à fronte prælium ineuntes, pars à tergo ex insidiis cum clamore incautos Persas adorti. Cadit igitur inter primos Mitranes prælians, cadunt & reliqui propemodum omnes
cum

cum eo, tanquam circumdati, & neque
fugæ patentem locum habentes: cadū
& nostri pauci. Ex quorum numero,
gravi & aspera numinis voluntate, etiā
filius meus hic est, qui jaculo Persico,
ut videtis, in pectore vulnus accepit.
Et nunc quidem misera hunc jacen-
tem lugeo: deinceps autem eum qui
mihi est relictus, luctura videor, quod
& ille heri cum reliquis, contra Mem-
phitarum urbem expeditionis fuerit
focius. Quærebat & causam expedi-
tionis Calasiris. & anus, audivisse se à
filio superstite dicens, narrabat, eos,
cum militibus regiis cæsis, & præfecto
cohortium magni Regis interfecto,
scirent propter ea quæ perpetrassent,
rem non in parvum, sed in ipsum de
summa rerum discrimen illis desitu-
rum esse, Oroondate principe qui est
Memphi maximis copiis instructo, &
quamprimum audisset, primo adventu
cincturo pagum, & internecione eo-
rum qui locum incolunt, injuriam vin-
dicaturo: statuisse, quod semel se in
periculum de summa rerum conjecis-
sent, magnos ausus majoribus, si fieri
possit, redimere, & antevertere Oro-
onda-

ondatis apparatusum : existimantes se cum inopinato advenerint, aut illum etiam sublaturus esse, si Memphi deprehenderint: aut si absit, bello quodam (ut ajunt) Æthiopico nunc occupatus, & facilius urbem ad deditiorem compulsiuros, tanquam propugnatoribus desertam, & ipsos extra periculum in præsentia futuros: insuperque Thyami suo præfecto egregiam navaturos operam: & antistitii sacerdotium, quod injuste à fratre natu minore per vim tenetur, cum illo recuperaturos esse. Sin spe frustrari illos acciderit, præliantes tamen occubitu-
 ros esse, neque aliter venturos in Persarum potestatem, & illorum cruciatibus & ludibriis expositos fore. Cæterum hospites quo nunc ibitis? Ad pagum, dixit Calasiris. Illa vero: Non est tutum vobis, inquit, & intempestive, & præterea ignotis, versari inter eos qui relictæ sunt. Sed si nos hospitio exceperis, inquit Calasiris, non desperamus nos securos fore. Verum temporis ratio non patitur, anus respondit. Siquidem nocturnas quasdam inferias agere constitui. Attamen si fer-

re potestis, necesse est autem fortasse, etiamsi nolitis, alicubi à cadaveribus sejuncti vacuo in loco, noctem transigatis. Diluculo vero, ego vobis me securitatis conciliatricem, hospitio exceptis, recipio fore. Hæc illa elocuta, Calasiris omnia Charicliæ exponens, & eam secum assumens, secessit. Cumque paululum cadavera prætergressi essent, in quendam tumulum humilem incidunt. Ibi ille quidem recubuit, capiti pharetra supposita: Chariclia vero sedebat, pera loco sellæ subjecta, oriente tum primum luna, & lumine suo illustrante omnia: tertia enim dies post plenilunium fuerat. Et Calasiridem quidem, ut & alioqui senem, & itineris labore fessum, arctior somnus complectebatur: Chariclia vero præ curis quæ illam angebant, pervigilem noctem ducens, scenæ cujusdam impiæ quidem & abominandæ, cæterum indigenis usitatæ, spectatrix fiebat. Anus enim vacarionem se, ut à nullo neque interturbari, neque videri posset, noctam esse existimans, primum quidem scrobem fodit, postea rogum ex utraque

parte succendit, & medium inter utrumque cadaver filii collocans, & craterem fictilem ex quodam tripode qui juxta aderat promens, mel in fossam infundebat, rursus autem ex altero lac, ex tertio porro tanquam libationem faciebat: denique pistam quandam farinæ massam, ad viri similitudinem effictam, lauro & marathro sive bdellio coronatam, in fossam injecit. Deinde gladio inter scuta sublato, tanquam furore quodam percita, multa ad lunam peregrinis auditu nominibus precata, brachium incidit, & lauri furculo sanguine absterfo, rogam conspergebat: aliaque multa portenti similia præter hæc faciens, tandem ad cadaver filii inclinata, & quædam illi ad aurem accinens, excitavit, & subito consistere præstigiarum vi coëgit. Chariclia vero, quæ neque antea sine metu & formidine spectabat, tum quidem & cohorrui: & inusitato spectaculo prorsus consternata, Calasiridem de somno excitavit, & ut spectator esset eorum quæ fiebant effecit. Ipsi igitur ut in tenebris non conspiciebantur, conspiciebant vero ea quæ agebantur ad lucem

cem & ad rogū facilius, atque ea quæ dicebantur, quod non procul aberant, exaudiebant, anu jam clarius etiam cadaver percontante. Erat autem interrogatio hæc: An frater quidem illius, filius vero suus, superstes, esset salvus rediturus? Illud autem nihil respondit, sed annuens tantum, & matri spem quandam successus ex animi sententia ambigüe præbens, collapsum est subito, & jacebat pronum. Illa vero convertit corpus, ut supinum jaceret, & non intermittebat quæstionem, sed vehementioribus coactionibus (ut videtur) multa ad aures rursus accinens, & transfiliēs armata gladio, nunc ad rogum, nunc ad fossam, excitavit rursus, & erectum de iisdem rebus interrogabat, non nutibus tantum, sed voce etiam, vaticinium manifeste & perspicue indicare cogens. Interea vero multis modis Calasiridem orabat Chariclia, ut propius accedentes ad ea quæ fiebant, & ipsi inquirerent aliquid ab anu de Theagene. Ille autem recusabat, dicens, & spectaculum quidem impium esse, sed tamen necessario à se tolerari. Non enim decere antisti-

tes, aut delectari, aut adesse ejusmodi actionibus: sed his vaticinia ex sacrificiis legitimis & precationibus fieri, non ex impuris, & revera circa terram & corpus mortuum errantibus: quale nunc Ægyptia petente ut videremus, casus hujus temporis attulit. Hæc illo adhuc dicente, cadaver tanquam ex angulo quodam, aut antro confragoso, grave quiddā & asperum prorumpens: Ego quidem, inquit, initio tibi parcebam, mater, & delinquentem te graviter in naturam humanam, & Parcarum leges violantem, atque ea quæ manere debent immota, præstigiis atque incantationibus moventem, patiebar. Servatur enim & apud mortuos erga parentes, quoad fieri potest, reverentia. Cæterum postquam & hanc tollis, & pergis, non contenta nefanda & scelerata actione, quam initio es aggressa, in immensum nefandum hoc facinus producere, & non erigi tantum, & nutus dare, sed etiam loqui corpus mortuum cogis, sepulturam meam negligens, & venire in cœtum reliquarum animarum prohibens, privata necessitatis causa: audi jam ea, quæ

quæ jampridem tibi indicare verebar. Neque filius tuus incolumis redibit: neque ipsa mortem, quam à gladio debes occumbere, effugies: sed quæ tuâ vitam in tã nefandis actionibus consumpseris, violentam mortem destinatam talibus omnibus, non ita multo post obibis: quæ non sola seorsim, sed in conspectu etiam aliorum, hæc tam arcana & silentio occultanda mysteria agere sis ausa, ac testibus his mortuorum enuncias & prodis fortunas: ex quibus alter est antistes. Et hoc quidem esset levius: scit enim, quæ est ejus sapientia, talia ne evulgentur, silentio apud se obsignata occultare: & alioqui diis est charus, ac filios suos in cruentum certamen armatos descendentes, & monomachia dimicatueros, interventu suo prohibebit, & rem componet, siquidem acceleraverit. Sed illud est multo gravius, quod & virgo quædam, horum quæ hic circa me aguntur, est spectatrix, & exaudit omnia: muliercula inquam amore concita, & omnem ut ita dicam, terram, amasii cujusdam causa pererrans. Cum quo post infinitos labores, & sexcen-

ta pericula, in extremis terræ terminis, tandem in præclara fortuna & regia vitam tranfiget. His dictis, illud quidem jacebat corruens. Anus vero intelligens, hospites esse eos qui spectabant, quo fuerat habitu gladio armata, & furibunda ad ipsos contendit, & per omnes partes jacentium ferebatur, inter cadavera ipsos latitare suspicans: in animo autem habens interimere, si invenisset, tanquam insidiatores, & eos qui speculatores illius præstigiis adversi fuissent: donec dum incautius præ ira inter cadavera illos inquirere pergit, fragmento hastæ erecto per inguen trajecta est imprudens. Hæc igitur ita jacebat, vaticinium redditum à filio extemplo juste implens.

H E-



HELIODORI

ÆTHIOPICORUM

LIBER SEPTIMUS.



Calasiris autem & Chariclia cum proxime tantum discrimen essent, tum segregantes sese à præsentibus terroribus, tum etiam propter ea quæ vaticinio prædicta fuerant accelerantes, iter Memphim festinato continuabāt. Et quidem accedebant ad urbem, cum jam ea fierent, quæ mortuus, quem evocaverat mater, prædixerat. Hi enim qui erant Memphi, paulo ante quam advenisset, prædonum manum è Bessa ducens Thyamis, portas clauferant, milite quodam qui sub Mitra ne meruerat, & ex prælio ad Bessam effugerat, adventum illius prævidente, & iis qui erant in urbe prænunciante. Thyamis igitur circa quandā muri partem arma deponere imperans, simul quiete post continuum laborem

itineris reficiebat exercitum, & ob-
 dionem urbis inchoare statuebat. Op-
 pidani autem, qui prius metu magna-
 rum copiarum adventus consternati
 fuerant, cum paucos esse ex muris de-
 spicientes cognovissent, extemplo
 collectis sagittariis & equitibus, qui
 pauci ad præsidium urbis relictī fue-
 rant, & reliqua multitudine civium
 armis quæ cuique casus obtulerat, in-
 structa, exire ex urbe, & cum hosti-
 bus prælium committere properabant:
 grandiore quodam & claro viro con-
 tradicente, & docente, etiam si satra-
 pam Oroondatem abesse contigisset,
 ad Æthiopicum bellum profectum, at-
 tamen ad Arsacem illius conjugem rem
 prius deferri convenire, quod illius
 consensu milites qui in urbe reperi-
 rentur, facilius esset & promptius ad
 opem ferendam civitati, concursuri.
 Cumque recte dixisse videretur, con-
 tenderunt omnes ad domicilia regia,
 in quibus absente rege satrapæ habi-
 tant. Arsace autem erat alioqui for-
 mosa & procera, & singulari industria
 in rebus administrandis prædita, atque
 animo elato propter ortus sui nobili-
 tatem:

tatem: qualem extitisse in ea, quæ soror magni regis nata esset, consentaneum est: cæterum propter voluptatem illicitam ac dissolutam in vita, culpa & reprehensione non carebat. Inter cætera quoque & Thyamidi aliqua ex parte causa aliquando extiterat exilii, quo Memphi cedere coactus est. Cum enim, simulatque Calasiris propter ea quæ illi divinitus de filiis responsa fuerant, Memphi clam emigrasset, ac nusquam compareret, atque etiam periisse putaretur: illico Thyamis, tanquam filius natu major, esset ad dignitatem antistitii vocatus, & sacrificia in ingressu celebraret publice, cum incidisset in templo Isidis Arface in adolescentem gratiosum, & ætate florentem, atque etiam in illa panegyri magis conspicuum & exornatum, oculis illum petiit intemperantibus, & nutibus turpiorum rerum involucris. Quæ quidem Thyamis ne paululum quidem ad animum admittebat, cum natura ad temperantiam idoneus, tum à puero præclare institutus. Alioqui etiam ea quæ ab illa agebantur, longius fuerant petita, quam

ut ille suspicari posset: & fortassis aliter quodammodo fieri existimabat, cum totus esset sacris rebus intentus. Cæterum frater Petosiris, qui & jampridem illi antistitii dignitatem invideret, & illecebras Arsaces observasset, occasionem ad insidias fratri faciendas, illius illegitimam sollicitationem atripuit. Et Oroondatem clam accedens, indicavit non illius tantum cupiditatem, sed insuper, quod Thyamis jam cum illa pacisceretur: falso id adjiciens. Ille autem facile sibi persuaderi passus est, propter suspicionem quam jam antea de Arsace conceperat: veruntamen molestus illi non fuit, tum quod manifestum argumentum, quo illam convincere posset, non haberet: tum quod reverentia generis regii, etiam si quid suspicabatur, tolerandum, & premendum esse putaret. Cæterum Thyamidi palam denunciare & minari mortem non prius destitit, quam illum in exilium pepulit, & fratrem ejus Petosiridem in antistitii dignitate collocavit. Sed hæc quidem temporibus quæ præcesserant, acciderunt. Tum autem Arsace, cum multitudine

tudo ad illius domicilia confluxisset, adventumque hostium, quod & illa præsenserat, nunciaret, & ut imperaret convenire milites qui essent, peteret: non ita se facile id permissuram dixit, cum nondum quantæ sint hostium copiarum, aut qui sint hostes, aut unde, sciret: ad hæc, ne causam quidem, propter quam venerint, cognovisset. Oportere igitur usque ad muros prius transcendere, & illinc omnibus rebus conspectis, aliisque insuper collectis, ad ea quæ fieri posse, & conducere videbuntur, aggredi. Recte dixisse visa est: contenderuntque inde recta ad murum. Ibi cum tabernaculū purpureis, auroque intextis, intentum velis, Arfaces jussu collocatum esset, ipsaque sumptuose exornata venisset, pro tribunali editiori confidens, collocatis circa se satellitibus, in armis auro fulgentibus, & caduceo prolato, tanquam colloquii pacificatorii symbolo, primos & præcipuos ex hostibus propius ad murum venire jussit. Postquam autem Thyamis, & Theagenes electi à multitudine venerunt, & sub muro constiterunt, reliquo corpore arma-

arma-

armati, cæterum aperto capite, præco hæc dicebat: Arsace Oroondatis primi satrapæ uxor, soror autem magni regis, quærit ex vobis, qui sitis, quo ve animo, & qua de causa huc venire ausi. Illi autem, multitudinem quidem Bessaensium esse responderunt. De se vero Thyamis, quis esset, exposuit, & quod injuria affectus à fratre Petrosiride, ac Oroondate, & antistitio per insidias privatus, in pristinam dignitatē a Bessaensibus reduceretur. Quod si sacerdotium recuperaverit, pacem esse, & Bessaenses domum reversuros nullo omnino damno illato: sin minus, bello se iudici & armis rem committere statuisse. Merito autem debere & Arfacen, si quid cogitet eorum quæ fieri oporteat, opportune de Petrosiride pœnas sumere, insidiarum sibi factarū, & criminum nefariorum, quorum cum falso illam apud Oroondatem insimulasset, & ipsi apud virum illicitæ turpisque cupiditatis suspicionem, & sibi exilium è patria, dolo & insidiis comparasset. Ad hæc perturbata est tota Memphitarum multitudo, cum & Thyamim cognoscerent, & inopinati illius

illius exilii causam, quam initio tum cum pelleretur, ignorabant, ex his quæ dicta fuerant, suspicarentur, & veram esse crederent. Arsace autem omnium maxime perturbatione plena erat, & tanquam procella cogitationum undiquaque premebatur. Nam ira contra Petosiridem inflammata, & adeorum quæ jampridem acciderant cogitationem animum revocans, quo pacto illum ulcisci posset, deliberabat: Thyamidem vero aspiciens, & rursus Theagenem, distrahebatur animo, & alternis in cupiditatem erga utrumque rapiebatur: erga alterum quidem, veterem amorem renovans: erga alterum autem, acrioris adhuc & vehementioris initia flammæque cōcipiens: ut neque circumstantes latuerit illa animi anxietas, ac sollicitudo. Veruntamen cum se parvo spacio intermisso, non secus ac ii qui ex morbo sacro redeunt ad sese, recepisset: Optimi, inquit, sane vos ad bellum amentia quædam impulit, cum omnes Bessaenses, tum vos etiam florentes ætate & venustos adolescentes, & bono genere natos, qui vos (ut animad-

verto,

verto, & conjecturam facere licet) in
 manifestum discrimen pro prædoni-
 bus coniecistis: cum ne primum qui-
 dem impetum, si prælium sit commit-
 tendum, sustinere possitis. Non enim
 eo angustia redactæ sunt Regis magni
 rationes, ut etiamsi satrapam abesse
 contingat, non à reliquiis exercitus
 qui est in urbe, omnes vos cingi pos-
 sitis. Sed nihil attinet, ut existimo,
 vulgus affligi: præstatque, cum pri-
 vata quorundam injuria, adventus sit
 causa, non publica, neque commu-
 nis, privatim etiam controversiam
 componere, & finem qui à diis & æ-
 quitate illis designabitur, ratum habe-
 re. Æquum igitur mihi esse videtur,
 & impero, ut reliqui Memphitæ quie-
 ti sint, neque sibi vicissim sine causa
 bellum inferant. Hi autem quibus est
 de antistitio controversia, singulari
 certamine dimicent, ea conditione, ut
 victori sacerdotium præmium propo-
 natur. Hæc cum Arsace fuisset elocu-
 ra, omnes qui erant Memphi, excla-
 marunt, & ea quæ dicta fuerant, col-
 laudabant: cum & Petosirim in suspi-
 cionem sceleratæ voluntatis & propo-
 siti

fiti vocarent: & periculum ob oculos
 positum, & imminens, alieno se quis-
 que certamine depulisse lætaretur.
 Multitudo vero Bessaensiū, non utique
 decreto contenta esse, neque periculo
 exponere suum ducem velle videba-
 tur, tamdiu, quoad illis Thyamis, ut
 assentirentur, persuasit, imbecillas vi-
 res Petosiris & inscitiam bellandi ex-
 ponens: & quod longe meliore con-
 ditione, propter peritiam, prælium
 ipse initurus esset, eos confirmans.
 Quod etiam, ut est verisimile, Arsa-
 ce cogitans, singulare certamen pro-
 posuerat: animadvertens fore, ut sine
 ulla suspicione, id quod animo expe-
 tebat, ex illius sententia eveniret: &
 quod conveniente modo Petosiris illi
 daturus esset pœnas, cum Thyamide
 longe generosiore dimicans. Ibi con-
 spici potuit, vel dicto citius ea quæ
 fuerant imperata perfici, cum Thya-
 mis omni studio ad id quod denun-
 ciatum fuerat, properaret, ac reliquum
 armorum quod desiderabatur ad justā
 armaturam, alacriter sumeret: Thea-
 gene quoque multis modis illi animū
 addente, & galeam capiti imponente
 egre-

egregie cristatam, & deaurato fulgore micantem, & reliqua arma firmiter circumligante: Petosiris autem vi, prout imperatum fuerat, extra portas truderetur, multa ad deprecandum certamen clamans, & arma invitus & coactus capiens. Cum igitur illum cōspexisset Thyamis: Bone, inquit, Theagenes, an non vides, quantopere præ metu tremat Petosiris? Video, inquit. Cæterum quò modo iis quæ sunt præ manibus, uteris? Neque enim simplex hostis, sed frater tibi objectus est. Ille autem: Recte dicis, inquit, & proxime scopum meæ mentis attigisti. Ego vero vincere, annuente deo, non interficere decrevi. Absit enim, ut tantopere ira & indignatio propter ea quæ antea sum passus, in me effervescat, ut cum sanguine fratris, & germani cæde atque contaminatione vindictam injuriæ præteritæ, honorẽ autem futurum commutare velim. Generosi hominis verba sunt, inquit Theagenes, & naturæ vim egregie intelligentis. Mihi vero quid ut observem imperas? Tum ille: Certamen quidem propositum nihil hæbet periculi

culi, ita ut facile contemni possit: veruntamen quoniam multa, atque ab opinione hominum aliena sæpius fortunæ humanæ varietas efficit, si victor evasero, una ingredieris urbem, & habitabis mecum æquali jure: sin aliquid præter spem acciderit, Bessaensium istorum, qui tibi magnopere favent, duxeris, & prædonum vitam ages, donec aliquem finem tuis rationibus dexteriorem Deus ostenderit. His ita cōplectebantur se mutuo cum lacrymis & osculis. Et hic quidem ibi quo fuerat habitu, sedebat, circumspiciens id quod futurum erat: & Arsacæ præbebat, inscius ipse, occasionem voluptatem capiendi ex suo spectaculo, undiquaque illum circumspicienti, & oculis tum cupiditate frui permittenti. Thyamis vero ad Petosiridem contendit. Cæterum ille non sustinuit ejus adventum: sed cum illum se commovisse vidisset, conversus ad portā, recipere se in urbem voluit. Sed nihil proficiebat, cum ab iis qui ad portas stabant, rejiceretur: & hi qui erant in muro, ad quam partem cursum direxisset, ne à quoquam reciperetur, ad-

tanquam in tragœdia auxit ea quæ agebantur, quasi æmulatione quadam initium alterius fabulæ afferens: & Calasiridem die adhuc illa tanquam ex composito, socium cursus, & infelicem spectatorem certaminis liberorû de vita, constituit. Qui etsi multa perpeſſus fuerat, & multa tentaverat, exilioque se & secessu in peregrinas terras multaverat, ut tam crudele spectaculum evitare posset: tamen fato victus, videre ea quæ illi jampridem dii oraculo prædixerant, coactus est. Et è longinquo cursum & insectationem prospiciens, ex iis quæ illi sæpius prædicta fuerant, filios suos esse intellexit: intensiorique cursu, quam aliqui ætas patiebatur, antevertere illorum ultimam manuum consertionem conatus est, etiam vim faciens senectuti. Postquam igitur supervenit, & propius jam una currebat: Quid hoc sibi vult ô Thyami & Petosiri? continue vociferabatur: quid malum hoc amentix est, filii? sæpius inclamabat. Illi autem cum nondum patris vultum agnoscerent, adhuc mendicorum panis vestiti, & ipsorum animus totus

esset in certamine, tanquam aliquem circulatorem, aut alioqui non satis mentis compotem, præteribant. Ex iis vero qui erant in muro, non nemo mirabatur, quod sibi non parceret, & inter digladiantes sese conjiceret: aliqui vero tanquam amentem, & frustra sese medium inferentē ridebant. Cum igitur senex intellexisset, se propter vilitatem habitus non agnosci, dejecit pannos quibus desuper erat indutus, & sacram comam cum non esset reli-gata promisit, ac onere quod gerebat in humeris cum baculo quem habebat in manibus abjecto, stetit adversus, & facie ipsis paruit, veneranda ac pontifice digna, sensimque se curvavit, & manus supplices protendens, lacrymis obortis, ejulando inquit: O filii, en ego sum Calasiris, en ego sum vester pater. Hic jam consistite: & furorem, qui malo fato exortus est, compescite, cum patrem & habeatis, & revereri debeatis. Jam tum languebant, tantumque non collapsi, provoluti sunt ad genua patris, & amplexi, primum defixis oculis intuebantur, examinantes illius agnitionem: deinde postquā
non

non spectrum esse, sed ipsum revera cognoverunt, variis affectibus, & inter se contrariis commovebantur. Lætabantur propter parentem, præter spem superstitem conspectum: excruciantur, & erubescabant propter actionem in qua deprehensi fuerant: & erant solliciti ob futurorum incertitudinem. Hæc autem adhuc iis qui erant in urbe mirantibus, & neque dicentibus quicquam, neque agentibus, verum pene stupentibus præ inscitia, & pictorum similibus ad solum spectaculum arrectis, alius actus obiter inferebatur fabulæ. Chariclia vestigiis insequens Calasiridem, cum è longinquo cognovisset Theagenem (acris est enim in cognoscendo amantium aspectus, sæpiusque motus tantum & habitus, quamvis è longinquo, aut etiam à tergo, similitudinis opinionem præbuit) tanquam icta illius aspectu, furibunda ad ipsum fertur, & hærens in amplexu, è collo nulla voce edita pendebat, lugubribusque quibusdam lamentis eum salutabat. Ille autem, ut est verisimile, vultum squalidum, & ex industria contaminatum & pollutū

videns, & vestem vilem ac laceram, veluti aliquam ex circulatricibus, & revera vagabundam repellebat, ac rejiciebat: & ad extremum, cum non desisteret, tanquam sibi molestæ, & spectaculum illud Calasiris impediendi, etiam alapam inflixit. Illa autem: ô Pythie, submisit ad illum, neque faculæ amplius recordaris? Tum Theagenes verbo illo tanquam jaculo ictus, & ex constitutis inter illos tesseriis faculam cognoscens, defixisque oculis contuitus, & obtutu Charicliæ tanquam ex nubibus radio emicante illustratus, in collum invadebat: postremo tota pars ad murum, in quo sederat Arsace rumens, & non sine zelotypia jam Charicliam aspiciens, plena erat scenica quadam mirificaque representatione. Diremptum est nefarium bellum inter fratres: & certamē, quod cruentum fore putabatur, in comicum finem ex tragico desit. Pater filios armatos contra sese, singulari certamine dimicantes conspiciens, qui eo discriminis venerat, ut pene oculis parentis infelix mors liberorum subjiceretur, ipse pacis fiebat arbiter. Qui effugere qui-

quidem factorum necessitatem non poterat: cæterum tempori ad ea quæ definita fuerant veniens, fortunæ successus videbatur. Filii parentem post decennalem erroris intercapedinem recuperabant, & cum qui fuerat causa propemodum cruentę propter antistitium seditionis, ipsi paulo post coronabant, sacerdotique insigniis ornatum deducebant. Inter omnia vero amatoria pars fabulæ, Chariclia atque Theagenes, formosi & venusti iuvenes, cum præter omnem spem & opinionem se recuperassent, vigeat: & magis quam cætera, urbem ad spectaculum sui convertebat. Effusa namque fuerat per portas, & patentē campum frequentia cujuscunque ætatis impleverat: parte civitatis pubere, & virilem ætatem tum primum attingente, accurrente ad Theagenem: ad Thyamidem vero, florentis ætatis, & exacta maturitate viros constituentis, atque etiā per ætatem Thyamim cognoscentis. Porro virginea urbis portio de sponso jam cogitans, ad Charicliam adhærescebat. Senile autem & sacrum genus totum stipabat Calasiridem.

dem. Atque ita pompa quædam sacra repente constitit, cum Thyamis Bessaenses remisisset, gratiasque illis pro navata sibi cupide opera egisset: boves centum, mille vero oves, & singulis decem drachmas paulo post ad plenilunium se missurum promittens: collum vero manibus patris subjiceret, & itineris molestiam levaret, incessumque senis præinsperato gaudio sensim languefactum ac dissolutum, suffulciret & sustentaret. Faciebat vero idem ex altera parte Petosiris, & cum facibus accensis deducebatur in templum Isidis senex, plausu & gratulationibus stipatus, multis simul fistulis & tibiis sacris resonantibus, & ad tripudia ferventem & vegetam ætatem exuscitantibus. Porro nec Arsace à tergo relinquebat ea quæ fiebant: sed suam quoque catervam & comitatum, seorsim magno cum fastu ostentans sequebatur: monilia multumque auri in templum Isidis imposuit, eo quidem prætextu, quod exemplum reliquæ urbis imitaretur: ex solo vero Theagene suspendens oculos, & præ cæteris illius conspectu perfruens, nec tamen

since-

sincero erga illum studio se oblectans. Porro cum Charicliam Theagenes manu tenens duceret, turbamque confertam removeret, acrem quendam zelotypiæ stimulum Arsacæ infixit. At Calasiris, ut ingressus est interiorem templi partem, procidit in faciem, & cum vestigiis simulachri incubaret, multoque tempore ita maneret, parum aberat quin moreretur. Revocantibus autem eum ad sese circumstantibus, vix consurgens, cum libasset deæ, vota-que nuncupasset, demens suo capiti sacerdotii coronam, filium Thyamidem coronabat, se jam senem esse, ad multitudinem dicens, & alioqui sibi imminere mortem prospicere: filio vero majori natu, & deberi insignia antistitii, lege: & illum satis habere dotum animi & corporis ad sacerdotii munia obeunda. Cum ad hæc populus exclamasset, seque approbare laudibus & præconiis significasset, ipse templi quandam partem occupans, quæ antistitibus est attributa, filios una secum habens, & Theagenem, ibi mansit. Reliqui vero in suam quisque domum discedebant. Discedebat & Ar-

face, vix quidem, & sæpius revertens, quasque majori observantia circa deam immorans: veruntamen discedebat aliquando, identidem sese ad Theagenem quamdiu licuit, convertens. Postquam igitur in regiam aulam est ingressa, recta ad thalamum ibat, & dejiciens sese in lectum, eo habitu quo fuerat jacebat, nulla voce edita: muliercula alioqui proclivis in libidinem, tum vero præcipue, conspectu formæ Theagenis excellentis, & reliquas omnes quascunque antea cognoverat, superantis, inflammata. Jacebat igitur tota nocte, subinde in alterum latus corpus obvertens, identidemque vehementius ingemiscens, nunc se erigens, nunc in strato labans, & magna ex parte vestè sese nudans, & rursus repente in lectum corruens. Aliquando & ancilla vocata sine causa, nihil dans mandatorum, iterum eam ablegabat. Denique in furorem illam insciis omnibus in posterum egisset amor, nisi quædam anus, nomine Cybele, custos cubilis, & rerum Venerarum Arsaces ministra, incurrisset in thalamum: (neque enim illa clam erat quic-

quicquam eorum quæ fiebant, tanquã
 lucente candela, & flammam Arsaces
 amor addente:) Quid hæc malum, do-
 mina ? inquit. Num quis te novus
 aut inusitatus affectus excruciat ? Cu-
 jusnam conspectus meam turbat alum-
 nam ? Quis est adeo insolens, atque a-
 mens, qui tanta tua forma non capia-
 tur, neque felicitatem ducat esse sin-
 gularem, tuam Veneream consuetudi-
 nem, sed nutum tuum & voluntatem
 contemnat ? Expone mihi tantum, sua-
 vissima filiola. Nemo est adeo ada-
 mātinus, quin nostris capi possit blan-
 ditiis & illecebris. Expone quampri-
 mum, & non frustraberis successu ex
 animi sententia. Re ipsa vero sæpius,
 ut existimo, idipsum experta es. Ista
 quidem hæc, & alia horum similia ac-
 cinebat, multum pedibus Arsaces ab-
 blandiens, & variis adulationibus ab
 illa confessionem affectus flagitans. Il-
 la autẽ cum paululum quievisset: Ac-
 cepti vulnus, inquit, mater, quantum
 antea nunquam : cumque multis be-
 neficiis, & sæpe, sim à te in similibus
 casibus affecta, haud scio an nunc sis
 eadem felicitate rem gestura. Bellum
 enim

enim quod ad muros hodie propemodum commissum fuerat, aliis quidem incruentum fuit, & in pacem desit: mihi vero initium verioris belli, & vulnus non partis tantum alicujus, aut membri, sed etiam ipsius animæ extitit: cum peregrinum illum adolescentem, qui juxta Thyamim sub monomachiae tempus currebat, infeliciter mihi ostendisset. Scis omnino mater quem dicam. Neque enim parvo intervallo, reliquorum formam sua, tanquam fulgore quodam, obruebat: adeo ut neque agrestem quenquam, & prorsus ab amore pulchritudinis alienum id latuerit, nedum tuam multiplicè sapientiam latere possit. Quamobrem charissima, cum vulnus meum cognoveris, tempus est ut omnem admoveas machinam, omnem anilem fascinum, & blanditias, siquidem tuam alumnam superstitem esse volueris. Neque enim est ulla ratio quæ me possit in vita retinere, nisi omnino illo potita fuero. Novi, inquit anus, adolescentem. Lato fuit pectore, & latis humeris, collo erecto & ingenuo supra cæteros eminens, & ut uno verbo tanquam

quam fastigio rem absolvam, omnes superans. Igne micantes habens oculos, amanter & severe simul aspiciens. Ille, qui omnino delicate capillum nutrit, & genas nunc primum flava lanugine vestit: ad quem muliercula quædam peregrina, non deformis quidem, sed insigniter impudens, ut videbatur, subito accurrens, annata illi est, & circumfusa ex illo dependebat. An non hunc dicis hera? Hunc, inquit, mater. Recte enim mihi & insigne in memoriam reduxisti, os illud impurum & sceleratum, cui forma longo tempore domi asservata, quotidiana tamen & fucata, animos attollit: attamen me longe fœlicior est, quæ ejusmodi nacta sit amasium. Ad hæc leviter arridens anus: Adesto animo, & omitte sollicitudinem, inquit, hera: ad hodiernum diem illa est à peregrino formosa habita: si vero effecero, ut te & tua forma potiatur, aurea (ut ajunt) cum æreis permutabit, illa meretricula petulante, & frustra sese jactante, contempta. Siquidem ita facies, Cybelion charissima, duorum pro uno morborum eris mihi curatrix, amoris & zely-

lotypix: illo quidem implens, hac vero liberans. At illa: Hoc meæ curæ cogitationique incumbet. tuum est autem ut te revoces, & in præsentia quiescas, neque despondeas animum, antequam ad rem aggrediamur: sed bona spe te sustententes. Hæc dixit & ablato lychno, atque conclusis thalami foribus, abiit. Cum autem vixdum diem sensisset, uno ex regiis eunuchis assumpto, præterea pedissequa una cum placentulis, & aliis rebus ad sacrificiū destinatis subsequi iussa, ad templum Isidis properabat. Postquam stetit pro foribus, sacrificium se deæ facturam dicens pro domina Arsace, quibusdam insomniis territa, & placare visa volente, quidam ex ædituis prohibebat, & ablegabat, mœstitiæ plenum esse templum referens. Antistitem enim Galasiridem, cum post longum tempus domum rediisset, convivatum esse lautius, una cum charissimis sub vesperam, & usum esse remississimo ad omnem hilaritatem ac delectationem animo: Post convivium autem libasse, & multum supplicasse deæ: cumque filiis dixisset, quod hætenus essent

sent visuri patrem, dedissetque mandata de juvenibus Græcis qui cum eo venerunt, ut illis diligentissime prospicerent, & quibus in rebus opem implorarent, pro virili adjumento essent, cubitum se contulisse. Deinde seu propter gaudii magnitudinem, meatibus spirituum ultra modum solutis & laxatis, tanquam senio confecto corpore, subito viribus destituto: seu diis, à quibus hoc petierat, illi præbentibus: circa gallicinium cognitum esse mortuum, filiis propter ea quæ illis prædixerat pater, tota nocte in illius observationem intentis. Et nunc, inquit, misimus nuncios, accersituros ex urbe reliquum pontificium & sacerdotale genus, ut illi iusta funebria secundum legem patriæ persolvant. Discedendū est igitur vobis. Neque enim fas est cuiquam ingredi templum, nedum mactare quicquam, per hos totos septem dies, præter hos qui sacerdotio funguntur. Quomodo itaque hospites hoc tempus traducant? quærebat Cybele. Tum ille: Habitaculum illis extra templum adornari iussit novus antistes Thyamis: & ut vides, isti ipsi
ce-

quendum esse, tanquam meliorem consecutum requiem, & præstantiorem statum sortitum, divina & sacra doctrina præcipit. Quanquam vobis quidem venia danda est, qui (ut dicitis) patrem, & patronum, & eum qui sola spes vestra fuerit, amiseritis: verumtamen non omnino vos despondere animum oportet. Thyamis enim (ut videre est) non tantum in antistitium, sed etiam in studium & benevolentiam erga vos illi successit, & in primis provideri vobis imperavit: habitaculumque vobis instructum est splendidum, & quale sibi optaret aliquis altioris gradus hominum, & indigenarum, nedum peregrinorum, & eorum quorum in præsentia angustæ rationes, & humilis fortuna esse videatur. Sequimini igitur hanc (ostendens Cybelen) communem vestram existimantes esse matrem, & excipienti vos parete. Hæc ille quidem dicebat: faciebat autem Theagenes, vel quod veluti procella quadam eorum quæ præter spem acciderant depressus esset: vel quia in tali statu rerum, quodcunque oblatum habitaculum & receptum

boni consuleret. Cavisset autem sibi, ut est consentaneum, si tragicos & intolerabiles casus, allaturum esse habitaculum illud, & magno malo ipsis futurum, suspicatus fuisset. Tum vero fortuna, illorum rationes gubernans, cum paucarum horarū intervallo illos recreasset ac refecisset, & unius diei tantum spacio lætitia frui permisisset: subito tristitia & adversa adjugebat, & tanquam sua sponte vincula sibi accersentes, hosti adducebat: prætextu benigni hospitii, juvenes, & hospites, & ignaros futurorum, captivos efficiens. Sic hercle vita quæ in errore agitur, inscitiam tanquam cæcitatis tenebras offundit iis qui in peregrinis terris & exteris nationibus versantur. Hi igitur cum venissent ad domicilia satrapæ, & ingrederentur vestibula magnifica, & editiora quam ut cum privati hominis conditione comparari possent, & stipatorum fastu, aliorumque aulicorum frequentia repleta, mirabantur ac turbabantur, ædes præsentem illorum fortunam superare videntes. Sequebantur tamen Cybelen multis modis adhortantem, & adesse illos animo jubent-

bentem , & quod expectare deberent læta, quæ illos essent exceptura , promittentem. Ad extremum, postquam eos in conclave , in quo habitabat anus, separatum & sejunctum à turba, introduxit, remotis arbitris , sola illis assidens: O liberi , dicebat , mœstitiæ in qua nunc versamini , causam cognovi, atque dolorem, quem ex antistitis Calasitidis morte , merito à vobis culti in parentis loco, accepistis. Æquū est autem, ut præterea mihi qui sitis, & unde, exponatis. Nam & hoc, quod Græci sitis, cognovi: & quod bono genere nati, ex iis quæ in vobis cernuntur, argumentum capere licet. Vultus enim adeo liberalis , & elegans atque liberalis forma , specimen præstantis generis exhibent: sed ex qua Græcia, atque adeo urbe , sitis, denique quomodo oberrantes huc veneritis , cum aveam id cognoscere, vestræ utilitatis causa, quæso mihi exponite, ut etiam dominam meam Arsacen, regis magni sororem, Oroondatis vero maximi satraparum conjugem , Græcorumque & elegantiae amantem, & in hospites beneficam , de vestris rationibus cer-

tiorem facere possim : atque ita cum
 majore debitoque vobis honore, in
 conspectum illius veniatis. Dicetis
 vero mulieri non prorsus à vobis alie-
 næ. Sum enim & ipsa natione Græca :
 Lesbica vero, urbis in qua sum nata
 cognomine, captiva quidem huc ad-
 ducta, cæterum successu fortunæ me-
 liore quam domi utens. Sum enim
 dominæ omnium rerum ministra, &
 tantum non per me spirat, & videt : sed
 mens illi, & aures, & in summa omnia
 sum ego, probos honestosque semper
 in illius notitiam deducens. Theage-
 ne vero ea quæ dicta fuerant à Cybele,
 cum iis quæ pridie ab Arsace facta fue-
 rant conferente : & quod illum defixis
 oculis, & lascive, denique sine inter-
 missione, & cum indecoro parumque
 moderato nutu ac significatione in-
 truita fuisset, cogitante : nihilque boni
 inde eventurum augurante, & jam di-
 cturo aliquid ad anum, submisit in au-
 rem illi Chariclia : Sororis, inquit, me-
 mineris, in iis quæ dicturus es. Cum
 igitur intellexisset id quod illi sugge-
 stum fuerat : Mater, inquit, quod Græci
 sumus, jam & ipsa scis. Illud autem
 cogno-

cognosce, quod cum germani essemus, parentibus à prædonibus captis, ad illorum inquisitionem profecti, magis adversa fortuna quam illi usi sumus, in crudeliores viros incidentes, & omnibus facultatibus (multæ autem erant) spoliati, vix vero ipsi servati, & quadam dextra numinis voluntate, cum heroe Calasiri congressi, cum venissemus huc tanquam reliquum tempus vitæ cum illo transacturi, nunc (ut vides) ab omnibus deserti & soli relictii sumus: eo qui videbatur esse pater, & erat, cum aliis parentibus amisso. Ac nostræ quidem rationes sic habent. Tibi vero ingentem habemus gratiam pro hoc officio humanitatis, & hospitalitatis. Majore autē beneficio nos tibi devincies, si ut seorsim & clanculū habitemus, effeceris: officiū quod nuper commemorasti, scilicet ut per te Arsacæ innotescamus differens, neque introducens in tam splendidā & illustrem fortunam, peregrinam, erroneam, tetricamque vitam. Notitias enim & familiaritates cū similibus (ut scis) inire convenit. Non potuit se reprimere Cybele, cum hæc dicta fuissent;

sent : sed ex hilaritate vultus, manifestum existerat indicium, quod magnopere audito germanorum nomine fuisset delectata, cogitans nullo sibi impedimento fore in rebus Venereis Arsaces Charicliam; &, O pulcherissime adolescens, inquit, nunquam hoc de Arsace dices, postquam expertus fueris mores mulieris. Æqualis est enim, & accommodata ad omnem fortunam. Quinetiam magis est auxilio iis, qui præter dignitatem quippiam sunt passi. Cumque sit Persis genere, magnopere ingenio Græcos imitatur, gaudens iis, & se oblectans qui inde adveniunt, moresque & consuetudinem Græcorum supra modum amplectitur. Este igitur bono animo, quod sit futurum, ut tu omnibus dignitatibus quæ ad viros pertinent, orneris: soror autem tua familiaris & convivitrix illius sit futura. Cæterum quæ vestra nomina illi nunciare oportet? Cum vero Theagenis & Charicliæ audisset, ut ibi illam operirentur dicens, ad Arsacem cucurrit, datis prius mandatis janitrici (erat autem & ipsa anus) ut neminem ingredi pateretur, atque adeo ne ipsos quidem juvenes quoquã

egredi permetteret. Hac vero, Neque si tuus filius Achæmenes advenerit? interrogante : modo enim & post tuum discessum in templum egressus est, ungendi oculi gratia, quod aliquantulū adhuc doloris & molestiæ sustineat : Neque si ille veniat, respondit: sed obserata janua, & clavem ipsa apud te habens, dic me asportasse. Sicque accidit. Nam cum vixdum Cybele abscessisset, solitudo Theageni & Charicliæ luctuum & recordationis suarum calamitatum tempus subministravit: iisdemque propemodum verbis, & mente eadem sese deplorabant, illa quidem, ô Theagenes: at ille, ô Chariclia, identidem ingemiscentes. Et hic, Quænam fortuna nos invasit? Illa autem, In qualinam statu rerum versabimur? & post singula verba amplectebantur se invicem. & rursus cum illacrymassent, dissaviabantur. postremo Calasiris recordati, in illius luctum ploratus conferebant. In primis autem Chariclia, tanquam majore spacio temporis, magis illius studium & benevolentiam erga se experta. Et, ô bonum Calasiridem, exclamabat

plorans: etenim orbata sum suavi nomine, quominus illum patrem vocare possim, cum numen mihi patris appellationem undiquaque præcidere contendisset. Patrem qui me procreavit, non agnovi: cum vero qui me adoptivam filiam fecerat, hei mihi prodidi: porro hunc qui me recepit, & aluit, & servavit, amisi, & neque lugere funerum ritu ac cæremonia, adhuc jacens cadaver, à cœtu prophetico mihi est permissum. Enimvero nutricie & servator, addam autem & pater, ecce etiamsi nolit numen, ubi licet, & quomodo licet, facio tibi libationes meis lacrymis, & addo inferias ex meis capillis. simulque vellebat plurimos crines: & Theagenes quidem eam reprimebat comprehendens, tendensque manus supplex. Illa vero lamentabatur nihilominus. Quid enim (dicens) vel vivere jam conducit? In quâ spem oculi conjiciendi sunt? Ductor in peregrina terra, bacillus erroris, dux reditus in patriam, parentum notio, solatium in adversis rebus, adjumentum ac depulsio infortuniorum, omnium nostrarum rationum anchora

ra Calasiris perit, nos miserum jugum
 quasi cæcos inscitia gerendarum rerū
 in peregrina terra relinquens. Omne
 nobis iter, omnis denique navigatio
 præ inscitia præcisa est: atque gravis
 & blanda, sapiens & cana revera mens
 evolavit, beneficiorum erga nos ne-
 que ipsa finem conspiciens. Cum talia
 atque alia præterea miserabiliter la-
 mentaretur, Theagene partim apud
 sese clam fugente, partim se ut parce-
 ret Charicliæ cohibente, advenit A-
 chæmenes, & januā sera firmatam de-
 prehendens: Quid malum hæc? ex jani-
 trice quærebat. Cum vero matris esse
 factum cognovisset, accedens ad fo-
 res, & causam perpendens apud ani-
 mum, sensit Charicliam lamentantē:
 & inclinans sese, per angustias per
 quas aperitur claustrī compages, vidit
 omnia quæ fiebant, & rursus janitri-
 cem, quinquam essent intus, interroga-
 bat. Illa autem, aliud quidem se ne-
 scire dicebat, præter quam quod essent
 virgo & adolescens, peregrini quidā,
 ut conjectari licet, nuper ab ipsius ma-
 tre introducti. Tum ille iterum sese
 incurvans, conabatur exactius cogno-

scere eos quos videbat. & Charicliam quidem cum omnino non nosset, propter formam tamen demirabatur : atque adeo quæ apparitura esset, & qualis, nisi mœrore ac luctum conficeretur, cogitabat ; denique admiratione, in amatorium affectum clam deferabatur. Theagenē vero obscure & ambigue se agnoscere opinabatur. Atque ita intento in illam considerationem Achæmene, advenit reversa Cybele, (cum omnia de adolescentibus, quemadmodum gesta fuerant, nunciallet ; & multis modis Arsacen beatam ob fortunæ successum prædicasset, à qua illi tantum casu quodam esset perfectum bonum, quantum sexcentis consiliis & machinis nemo sperasset confici potuisse, ut cohabitatores habeat amatum ; ita ut alter ab altero absque ullo metu conspici posset. Et cum multis ejusmodi verbis Arsacen inflasset, properantemque ad aspectum Theagenis, jam vis cohiberet, propterea quod nollet illam pallentem, & turgidis oculis ex insomnia præbere se conspiciendā adolescenti ; sed post præsentem diem, quam requievisset, pristinamque formam

nam recuperasset. Ita cum lætam ipsam, & bonę spei de eventu ex animi sententia plenam effecisset, tum quæ facere conveniret, tum quomodo hospites accipere cum illa constituisset) ut advenit, inquam, & substitit; Quid, ait, ita cūriose rimaris fili? Ille autem; Eos qui sunt intus hospites, qui sint, aut unde, dicebat. Non est fas, inquit ad eum Cybele; imo id quod scis preme silentio, & apud te retine, neque cuiquam narres, neque multum versare inter hospites. Sic enim dominæ visum est. Ille igitur abibat, facile matri obtemperans; & ad consuetum ac Venereum ministerium Arsaces Theagenem asservari suspicans, & discedens, An non hic est (secum loquebatur) qui mihi nuper, cum eum accepissem à Mitrane præfecto excubiarum, ut deducerem ad Oroondatem, mittendum regi magno, à Bessaensibus ereptus est, quando & de vita propemodum periclitatus sum, & solus ex iis qui eum ducebant, vix effugere potui? An vero me fallunt oculi? Atqui melius jam valeo, & fere ita quemadmodum antea consueveram,

per-

perspicio. Quin etiam Thyamidem
 audiui hesternò die advenisse, & cum
 singulari certamine cum fratre dimi-
 casset, sacerdotium recuperasse. Ille
 ipse est omnino. Cæterum in præsen-
 tia hoc indicium tacendum est, & si-
 mul observandum qui sit animus do-
 minæ erga hospites. Hic quidem hæc
 secum. Cybele vero ad juvenes incur-
 rens, vestigia eorum quæ faciebant
 deprehendebat. Quamvis enim ad
 strepitum forium, cum aperirentur,
 componebant sese, & consuetum vul-
 tum & habitum assimulare conaban-
 tur: tamen non potuerunt celare an-
 ñ, oculis adhuc lacrymis innatantibus.
 Exclamans igitur, O suavissimi liberi,
 dicebat, quid ita intempestive plora-
 tis, quando gaudere oportebat, & gra-
 tulari vobis ipsis fortunæ dexterita-
 tem, Arsace optima quæque, & quæ
 vobis optare possetis cogitante, & ut
 cras in illius conspectum veniatis an-
 nuente, ac nunc vobis omnia officia
 humanitatis & omnem observantiam
 attribuente? Quamobrem abjiciendi
 sunt vobis isti fatui & pueriles plane
 fletus, intueri vero vosmetipsos & cõ-
 pone-

ponere convenit, accedere ac obsequi Arfaces voluntati. Theagenes autem; Memoria, inquit, mortis Calasiridis dolorem in nobis excitavit, & ad lacrymas nos deduxit, qui illius paternam erga nos voluntatem amiserimus. Nugæ sunt, inquit anus, istæ: Calasiris, & pater quispiam fictus, qui communi naturæ legi, & ætatis temporibus cessit. Omnia tibi adsunt per unum hominem, præfectura, divitiæ, deliciae, & fructus florentis ætatis: denique fortunam tuam esse puta, & adora Arfacen. Tantum mihi obtemperate, quomodo illam accedere & aspicere debeatis, quando hoc præceperit, & qua ratione agendum tractandumque sit, si quid imperaverit. Animus enim illius magnus est, ut scis, & excelsus, & regius, ætate juvenili & forma insuper elatus, & qui se contemni si quid postularit non patiatur. Cum ad hæc reticuiſſet Theagenes, & apud sese, quod turpium quarundam rerum, & cum flagitio conjunctarum significationes essent cogitaret; paulo post eunuchi adierant, reliquias satrapicæ mensæ, quæ omnem sumptum & molliciem superabant,

rabant, in aurea supellectili afferentes. Et cum dixissent quod his domina honoris causa excipit hospites, & apposuisset juvenibus, continuo discedebant. At hi, Cybele quidem hortante, simul vero prospicientes ne quid officio detrahere viderentur, aliquantulum degustabant ea quæ erant apposita. Atque hoc & vesperi fiebat, & reliquis deinceps diebus. Postridie vero fere circiter horam primam diei, iidem eunuchi venientes ad Theagenem; Accersitus es ô nimium felix à domina, dicebant; & jussi sumus ut te in illius conspectum deducamus. Quamobrem eas fruiturus felicitate, quam sane paucis & rariuscule imperitari solet. Ille autem paululum quievit; deinde tanquam vi traheretur, invitus confurgens; Solumne me venire imperatum est, ad ipsos dicebat, an etiam una mecum sororem hanc meam? Cū autem, solum, respondissent, & illam seorsim esse venturam; nunc vero adesse Arsacæ quosdam ex magistratibus Persarum. alioqui moris esse ut seorsim cum viris, cum mulieribus autem alio tempore agatur; inclinans sese

Thea-

Theagenes, Neque honesta hæc sunt, neque non suspecta, ad Charicliã submisit cum dixisset, ab illaque vicissim audisset quod non oporteret contrariare, sed cursum una tenere initio, & præ se ferre voluntatem omnia ex illius sententia faciendi, sequebatur præcuntes. Cumque modum quo illam oporteret compellare atque alloqui, & quod moris esset adorare ingredientibus, docerent, nihil respondit. Cæterum ingressus est, & illam sedentē pro tribunali deprehendens, purpura & auro intexta veste exornatam, moniliumque pretio & tiaræ dignitate superbientem, ac delicate delibutam & fucatam, satellitibus astantibus, & primariis utrinque magistratibus, assidentibus: non consternatus est animo, sed tanquam eorum quæ illi fuerant cum Chariclia constituta de assimulata observantia & veneratione oblitus, magis est erectus animi magnitudine cōtra fastum Persici spectaculi: & neque genu flectens, neque adorans, sed erecto capite, Salve (inquit) regie sanguis Arsace. Indignantibus vero iis qui præsentibus aderant, & murmur quoddam

dam contra Theagenem, tanquam temerarium & audacem, quod non adorasset, emittentibus: Arsace subridens, Date veniam, inquit, tanquam ignaro & peregrino, & prorsus Græco, & illinc contemptu nostri laboranti. Simul & de capite tiaram deposuit, multum iis qui aderant prohibentibus. hoc enim faciunt Persæ, ad reddendam gratiam ei qui salutavit. & cum ad illum, Bono animo esto hospes, per interpretem dixisset (quamvis enim intelligebat linguam Græcam, loqui tamen non potuit) & dic si qua re indiges, repulsam non passurus: remittebat, innuens eunuchis. Deducebatur vero cum pompa satellitum. Ibi & Achæmenes cum illum iterum conspexisset, cognovit exactius: & nimii honoris qui illi tribuebatur, causam suspicans, mirabatur: tacebat tamen, ea quæ decreverat faciens. Arsace autem optimatibus Persarum & magistratibus magnifico apparatu acceptis, eo prætextu quod id honoris causa, quemadmodum solebat, faceret, verius vero propter colloquium cum Theagene habitum convivium agitans, non tantum portio-

nes

nes ciborum, ut consueverat, Theageni mittebat, sed etiam tapetes, & peristromata versicoloria, Sidoniæ & Lydiæ manus arte elaborata. Mittebat quoque una & mancipia ab obsequiis futura, ancillam quidem Charicliæ, puerum vero Theageni, gene Ionica, ætate vero pubertatem attingentia: multis modis adhortata Cybelen, ut acceleraret, & quamprimum scopum illi propositum perficeret, non amplius affectum ferenti: neque ipsam quicquam remittentem, sed variis rationibus circumdantem Theagenem. Ac manifeste quidem non exponebat Arfaces voluntatem, cæterum circuitione & involucris tectam intelligendam relinquebat: benevolentiam dominæ erga ipsum prædicans: & cum pulchritudinem non apparentem tantum, sed & eam quæ vestitu contineretur quibusdam convenientibus occasionibus ob oculos ponens: tum mores, quod essent amabiles, & cum quadam facilitate conjuncti, & quod delectaretur delicatioribus, & valentioribus adolescentibus. Et in summa, experimentum capiebat in iis quæ narrabat, an

Venereis rebus alliceretur. Theagenes autem benevolentiam illius erga se, & quod moribus esset propensus in amorem Græcorum, & quæcunque talia præterea collaudabat, & insuper agebat gratias. Porro ille cebras absurdiorum rerum neque intelligens ab initio, sponte præteribat. Angor igitur quidam invasit anum & quasi pungebatur dolore cordis, cum conjectaretur eum intelligere ille cebras, fastidire autem & repellere omnes conatus videret: & Arsacen non amplius ferre sciret, tumultuantem, & non amplius se cohibere posse dicentem, & pollicita reposcentem, quæ alias aliis prætextibus Cybele differebat: interdum quamvis vellet, reformidare adolescentem dicens: interdum vero aliquid incommode cecidisse fingens. Et cum jam quintus & sextus dies præteriisset, Charicliamque Arsace semel atque iterum ad se vocasset, & ad gratificandum Theageni honorifice illam accipisset, benevolentiaque singulari fuisset intuita, coge batur planius colloqui cum Theagene, amoremque aperte exponebat, multa & sexcenta bona si assen-

assentiretur certo pollicens: & , Quæ malum est hæc tergiversatio? addens: quidve adeo alienum à rebus Vene- reis? adolescens tam formosus, & flo- renti ætate, mulierem similem & amo- re illius contabescentem repellit, & non prædam ducit, & in lucro ponit negotium: præsertim nulla formidine rem consequente, neque viro præsen- te, & me quæ illam educavi, ac omnia arcana in potestate habeo, hanc con- suetudinem illi procurante? Neque quod ad te attinet, ullo intercedente impedimento, non sponsa, non uxore. Atqui & hæc sæpius multi contempse- runt, qui sana mente præditi, domesti- cis ea re nihil se nocituros intellexe- runt: sibi autem profuturos possessio- ne opum, & fructu voluptatis in lucro accedente. Ad extremum & minas quasdam immiscebat orationi. Comes (dicens) mulieres, & juvenum cupi- dæ, implacabiles existunt, & sævam i- ram concipiunt, cum sua spe labuntur: & contumaces, tanquam eos à quibus injuria sunt affectæ, merito ulciscun- tur. Jam de hac, quod & Persis sit ge- nere, cogita: & regius sanguis, quod

tu ipse antea tua confessione testatus es, & quod magnis viribus & potentia sit stipata, qua illi & honore afficere benevolos erga se, & punire sibi obistentes impune liceat. Tu vero & peregrinus es, & desertus, & qui tibi opem ferat nemo est. Parce partim tibi ipsi, partim & illi. Digna vero est cui à te parcat, quæ desiderio tui, quo juste potiri debet, tam furiose sit inflammata. Verearis & iram amatoriam: caveto quoque quæ contemptum sequitur vindictam. Multos novi, quos postea ejusmodi animi poenituit. Majorem experientiam quam tu, in rebus Veneris consecuta sum. Canus capillus ipse, quem vides, in multis ejusmodi rebus est versatus: sed usque adeo rigidum, & incicurabilem neminem unquam cognovi. Denique converso sermone ad Charicliam (necessitate enim adducta, ausa est audiente illa talia loqui,) Adhortare, inquit, filia tu quoque, nescio quem merito appellē, istum tuum fratrem. Proderit & tibi hæc ipsa res, non pilo minus ab illa amaberis, majores consequeris honores, ditesces ad satietatem usque, de

con-

conjugio tibi prospiciet spléndido. Hęc
 vero & felicibus optanda sunt, nedum
 peregrinis, & egestate in præsentia la-
 borantibus. Chariclia vero torve &
 ardentèr contuita: Optandum quidē,
 inquit, fuerat, & pulcherrimum omni
 ex parte, optimam Arfacen nihil ejus-
 modi pati: sin minus, saltem moderate
 ferre affectum. veruntamen cum quid-
 dam humanum illi acciderit, & victa
 est, ut dicis, succubuitque cupiditati,
 consulèrem & ipsa Theageni huic, ut
 rem non recuset, si tuto id facere pos-
 sit, ne & sibi per ipsam, & illi mali
 aliquid accersat, si hæc in lucem pro-
 dierint, & alicunde cognoverit hoc
 flagitiosum factum satrapa. Profiliit
 ad hæc dicta Cybele, & amplexa &
 dissaviata Charicliam: Rectè, inquit,
 facis filia, quod & mulieris natura tui
 similis miserra es, & securitati fratris
 sollicitèr prospicis. Veruntamen hac
 de causa non est quod labores: quod
 neque sol, ut dici solet, id sit cogni-
 turus. Desine in præsentia, inquit
 Theagenes, & concede nobis delibe-
 randi spaciū. Cum vero illico exisset
 Cybele: O Theagenes, exorsa est Cha-

riclia: numc tales successus nobis conciliat, in quibus plus inest adversæ fortunæ, quam quæ extrinsecus apparet felicitatis. Quod cum ita sit, prudentium tamen est, etiam parum prosperos casus, quatenus fieri potest, in melius convertere. An igitur habeas in animo prorsus perficere hanc rem, dicere non possum: quamvis non admodum repugnem, si omnino in hoc ut servemur, aut non, momentum consistit. At si, ut fieri debet, ac honestum est, absurdum indicas esse id quod petitur, finge tu quidem te assentiri, & alens promissis barbaræ cupiditatem, dilatione præcide, ne præcipitanter durius aliquid in nos statuat, spe deliniens, & molliens pollicitatione iræ incendium. Consentaneum est enim, aliquod remedium (Deo volente) interjectum tempus pariturum esse. Cæterum Theagenes, vide ut ne ex meditatione in turpitudinem rei delabaris. Arridens leniter Theagenes: Sed tu neque in adversis rebus, inquit, mulieribus innatum morbum zelotypiæ effugisti. Me vero scito neque fingere talia posse. Facere enim turpia, ac di-

cere,

cere, æque indecorum est. Et alioqui ut omnino desperet Arsace, hoc ipsum aliquid commodi adfert, videlicet ne pergat nobis amplius molesta esse. Si vero pati aliquid oportuerit, ad ferenda ea quæ accidunt, sapius jam me. & fortuna, & animi constitutio præparavit. Ne te lateat, quod in magnum malum nos conjicies, cum dixisset Chariclia, contieuit. His autem in harum rerum consideratione versantibus, Cybele cum rursus Arsacen in bonam spem sustulisset, & quod meliora expectare oporteret, dixisset, significasse enim tale quiddam Theagenem: rediit rursus in conclave, & intermissa illa vespera, ac multis modis Charicliam, quam sociam lecti initio habuerat, adhortata ut illi esset auxilio, mane rursus interrogabat Theagenem, quid statuisset apud animum. Cum autem manifeste recusaret, ac omnino ne quicquam ejusmodi expectaret, indicasset, tristis ad Arsacem recurrit Cybele. Postquam autem ferociam Theagenis renunciavit, Arsace anu in caput præcipitari jussa, incurrens in thalamum, jacebat in lecto seipsam lacerans.

rans. Vixdum autem conclave muliebre egressam Cybelen, conspiciatus filius Achæmenes tristem & lacrymantem: Numquid importuni aut molesti, mater, accidit? percontabatur. Nūquod nuncium cominam excruciat? Num aliqua calamitas ex castris renunciata est? Num hostes sunt superiores in hoc bello Æthiopum domino Oroondate? & multa ejusmodi quærebat. Illa vero: Nugaris ociose, cum dixisset, recurrit. At ille nihilo magis intermittebat, sed affectans, & manibus apprehendens, & compellans, ut exponeret suo filio ea quæ illam dolore afficerent, supplicabat. Accepto igitur illo à manu, in quandam partem horti secedens: Alii quidem, inquit, non exposuissem mea & dominæ mala. Postquam vero illa omnino fluctuat, & ego expecto periculum de vita (scio enim quod Arsaces amentia ac furor in me sit redundaturus) dicere cogor, si forte aliquam opem ei quæ te genuit, & in lucem edidit, & his enutrivit uberibus, excogitare possis. Amat adolescentem, qui est apud nos, domina, non tolerando quodam, neque

que usitato, sed insanabili amore; & quem ego & illa nobis ex sententia eventurum esse sperantes, ludebamus operam. Hinc erant illa multa humanitatis officia, & multiplex benevolentia erga hospites. Cæterum postquam, ut stultus quidam & ferox, & intractabilis adolescens, recusavit ea quæ nos volebamus, neque illam existimo esse victuram, & me interfectam iri intelligo. Hic est status præsentis temporis. Quod si quid habes quo auxilieris, adus mihi tua ope: sin minus, mortuæ matri iusta exequiarum facito. Ille autem: Præmium autem quod mihi, inquit, erit, mater? Neque enim est tempus, ut apud te me jactem, aut longis ambagibus & circuitu orationis auxilium promittam, usque adeo consternatæ, & propemodum deficienti animo. Omne quod vis, expecta, inquit Cybele. Etenim te nunc quoque summum pocillatorem, honoris mei causa constituit. Si vero majorem aliquâ dignitatem animo complexus es, enuncia. opum enim neque numerus erit, quas pro præmio feres, si servator miseræ extiteris. Jam pri-

dem hæc, inquit, mater, ego suspicans, & intelligens, tacebam, id quod even-
 turum esset expectans. Verum neque
 dignitatem ullam, neque opes curo:
 virginem vero quæ soror Theagenis
 dicitur, si mihi dederit in uxorem, o-
 mnia illi ex animi sententia & belle ca-
 dent. Amo autem virginem haud mo-
 derate, mater. Quamobrem ex suis ra-
 tionibus privatis, cum cognoverit do-
 mina effectum, quantus & qualis sit,
 iuste & ipsa erit adjumento ei qui eo-
 dem morbo laborat, atque adeo tan-
 tum successum promittenti. Nihil du-
 bites, inquit Cybele. Etenim domina
 reddet tibi gratiam, nulla mora inter-
 posita, cum hoc beneficio illam affe-
 ceris, & servator illius extiteris. Quin-
 etiam fortassis nos ipsi virgini priva-
 tim persuaserimus. Sed expone quæ sit
 auxilii ratio. Non dicam (inquit)
 priusquàm jurejurando fuerit mihi con-
 firmata promissio à domina. Tu vero
 nihil còneris efficere principio apud
 virginem. Video enim quodammodo
 illam quoque magnos & excelsos ani-
 mos gerere, ne forte imprudens nego-
 cium perverras. Omnia futura cum di-
 xisset,

xisset, incurrit in thalamum ad Arfacen, & provoluta ad illius genua: Bono animo esto, inquit, omnia deo volente commode cadunt, filium tantum meum Achæmenem vocari intro jube. Accersatur, inquit Arface, nisi mihi rursus verba datura es. Ingressus est Achæmenes, & cum omnia narrasset anus, juravit conceptis verbis Arface, se illum compotem facturam esse nuptiarum sororis Theagenis. Achæmenes tum, Quiescat (inquit) deinceps Theagenes, cum sit servus, & tamen erga suam dominam petulantius sese gerat. Quomodo hoc dicis? cū interrogasset, omnia enarrabat: Quod lege belli fuisset captus, & captivus abductus Theagenes: quod Mitranes misisset eum ad Oroondatem, mittendum deinceps Regi magno: quod ipse interducendum, illum amisisset infesto adventu Bessaensium & Thyamis: quod ipse vix effugisset: denique præter omnia, literas Mitranis in promptu habens, ostendebat Arfacæ. Et si opus esset aliis argumentis, habiturum se vel Thyamim testem. Respiravit ad hæc Arface, & nihil cunctata, thalamo

sed tibi servimus : quæ erga eos qui videntur esse alieni & peregrini, tantam humanitatem & benevolentiam declarasti. Cæterum de sorore mea, quæ cum captiva non sit, proinde neque serva, parata sit tamen ad obsequia tibi præstanda, & ea quæ tibi placent facere decreverit, statue id quod rectum esse judicas. Arsace autem: collocetur (inquit) in ordine eorum qui sunt ab obsequiis ad mensam, & pocillandi artem ab Achæmene edoceatur, ut ad regium ministerium multo ante assuefiat. Exiverunt igitur, tristis quidem Theagenes, & vultu ad deliberationem de iis quæ agenda essent composito : ridens vero Achæmenes, & Theagenem ludibriis excipiens : Ecce, inquit, qui nuper fuisti insolens & fastuosus, qui erecto collo & solus liber videbaris, & caput submittere ad adorandum indignum judicabas, qualis jam nunc factus inclinas illud: nisi forte paulo post etiam pugnis illud sis, dum institueris, submissurus. Arsace autem aliis ablegatis, ad solam Cybelen: Nunc, inquit, Cybele omnis est sublata excusatio, & dic huic super-

omnium gravissimum est, Achæmeni Cybeles filio te in uxorem daturam Arface promisit. At id quidem, quod aut non fiet, aut à me non videbitur, manifestum est, quoad vita gladiis & armis ad propugnandum suppeditabit. Verum quid agere oportet? aut quam excogitare machinam, qua & meus cum Arface & tuus cum Achæmene detestandus congressus discuti possit? Unum, inquit ad eum Chariclia, cum comprobaris, alterum qui ad me pertinet impedies. Bona verba, inquit. Absit enim, ut tantopere numinis erga nos acerbitas invalescat, ut ego Charicliæ expers, alia consuetudine incesta me polluam. Sed quiddam præsentis consilii invenisse me puto: (inventrixque omnino consiliorum est necessitas.) Simul ad Cybelen secedens: Renuncia dominæ, dicebat, me velle solum cum sola & absque arbitris congregi. Illud esse putans anus, & succubuisse Theagenem, recurrit ad Arfacen: & cum iussa esset ut post cœnâ adduceret juvenem, ita faciebat. Nam assidentibus imperans, ut quietem dominæ concederent, & non tumultua-

ren-

rentur circa thalamum, clam introduxit Theagenem, cum reliqua omnia tanquam nocturno tempore tenebris continerentur, & occulta esse quævis paterentur, solum autem thalamum lychnus illustraret. Cum autem introduxisset, subducebat sese. verum Theagenes eam cohibuit: Adsit & Cybele in præsentia, domina, dicens. Scio enim quod singulari fide in asservandis arcanis prædita est: & simul manus Arfaces apprehendens, O domina (dicebat) neque prius eo ut resisterem voluntati tuæ, differebam id quod mihi imperabatur: sed ut securitatem facto providerem. Nunc vero postquam me etiam servum tuum singulari quodam beneficio fortuna declaravit, longe promptior sum ad obsequendum tibi omnibus in rebus. Unum mihi tantum te largituram annue, cum quidem multa & magna promiseris; Renuncia nuptias Charicliæ Achæmeni. Nam ut alia taceam, eam quæ splendore maximo generis excellit, vernæ cohabitare fas non est. alioqui juro tibi per deorum pulcherrimum, Solem, & reliquos deos, quod neque morem ge-
iam

ram tuæ voluntati, & quod prius quā aliqua Charicliæ vis illata fuerit, visurā sis me mihi ipsi mortem conscivisse. Arsace autem: Haud aliter existimes (inquit) quam me velle tibi omnibus in rebus gratificari, ut quæ parata sim vel me ipsam tibi tradere. sed anticipata juravi, me elocaturam Achæmeni sororem tuam. Bene se res habet, inquit, domina. Sororem igitur meam quæcunque est, elocato: cæterum eam quam ego ambio, & sponsam meam, denique quid aliud quam uxorem, quod neque voles elocare, satis scio: neque si velis elocare poteris. Quomodo inquit: dicis? At ille: Rem ipsam, respondit. Neque enim sororem habeo Charicliam, sed sponsam, ut dicebam. Quamobrem jurejurando soluta es. Licet vero tibi, si volueris, & aliud habere argumentum, cum convivium nuptiale mihi & illi (quandocunque tibi visum fuerit) instruxeris. Pupugit illam sane, cum sponsam esse Charicliam, non sororem, haud sine zelotypia audivisset. Veruntamen fiat ut postulas, dixit Arsace. Nos autem Achæmenem aliis nuptiis conso-

labimur. Præstabitur & tibi à nobis, inquit Theagenes, postquam hæc irrita sunt facta. & simul accedebat tanquam manus osculaturus. Illa vero inclinans sese, & os pro manibus obiciens, eum osculata est. & exiit Theagenes, osculum referens, non vicissim ipse osculatus: & Charicliæ, nactus occasionem omnia exposuit (non sine zelotypia quoque ipsa quædam cognoscente) & inusitatum promissionis scopum addidit, & quod multa per unum sint confecta: Achæmenis disturbatæ nuptiæ: cupiditati Arsaces, prætextus dilationis in præsentia excogitatus: denique quod caput est omnium, effectum ut Achæmenes omnia tumultu impleat, ægre ferens quod iis quæ expectabat frustretur, & indignans quod à me superetur apud Arsacem gratia. Neque enim quicquam clam illo futurum esse, matre illi omnia expositura, quæ ut adesset præsens iis quæ dicebantur, ex industria provideram, cum volens hæc Achæmeni indicari, tum testem illam consuetudinis ejuscemodi quæ verbis tantum constaret faciens. Quamvis enim
suf.

sufficit fortasse, nullius sceleris sibi conscium, benevolentia numinis confidere: tamen honestum est, id ipsum de se hominibus, cum quibus versaris, persuadentem, tranquille vitam hanc quæ ad tempus tantum durat, transigere. Addebat & illa, prorsus esse expectandum, etiam insidias facturum esse Arsacæ Achæmenem, virum conditione servum (oppositum autem est propemodum in universum id quod subiectum est; ei qui imperium in illud obtinet) injuria præterea affectû, & jurejurando fraudatum, videntem quoque alios sibi honore prælatos esse, & conscium omnium flagitiorum ac scelerum, & cui nihil ad insidias faciendas comminisci sit opus, quod sæpius multi exacerbatî sunt ausi, sed ex veris liceat habere expeditam ultionis rationem. Talia multa cum narrasset Charicliæ, & ut mediocria speraret adhortatus esset, postridie ducebatur ab Achæmene, ministraturus ad mensam. nam hoc ab Arsace imperatum fuerat: & veste pretiosa, quam miserat, induebatur: & aureis torquibus, & monilibus gemmis distinctis, partim volens,

partim & invitus ornabatur. Et cum Achæmenes præmonstrare illi, & exponere artem pocillandi inciperet, accurrens Theagenes ad unum tripodē, in quo pocula disposita fuerant, & phialam tollens preciosam: Nihil, inquit, magistris indigeo, sed ipse meo Marte ministrabo dominæ, in tam facilibus rebus nugas has rejiciens. Te enim optime fortunæ ratio talia scire cogit. mihi vero & natura, & tempus ea quæ sunt facienda, suggerit. Et simul infundens leviter, afferebat Arfacæ, concinno quodam & apto gradu, extremis digitis sublatam tenens phialam. Et hanc quidem magis, quam antea, illa portio concitavit, sorbentem simul, & defixis oculis Theagenem intuentem, & amoris plus quam vini haurientem: ac phialam dedita opera non ebibentem, sed arte, parvisque reliquiis Theageni propinantem. Vulnus accepit vicissim altera ex parte Achæmenes, ira simul ac æmulatione impletus, ut neque Arfacen id latuerit, cum torvis oculis aspexisset: & iis qui aderant præsentibus, quiddam submisisse insusurrasset. Cum autem convivium dissol-

veretur: Primum à te peto beneficium
 ô Domina, inquit Theagenes, inter
 ministrandum tantum me uti hac sto-
 la jube. Postquam annuit Arsace, con-
 suctum habitum recipiens exivit. Exi-
 bat una & Achæmenes, multis modis
 petulantiam Theageni, ut probrum
 objiciens, & quod puerilis esset ejus-
 modi temeritas, quodque initio do-
 mina tanquam in peregrino & ignaro
 ad factum connixerit. Cæterum si per-
 rereris esse ita contumax, haudqua-
 quam gratificaberis, inquit. & quod
 ut amicus consuleret, ac paulo post
 affinitatis vinculo jungendus, & soror-
 is illius juxta pollicitationem domine
 maritus futurus. Et talia multa hic di-
 cebat. ille autem ne audienti quidem
 similis, humi defixos oculos tenens
 præteribat: usque dum forte Cybele
 supervenit, deducere cubitum domi-
 nam tempore meridiano accelerans.
 Et tristem filium conspicata, quærebat
 causam. Ille autem: Peregrinus hic a-
 dolescentulus, inquit, prælatus est no-
 bis, & heri & hodie, obrepens quadam
 elegantia specie, jussus est esse à po-
 culis: & nobis architriclinis & pocil-

latoribus valedicens porrigit phialam, & assistit proxime regium corpus, dignitate nostra, quæ verbo tenus tantum jam est dignitas, contempta. Et quod hic quidem honoretur, & adipiscatur etiam majora, & particeps sit vel magis arcanorum, quia nos ipsi perversa quadam ratione tacemus, & adjuvamus, minus acerbum est. Cæterum illud utique licuisset sine contumelia erga nos ministros, & socios honestarum actionum, talia fieri. Ac de his quidem aliud erit sermonis tempus. In præsentia vero mater, sponsam mihi suavissimam Charicliam videre vellem, si quo modo morsum hunc animi illius aspectu sanare possim. Et Cybele; Qualem sponsam fili? Videris mihi ob minimas molestias indignari, porro maiores offensas ignorare. Jam non accipies in uxorem Charicliam. Quid dicis? inquit exclamans, An non sum dignus ut ducam conservam meam? Quam ob rem, mater? Propter nos, inquit, & nostram illegitimam erga Arfacen benevolentiam & fidem. Postquam enim illam præferentes nostræ securitati, & illius cupiditati magis quam

quam nostrę salutı consulentes, omnia illius arbitrata perfecimus, semel ingressus in thalamum generosus hic & pręclarus amasius, & tantum conspectus, persuasit ut violaret tibi factum iusjurandum; & ut sibi Chariclia desponderetur, non sororem, sed sponsam suam esse asseverans. Promisit igitur hæc illa, ô mater? Promisit fili, respondit Cybele, præsente me, & audiente; & nuptias illorum splendido apparatu celebrabit paucis post diebus. Tibi vero aliam se in matrimonium daturam promisit. Vehementius ad hæc ingemiscens Achæmenes, & complofis manibus; Ego, inquit, acerbis omnibus reddam nuptias, tantum me adjuva in nuptiarum ad tempus conveniens dilatione. Et si quis inquisierit, graviter me affectum decumbere in agro renuncia. Sponsam generosus nominat sororem, tanquam intelligi non possit, hæc tantum ad discussionem eorum quę mihi sunt promissa fieri. Quasi vero etiamsi amplectatur, si osculetur, sicuti nunc facit, denique etiamsi una dormiat, manifestum sit indicium, quod non soror, sed sponsa

est. Mihi hæc erunt curæ, & iurijurando ac diis quorum est religio violata. Hæc dixit, & ira simul ac zelotypia, amoreque & frustratione percitus, (quæ res alioqui & ad alium, nedum ad hominem barbarum perturbandum sufficerent) cogitationem quæ inciderat non expendens ratione, sed primo impetu approbans, equum Armenium qui satrapæ ad pompas & panegyres alebatur, cum illum clam subducere posset, conscendit, ad Oroondatem inter tendens, tum Thebis magnis contra Æthiopem exercitum colligentem, & omne genus belli & varias copias congregantem, atque exitum contra illum jam adornantem.

H E.



HELIODORI

ÆTHIOPICORUM

LIBER OCTAVUS.

Rex enim Æthiopum cum fraude circumvenisset Oro-
ndatem, & altero belli præ-
mio potitus esset, ac Philas
urbem semper expugnatu facilem, an-
ticipatione sibi subjecisset, ad summā
rerum penuriam eum, adeo ut raptim
ac tumultuarie magna ex parte expe-
ditionem susciperet, redigebat. Urbs
enim Philæ sita est ad Nilum, paululū
supra minores cataraclas: à Syene ve-
ro & Elephantina centum stadiis cir-
citer distat. Hanc aliquando exules
Ægyptii cum occupassent & incoluis-
sent, ut de illa inter Æthiopes & Ægy-
ptios ambigeretur, effecerunt: illis
quidem, Æthiopiam cataraclis termi-
nantibus: Ægyptiis vero etiam Phi-
las, quod eas exules illorum incoluis-
sent, tanquam bello partas sibi vendi-

care volentibus. Cumque continue transiret ab aliis in aliorum ditionem urbs, & eorum qui antevertissent ac devicissent, esset, tunc vero præsidio Ægyptiorum & Persarum detineretur: Æthiopum rex, in legatione ad Oroondatem, reposcebat Philas, reposcebat & smaragdifodinas. Et cum jã pridem hæc denunciasset, ut dictum est, & non obtinuisset quod postulabat, paucis diebus præcedere legatis jussis, ipse subsequēbatur, cum antea omni apparatu se instruxisset tanquam ad aliud quoddam bellum, & nemini quo versurus esset molem belli indicasset. Postquam autem Philas superasse legatos conjectabatur, qui negligentia & securitate incolas implebant, & tanquam pacis causa & amicitie legatione fungerentur, nunciabant: ipse subito adveniens, & præsidium ejecit, quod ultra biduum triduumve multitudinem hostium & machinas quibus muri oppugnantur, sustinere non poterat; & urbem tenuit, nemini ex incolis ullo damno illato. Propter hæc perturbatum deprehendens Achæmenes Oroondatē, & de omnibus

ab his qui effugerant edoctum, adhuc magis perturbavit, cum inopinato, & non advocatus adesset. Extemploque, Ecquid male Arsacæ, aut reliquæ domui cecidisset, quærenti; Cecidisse quidem, cæterum seorsim se velle dicere, respondit. Postquam alii secesserunt, omnia indicabat; Quomodo à Mitrane captus esset Theagenes, & ad Oroondatem missus, ut donum regi magno (si visum fuisset) deinde mitteretur. Etenim esse adolescentem aula regia & mensa omnino dignum. Quomodo à Bessaësis ereptus esset, qui & Mitranem præterea interfecissent; quod postea venisset Memphim; simul renovans & Thyamis rationes. Ad extremum, Arsaces amorem erga Theagenem, & migrationem Theagenis in regia domicilia, & honores illi cum quadam benevolentia significatione habitos, ac illius ministeria, & pocillationes; & quod adhuc fortasse nihil incestæ consuetudinis intercessisset, resistente adolescente, & repugnante. Metuendum esse tamen, ne adducatur aut vi, aut alioqui temporis diuturnitati succumbens, nisi aliquis illum

illum ante Memphi rapiat, & totum scopum amoris Arsacæ præcidat. Atque eam ob causam se quoque accelerasse, & clam elapsum venire indicem, benevolentia erga dominum, occultare ea quæ contra voluntatem domini fierent non valentem. Ut hac oratione ira Oroondatem implevit, & totus indignatione & vindictæ studio effervescebat; rursus eam cupiditate inflammabat, narrationem de Charicia adjiciens, & in summum fastigium sicut erat attollens, & pulchritudinem virginis & formam omnino divinis laudibus ornans, quod nunquam talis fuisset visa, neque iterum videri posset; Floccifaciendas existima, dicens, omnes tuas pellices præ ipsa, non tantum eas quæ sunt Memphi, sed & eas quæ te sequuntur. Et alia multa ad hæc addebat Achæmenes, sperans, etiamsi rem habuisset Oroondates cum Charicia, se tamen illam paulo post, cum eam pro præmio indiciorum petuisset, in uxorem accepturum. Jaque prorsus irritatus erat & inflammatus satrapa, in retia simul iræ & cupiditatis injectus. Et neque minima dilatione interpo-

terposita, Bagoa quodam ex eunuchis (quis fide & autoritate apud illum valebat) accersito, traditisque illi equitibus quinquaginta, Memphim misit, ut ad se adduceret Theagenem & Charicliam primo quoque tempore, & ubicunque se deprehensurus esset, imperans. Dedit & literas, alias ad Arsacem, ejuscemodi; **ORONDATE ARSACÆ**; Theagenem & Charicliam captivos germanos, regios vero servos, ad regem transmittendos, mitte. Ac sponte mitte, quoniam & te invita abducentur, & Achæmenis fides apud nos valebit. Ad Euphratem vero supremum eunuchum Memphi, tales; Negligentiæ in curanda mea domo, postea reddes rationes. In præsentia vero peregrinos Græcos captivos, Bagoæ trade ad me deducendos, seu volente Arsace, seu invita. Omnino autem trade. Alioquin scito à me imperatum esse, ut ipse vinctus adduca-
 is, officio tuo privandus. Bagoas igitur ad id quod imperatum fuerat, profectus est cum literis signo satrapæ ob-
 signatis, quo majorem fidem illis haberent hi qui erant Memphi, & eo ce-
 letius

lerius juvenes traderent. Prefectus est
 & Oroondates ipse ad bellum contra
 Æthiopes, Achæmene quoque sequi
 jussu; qui silentio, & cum nihil tale sus-
 picaretur, usque, dum ea quæ indica-
 verat, vera esse comprobaret, custo-
 diebatur. Iisdem diebus hæc Memphi
 gerebantur. Statim postquam in viam
 se dedit Achæmenes, Thyamis cum
 jam antistitium pleno jure recepisset, &
 propterea primas in urbe teneret, ac ea
 quæ ad funus Calasiris pertinebant per-
 fecisset, justaque exequiarum patri om-
 nia intra dies constitutos persolviss-
 set, redibat in memoriam Theagenis
 & Chariclæ inquisitionis, quando jam
 versari etiam cum extraneis lege pon-
 tificia permittebatur. Postquam autem
 ubique explorans, & sollicite inqui-
 rens, cognovit cum in satrapæ aulam
 traductum esse, quanta celeritate po-
 tuit veniens ad Arsacem, quærebat ju-
 venes peregrinos, tanquam ad ipsum
 cum multis aliis de causis pertinentes,
 tum quod pater Calasiris moriens, ex-
 trema voce illi omnino inculcasset, pe-
 regrinis ut provideret, & eos tueretur
 imperans. Ac se illi quidem agere gra-
 tias,

tias, quod acceptos hospitio juvenes peregrinos & Græcos, per hos elapsos dies, quibus versari in templo non iniuriatis interdictum erat, humaniter tractasset. Petere autem ut ipsi suum depositum recuperare rursus liceat. Arface autem: Miror, inquit, quod cum nobis comitatem & humanitatem testimonio tuo tribuas, rursus inhumanitatis nos condemnes, dum studes ut aut non posse, aut nolle prospicere peregrinis, & convenientibus officiis illos ornare videamur. Non hoc, inquit Thyamis: scio enim affluentius hic victuros, quam apud nos, si modo manere vellent. Nunc vero cum sint præclaro genere orti, alioqui autem varios fortunæ insultus experti, & in præsentia oberrantes, nihil illis potius est, quam ut suum genus recuperent, & in patriam redeant. Qua in re ut sim illis adjumento, hæredem me reliquit pater: cum mihi alioqui intercedant cum hisce peregrinis & alia multa amicitiae vincla. Recte facis, Arface ad ipsum, quod omisso jurgio & ira, æquitatem objicis: quam magis nobiscum facere apparebit, quanto dominari, quam

mittunt. Qui later, cunctantior est :
 qui deprehensus est, audacior efficitur.
 Quemadmodum & illā conscia mēns
 redarguebat, & Thyamim aliquid su-
 spicatum esse de se existimans, non fa-
 ciens flocci antistitem, & antistitii di-
 gnitatem, omnemque pudorem mu-
 liebrem abjiciens, Sed neque (inquit)
 ea quæ in Mitranem admisistis, vobis
 condonabuntur. Cæterum tempus e-
 rit, quando de interfectorebus illius, &
 eorum qui una aderant, Oroondates
 sumet pœnas. Hos vero non dimittā,
 qui in præsentia sunt mea mancipia :
 paulo post vero fratri meo Regi ma-
 gno, secundum legem Persicam mit-
 tentur. Ad hæc rhetoricare quantum-
 vis, iusta & honesta & utilia frustra
 definiens, quod nullius indigeat is
 qui habet imperium in aliquem, suum
 arbitrium quodlibet horum esse sta-
 tuens: & ex aula nostra e vestigio spō-
 te discede, ne forte incautius agens,
 invitus cedere cogaris. Thyamis igi-
 tur exhibat, deos testes invocans: &
 tantum affirmans, quod hæc bonum
 finem non essent sortitura: indicare
 urbi, & eam in auxilium advocare

cogitans. Arface autem: Nihil curo
 tuum antistitium, cum dixisset: Amor
 solum respicit antistitium, potiendi
 solatium: in thalamum secedens, &
 Cybelen accersens, de præsentibus ra-
 tionibus deliberabat. Etenim jam ali-
 quo modo & fugam Achæmenis non
 comparentis in suspicionem vocabat:
 Cybele, si quando percontaretur & in-
 quireret de Achæmene, varios & alio
 tempore alios prætextus comminiscē-
 te, & omnia magis quam ut ad Oroon-
 datem eum venturum esse crederet, illi
 persuadente. Veruntamen non omni-
 no ad extremum fidem faciebat, sed
 jam propter diuturnitatem temporis
 illi fides non habebatur. Tunc igitur.
 Quidnam faciemus, dicebat, ô Cybe-
 le? Quæ tandem erit ratio, qua me ex
 iis quæ circumstant, extricare possim?
 Nam amor non remittit quicquam, sed
 magis intenditur, tanquam materia à
 juvene hoc, magno cum impetu ac-
 censa. Ille autem est & ferox, & intra-
 ctabilis, & qui humanior esse prius
 quam nunc videbatur. Tunc quidem
 fraudulentis pollicitationibus me con-
 solatus: nunc autem omnino etiam
 mani-

manifeste nostra recusans postulata. Quod me magis perturbat, ne forte de Achæmene quæ suspicor ipse quoque audierit, atque ita magis rem refugiat ac reformidet. Enimvero præ omnibus me angit Achæmenes, qui nunc ad Oroondatem profectus est, aut persuasurus illi fortasse, aut non omnino credibilia dicturus. Videam ego modo Oroondatem: unas blanditiâs, & lacrymulam unam Arsaces non sustinebit. Magnam ad faciendam fidem viris, habent vim & fascinum, mulieres & familiares aspectus. At illud est acerbissimum, si non potita Theagenæ, antevertar accusatione: aut fortassis etiam pœna, si quid audierit Oroondates priusquam ipsum videro, aut allocuta fuero. Quamobrem Cybele omnem move lapidem, omnem inveni machinam, videns in extremum periculum res nostras devenisse: & simul cogitans, quod cum de me ipsa desperatim, haud quaquam aliis sim parsura. Prima siquidem fructum capies ex tui filii conatibus: quos quomodo ignorare potueris, conjectura assequi non possum. Cybele autem:

Quod ad filium meum, inquit, attinet, & fidem meam ergate, domina, non vera te opinari, re ipsa cognoscēs. Porro cum ipsa tam segniter cures tuum amorem, non est quod conferas culpam in alios, qui vacui sunt à culpa. Neque enim ut domina imperas, sed ut serva blandiris adolescenti. Quæ initio quidem recte fortasse fiebant, cum tenero & juvenili animo esse putabatur. Postquam vero exurgit contra amasiam, experiatur te, & agnoscat ut dominam, & flagris cæsus ac tormentis excruciat, supplex tuæ voluntati se subiciat. Consueverunt enim adolescentes, cum coluntur, despicere: vi autem coacti, cedere. Quãobrem & hic faciet pœnis adactus, quæ antea negabat, blande & leniter tractatus. Videris tu quidem recte dicere, inquit Arsace: cæterum quomodo ferre possem, oculis meis videns illud corpus cædi, aut alio quocunque modo affligi? Rursus, inquit ipsa, molitit diffuis, quasi non sit futurum, ut & ipse paucis tormentis adhibitis, meliora amplectatur: & tu paululum excruciatâ consequaris omnia ex sententia.

tia. Atqui licet neque oculis dolorem accersere ex iis quæ fient, sed illo Euphrati tradito, & puniri iussu tanquam ob aliquod delictum, abesse à spectaculo quod te dolore afficeret (auditus enim, aspectu ad commovendum dolorem minus est efficax) & si illum sententiam mutasse. senserimus, rursus pœna tanquam resipiscentem eximere. Passa est sibi persuaderi Arsace. Amor enim ubi desperat, amato nihil parcit: & repulsam in vindictam convertere gaudet, & accersito supremo eunuchō, ea quæ decreverat imperavit. Ille autem & natura eunuchorum zelotypia laborans, & jam pridem infensus Theageni, ob ea quæ videbat & suspicabatur, statim eum in vincula ferrea coniecit, & affligebat fame & verberibus, in habitaculo tenebroso conclusum: & scienti quidem, sed tamen assimulanti inscitiam, & quærenti causam, nihil respondens, quotidieque pœnas intendens, & magis quam volebat Arsace, ac præceperat, excrucians, neque ullum introgredi sinens, præter solam Cybelen. sic enim imperatum fuerat. Illa vero perpetuo ve-

niebat, & alimenta se illi clam inferre simulabat, tanquam miserans illius sortem, & propter familiaritatem quæ sibi cum eo intercesserat, deplorans: re ipsa autem, quid haberet animi in præsentī fortuna, & si remitteret aliquid & mollior fieret tormentis, explorans. Ille autem magis virum se præbebat, & tunc præcipue repugnabat conatibus: corpus quidem affligi sinens, cæterum animos castitatis conscientia attollens: & glorians in illa fortuna, ac exultans, quod cum maximam partem affligeret, præcipue præstantissimæque gratificaretur: insuper occasione declarandæ benevolentia erga Charicliam oblata. Tantum si sciret hæc illa, optime secum agi existimans: & continue Charicliam, lucem & animam & vitam appellans. Quod cum etiam Cybele videret, & quamvis contra sententiam Arsaces (ex qua quod leviter Theagenem affligi vellet audiebat, ut non ad mortem, sed ad coactionem traditum) ipsa ut pœnæ intenderentur Euphrati renunciaret, neque ita se quicquam proficere sentiret, sed omnino res desperata fuerat, &

& ipsa præter spem experientia edocta, quibus in malis esset, intelligeret: nunc quidem pœnam ab Oroondate, si hæc audisset ex Achæmene, jamjam expectans: nunc vero, ne antea mortem sibi conscisceret Arsace, territa amoris deprehensione, metuens, statuit niti contra ea quæ illi incumbabant, & magno quodam malo peracto, aut exequi ea quæ Arsace vellet, & in præsentia expectatum ab illa evitare periculum, aut argumenta omnium negotiorum tollere, necem simul omnibus moliens animo. Atque ita ad Arsacem ingressa, Ludimus, inquit, operam, domina. Neque enim quicquam remittit ferox ille, sed semper audacior efficitur, Charicliam semper in ore habens, & illius appellatione tanquam blanditiis se consolans. Ultimam igitur, si placet, ancoram (ut dicitur) jaciamus, & eam quæ est impedimēto è medio removeamus. Si enim cognoverit eam interiisse, consentaneum est fore ut mutata sententia assentiatur nostræ voluntati, cum prorsus desperaverit de illius amore. Rapuit id quod dictum fuerat, Arsace: cum zeloty-

piam, quajampridem laborabat, ira propter ea quæ dicta fuerant intendisset, & Recte mones, inquit. Mihi curæ erit, ut jubeam hoc piaculum tolli. Quis autem erit qui obtemperabit? respondit Cybele. Cum enim omnia sint in tua potestate, interimere tamen absque judicio magistratum Persicorum, legibus est prohibitum. Opus igitur erit, ut laborem & molestiam suscipias, in confingendo crimine & accusatione contra puellam. Præterea incertum est, an simus causam probaturi. Sed si videtur (omnia enim tua causa & audere & sustinere sum parata) veneno insidias exequar, & potionem fucum facto adversariam è medio tollam. Approbavit hæc Arface, & facere jubebat. Illa autem statim aggressa est ad factum: & cum deprehendisset Charicliam in lamenti & lacrymis, & quid aliud quam lugentem, ac quomodo è vita migraret cogitantem (jam enim subsenserat Theagenis fortunam, quamvis Cybele initio varie dolis eam falleret: & quod non appareret, neque veniret solito more in conclave, subinde alios atque alios præ-

prætextus fingeret) O misera, dicebat. An non defines te macerare, & frustra consumere? Ecce tibi jam & Theagenes emittitur, & veniet hodie ad vesperam. Domina enim, quæ ob quoddam illius erratum in ministrandi munere paululum fuerat commota, & concludi jusserat, hodie se illum emissuram promisit, festum quoddam patrium celebratura, simul etiam precibus meis adducta. Quamobrem consurge, ac te recipe, cibum una nobiscum tandem aliquando capiens. Quomodo autem tibi credere debeam? inquit Chariclia. Nam consuetudo tua me continue mendaciis fallendi, fidem iis quæ à te dicuntur adimit. Cybele autem: Per deos, inquit, omnes juro, omnino fore ut omnia tibi sint expedita hodie, & ut ab omni cura deinceps vacua sis futura: modo ne te ipsâ ante interimas, cum jam tot diebus à cibo abstinueris: sed degusta utique obediens nobis, ea quæ nunc tempori sunt parata. Vix sane, sed tamen parebat Chariclia: fraudem quidem usitatam illi suspicans: Cæterum jurijurâdo ex parte assentiens, & suavitatem co-

rum quæ promissa fuerant, lubens recipiens. Quæ enim expetit animus, libenter credit. Recumbentes igitur comedebant. Et cum Auræ ministranti, & poculis infusum vinum porrigenti, ut prius Charicliæ afferret, Cybele nutu significasset, post illam ipsa vicissim accepto poculo bibebat. Necdum erat totum epotum, cum jam æstare anus videri, & eo quod superfuerat effuso, torvis oculis ancillam intueri, & vulsionibus ac inflammationibus acutissimis premi. Incessit autē horror & perturbatio Charicliam, & erigere illam conabatur. Incessit & alios, qui aderant præsentēs. Malum enim, ut apparebat, omni jaculi impetu celerius est, tabifico veneno tinctum, & vel ad juvenem & florentem ætate interimendum satis viriū habet. Tunc autem, cum in senili & jam effæto corpore versaretur, celerius quam dici potest in præstantissimas partes permanabat. Itaque anus ita consumebatur, & membra vulsionibus remissis, motu omni destituebantur ac dissolvebantur, & color niger superficiei cutis inducebatur. Sed erat, ut existimo,

mo, vel veneno ipso animus fraudulentus acerbior. Siquidem Cybele jam efflans animam, dolos non intermittebat, sed partim nutibus, partim interruptis & morientibus vocibus significabat Charicliā esse, quæ illi struxisset insidias. Itaque anus extremum spiritum edebat: & simul Chariclia vincta detinebatur, & ad Arfacen continuo ducebatur. Hac vero quærente, utrum venenum ipsa parasset: & si nollet verum fateri, cruciatus ac tormenta minitante: novum erat Chariclia insipientibus spectaculum. Neque enim tristis aut aliquid præ se ferens, quod degenerem animum argueret, sed ridens venit in conspectum, & ludibrio habens præsentia negotia: partim propter conscientiam recte factorum, calumniam negligens: partim gaudens, si Theagene non amplius superstire esset moritura: & quasi in lucro positura nefarium facinus, quod ipsa ne se admittere statuerat, aliis conficiendibus. Et O præclara inquit, Si quidem vivit Theagenes, dico me esse insonnem hujus cædis. Sin aliquid illi accidit, tuis impiis consiliis, nihil est tibi opus.

opus, ut ullis tormentis à me confessionem extorqueas, Habes me, quæ sustuli eam quæ te enutrit, & ad pulcherrima facta instituit, ac interfice sine ulla cunctatione. Nihil enim tantopere est cordi Theageni, qui tuos sceleratos conatus, optimo jure averfatus est. In furorem verterunt hæc Arsacen: & cum illam colaphis cædi jussisset, Ita quemadmodum est vinctam ducite (dicebat) piaculum hoc, ut illi ostendatis, in simili statu esse pro dignitate præclarum illius amasium: & cuilibet membro vinculis injectis, EUphrati quoque istam tradite, ut custodiat ad crastinum diem, & capitali pœna judicio magistratuû Persicorum damnetur. Cum autem jã duceretur, puella quæ erat à poculis Cybelæ (erat autem altera ex Ionicis mancipiis, quæ initio juvenibus invisum obsequii ab Arsace donata fuerant) sive quodam modo commota benevolentia erga Charicliam, propter familiaritatem & consuetudinem, sive divina voluntate impulsæ, collacrymavit, & vehementius ingemiscens: O miseram, inquit, quæ omnino est à culpa

culpa vacua. His vero qui circumstantibus admirantibus, & perspicue quid vellet dicere, proferre cogentibus, se dedisse Cybelæ venenum confitebatur, & accepisse ab illa ipsa, ea conditione ut Charicliæ daret: deinde seu perturbatione ex re inusitata anticipatam, seu inhibitam à Cybele, quæ ut prius daret Charicliæ innuerat, permutasse pocula, & anui obtulisse id in quo venenum fuerat. Ducebatur igitur recta ad Arsacem in lucro ponens, si à crimine vacua Chariclia inveniretur. Generosæ enim indolis & vultus commiseratio, etiam barbaricum genus subire solet. Cumque eadem dixisset ancilla nihil proficiebatur: sed ipsam quoque consciam & adjutricem esse dicens Arsace, in vincula conjici, & custodiri ad iudicium præcepit: at primates Persarum, in quorum potestate consilia de Rep. & iudicia & pænarum determinationes continebantur, nunciis dimissis, ad iudicium in sequentē diem convocabat. Et cum multo mane venientes consedisent, accusabat Arsace, veneficii crimine, omnia ut gesta fuerant narrans, & identidem illa-

cry-

crymas, quod nutricem, & eam quæ illi omnibus rebus fuisset preciosior, & maxima benevolentia erga se præditam, amisisset, provocans ad ipsos iudices testes, quod cum peregrinam recepisset, ac omnia humanitatis officia illi impertivisset, talibus ab illa injuriis gratiæ loco afficeretur. In summa, illa quidem fuerat acerrima accusatrix, nihil autem respondebat Chariclia: sed rursus etiam confitebatur crimen, & quod venenum dedisset affirmabat: addens insuper, quod & Arsacen libenter sustulisset, nisi anticipata fuisset: aliaque præterea, Arsacen directe conviciis onerans. Cum enim omnes suas rationes noctu in carcere cum Theagene communicasset, ac illius vicissim audivisset: pactaque esset, ut, si oporteret, omne genus mortis quod decerneretur, sponte adiret, ac discederet è vita molestiarum plena, & errore irritò, & fortuna implacabili, denique cum illi ultimo (ut est consentaneum) amanter valedixisset, moniliaque cum illa exposita, quæ aliquis semper & occulte ferre ex industria solita fuerat, tum intra vestem utero

utero succinxisset, quasi quædam iusta exequiarum secum ferens, omne crimen, omnemque mortem cuius insimulabatur, confitebatur, & non insimulata nihilominus ipsa comminiscabatur. Quam ob causam iudices, neque cunctati, parum aberat quin illam atrociori, & Persico supplicio subjicerent: veruntamen fortasse quodammodo commoti aspectu, ac juvenili & invicta forma, ut igne cremaretur decreverunt. Rapta est igitur continuo à tortoribus, & paululum extra murum ducebatur, præcone quod propter beneficium ad rogam duceretur continue proclamante, & magna multitudinem hominum præterea ex urbe sequente. Quidam enim ipsi eam viderant cum duceretur, quidam vero ex auditu & rumore, qui celerrime urbem pervaserat, properabant. Venit autem & Arsace, & spectatrix de muro fiebat. Acerbum enim illi esse videbatur, si se aspectu supplicii Charicliæ non exsatiasset. Postquam autem rogam maximum tortores extruxerunt, & flammis subjectis clare succenderunt, paululum sibi concedi temporis Chariclia, ab his qui

qui trahēbant, cum petiisset, & se sponte rogum conscensuram promississet : O sol , exclamavit, & terra , beatique quicunque supra terram estis, & infra terram hominum sceleratorum inspectores & vindices , quod sim insons eorum quorum insimulor, vos estis testes. Sponte autem me laturam mortem , propter intolerabiles animi dolores, benigne clementerque suscipite. De hoc vero piaculo Arsace, quæ se sceleratis factis polluit, & adultera est, & hæc ut meo sponso me privet facit, quamprimum sumite pœnas. Hæc cum dixisset, omnibus quiddam exclamantibus ad ea quæ dicta fuerant, & aliis inhibere pœnam ad aliud iudicium adornantibus, aliis jam conantibus, prævertens rogum conscendit : & in medium sese conferens, diu intacta stetit, circumvagante potius igne quam appropinquante, & nihil nocente, sed cedente, in quam partem se Chariclia coniecisset, ac ut illustraretur tantum, circumstante splendore, magis ob pulchritudinem conspicua, & quasi in igneo thalamo nubens efficiente. Illa autem nunc in hanc , nunc in aliā partem

tem rogi transiliebat, admirans illud quod fiebat, & ad mortem accelerans: cæterū nihil proficiebat, semper dante locum igne, & tanquam ad illius motum refugiente. Tortores autem non remittebant quicquam, sed magis etiam tum incumbabant (Arface quoque nutibus minacibus imperante) ligna congerentes, & fluviatilem arundinem cumulantes, ac omni ratione flammam alentes & concitantes. Sed nec ita quicquam proficiebatur, sed magis urbs perturbabatur: & divinam opem esse existimans, Munda est muliercula, insons est muliercula, exclamabat. & accedentes plerique, tortores à rogo repellebant: Thyami incipiente, & populo ad auxilium ferendum, animum addente (jam enim & ille advenerat, immenso clamore id quod fiebat indicante) & Charicliam eripere cupientes, proxime quidem accedere non audebant, sed ut ipsa rogo excederet puellæ imperabant. Non enim quicquam periculi esse metuendum ei quæ in igne versata sit, si eum relinquere voluerit. Quæ videns & audiens Chariclia, & ipsa putans se di-

vino præsidio defensam esse, statuit se non ingrati esse debere erga numen, nec rejicere beneficium: & exiit e rogo: ut urbs præ gaudio simul & stupore magnū clamorem, & consonantem tolleret, ac magnos deos invocaret: Arsace vero nō compos sui ipsius, desiliret ex muris: & per portulam excurrentes, cum magna caterva stipatorum, & proceribus Persarum, injiceret ipsa Charicliæ manus: & populum proterve aspiciens, Non pudet vos, diceret, sceleratam mulierem, & veneficam, & authorem cædis in ipso facinore deprehensam, & confessam, conari pœnæ eripere? cum quidem interim dum scelestæ mulierculæ opẽ fertis, simul Persarum legibus, & ipsi regi, & satrapis & proceribus ac iudicibus resistatis: inde fortasse, quod non conflagravit, ad misericordiam errore quodam flexi, & diis eventum illum ascribentes. An non tandem redeuntes ad meliorem mentem, intelligetis, quod hoc ipsum magis illius beneficium confirmet, cui tanta sit præstigiарum copia, ut etiam ignis viribus repugnare possit? Convenite, si videtur, in conc-

cilium crastino die, quod ex vobis publice constabit: ibi cognoscetis & ipsam confiteri, & à consciis quos aservo in custodia, convinci. Simulque abducebat ipsam, collo inhærens, & stipatores remove confertos ut in turba imperans. Illi autem partim indignabantur, & resistere cogitabant: partim cedebant, aliquo modo suspitione veneni adducti: quidam etiam metu Arsaces ac illius potentia deterrebantur. Ac Chariclia quidem Euphrati iterum traditur, rursusque in plura vincula conjiciebatur, ad secundum judicium & supplicium asservanda: in lucro maximo in adversis rebus ponens consuetudinem Theagenis, & facultatem rationes suas illi enarrandi. ab Arsace enim & hoc ad augendam pœnam excogitatum fuerat, quo juvenes tanquam illis illudens excrucia-
ret, ut in uno carcere conclusi, spectatores essent mutuo suarum calamitarum, dum vinculis & cruciatibus affligerentur. Sciebat enim, quod dolor ejus qui amatur, magis amantem quam suus excruciat. At vero iis factum hoc, consolationis loco potius erat, & in si-

milibus doloribus versari lucrum da-
 cebant: si alteruter ex ipsis minus cru-
 ciatum sustineret, victum se esse ab
 altero, & quasi inferiorem ac langu-
 diorem in amore existimans. Licebat
 vero illis versari secum, & mutuo se
 consolari, confirmareque, ut fortiter &
 generose fortunam quæ accidat, & pro-
 pter pudicitiam & fidem erga se mu-
 tuam adita certamina uterque ferrent.
 Cum igitur multa usque ad noctur-
 num tempus inter se colloquerentur
 ejuscemodi, qualia consentaneum est
 eos esse locutos, qui post illam noctem
 amplius de colloquio desperassent, &
 se consuetudine mutua quoad fieri po-
 tuit exsatiassent: ad extremum in mi-
 raculum illud, quod circa rogam acci-
 derat, animum intenderunt. Ac Thea-
 genes quidem deorum benevolentiae
 causam acceptam ferebat, qui a versati
 fuissent injustam Arsaces calumniam,
 & miserti innocentis ac nihil prome-
 ritæ: Chariclia vero ambigere videba-
 tur. Nam ista quidem inusitata ratio
 salutis, inquit, divino quodam benefi-
 cio omnino contigisse videtur. Cæte-
 rum hujusmodi calamitatibus affligi,
. sine

sine ulla intermissione, ac tormentis cruciari variis, ac supra modum, horum esse qui divinitus affligantur, & in majus odium incurrerint. Nisi forte sit aliquod miraculum Dei secretius, qui in extrema pericula conjiciat: & ubi nihil spei sit reliquum servet. Hæc cum adhuc diceret, Theagene ut in bonam partem interpretaretur adhortante, & ut magis pie sentiret, ac respiceret admonente: Propitii nobis estote dii, exclamavit. Quale enim nunc mihi somnium (seu visum fuit) in mentem venit, quod cum priori nocte vidissem, tunc quidē nescio quo modo exciderat animo: nunc vero in memoriam illius redii. Somnium vero versus erat, in metri rationē aptatus. Versum autem exposuit divinisissimus heros Calasiris: cujus talis quēdā fuit structura:

Pone metū flāma, Pantarbes freta medela:

Res facilis Parcis, prodigiosa licet.

Theagenes quoque concussus est; non fecus ac ii qui divino spiritu concitantur, quantumque concedebant vincula, profuit, & Benigni sitis in nos dii, exclamavit. Nam ego etiam poëta ex recordatione efficior, & oraculum

quoddam mihi à simili vate, (seu Calasiris fuit, seu deus aliquis Calasiris forma apparens) editum est : videbaturque talia dicere :

Ad terram Æthiopum venies, comitante puella,

Vinclis Arsaces crastinus effugiens.

Quod quidem ad me attinet, quorsum tendat oraculum conijcere possum. Terram enim Æthiopum, eorum qui sub terra ætatem degunt, dicere videtur. Unâ autem cum puella, id est cum Proserpina cohabitaturum: & solutionem ex vinculis, hinc ex corpore discessum. Tibi autem quidnam dicit versus, qui ex contrariis sibi constat? Nomen quidem Pantarbe, omnia metuens significat: cæterum promissum vult, non metuendū esse rogem. Tum Chariclia: Suavium, inquit, meum Theagenes, consuetudo versandi in calamitatibus effecit, ut omnia in deterio rem partem accipias, & conjectura interpreteris. Solēt enim fere homines, ad rationem eorum quæ accidunt, accommodare animum. Cæterum meliora quam tu existimas, indicare mihi ea quæ vaticinio prædicta sunt videntur,

tur, ut puella fortasse sim ego, cum qua
 te patriam meam Æthiopiam con-
 scensurum esse promissum est, cum Ar-
 sacen & illius vincula effugeris. Quo-
 modo autem id sit futurum, neque no-
 bis manifestum est, neque incredibile:
 diis vero possibile est, & curæ erit iis
 qui vaticinia reddiderunt. Nam præ-
 dictio quæ ad me pertinet, jam ut scis
 voluntate illius perfecta est, & vivo in
 præsentia, de qua jam prorsus despera-
 tum fuerat. Atque adeo cum salutem
 meam revinctam mecum portarem,
 tunc quidem ignorabam: nunc vero
 ut mihi quidem videtur, intelligo. Cū
 enim indicia mecum exposita, etiam
 temporibus quæ præterierunt gestare
 ex industria solita fuisssem, tunc magis
 iudicio de me futuro, quod ultimū fore
 expectabam, occulte utero illa succin-
 xeram, si quidem servarer, victum &
 res necessarias suppeditatura: sin ali-
 quid mihi accidisset, ornamenta ulti-
 ma & iusta exequiarum futura. Inter
 hæc Theagenes, quæ sunt mobilia
 magno sumptu constantia, & lapides
 Indici & Æthiopici valde preciosi: est
 etiam quidam annulus, dono datus a

patre meo matri, tum cum illi desponderetur, lapidem qui vocatur Pantarbe, in pala insertum habens, & literis quibusdam sacris pictus: denique cæremonia quadam, ut videtur, diviniorre plenus: à qua conjector vim aliquã lapidi accedere, quæ ignem depellat hoc iis qui illum habent, ut nullo sensu, nec detrimento in flamma afficiantur, dono dantem. Quæ & me forsitan voluntate divina servavit. Hęc & con-
 jicere possum, & scire ex eo quod divinissimus Calasiris mihi suggessit: cū eadem & dici & doceri, iis notis quibus esset insignita exposita mecum fascia, nunc vero uterum meum obvolvens, sæpius narrare solitus fuerit. Isthæc magis probabilia sunt, & vera, & cum beneficio quod tibi contigit convenientia, inquit Theagenes: cæterum ex crastini diei periculis, quænam alia Pantarbe nos liberabit? Neque enim utique immortalitatem (utinam tamen) ut vim ex antipathia depellendis rogis, promittit: scelerata Arface, ut conjecturam facere licet, alium quendam & magis novum pœnæ modum in præsentia excogitante. Atque
 uti-

utinam simul ambos, & uno genere mortis, & eadem hora condemnaret: non mortem profecto hoc esse duce-rem, sed ab omnibus malis requietem. Chariclia autem: Ades animo, inquit. Pantarben aliam habemus, ea quæ sunt nobis vaticinio prædicta. Ac diis confidentes, servabimur jucundius: & si opus fuerit, majore cum pietate patiemur. Hi quidem in horum consi-deratione versantes, & nunc lugentes, magisque excruciaci & anxium esse alterum alterius causa quam sua affir-mantes, nunc vero ultimis obtestatio-nibus sese mutuo obstringentes, & quod usque ad mortem servaturi es-sent sibi fidem in amore, per deos & præsentem fortunam jurantes, ita tem-pus transigebant. Bagoas autem, & e-quites cum illo missi quinquaginta, multa nocte, somno omnia detinente, Memphim perveniunt. Et cum eos qui erant ad portam silentio excitas-sent, & quanam essent, dixissent, & co-gniti essent, in aulam satrapæ propere & confertim ingrediuntur. Ac equites quidem Bagoas ibi relinquit, domici-lia satrapica illis cingens, ut si forte

existeret aliquis resistendi conatus, ad defensionem essent parati. Ipse vero per quandam januam vicinam portæ, ignotam multitudini, cum infirmas fores parvo negotio emolitus fuisset, & ei qui ibi habitabat, se indicasset, atque ut silentio premeret, imperasset, ad Euphratem consuetudine & peritia locorum accelerabat, adhuc etiam tum paululum lucente luna. Cumque illum deprehendisset in lecto, excitavit de somno, & tumultuantem, & Quis hic est? clamantem, compescuit Bagoas: Ego, dicens: sed lumen inferri jube. Advocato igitur puero, qui erat assidue circa illum, lychnum accendere, ita ut alios dormire sineret, jussit. Postea vero quam venit puer, & in candelabrum imposito lychno discessit, Euphrates tum dicebat, Quid nam calamitatis novæ portendit tuus subitus & inopinatus adventus? Ille autē: Non multis, inquit, verbis est opus, sed has literas acceptas lege, & ante hoc ipsum symbolum signi cognosce: & quod Oroondates sit is qui dat mādāta, fidem habe: quodque ea quæ sunt imperata, conducat exequi, ipse prius.

prius apud animum æstima. Cum itaque Euphrates accepisset epistolas, & utramque percurrisset, Arsace quidem, inquit, lugebit, & in præsentia est in extremo periculo, cum febris quadam tanquam divinitus immissa pridie tentata esset, & acutus calor successisset, qui illā hætenus detinet, & exiguam spem quod superstes esse possit relinquit. Ego autem has ne quærenti quidem & postulanti darem, quæ potius ipsa moreretur, & nos una perderet, quam sponte juvenes hos traderet. Tu vero scias, te per tempus advenisse, & acceptos peregrinos abducas, ac pro virili parte ad auxilium illis ferendū, studium tuum afferas. Ac misere illorum omnino qui miseri sunt ac infœlices, & sexcentos cruciatus ac tormenta, me quidem invito, cæterum ab Arsace jussu sustinuerunt: alioqui, ut videtur, bono genere nati, & quod me res ipsa & experientia docuit, omnibus in rebus modesti. Atque hoc dicto, ducebat eum ad carcerem. Cæterum Bagoas cum vidisset juvenes captivos, quamvis jam cruciatibus exhaustos & attenuatos, obstupuit admiranda-

eo loci mansit. Bagoas autem, & equites, dempto onere vinculorum juvenibus, & iis tantum quæ illos custoditura, non cruciatura fuerant, relictis, & utroque in equum sublato, ipsos in medio collocatos in orbem stipantes, quanta celeritate potuerunt Thebas proficiscebantur. Cumque quod superfuerat noctis sine ulla intermissione itineri tribuissent, & postridie usque ad horam fere tertiam nusquam genu flexissent, radiorum solis fervorem, veluti æstivo tempore in Ægypto, non amplius ferentes, & exhausti insomnia: magis vero Charicliam continua jactatione equitandi defessam videntes, statuerunt aliquo ad equitantes recreare sese, reficere & equos, & puellæ respirandi spatium dare. Erat autem ripa quædam & promontorium Nili, circa quam à recto fluxus perpendiculo aqua reciprocata, & in gyrum semicirculi inflexa, & ad oppositum locum deflexionis conversa, tanquam sinum quendam Epiroticum efficiebat, id quod circumscribebatur, multa pratensi herba, ut qui totus esset irriguus, plenum: multa præterea

terea gramina, pactionem pecudibus
 & pascua pinguiſſima, ſponte feren-
 tem: arboribus Perſæis & ſycomoris,
 & aliis quæ Nili ſocietate & alimento
 gaudent, conſectum & adumbratum.
 Ibi Bagoas, una cum his qui cum eo
 erant, immoratus eſt, arboribus ten-
 torii loco uſus: cibumque ipſe ſum-
 pſit, & Theageni cum Charicia im-
 pertitus eſt: renuentes primum, co-
 gens: & ſupervacanèum eſſe cibum ca-
 pere ſtatim morituros dicentibus, per-
 ſuadens, quod nihil ejuſcemodi even-
 turum eſſet affirmando: & quod non
 ad mortem, ſed ad Oroondatem du-
 cerentur, edocendo. Jam autem in-
 tenſo æſtu meridiei relaxato, ſole non
 amplius vertici imminente, ſed in la-
 tera, & à partibus occidentalioribus
 radios conjiciente, & Bagoa ſeſe ad
 iter apparante, advenit quidam eques,
 ex perpetuo curſu (ut videbatur) an-
 helans ipſe, ac ſudore manantem e-
 quum ægre ſuſtinens: & cum quiddā
 ſeorſim Bagoæ dixiſſet, quieſcebat.
 Ille autem aliquandiu humi deſixo
 vultu, & quaſi cogitatione ea quæ di-
 cta fuerant expendere: Hoſpites, in-
 quit,

quit, adeste animo, pœnas vobis dedit hostis, mortua est Aisace, laqueo se suspendens, postquam vos discessisse nobiscum audivit, & necessariam mortem spontanea antevertit. Nam non effugisset ab Oroondate & à Rege supplicium, sed aut interfecta fuisset, aut in reliqua vita perpetua ignominiae nota haudquaquam caruisset. Nunc autem hæc significat & nunciat Euphrates. Quare confidite, & bono este animo, qui nulla injuria, ut exacte cognovi, quenquam lacessiveritis: ea vero quæ vos injuria affecit, sublata sit. Hæc dicebat Bagoas astans, non recte quidem pronuncians linguam Græcam, & multa adulterina parum apte coagmentans: dicebat tamen, cum ipse gaudens, propterea quod protervitatem Aasaces tyrannice viventis graviter tulisset: tum etiam juvenes confirmans, & consolans. Sperabat enim, quod maximi faciebat, suum studium Oroondati egregie probatum iri, si servasset ipsi adolescentem incolumen, qui omnem aliam turbam ab obsequiis, adumbraturus esset: ac puellam invicta forma, uxorem illius
post

co autem exercitu tanta celeritate ad vim inferendam uso, ut nuncii famam adventu præverterit: deflectens de itinere Thebas instituto Bagoas, Syenen proficiscebatur. Jam autem appropinquans, in Æthiopicas insidias, & manum juvenum armatorum incidit: qui missi fuerant, ut essent speculatores, & securitatem itineris toti exercitui explorando præstarent: tunc vero propter noctem & inscitiam locorum (id enim fuerat illis imperatū, ut cū à suis remotius discessissent, ubicunque cōmodum esset insidias occuparent) quosdam vepres ad fluvium subeuntes, simul & sibi præsidii & hostibus insidiarum faciendarum causa, insomnes ad illam veprium quasi munitionem excubabant. Primo itaque diluculo cum sensissent Bagoam & equites cū ipso præterire, & quod pauci essent dispexissent, paululumque eos præterequirare sivissent, & nullos alios subsequi certo cognovissent, subito ex palude cum clamore egressi, eos insequiebantur. Bagoas autem, & reliquus equitatus, cum inopinato clamore perculsi sunt, tum ut ex colore Æthiopes esse eos

qui erupissent cognoverunt, & multitudini neutiquam se resistere posse viderunt. (mille enim fuerant ad explorandum missi, leviter armati) ne exacte quidem aspectum illorum sustinētes, fugam fecerunt: lentius quidem initio quam potuissent, & ita ut non præceps & effusa fuga videretur, discedentes. Hi autem insequabantur, primos emittentes eos qui inter ipsos Troglodytæ fuerant circiter ducenti. Troglodytæ autem sunt natio Æthiopica, pascuis dedita, & Arabibus contermina: qui pernicitatem eximiam & à natura consequuntur, & à pueritia exercent. Ad gravem quidem armaturam prorsus non sunt assuefacti: cæterum funda in præliis jacentes, aut impressione facta, detrimento aliquo afficiunt resistentes: aut si senserunt eos esse superiores, refugiunt. at illi statim omnem spem insequendi abjiciunt, valere illos pedum celeritate, & quasdam cavernas angusti aditus & latebras occultas saxorum subire scientes. Hi igitur tum pedibus equites assequebantur, & fundis jacentes vulnerabant: veruntamen converforum impe-

impetum non exceperunt, sed sensim ad suos refugiebant. Quò animadverso, Persæ, & contempta paucitate, ausi sunt acie conversa in illos impetū facere: & pulsus paululum iis qui instabant, rursus fugam accelerabant, calcaribus equos concitantes: & quantum illis erat virium, & celeritatis, haxatis habenis omne id effundentes. Alii igitur effugiunt, sub verticem quen-
dam Nili, tanquam arcem, cursu sese conjicientes, & tegmento ripæ ne ab hostibus conspici possent, sese abscondentes Bagoas autem capitur, cum e quo offendente collapsus, altero crure ut movere illud non posset luxato: Capiuntur quoque Theagenes & Chariclia, partim relinquere Bagoam indignum judicantes, cujus viri benevolentiam erga se jam perspexerant, ac in posterum sperabant: eamque ob causam astiterunt illi, desilientes ad pedes: partim effugere nequeunt, vel magis etiam sponte se in illorum potestatem dedentes: Theagene ad Charicliam, Hoc illud esse somnium, dicente, & Æthiopes hos, in quorum terram nos captivos perventuros esse

fatis destinatum est. Consultum est igitur dedere nos ipsis, & committere potius incertæ fortunæ, quam certo apud Oroondatem periculo. Et Chariclia quidem reliquum intelligebat, cum in rem ipsam serie quadam fatali quasi manu duceretur: & melioris fortunæ spem concipiebat, amicos magis quam hostes qui advenirent existimans. attamen nihil dicens Theageni, eorum quæ cogitabat, se assentiri illius sententiæ tantum significabat. Cum igitur appropinquassent illis Æthiopes, & Bagoam quidem eunuchum esse de facie cognovissent, hos vero inermes & vinctos, forma & proceritate insignes viderent, quærebant quinam essent: Ægyptio quodam ex suorum numero, & altero qui Persicam linguam callebāt, ad percontandum adhibito, tanquam aut utrumque, aut alterum certe intellecturis. Etenim speculatores & exploratores ad ea quæ fiunt & dicuntur cognoscenda missi, ut ejusdem linguæ & sermonis peritos, qua indigenæ & hostes utuntur, secum ducant, necessitate sunt edocti. Postquam igitur Theagenes
longo

longo usu linguæ, ad Ægyptiam & brevem interrogationem, respondit: Illum esse præcipuum ab obsequiis Persici satrapæ, se autem & Charicliæ natione Græcos, à Persis quidem primum captos, nunc autem Æthiopi- bus, ductu melioris fortunæ oblatos & traditos: statuerunt illis parcere, & captivos abducere, ut ita primam quasi prædam & maximam regi suo offerrent, preciosissimum quiddam ex facultatibus satrapæ. Persarum enim regiis aulis, oculi sunt & aures eunuchorum genus: quicum neque liberos neque cognatos habeant, quibus corû animi devincti esse possint, pendent ex eo solo qui se illis credidit. Juvenes autem, donum pulcherrimum, ad obsequium regis, & ornamentum aulæ futuros existimabant. Deducebant igitur eos statim equis impositos, illum quidem ut saucitum, hos vero tanquã vinculis impeditos, festinationi itineris celeritate non futuros pares. Et erat tanquam in actione fabulæ prologus, id quod fiebat. Peregrini & captivi, qui paulo ante suspensi tenebantur metu cædis ob oculos versantis, non

ducebantur amplius, sed deducebantur, in captiva fortuna, caterva eorum qui illis subditi paulo post futuri erāt, stipari. Et hi quidem in tali statu erant.

H E-



HELIODORI

ÆTHIOPICORUM

LIBER NONUS.

Syene autem jam prorsus ob-
sidione cincta fuerat, & tã-
quam retibus, copiis Æ-
thiopũ conclusa. Oroonda-
tes enim, cum propemodum accedere
Æthiopes sensisset, & omissis Catara-
ctis, ad Syenem infestis signis conten-
dere, paululum illos antevertens, in-
gressus fuit urbem: & clausis portis, ac
in muris missilibus, & armis & machi-
nis dispositis, expectabat id quod fu-
turum erat. Rex autem Æthiopũ Hy-
daspes, cum procul adhuc Persas Syc-
nem esse ingressuros per exploratores
cognovisset, atque adeo ea spe quod
illos antevertere posset, in insequendo
accelerasset, nihilominus tamen tar-
dius affuisset: exercitum admovit ad
urbem, & in orbem muro circumfun-
dens, sine ullo prælio, tantum quasi in

spectaculo assidebat, sexcentis myriadibus tam virorum & armorum, quam animalium, Syenensium campos complens, & in angustum redigens. Atque ibi illū speculatores deprehendentes, captivos adducebant. Ille autem cum delectatus est aspectu juvenum, jam inde benevolentia liberos, quanquam nescius, animi præfagio quodam complectens: tum lætus accepit omen illud victorum adductorum. &, Euge, exclamavit, victos nobis dii hostes ex initiis spoliolum tradunt. Atque hi quidem, inquit, cum primi sint capti, ad primitias belli servantur incolumes in eum finem, ut in sacrificiis triumphalibus, sicut recepta moribus & institutis Æthiopum lex postulat, victimæ fiant diis patriis, custodiendi. Speculatores autem donis remuneratus, hos ipsos & captivos ad impedimenta remittebat, præsidio firmo ejusdem linguæ peritorum attributo: & datis mandatis, cum ut omnis cura & diligentia in illorum rationibus adhiberetur, & victus splendidus illis suppeditaretur, atque ab omni contaminatione ac macula vacui, tanquam victimæ

quæ-

quædam asservarentur: tum ut vincula permutarentur, & laurea illis injicerentur. In quem enim usum apud alios ferrum, in eum apud Æthiopes aurum destinatur. Et hi quidem ea quæ fuerant imperata, faciebant. Cumque prioribus vinculis demptis, & spe liberalioris vivendi rationis facta, nihil amplius præberent, & aureas catenas illis aprarent: tunc & risus subiit Theagenem, & Papæ (inquit) unde tam splendida mutatio? Magnopere nobis profecto fortuna blanditur: aurea cum ferreis permutamus, & locupletes custodia redditu, majoris precii vincti extitimus. Arridebat quoque Chariclia, & Theagenem in aliam sententiam traducere conabatur, tum his quæ à diis prædicta fuerant erigens, tum melioribus spebus deliniens. Hydaspes vero Syenen aggressus, cum antea primo clamore se cum muris ipsis urbem direpturum sperasset, tum autem propemodum à propugnatoribus reiectus esset, & re ipsa strenue impetum hostium propulsantibus, & verbis ad contumeliam & irritandos animos illudentibus, ira commotus, quod prorsus

sus resistere decrevissent, & non statim
 ab initio ultro se in illius potestatem
 dedidissent: statuit non terere tempus
 cum exercitu, ociosa cunctatione: ne-
 que ejusmodi oppugnationes institue-
 re, quibus quidam capi, quidam autē
 effugere possent: sed obsidione magni
 operis, & inevitabili, urbem funditus
 quamprimum evertere. Faciebat igitur
 tale opus. Circulum circa murum
 in portiones divisit, & denas orgyas
 denis attribuens, latitudinemque &
 profunditatem maximam designans,
 fodere fossam jussit: illi vero fodie-
 bant, & alii materiam effossam effere-
 bant: alii tumulum in altum aggere-
 bant, alterum murum contra eum qui
 obsidebatur excitantes. Nemo autem
 impediēbat opus, nec obsistebat, quo
 minus muri ambitus perficerentur:
 erumpere ex urbe propter ingentem
 exercitus multitudinem non audens,
 & missilium usum ex propugnaculis
 inutilem esse videns, cum medium in-
 tervallum inter duos muros tantum ef-
 se colligeret, ut extra teli jactum essent
 ii qui operas faciebant. Postquam au-
 tem & hoc dicto citius perfecit, ut po-

te ingentibus copiis operi celeriter instantibus, aliud tale incipiebat. Parte circuli latitudine semiplethri, plana & non accumulata relictâ, desinenti ex utraque parte extremitati crus aggeris conjungens, ad Nilum in longitudinem ducebat, ab humiliori structura in altiore semper & magis arduam, crus utrunque erigens. Contulisset aliquis longis muris molis illius rationem, cum æqualem latitudinem semiplethri ubique servaret, longitudine vero id quod est inter Nilum & Syenem spatii occuparet. Postquam autem junxit ripis aggerem, deinde tanquam ostio quodam fluvium in alveum cruribus interceptum derivavit. Sicuti igitur ab editiori loco in declivem, & ex immensa Nili latitudine angusto sinu aqua incidens, manuque factis ripis cohibita, ingentem quendam & ineffabilem cum ad ostium strepitum, tum sonitum in alveo, ut vel ab iis qui longissime aberant exaudiri posset, edebat. Quod cum audirent jam, & viderent hi qui erant Syene, & in quanta mala incidissent intelligerent, quod videlicet illius circumvallationis elu-

vio scopus esset, neque effugere ex urbe possent, aggere & aquæ affluxu exitum intercludente: neque manere tutum esse cernerent, ad opem ferendam sibi, quantum facultatis præsentis status ratio dabat, sese apparabant. In primis autem, ubi tabulata circa portas discesserant, stupa & bitumine obmuniebant & obturabant: deinde murum, ut firmiori in sede maneret, suffulciebant. Hic humum, ille lapides, non nemo ligna & quilibet id quod obvium fuerat, aggerens. Denique nemo quiescebat: sed & mulieres & pueri, perinde ac senes, in opus incumbebant. Nullius enim sexus, nec ætatis opem, repudiat periculum de vita. Robustiori autem ætati, & vegetæ, quæ in armis erat, cuniculi cuiusdam angusti & subterranei ad hostium aggerem agendi negotium datû fuerat. Et quidem hac ratione opus perficiebatur. Puteum prope murum fere quinque orgyarum, recta instar perpendiculi profunditate cum effodissent, & fundamēta subiissent, transversim deinceps facibus accensis, recta ad aggeres ducentem cuniculum agebant:

bant: iis qui subsequebantur à tergo, & posterioribus, semper à prioribus iusto ordine humum effossam recipientibus, & in quandam partem urbis jampridem hortis occupatam efferentibus, ac in tumulum aggerentibus. Hæc vero faciebant eo consilio ut si aqua ad locum illum terra vacuum pervenisset, ad perruptionem occasionem & aditum haberet. Sed tamen calamitas antevertebat civium promptitudinem. Nilus enim jam longum ductum aggeris transgressus, impetu in spaciū circuli delabebatur, & undiquaque circumfluens, spaciū inter muros interceptum quasi stagnum quoddam efficiebat. Atque ita continuo existebat insula Syene, & mediterranea urbs circumflua, Nili fluctibus æstuans. Initio quidem, & unius diei spaciō sufficit sustinendæ moli murus. Cæterum postquam ingruens vis aquæ in altum attollebatur, & per fissuras terræ, quæ cum nigra & pinguis esset, æstivo tempore discesserat, in profundum penetrabat, & fundamenta muri subibat: tum jã ponderi cedebat subjecta moles, & qua parte ob mollitiem & laxi-

tatem terra defedisset, ibi murus inclinabat, & vacillatione periculum ruine denunciabat, cum propugnacula quassarentur, & propugnatores ebullitionis impetu concuterentur. Porro vespere adveniente, jam & quædam pars muri turribus intercepta corruit, non quidem ita ut ruina stagno inferior fieret, neque ut aquam recipere posset, sed ut quinque ulnas utique emineret, minitans propemodum terrorem eluvionis. Propter quæ comploratio mixta eorum qui fuerant in urbe, quæ & ab hostibus exaudiri poterat, oriebatur: & manus ad cælum tendentes, quod spei reliquum erat, Deos servatores invocabant. Et Oroondatem, ut legatos ad Hydaspem de pace acturos mitteret, supplices orabant. Ille autem parebat quidem, servus fortunæ vel invitus factus. Cæterum aquis interclusus, & rationis qua transmittere nuncios ad hostes posset inops, necessitate est edoctus. Cum enim scripsisset quæ volebat, & ad lapidem deligasset, funda ad hostes nuncii loco adiciebat, supplices preces trans mare mittens. Cæterum nihil proficiebat,
cum

cum jactus languidior esset, quam ut longitudinem æquare posset: & prius in aquam incideret, quam spacium superaret. Ille autem rursus quoque eadem ratione epistolam ejaculatus, spe lapsus est, omnibus sagittariis & funditoribus, tanquam iis quibus erat de scopo fortunæ contentio, summo studio, trajicere intervallū annitentibus, universis autem eadem ratione laborantibus: ad extremum autem manus tendentes ad hostes qui in munitionibus stabant, & theatrum illorum calamitates faciebant, miserabili gestu, quid sibi vellent illi jactus, quantum fieri potuit indicabant, nunc quidem ab anteriore parte manus protendentes in speciem supplicum, nunc vero post terga ad vincula recipienda circumducentes ad servitutis confessionem. Hydaspes autem agnoscebat quidem illos salutem petere, & paratus fuerat illis eam dare. (Indicit enim quodammodo & imperat præstantibus viris clementiam, subjectus hostis.) In præsentia vero cum expeditā rationem nullam haberet, statuit certius sumere hostium experimentum.

Erant

Erant autem jam antea navigia fluvialia parata, quæ per defluxum fossæ ex Nilo ferri sinens, postquam ad ambitum aggeris delata sunt, attracta detinuit. Ex his decem quæ nuper compacta fuerant, cum delegisset, & sagittarios ac armatos in illa imposuisset, & imperasset quæ illos dicere oporteret, ad Persas emisit. Illi autem trans mittebant instructi, ut si quid vel præter spem tentarent ii qui erant in muris, ad ineundum prælium essent parati. Erat autem in primis novum spectaculum, cum navis à muris ad muros transiret, & nauta in mediterranea regio ne navigaret, denique navigium per locum cultum impelleretur. Cumque sit novarum rerum author semper tumultus belli, tunc maxime miraculum omnino inusitatum introducebat, navales copias, cum iis quæ ex muro depugnabant committens, & contra palustrem militem, terrestrem armans. Hi igitur qui erant in urbe, navigia & milites ad eam partem ubi murus corruerat, appellere conspicati, homines attoniti, & terrore jam ac perturbatione propter circumstantia pericula pleni,

ni, etiam eos qui salutis eorum causa veniebant, in suspicionem vocabant (siquidem omnia sunt suspecta & formidabilia, quæ in extremo periculo eveniunt) & jaciebant de muris, & jaculabantur in naves. Sic omnino homines etiam qui de suis rationibus desperarunt, semper quod superest temporis ad dilationem mortis, in lucro ponunt. Jaciebant autem ita dirigentes ictus, ut non vulnerarent, sed & accessum prohiberent. Jaculabantur autem vicissim Æthiopes, & ut certiori ictu petentes, & nondum animū Persarum intelligentes, continuo duos quosdam, ac deinceps plures transigunt: ut aliqui subito & ex improviso acceptis vulneribus de muris extrorsum & in aquam, in caput devolverentur. Et quidē magis exarsisset prælium, his parcendo tantum prohibentibus, Æthiopibus autem etiam cum ira sese defendentibus: nisi quidam homo illustris, & jam senex, ex Syenæis, interveniens, ad eos qui erant in muro verba fecisset: O amentes, inquit, & præ calamitatibus obstupfacti, quibus hætenus supplices era-

E c

mus,

mus, & in auxilium advocabamus, hos cum præter omnem spem & opinionem advenissent, jam arcemus? qui si amico animo veniunt, ea quæ ad pacificationem pertinent, nunciantes, servatores nostri erunt: sin hostilia cogitant, facillime etiam si applicuerint, superabuntur. Enimvero quæ magis rationibus nostris consulimus, etiam si hos confecerimus, cum tanta nubes, terra & aqua urbem cinxerit? cur autem non potius eos recipimus, & quæ sit illorum sententia cognoscimus? Omnibus in rem dicere videbatur. Colaudabat autem & Satrapa, & ex collapsa muri parte huc atque illuc decedentes, immotis armis quiescebant. Postquam autem spacium illud inter turres vacuum fuit propugnatoribus, & populus velamentis signum dans concedere se portum significabat: tunc Æthiopes propius accedentes, tanquam pro concione, ex navigiis ad obsessum theatrum talia dicebant: O Persæ, & Syenenfes qui adestis: Hydaspes orientalium & occidentalium Æthiopum, in præsentia vero & vester Rex, cum hostes domare novit, tum ad miseri-

cor-

cordiam erga supplices à natura proclivis est: illud quidem fortitudinis, hoc autem humanitatis: atque alterum virtutis militum, alterum ipsius proprium decus esse judicans. Cumque vitam vestram habeat in potestate, ita ut eam vobis largiri, aut eripere possit: tamen quandoquidem supplices estis, liberat vos, omnibus ob oculos versante & minime dubio belli periculo: conditiones, quibus velitis hisce calamitatibus liberari, non ipse proponens, sed vobis, vestro arbitrio eligendas permittens. Neque enim pro sua libidine tyrannicum quicquam statuit, sed mansuete & sine invidia gubernat hominum fortunam. Ad hæc Syenæi quidem responderunt: seipsum, & liberos, & conjuges dedere in illius potestatem, ut illis utatur pro arbitrio, & urbem illi, si manserint superstites, tradere, quæ & nunc in extrema desperatione vacillet, nisi quæ salus à Diis, aut ab Hydaspæ, missa, excidium antevertit. Oroondates autem: Ex iis quæ belli causæ & præmia fuerunt, se decessurum esse dixit, & dimissurum Philas urbem & smaragdeas fodinas:

cæterum petere, ut in ipsum nihil durius statuatur, neque se ipse neque milites dædat. Sed si velit Hydaspes integrum officium humanitatis declarare, concedat nullum damnum inferentibus, neque manus contra elevantibus, discedere Elephantinam: quod sibi perinde esset nunc mori, atque deinceps superstitem, proditionis exercitus à Rege damnari. Quin etiam gravius illud esse futurum, & asperius: quandoquidem nunc simplex genus mortis & usitatum fortasse illis subeundum esset, tunc vero crudelissimum, & cum acerbissimo supplicio nova quadã ratione conjunctum. Hæc cum dixisset, ut duos Persas reciperent ad sese, orabat, eo prætextu, quasi Elephantinam essent ituri: & siquidem illi qui ibi essent, ad deditionem inclinassent, neque se amplius, quin idem faciat, cunctaturum. Hæc cum audissent præterea legari, continuo profecti sunt in altum, duobus Persis assumptis, ac deinde omnia Hydaspi renunciarunt. Ille autem cum subrississet, & multis modis ob stoliditatem Oroondatem reprehendisset, quod de conditionibus dis-

fere-

sereret: homo qui non ex se, sed ex altero, utrum illi vivendum an moriendum esset, anceps animo penderet: Stultum est, inquit, propter unius amentiam, tantam multitudinem interneccione delere. & eos qui fuerant missi ab Oroondate, Elephantinam ire permisit, tanquam nihil omnino curans, etiâ si illi resistendi consilia quæpiam inivissent. Ex suis autem, aliis ut ostium Nili fossa deductum obstruerent, aliis ut aliud in aggere excinderent, negotium dedit: ut ita & influxu prohibito, & stagnante aqua effluxu delapsa, celerius exsiccari possent spaciū circa Syenem, & ad ingressum durari. Achi quidem iussa, paululum modo opus exorsi, postero die executuri fuerant: vespera statim & nocte deinceps, iis quæ commemorata sunt mandatis, superveniente. Porro ii qui erant in urbe, obvium, & quod haberi poterat, auxilium, non intermittebant, de salute quamvis præter spem oblata non desperantes. Et alii subterraneum cuniculum agentes, jam aggeri appropinquare videbantur, intervallo à muro ad aggerem, quod oculis erat sub-

jectum, in fossam schœni mensura esse deprehenso. Alii murum facibus adhibitis erigebant : facilis autem erat instauration, lapidibus introrsum in ruina devolutis. Postquam autem præsentis temporis rationem tutam esse arbitrabantur, neque tum tumultu & perturbatione caruerunt : sed media nocte pars quædam aggeris, quam sub vesperam Æthiopes perfodere ceperant (seu quod terra laxa, & minime densa illo loco aggesta, cessit fundamentum humidum redditum: sive his qui suffodiebant, ut fundamentum propter vacuum spacium inferius desideret & collaberetur efficientibus: sive in eum locum ubi angustius fodi ceptum fuerat, aqua post discessum operariorum succedente, & noctu aucta, moles dissolvi cepit, cum id quod semel perruptum fuerat, magis ac magis perforaretur, & sensim profundius fieret : sive divino auxilio quispiam ascribat hoc opus) præter opinionem rumpitur, tantusque sonitus atque strepitus est redditus, auditu mentem perterrefaciens, ut id quod acciderat ignoraretur: cæterum maximam partem murorum

rorum abreptam esse, & Æthiopes & Syenæi suspicarentur. Et illi quidem cum in tuto degerent, securi sese in castris continebant, diluculo plane quid esset cognituri: hi autem quierant in urbe, undique murum & in orbem circuibant, cum quisque apud sese integrum cerneret, apud alium autem cladem illam accidisse conjectaretur: donec orta lux nebulam calamitatum, de quibus ambigebatur, dispulit, cum ruptura conspiceretur, & aqua subito abscessisset. Jam vero & Æthiopes derivatum ostium obstruebant, catartas ex tabulis compactas demittentes, & lignorum crassis stipitibus extrinsecus fulcientes: simulque humum & sarmenta colligantes, quam deinde multa millia repente partim à ripa, partim navigiisingerebant. Atque ita tandem abscessit aqua: neutris tamen erat pervium iter ad alteros. Limo enim profundo terra plena fuerat, & sub superficie, quæ exsiccata esse videbatur, humidum latebat, quod equi æque atque hominis gressui hærenti in profundo insidiabatur. Dies igitur duos, tresve, ita tempus transigebant:

apertis quidem portis Syenæi, depositis vero armis Æthiopes, pacem significantes. Ac erant induciæ quædam absque mutua conversatione, neque amplius apud utrosque excubiæ in stationibus habebantur. Quin etiam hi qui in urbe erant, oblectationibus operam dabant. Etenim quodammodo acciderat, ut tunc quoque Niloa, maximum apud Ægyptios festum, exoriretur: quod quidem circa solstitium æstivum maxime, & quando initium crescendi fluvius capit, celebratur, ac in summo honore præ cæteris omnibus habetur, propter ejuscemodi causam. Deum esse fingunt Nilum Ægyptii, & ex numinibus maximum ducunt, æmulum esse Cœli fluvium prædicantes: quod illis absque nubibus & pluviis aëriis arva irriget, & quotannis continua serie humectet, tanquam imbre. Et hæc quidem jactantur à vulgo. Quæ vero divinis laudibus ornant, illa sunt: quod humidæ & siccæ substantiæ copulationem, ortus & vitæ hominum causam maxime putant esse (alia vero elementa cum his una adesse & apparere dicunt) & humidam

midam quidem Nilum, alteram autem terram efficere. Sed & hæc pervulgata sunt. Cæterum mysteriorum periti, terram Isim, & Nilum Osirin esse affirmant, res nominibus commutantes. Flagrat igitur illius totius desiderio Dea, & gaudet cum sibi adest, & non apparentem rursus luget, atque tanquam aliquod inimicum fulgur odit: viris, ut existimo, in naturalium rerum & divinarum consideratione versantibus, significationes his insperfas profanis non detegentibus, cæterum specie fabulæ primum eos erudentibus: porro hæc cognoscendi studiosos, in ipso sacrario ignifera face manifestius rebus ipsis initiantibus. Et nobis quidem hæc propitio numine dicta sint: cæterum magis arcana alto silentio premantur, honoris causa. Hæc autem quæ circa Syenen acta sunt, deinceps ordine pertexantur. Si quidem festo Niloorum exorto: indigenæ quidem mactationibus victimarum & sacrificiis vacabant, corporibus quidem & circumstantibus malis laborantes: animis vero, pietatis erga numen, pro facultatibus, haudquaquã

obliti. At Oroondates observata occasione, media nocte cū Syenæi arcto somno post epulationes premerentur, clam educit exercitum, cum antea & horam unam, & portam qua egrediendum esset, clanculum Persis indicasset. Imperatum autem fuerat unicuique decurioni, ut equos & jumenta relinquerent, ne impedimento essent in itinere, neve aliquo modo ex strepitu sentiri possent ea quæ fierent. Cæterum arma tantum acciperent, & trabem aut asserem nacti una ferrent. Postea vero quam congregati sunt ad portam, ut edictum fuerat, ligna quæ unaquæque decas bajulaverat, luto transversa injiciens, & ita ut inter se cohærent componens, cum qui à tergo subsequebantur. semper præcedentibus per manus traderent, tanquā per pontē facillime & celerrime multitudinem traduxit. Terram autem attingens, & Æthiopes qui nihil ejusmodi suspicabantur, neque excubiarū curam amplius habebant, sed secure dormiebant, clam præteriens, quanta potuit celeritate, & quantum spiritus suppeditabat, Elephantinam exerci-
tum

tum duxit, & sine impedimento in urbem est intromissus, cum duo Persæ, qui Syene præmissi fuerant (sic enim convenerat) nocturno tempore adventum observarent : & postquam constitutam tesseram pronunciarunt, continuo portas patefacerent. Illucescente vero die, Syenæi primum fugam cognoscebant, ab initio in sua quisque domo Persas, qui ab illis hospitio accepti fuerant, non videntes : deinde & concilio coacto inquirentes, denique & ex ponte suspicionem capientes. Rursus igitur maximus terror & consternatio eos incessit, & secundarum injuriarum crimen gravius expectabant : quod tantam clementiam experti, parum fidos sese præbuissent, & facultatem fugiendi Persis dedissent. Statuerunt igitur universi urbe exeuntes, tradere sese Æthiopibus, & jurejurando inscitiam suam confirmare, si quo modo ad misericordiam flecti possent. Congregata igitur omni ætate, & ramis ad speciem supplicum declarandam sumptis, ac cereis & facibus accensis, sacra genera Deorum, & simulachra, tanquam caduceos præseferen-

ponebant, fugam Persarum, suam innocentiam, festum patrium, & quod se intentis in cultum numinis, & post epulationes in somnum versis, clam effugissent: cum forsitan, etiamsi vidissent, nudi tamen armatos prohibere non potuissent. Hydaspes igitur cū hæc illi renunciata fuissent, suspicatus (id quod erat) dolum aliquem & insidias Oroondatem structurum, solis sacerdotibus accersitis, & simulachris Deorum, quæ secum una ferebant majoris autoritatis causa, adoratis, si quid plus de consiliis Persarum cum docere possent, & quorsumnam contenderint, aut quo potissimum fidant, quærebat. Illi autem, alia quidem sibi ignota esse dicebant: cæterum se con-jicere, Elephantinam eos contendisse, ubi maxima pars exercitus collecta sit: & Oroondates, cum aliis, tum præcipue cataphractis equitibus confidat. Hæc cum dicerent, & ut urbem tanquam propriam ingrederetur, iramque contra illos remitteret, supplicarent: ingredi quidem in urbem in præsentia Hydaspi visum non est, cæterum duabus phalangibus armatorum immis-
ad

ad explorandas quas suspicabatur infidias, aut si nihil esset ejuscemodi, præfidio urbi futuras: & Syenensibus cum benignis promissis dimissis, ipse exercitum in aciem eduxit, aut excepturus advenientes Persas, aut cunctantes aggressurus. Necdum totus erat instructus, cum speculatores venientes, adventum Persarum, ad prælium instructorum, nunciabant. Oroondates, cum alium exercitum Elephantinam convenire jussisset, ipse vero quando Æthiopes præter opinionem advenire videbat, incurrere cum paucis Syenem coactus esset, & aggeribus interclusus salutem petiisset, ac justa promissa Hydaspis impetrasset, perfidia vincebat omnes homines. Cumque perfecisset ut duo Persæ una cum Æthiopibus transmitterent, eo prætextu quasi sententiam eorum qui Elephantinæ erant, essent exploraturi, quibus conditionibus vellent cū Hydaspe pacem facere: revera autem, utrum sese ad bellum apparare statuerent, si ille aliquo modo effugere posset: fraudulentum propositum re ipsa exequebatur. Et cum paratos depre-

heu-

hendisset, statim educebat, ne paululum quidem quin ad hostes pergeret differens: sed in celeritate, ut ita apparatus hostium (ut existimabat) præverteret, omnem spem ponens. Jam igitur erat in conspectu, fastu Persicò aspectum præoccupans, & argenteis ac deauratis armis campum tanquam fulgure quodam illustrans. Tum primum enim exoriente sole, & radios in adversos Persas conjiciente, fulgor quidam ineffabilis, & proprium jubar gravioris armaturæ resplendentis etiā in eos qui longissime aberant projiciebatur. Ac dexterum quidem cornu Persæ & Medi indigenæ tenebant, armatis præcedentibus, sagittariis autem à tergo subsequenter, ut cum graviore armatura carerent, tutius jaculari possent, armatorum præsidio recti. Porro Ægyptiorum & Afrorum manū & peregrinam omnem, in sinistro collocavit: sagittariis & fundatoribus his quoque adjunctis, quibus ut excursions facerent, & à lateribus facto impetu jacularentur, imperavit. Ipse vero mediam aciem tenebat, curru falcato splendide insidens, & ab utraque parte

col-

collocata phalange securitatis caussa
 stipatus, cataphractis equitibus tan-
 tum ante se instructis: quibus præci-
 pue confusus, prælium committere
 ausus est. Siquidem est hæc phalanx
 bellicosissima, & tanquam murus belli
 infractus ante reliquum exercitum
 objicitur. Armaturæ autem ratio ipsis
 talis est. Vir lectus, & robore corporis
 præstans, galeam sumit cohærentem
 & compactam, ac faciem viri exacte,
 non secus ac in personis videre est, ex-
 primentem. Hac à vertice usque ad
 collum totum, præter oculos transpi-
 ciendi causa, rectus, dextram quidem
 armat conto majori quam hasta, fini-
 stra autem regendis habenis vacat: gla-
 dio vero ad latus suspenso, non tan-
 tum pectus, sed etiam totum corpus
 lorica munitum habet. Lorica autem
 ita conficitur. Laminis æreis & ferreis,
 quadrangula forma, magnitudine pal-
 mi ductis, aliam super aliam ad extre-
 mitates laterum aptantes (ut inferiori
 parte subjectam, in transversum autem
 conversa, proximam semper continua
 serie conscendant) & futuris subter
 commissuras texturam connectentes,
 tui-

tunicam quandam squammatam efficiunt: quæ sine ulla molestia corpori incumbit, & undiquaque adhærescit. Circumscribit autem unumquodque membrum, & sine ullo impedimento in motu contrahitur & extenditur. Est enim manicata, à collo usque ad genu demissa, in solis femoribus, qua parte tergum equi conscenditur, necessitate ita postulante, disincta. Lorica igitur est talis, tela retundens, & omnis generis ictibus resistens. Ocrea vero à summa planta ad genu pertingit, conferta cum lorica. Consimili autem apparatu & equum muniunt: pedes ocreis circumligantes, & frontalibus caput prorsus operientes: à tergo vero, ad ventrem circa utrumque latus, tegmentum ferreis nexibus constans, suspendentes, ut simul & armet, & propter interceptum vacuum spatium cursum minime impediat. Sic instructus, & quasi in armaturam injectus, insidet equo: non ipse insiliens, sed aliis propter pondus sustollentibus. Et postquam pugnae tempus advenit, equo frenum remittens, & calcaribus eum concitans, omni impetu in hostes

F f

fertur,

fertur, ita ut ferreus vir aut statua quædam malleis compacta moveri videatur. Contus autem qua parte cuspis est, longe in directum prominere, & vinculo ad collum equi sustinetur. porro manubrio nodo ad femora equi annectitur, qui non cedit in conflictu, sed adjuvat manum equitis ictum tantum dirigentem: atque ita ipso magis intendente, & renitendo vehementiorē efficiente ad vulnerandum impetum, transfigit quemlibet obvium, & duos uno ictu suspensos fert sæpius. Cum igitur talem haberet equitatum sarappa, & sic exercitum Persicum instruxisset, procedebat ad hostes ex adverso. Et à tergo semper fluvium relinquens, quia multitudine longe inferior erat Æthiopibus, aqua tanquam muro quodam objecta, quo minus ab hostibus circumveniri posset, providebat. Vicissim autem ducebat exercitum Hydaspes. Contra Persas & Medos, qui erant in dextro cornu, milites ex Meroe in armis dimicantes, & statariæ pugnæ peritos, instruens: porro ex Troglodytica regione, & ei tractui vicinos, in quo cinamomum provenit,

nit, levi & expedita armatura instructos: & singulari pedum celeritate præditos, & jaculandi arte præstantes, iis qui in sinistro cornu collocati fuerant, negotium facessituros opposuit. Mediam autem aciem Persici exercitus, cum elatam esse robore audisset, se illi & elephantos turritos qui circa ipsum erant, opposuit, adjunctis Blemmyum & Serum armatis, & iisdem edoctis, quæ illos facere, cum ad rem ventum esset, oporteret. Cum autem signa utrinque concinerent, Persico quidem exercitu tubis, malleis vero actympanis Æthiopibus signum pugnae dantibus: Oroondates clamore suos adhortatus, concitato cursu phalanges ducebat. Hydaspes autem initio tardius obviam procedere iubebat, gradum gradu lente permutantes, hac ratione & elephantis ne desererentur à propugnatoribus prospiciens, & simul impetum equitum qui erant in medio ante conflictum consumens ac dissolvens. Cum autem à sese ad reliquum distarent, & cataphractus equos irritare ad invadendum, Blemmyes animadverterent, ea quæ impe-

rata fuerant ab Hydaspæ faciebant: & Seribus, ut essent præsidio elephantis, relictis, ipsi longe ante ordines profiliunt, & quanta celeritate poterant ad cataphractos contendunt, furoris speciem intuentibus præbentes, quod tam pauci contra plures & ita armatos procurrare auderent. Persæ autem magis etiam tum quam prius citatis equis invehebantur, in lucro ponentes illorum audaciam: & eam spem concipientes, quasi illos continuo & primo conflictu essent rapturi. Tunc Blemmyes, cum jam ad manus venissent, & propemodum in hastis hærent, subito, & quasi ad unum signum subsidunt, & equos subeunt, genu quidem altero terræ innixi, caput vero & tergum equis subjicientes sine ullo detrimento; nisi quod calcationem sustinere cogebantur. Cæterum rem incredibilem, & præter omnium opinionem faciebant, & lædebant equos, ventrem illis in transitu suffodientes. Quamobrem cadebant non pauci, equis propter do-
 rorem frenum aspernantibus, & sessoribus excutientibus. Quos acervatim jacentes, Blemmyes sub femoribus dis-
 seca-

secabant. Immobiles est enim Persarū cataphractus, si ductore careat. Quicumque autem integris equis evaserāt, ad Sēres ferebantur. Illi autem, statim ut appropinquabant, post elephantos sese recipiebant, ad animal tanquam ad tumulum aut propugnaculum aliquod confugientes. Ibi magna cædes, & propemodum ad internecionem usque accidit equitibus. Equi enim ad inusitatam elephantorum speciem subito nudatam, & magnitudinem peregrinam ex conspectu formidinem incutientem, alii retrorsum fugientes, alii inter sese permixti & coarctati, ordinem phalangis celerrime turbarunt. Et hi qui erant in elephantis, cum sex singulas turres occuparent, & bini ab unoquoque latere jacularentur, sola parte supra caudam vacante, adeo continue & directe ad scopum ē turribus tanquam ex arcē tela mittebant, ut densitas jaculorum nubis speciem Persis exhiberet: præcipue cum oculos hostium scopos sibi proponentes Æthiopes, tanquam non pari conditione pugnarent, sed jaculandi peritiæ certamen inirent, ita scopum collima-

rent, ut hi qui transfixi fuerant jaculis, sine ullo ordine ferrentur per multitudinem, sagittis illi tanquam tibiis ex oculis prominentibus. Quod si aliquos ex impetu cursus, cum sese cohibere non possent, equi vel invitos evexerunt, elephantis objiciebant. Et hi quidem ibi ita consumebantur, cum partim ab elephantis everterentur & protererentur, partim à Seribus & Blemmyibus tanquam ex insidiis post elephantis locatis, excursiones facientibus, & alios certo ictu vulnerantibus, alios cominus ex equis in terram dejicientibus, conficerentur. Denique quicumque effugiebant, nullo facinore memorabili edito, nec ullo detrimento elephantis illato, discedebant. Siquidem bellua ferro est munita, cum in prælium descendit: & alioqui etiam naturæ dono soliditate & duritie prædita est, aspera squamma superficiem obducente, & omnem cuspidem contrario nixu frangente ac repellente. Postremo omnibus qui superfuerant semel in fugam versis, turpissime omnium satrapa curru relicto equum Nysæum conscendens profugit, ignorant-

rantibus hoc qui in sinistro cornu fuerant Ægyptiis & Afris, ac strenue prælium incuntibus, & plura quidem accipientibus quam inferentibus vulnera: cæterum obstinato animo acerba perferentibus. Nam milites ex cinamomifera regione, contra illos instructi, vehementer illos prementes, ad inopiam consilii & desperationem redigebant: refugientes cum illi advenirent, & longe præcurrentes, averlisque in tergum arcubus etiam in fuga jaculantes: cedentibus vero instantes, & à lateribus alii fundis jacentes, alii parvas quidem sagittas, cæterum veneno draconum infectas, conjicientes. Textura enim quadam rotunda capiti imposita, & sagittis in orbem transfixa, partem quidem sagittæ alatam ad caput convertunt, porro spicula tanquam radios extrorsum prominere sibi videntur. Et inde expedite in præliis tanquam ex pharetra promens quilibet, strenuum quendam & quasi Satyricum saltum faciens, & jaculis coronatus nudo corpore in hostes immittit, nihil omnino ferri ad spiculum indigentem. Os enim ex tergo draco-

nis auferens, primum longitudine ulnæ jaculum adæquat, deinde extremi-
 rates quam maxime potest expoliendo
 exacuens, sagittam nativo cum spicu-
 lo efficit, ab ossibus etiam fortasse
 Græcis sic cognominatam. Longo igi-
 tur tempore conservarunt ordines Æ-
 gyptii, & confertim densatis scutis
 jacula sustinebant, alioqui natura pa-
 tientes, & mortis contemptu non tam
 utiliter quam ambitiose glorian-
 tes, fortassis etiam pœnam desertorum or-
 dinum prospicientes. Cæterum post-
 quam cataphractos, quod præcipuum
 robur & belli spes esse existimabatur,
 profligatos esse cognoverunt, & satra-
 pam fugisse, & Mediæos ac Persicos
 milites laudatissimos nihil admodum
 præclari gessisse, sed pauca damna in-
 tulisse Meroensibus, contra quos in-
 structi fuerant, plura vero passos esse,
 ac reliquos fuga subsequi, remiserunt
 & ipsi contentionem, & terga verten-
 tes fugiebant. Hydaspes autem ex tur-
 re, tanquam ex specula, præclaræ vi-
 ctoriæ spectator cum esset, nunciis di-
 missis ad eos qui insequiebantur, ut à
 cæde abstinerent edixit: sed vivos
 quos

quos possent caperent & adducerent, & ante omnes Oroondatem: quemadmodum & accidit. Expansis enim phalangibus in formam scuti orbicularem, Æthiopes, & magna latitudine ordinum in longitudinem utrinque extensa, deinde cornibus conversis, in orbem Persicum exercitum compulerunt, & unam tantum viam ad flumen patentem fugæ hostibus reliquerunt. In quod cum multi inciderent, ab equis & falcatis curribus & reliquo tumultu ac multitudine compulsi cum magna trepidatione, cognoverunt, quod stratagema quo videbatur esse usus contra hostes satrapa, fuisset ineptum, & nulla ratione factum. Siquidem cum initio ne circumdarentur metueret, & propterea ita instrueret exercitum, ut à tergo Nilus esset: non animadvertit, se sibi fugæ spacium obstruxisse. Ibi igitur & ipse capitur: cum Achæmenes Cybeles filius, qui jam omnia quæ acta fuerant Memphi audierat, in illo tumultu cum dolo interficere conatus esset (pœnitebat enim illum eorum quæ de Arsace indicaverat, argumentis quibus indicia

probare potuisset sublati) sed tamen spe frustratus, letale vulnus illi non intulisset. Is tamen dedit statim pœnas, à quodam Æthiope ex arcu transfixus, qui cognoverat satrapam, & servare (sicut fuerat imperatum) volebat: ac indignabatur scelerato facinori, quod quispiam hostes effugiens, rursus suos aggrediretur, opportunitatem fortunæ ad ultionem inimici observans. Hunc igitur adductum ab eo qui ceperat, Hydaspes deficientem animo conspicatus, & multo cruore manantem, quem quidem facile iis quæ ad hunc usum parata fuerant inhibuit, cum statuisset servare si posset, & confirmasset oratione: Optime, inquit, tibi quidem ut superstes sis, mea voluntate conceditur. Pulchrum est enim vincere hostes, stantes quidem adhuc, præliis: collapsos autem beneficentia. Cæterum quid fuit in causa, quod tam perfidus extitisti? Ille autem: Erga te, inquit, sed fidus erga meum dominum. Et Hydaspes: Cum igitur succubueris, quam in te ipsum pœnam statuis? rursus quærebat. Quam vero, inquit, rex meus ab aliquo tuorum ducum, qui

qui tibi fidem servant, capto expeteret? Sane, inquit Hydaspes, collaudaret, & cum donis remitteret: siquidē rex verus est, & non tyrannus, & studet ut sui alienis laudibus incitati, similia exempla æmulati discant. Enimvero, ô præclare, fidum te quidem esse dicis: sed quod imprudens fueris, an non ipse fateberis, qui tot myriadibus temerarie te opponere ausus sis? Non eram fortassis imprudens, respondit, in conjicienda regia voluntate, qua ille majoribus pœnis afficit timidos & ignavos in bellis, quam præmiis fortes ac strenuos. Statui igitur occurrere sponte ipse periculo, & aut aliquod magnum & præter opinionem edere, sicuti sæpe multas occasiones bellum ad rem bene gerendam subministrat: aut servatus saltem, si hoc accidisset: locum excusationi relinquere, tanquā nulla re ex iis quæ in mea potestate fuissent, à me prætermiſſa. Talia cum dixisset, & audisset Hydaspes, collaudabat eum, & Syenē misit, datis mandatis, ut summā diligentiam in illo curando medici adhiberent. Ingrediebatur vero & ipse una cū delectis ex exercitu.

citu, tota urbe omnium ordinum & ætatum frequentia illi obviam progressa, & coronas, & flores Nili jaciente in exercitum, & gratulationibus propter victoriam partam Hydasphem collaudante. Postquam autem intra muros elephanto tanquam curru invehctus est, statim in res sacras & cultum divinum gratiarum actionis ergo animum intendit: quæ esset origo festorum Nili, & si quid admiratione aut spectaculo dignum in urbe ostendere possent, interrogans. Illi autem puteum Nilum mensurantem ostenderunt, similem ei qui est Memphi, ex secto quidem & polito lapide extructum, lineas vero ulnæ interstitio exculptas continentē: in quem aqua fluvialis subterraneo meatu impulsa, & in lineas incidēs, incrementa Nili & diminutiones indigenis monstrat, numero tectorum aut nudatorū characterum, rationem exundationis aut defectus aquæ mensurantium. Ostenderunt quoque & horoscoporum gnomones, nullam umbram in meridie reddentes: radio solis, solstitio æstivo Syenæ ad amussim vertici imminente, & lumine undiquaque
cir-

circumfuso, omnem casum umbræ repellente, adeo ut etiam in puteis aqua in profunditate illuminetur, similem ob causam. Et hæc quidem Hydaspes non valde quasi peregrinā mirabatur. Accidunt enim eadem Meroe Æthiopum. At cum festum prædicarent, & Nilum magnis laudibus attollerent, solem, & fertilitatis authorem appellantes, & Ægypti totius, superioris quidem servatorem, inferioris vero patrem & opificem, novum limum quotannis advolventem, unde & Nilum Græcis esse appellatum, & annuas temporis vicissitudines exponentem: æstivam quidem incremento, autumnalem vero decremento: vernam autem floribus, qui ex ipso enascuntur, & crocodilorum partu: & nihil aliud esse omnino Nilum quam annum, hoc & appellatione confirmante: literis enim quæ nomine continentur, in calculos distributis, ter centum quinque & sexaginta unitates, quot & dies sunt anni, congregabuntur. Denique cum plantarum & florum & animalium proprietates, & alia plura his adderent: Atqui non Ægyptiæ sunt hæ tam graves,

ves,

ves, dixit Hydaspes, sed Æthiopicæ narrationes. Cæterum cum fluvium hunc, seu vestra opinione Deum, & omnem fluviorum cumulum, Æthiopum terra ad vos deducat, merito à vobis coli debet, quæ vobis Deorum mater existat. Et quidem colimus subjecerunt sacerdotes, cum alias ob causas, tum quod nobis servatorem & Deum exhibuit. Moderatas debere esse laudes Hydaspes cum dixisset: & ipse Syenem ingressus, reliquum diei sibi ad recreationem sumpsit, cum primoribus Æthiopum & sacerdotibus Syenensium convivium iniens: & reliquis ut idem facerent, permisit: multa armenta boum, multos greges ovium, & plurimos caprarum & porcorum, & maximum numerum vini, Syenensibus exercitui partim dono dantibus, partim venum exponentibus. Postridie autem sedens pro tribunali excelso Hydaspes, jumenta, & equos, & reliquam prædam, quæ partim in urbe, partim in prælio collecta fuerat, exercitui distribuit, unicuique pro ratione eorum quæ ab eo gesta fuerant, tribuens. Postquam autem & hic qui ceperat

perat Oroondatem, aderat: Pete quidvis, inquit ad eum Hydaspes. Ille autem: Non opus est rex, ut quicquam petam, dixit: qui contentus sum futurus eo quod habeo, si à te mihi adjudicatum fuerit: quod ab Oroondate abstuli: ipsum vero juxta tuum mandatum servavi: & simul ostendebat pugionem satrapæ, lapillis distinctū magni precii, & multorum talentorum sumptu comparatum: ut multi ex circumstantibus exclamarent, privati hominis fortunam excedere, & magis regium thesaurum esse. Arridens igitur Hydaspes: Quid autem, inquit, magis regium esse potest, quam me eam magnitudinem animi conservare, quæ hujus avaritia non capiatur, & eam despiciat? Deinde & corpus captivi spoliari, victori jus belli concedit. Quamobrem abeat, accipiens id consentientibus nobis quod vel invitis obtinisset, haud difficulter absconditum. Post hunc adveniebant hi qui Theagenem & Charicliam ceperant: &, O rex, dicebant, nostra verò spolia non aurum, neque lapides sunt, quæ res in Æthiopia exigui sunt precii, & acer-

acervatim in regiis domiciliis strata
 jacent: sed cum tibi virginem & ado-
 lescentem adduxerimus, germanos &
 Græcos, proceritate & forma omni-
 bus hominibus post te antecellentes,
 petimus ut simus participes tuæ insi-
 gnis munificentiae & liberalitatis. Op-
 portune, inquit, Hydaspes, reduxistis
 in memoriam: etenim tum adductos,
 obiter & tumultuarie contemplatus
 fueram. Quamobrem adducat eos qui-
 spiam, veniant autem & reliqui capti-
 vi. Adducebantur igitur continuo,
 cum quidam cursim extra muros ad
 impedimenta pervenisset, & custodi-
 bus ut quamprimum eos ad regem du-
 cerent, dixisset. At illi quendam ex cu-
 stodibus qui altero parente Græcus e-
 rat, quonam in praesentia ducerentur,
 interrogabant. Cum autem ille dixis-
 set, quod rex Hydaspes inspecturus
 esset captivos: Dii servatores, excla-
 marunt, simulatque nomen Hydaspi-
 cognoverunt juvenes, cum ad eam us-
 que horam ne alter quispiam regnaret,
 essent solliciti. Theagenes igitur sub-
 misse ad Charicliam: Expones igitur
 charissima, regi rationes nostras, siqui-
 dem

dem Hydaspes regnat: quem tu patrem tuum fuisse, sapius mihi dixisti. Chariclia vero: O suavissime, inquit, Magna negocia magnis indigent apparatibus. Quorum enim varie intricata initia numen posuit, horum necesse est & fines longioribus ambagibus peragi. Alioquin ea quæ longum tempus conflavit, brevi temporis momento reregere haudquaquam conducit. Præsertim capite & fundamento toto, ex quo prorsus hoc negotium & inventio pendet, Persina inquam matre mea, absente: quam etiam superstitem esse, Deorum voluntate, audivimus. At si nos immolarit aliquis prius, subjiciens Theagenes, aut tanquam donum captivum dans, facultatem quo minus in Æthiopiam perveniamus præciderit? Nihil minus, inquit Chariclia. Nunc enim sapius à custodibus audivimus, quod alamur victimæ diis qui Meroæ præsunt immolandi. Quamobrem non est quod metuamus, ne aut dono demur, aut ante interimamur, qui sumus ex voto Diis consecrati: quod violari à viris pietatis studiosissimis fas nō est. Enim-

G g

vero

vero si huic immoderatæ lætitiæ de
 summa rerum indulgentes, futiliter
 rationes nostras exposuerimus, cum
 hi qui & agnoscere hæc, & authorita-
 te confirmare possent, non adsint: pe-
 riculum est, ne per inscitiam cum qui
 hæc audiet exacerbemus, & iratum
 nobis merito nostro faciamus: pro lu-
 dibrio fortasse & contumelia id habi-
 turum, quod captivi, & ad serviendum
 destinati, fictis & minime probabili-
 bus argumentis tanquam ex compo-
 sito se regios esse liberos simulare au-
 deant. Sed indicia, inquit Theagenes
 (quæ te accepisse scio, & servare) nobis-
 cum facient, ut non figmento uti, ne-
 que fraude videamur. Chariclia autē:
 Indicia, inquit, iis qui norunt ea, &
 exposuerunt, indicia sunt: at iis qui
 ignorant, aut non omnia nosse pos-
 sunt, thesauri inanes & monilia sunt:
 & fortasse in suspensionem etiam furti
 & latrocinii eos qui ferunt, vocant.
 Atqui etiam si quippiam Hydaspes co-
 gnoverit, quisnam est qui quod Per-
 sina dederit, quis denique quod ma-
 ter filia, persuadere possit? Noto, cui
 contradici non potest, Theagenes,

ma-

materna natura est: qua fit, ut id quod genuit, erga sobolem, primo congressu, amoris & commiserationis affectum induat, arcana quadam naturæ convenientia permotum. Hæcne igitur negligemus & omitemus, in quibus est firum, ut & cætera credibilia esse videantur? Quæ cum inter se colloquerentur, jam non procul aberant à rege: aderat autem & Bagoas adductus. Postquam autem astantes vidit Hydaspes, paululum sese è throno sustulit. Et, Propitji nobis estote Dii, cum dixisset: rursus cogitabundus sedit. Primoribus autem Persarum, qui astabant, quid illi accidisset, quærentibus, Talem, inquit, mihi hodie filiam natam esse, & ad ejusmodi florem subito pervenisse rebar: cumque nihil omnino somnium antea curassem, nunc simili forma ejus quam videram admonitus, in illius memoriam redii. His autem qui circa illum erant, quod imaginatio quædam esset animæ, simulachra futurarum rerum sæpius adumbrantis, dicentibus: tum illud visum neglectui habens, qui essent, & unde, quærebat. Tacente vero Chari-

clia, & Theagene dicente: quod germani essent, & Græci: Euge Græcia, inquit, quæ alioquin bonos & præstantes producis, & ingenuas nobis ac faustas victimas ad sacrificia propter victoriam partam celebranda præbuiſti. Cæterum cur non & filius mihi in visione illa natus est (subridens ad præſentes) si quidem adolescentis hujus, fratris puellæ, & à me conspiciendi speciem & simulachrum mihi prius in somnis (ut dicitis) offerri oportuit? Postea conversa oratione ad Charicliã, sermonem Græcum sonans (est enim in honore hæc lingua apud Gymnosophistas & reges Æthiopum:) Tu vero ô virgo, quam obrem taces, neque quicquam ad interrogationem respondisti? Chariclia autem: Ad aras, inquit, Deorum quibus nos victimas asservari intelligimus, me & meos parentes cognoscetis. Porro ubinam terrarum sunt hi? ad illam rursus Hydaspes. Illa vero, Et adsunt, inquit: & omnino dum immolabimur, aderunt. Arridens igitur iterum Hydaspes: Revera, inquit, somniat hæc filia, in somnis mihi nata, imaginans fore ut ex
Græ-

Græcia in mediam Meroem parentes illius transferantur. Hi igitur ducantur cum diligentia & copia solita, sacrificium exornaturi. Cæterum quis hic est prope stās eunucho similis? Eunuchum revera esse, nomine Bagoam, quidam ex ministris respondit. Sequatur & hic, inquit: non tanquam victima, sed tanquam alterius victimæ, virginis hujus custos, ut nobis casta usque ad tempus sacrificii conserveatur. Habet quiddam zelotypum eunuchorum genus: quibus est enim ipsum privatum, ad hæc aliis prohibenda objicitur. Hæc cum dixisset, alios captivos ordine advenientes circumspiciebat, & recensebat: quosdam dono dans, quos servos etiam initio fuisse ostendebat fortuna: Bono autem genere natos, liberos dimittens. Decem utique juvenes electos, & totidem virgines ætatis flore & forma excellentes, unā cum Theagene ad eundem usum duci jussit. Denique aliis de iis, quorum quisque indigebat, respōsis datis: postremo ad Oroondatem accersitum, & in lectica allatum: Ego, inquit, cum ea quæ fuerunt belli caus-

sæ obtinuerim, haud ita sum affectus
 animo, ut plerique. Non abutor for-
 tuna, ad cupiditatem plus præ cæteris
 habendi: neque in immensum prola-
 to imperium, propter victoriam: sed
 contentus sum finibus, quos initio na-
 tura posuit, Ægyptum ab Æthiopia
 cataractis discernens. Quamobrem cū
 ea obtinuerim, quorum causa de-
 scendi, revertor colens æquitatem. Tu
 vero si superstes manseris, esto satrapa
 eorum, quorum & antea fuisti: & si-
 gnifica Persarum regi quod frater tuus
 Hydaspes manu quidem vicit; animi
 autem moderatione omnia tua tibi di-
 misit: amicitiam quæ illi est tecum,
 retinere cupiens (qua ut re inter ho-
 mines pulcherrima imprimis delecta-
 tur) & tamen pugnam, si rursus quip-
 piam inceperis, non detrectans: Sye-
 næis vero his tributa, quæ alioqui
 pendere solent, & ipse in decennium
 dimitto: & ut tu idem facias, impero:
 His dictis, à præsentibus quidem ci-
 vibus, perinde ac militibus, gratula-
 toriæ voces & plausus, qui longe ex-
 audiri poterat, est sublatu: Oroon-
 dates autem manibus protensis, &
 dex-

dextra in alteram permutatim transposita, inclinatus adoravit, cum sic res inusitata Persis, regem alterum hoc modo venerari. Et, O vos qui adestis, inquit: non videor mihi violare patria instituta erga regem, cum qui mihi satrapiam donavit adorans: neque iniuste agere, æquissimo omnium hominum id præstans, qui mei interimendi potestatem habet. Vitam autem mihi clementia singulari largitur. Cumque illi jus dominandi competat, mihi ut sim satrapa concedit. Propter quæ, siquidem fuero superstes, Æthiõpibus & Persis spondeo me pacem diuturnam & amicitiam sempiternam, Syenæis autem quæ sunt imperata, præstiturum. Si vero quid mihi acciderit, Dii pro beneficiis in me collatis, Hydaspem, & domum Hydaspis, ac genus remunerentur.

G g 4

H E.



HELIODORI

ÆTHIOPICORUM

LIBER DECIMUS.

De his igitur quæ Syene gesta sunt, hæcenus dictum sit: quæ cum in tantum periculum venisset, repente rursus ejusmodi beneficium, unius viri clementia & æquitate, consecuta est. Hydaspes autem magna parte exercitus præmissa, ipse quoque in Æthiopiam proficiscebatur: Syenæis omnibus, & Persis, longissime cum gratulationibus ac votis pro illius salute, eum prosequentibus. Primum igitur iter faciebat, semper Nili ripas & vicina loca fluvio tenens. Postquam autem Cataractas pervenit, sacrificiis factis Nilo, & diis finium præsidibus, deflectens magis per mediterraneam iter tendebat regionem. Et cum Philas venisset, duos fere dies exercitui ad quietem, & recolligendas vires tribuit. Rursus autem multitudine vulgi præmissa, ipse
com-

commoratus urbis mœnia firmavit, & præsidium imposuit. Hoc factò, egressus, duos equites delectos, quos oportebat ipsius adventum antevertere, & equis in urbibus & pagis permutandis, celeriter imperata conficere, mittit cū literis ad eos qui erant Meroæ victoriam nuncians. Ad sapientes quidem, qui Gymnosophistæ appellantur, & assessores consiliarii que regii sunt, tales dans: **DIVINISSIMO CONCILIO HYDASPE S.** Victoriā partā de Persis vobis nuncio, non venditans rei bene gestæ successum, siquidem Fortunæ vices & instabilitatem veneror: sed antistitii dignitatem, cum semper, tum in præsentia veracem, per literas salutans & appellans. Ut igitur veniatis in consuetum locum, & oro, & meo jure impero, sacrificia gratiarum actionis ergo, pro victoria parta, graviora præsentia vestra & conspectu, Æthiopum communi conventui reddituri. Aduxorem autem Persinam ejusmodi. Victores nos esse scito: & quod te proxime attingit, salvos. Quamobrem sumptuosas pompas, & sacrificia, ut grates diis agamus, præ-

parato: & sapientes cum literis nostris coram adhortata, in consecratum diis nostris patriis, Soli, & Lunæ, & Baccho, ante urbem campum, una cum illis propera. His literis allatis, Persina continuo: Nimirum id erat, inquit, somnii quod hac nocte videbam, gravidam me esse putans, & parere simul, & editum fœtum esse meam filiã repente florenti ætate. Per dolores, ut videtur, belli certamina: per filiam vero, victoriam, significante somnio. Cæterum urbem obeuntes, latis nunciis implete. Et præcursores quidem id quod imperatum fuerat, faciebant, capitibus Niloo loto redimitis: & ramos palmarum quos manibus tenebant, concutientes & ostentantes, per præcipuas partes urbis, & magis conspicuas equis vehebantur, famam de victoria, vel solo habitu & figura corporis pervulgantes. Impleta igitur erat repente lætitia Meroe, cum noctu & interdiu cœtus & sacrificia in singulis familiis & vicis, ac tribubus diis celebrarent, ac delubra frequentarent: non perinde in victoria, ut in salute Hydaspis acquiescentes, quod is vir
æqui-

æquitate simul & clementia in subditos, ac lenitate, eum affectum animis populi, ut illum in patris loco diligere, instillaverat. Persina autem, cum boum greges, & equorum, & ovium, coturnicum ac gryphorum, & aliorum omnis generis animantium, in sacrum campū præmisisset, partim ut ex quolibet genere hecatombe ad sacrificium appareretur, partim ut in usum convivii publici converterentur: ad extremum ad Gymnosophistas veniens, qui lucum Panis ad habitandum sibi elegerunt, literas ab Hydaspæ illis tradebat, & adhortabatur, ut postulanti regi morem gererent, ac sibi quoque ex parte gratificarentur, & conventui publico præsentia sua ornamento essent. Illi autē cum eam paululum commorari jussissent, in adytum ingressi precandi causa, & à diis quid esset agendum sciscitati, parva mora interposita redierunt. Atque aliis tacentibus, Sismithres, qui primas tenebat in concilio: O Persina, dicebat, nos quidem veniemus: dii enim præcipiunt. Cæterum tumultum quendam & perturbationem fore in sacrificio, numen præmon-

monstrat: sed & hunc in bonum & suavem finem desitutum: quod membrum quoddam vestri corporis, aut pars regni periisset, fatum autē hanc ipsam inquisitam exhiberet. Persina autem: Maxime formidabilia, inquit, planeque omnia in melius mutabuntur, vobis præsentibus. Ego autem cum sensero Hydaspem advenire, vos certiores faciam. Nihil opus est, inquit Sisimithres, ut nos certiores reddas. Cras enim mane veniet, & hoc ipsum tibi paulo post literæ significabunt. Atque ita accidit. Nam statim redeunti Persinæ, & regia domicilia proxime accedenti, literas regis eques tradebat, postridie adventurum eum significantes. Præcones igitur exemplo rumorem de literis dissipabant, masculis tantum obviam prodeundi facultatem dantes, mulieribus autem exitu interdicentes. Siquidem cum mundissimis tantū & lucidissimis diis Soli & Lunæ, sacrificium faciendum esset, misceri fœmineum genus moris non erat, ne aliqua vel invira contaminatio victimis accideret. Soli autem ex mulieribus sacerdoti Lunæ adesse per-

permissum est. erat autem Persina :
quod Solis quidem sacerdotio rex :
Lunæ autem, regina, moribus & insti-
tutis gentis, ornarentur. Affutura au-
tem erat & Chariclia his quæ ageban-
tur, non tanquam spectatrix, sed victi-
ma Lunæ futura. Ingens igitur impe-
tus & cupiditas incessit urbem, & cum
neque indictum diem expectassent,
inde usque à vespere trans mittebant
Astaboram fluvium, alii per pontem,
alii navigiis ex harundine factis, quæ
plurima & in multis partibus ripæ va-
cillabant, his qui longius à ponte ha-
bitant compendiosos subministrantes
trajeclus. Sunt autem celerrima tum
propter materiam, tum propter onus,
quod non plures quam duos tresve vi-
ros ferant. Arundo enim in duas par-
tes dissecta, ex qualibet sectione navi-
giolum præbet ac efficit. Cæterum
Meroe metropolis Æthiopum, insula
est alioqui triangulari forma, fluviis
quæ navibus transiri possunt, Nilo, &
Astabora, & Asasoba, circumflua. Ni-
lo quidem in vertice incidente, & in
utramque partem fisso: aliis vero duo-
bus in utroque latere se invicem præ-
ter-

tereuntibus, & rursus secum cocuntibus, & in unum Nilum, alveum & nomen deferentibus. Cum autem late pateat, & continentem in insula demonstret (tribus enim millibus stadiorum in longitudine, mille autem in latitudine circumscribitur) animalium insignis magnitudinis, cum aliorum, tum elephantorum est altrix: & ut arbores sua sponte fingit, ita aliarum quoque rerum ferax est. Nam præterquam quod palmæ insigni proceritate, & palmulis onustæ in ea crescunt, frumenti quoque & tritici spicæ proceritate quidem ea sunt, ut equitem omnē, interdum & camelo insidentem occultent: fructu autem adeo ubere, ut semina terræ mandata, trecentuplum ferant: & arundinem procreat, qualis jã dicta est. Tunc igitur tota nocte, cum alius alium fluvium transmisisset, obviam prodeuntes, veluti deum cum præconiis & gratulationibus, Hydaspem excipiebant: hi quidem etiam longius, aliquantum autem ante campum sacrū obviam progressi Gymnosophistæ, dextrasque jungebant, & salutabant osculis: post hos vero Persina

fina in vestibulo templi, & intra ambitum. Postquam igitur submissi deos adorarunt, & precibus gratiarum actionis ergo pro victoria & salute finem fecerunt, egressi ambitu, ad publicum sacrificium convertebantur, in tabernaculo jam antea præparato confidentes. quod quatuor conficiebant recens præcisæ arundines, figura quadrilatera, angulum quemlibet una arundine columnæ instar fulcimente ac sustinente: in summo autem, in formâ testudinis adducta, & cum aliis, additis palmarum ramis, juncta & connexa, subjectumque spacium contegente. In altero autem tabernaculo, proxime super alta basi deorum indigenarum simulachra, & heroum imagines proponebantur, & Mennonis ac Persei & Andromedæ, quos authores esse sui generis reges Æthiopum existimant. Inferius autem, & tanquam supra verticem numinibus collocatis in altera basi, Gymnosophistæ sedebant. Hos deinde phalanx militum in orbem stipaverat, scutis erectis ac densatis innixa, & multitudinem à tergo reprimens, ac medium spacium ab omni

omni tumultu & molestia vacuum sacrificantibus conservans. Enimvero cum pauca præfatus esset ad populum Hydaspes, & victoriam, ac ea quæ pro Republica prospere ac fœliciter gesta essent, enunciasset, ad sacrificium aggredi, iis, ad quos rei divinæ faciendæ cura pertinebat, imperabat. Porro cum tres aræ in altum erectæ essent, ac duæ quidem peculiariter Soli & Lunæ conjunctim, tertia vero Bacchi in altera parte separatim collocata esset, huic quidem omnis generis animantia mactabant, propter pervulgatam vim (ut existimo) numinis, & omnibus gratificantem, variis & multiplicibus hostiis eum placantes. In aliis vero, Soli quidem quadrigas albas offerebant, deo omnium velocissimo, id quod velocissimum est sacrificantes: Lunæ autem jugum boum, propter vicinitatem terræ, agriculturæ adjutores, consecrantes. Cum hæc adhuc agerentur, clamor subito est sublatus, mixtus ac turbulentus, qualem consentaneum est multitudinis hominum confertorum extitisse, Patria sacra celebrantur, iis qui circumstabant exclamantibus:

mori-

moribus & institutis receptum sacrificium deinceps pro gente fiat, primitiæ belli deinceps offerantur. Cum igitur intellexisset Hydaspes, quod humanam victimam flagitarent, quam ex iis tantum qui in peregrinis bellis capti essent, offerre consueverant: manu silentio indicato, & statim id quod petebatur consecuturum esse, nutibus significatione data: captivos qui ad idipsum jampridem destinati fuerant, duci imperabat. Ducebantur igitur cum alii, tum Theagenes & Chariclia, soluti vinculis, & stipati: tristes quidem, ut est consentaneum, alii: minus autem Theagenes. at Chariclia læto vultu ac ridenti, perpetuo ac uno obtutu Persinam intuens: ut & illa aliquo modo aspectu afficeretur, & vehementius ingemiscens: O marite, diceret, qualem virginem ad sacrificium delegisti? Haud scio, an viderim talē formam. Quam est generoso & liberali vultu? Quam magno & excelsso animo fortunam perfert? Quam ob florem ætatis commiseratione sui commovet animum? si superesse contigisset, semel ex te conceptam, & male amissam si-

liolam, propemodum totidem implevisse annos, quot hæc,prehenderetur. Sed utinam liceret marite, aliquo modo liberare hanc: magnam equidem haberem consolationem, hac mihi ministrante. Fortassis autem & Græca est misera: neque enim est Ægyptiæ facies. Græca quidem est, inquit, & parentibus nata, quos in præsentia dicet: neque enim ullo modo ostendere poterit, quamvis promiserit. Liberari sane illam à sacrificio impossibile est, quamvis vellem utique, cum & ipse aliquo modo commovear animo, & miserear puellæ. Sed scis, quod masculum quidem Soli, fœminam autem Lunæ, & offerre & sacrificare lex postulet. Cum autem hæc mihi prima sit adducta captiva, & præsentī sacrificio destinata, omnino excusationis locum non haberet apud multitudinem dilatio. Unum tantum illi adjumento esse posset, si postquam focum, ut scis, confcenderit, non se conservasse expertem consuetudinis virorū deprehensa fuerit: cum lex mundam esse eam quæ offertur deæ, sicuti & Soli, jubeat: de Bacchi vero sacrificiis sit indifferens.

Cæterum vide si commercium habuisse cum viris deprehensa fuerit, ne haud deceat talem in ædes recipere. Tum Persina: Deprehendatur, & servetur tantum. Captivitas, & bellum, & extorris vita, à sedibus patriis tam remota, vacuum à culpa facit propositum: præcipue in hac, quæ cum forma, vim contra se ipsa, etiamsi quid ejusmodi passa sit, circumferat. Hæc adhuc dicente, & simul illacrymante, celareque id eos qui aderant conante, afferri focum Hydaspes jussit. Collectis igitur pueris impuberibus ex multitudine, ministri (solis enim ejusmodi sine ullo detrimento attingere licet) efferebant e templo, & in medio collocarunt, conscendere quemlibet captivum jubentes. Ac ex his quicunque conscenderant, statim in planta adurebantur, cum ne primum quidem, & ad exiguum tempus, contactum quidam sustinuis-
sent: aureis quidem veribus foco intertexto: porro ad eam efficaciam elaborato, ut quemlibet immundum, & alioqui eum qui pejerasset, adureret: at e contra eorum qui secus ætatem egissent, sine ullo detrimento gressum

admitteret. Quamobrem hos Baccho
 & aliis diis destinabant, præter duas
 forte aut tres Græcas, quæ cum focum
 conscendissent, virginitate salva esse
 deprehensæ sunt. Postquam autem &
 Theagenes, cum conscendisset, mun-
 dus esse apparuit, omnium admiratio-
 ne exceptus, cum propter proceritatē
 & pulchritudinem, tum eo quod vir
 adeo florenti ætate rerum venerarum
 expers esset, ad Solis sacrificium in-
 struebatur. At ille submisit ad Chari-
 cliam: Apud Æthiopes præmia munde
 viventium sacrificia, & mactationes
 eorum qui castitatem servant bravia?
 Sed ô mea Charichia, cur non te jam
 aperis? Quale tempus adhuc expectas?
 An illud demum, cum aliquis jugulum
 feriet? Dic obsecro, & indica tuam for-
 tunam. Forsitan & me, quæ sis cogni-
 ta, servabis: sin minus, & tu utique
 dubio procul periculum effugies: quo
 cognito, vel mori mihi optabile est.
 Illa autem: Prope adest certamen, cum
 dixisset, & fors rationum nostrarum
 nunc vacillat: ne imperio quidem eo-
 rum, quibus erat id negotii datum, ex-
 pectato, induit sacram vestem Del-
 phi-

phicam, ex quadam sarcinula, quam secum ferebat, depromptam, intextam auro, & radiis cocco tinctis variatam ac refertam. Denique cum comam solvisset, & tanquam furore afflata visa esset, accurrit & insiluit in focum, stetitque longo tempore illæsa, pulchritudine magis tum etiam relucente refulgens, & omnium oculis ex alto exposita, atque à figura stolæ simulachri dææ magis quam mortalis mulieris similis. Stupor igitur omnes cepit. & clamorem unum obscurum & inarticulatum admirationis indicem ediderunt, cum alia suspicientes, tum quod formam plus quam humanam, & venustatem florentis ætatis intactam attolleret, ac declararet se habere pudicitiam forma cumprimis exornatam. Angebat igitur & alios in turba, quod ad sacrificium aptam & idoneam esse constitisset: & quamvis superstitione laborarent, libentissime, tamen vidissent illam aliqua ratione servatam. Ceterum magis excruciabat Persinam, ut etiam ad Hydaspē diceret: Quam misera & infelix est hæc puella, nequicquam & haud opportune pudicitiam

venditans, & mortem cum hisce mul-
 tis laudibus commutans. Sed quidnam
 fieret, inquit, ô vir? At ille: Frustra,
 inquit, molesta es, & misereris ejus
 quæ servari non potest: sed diis, ut vi-
 detur, propter naturæ præstantiam in-
 de usque ab initio custoditur. Deni-
 que sermone converso ad Gymnoso-
 phistas: Sed ô sapientissimi, inquit,
 cum omnia sint parata, cur non rem
 sacram incipitis? Sisimithres autem:
 Absit, inquit, (Græce loquens, ne mul-
 tudo exaudiret) Satis enim jam vel
 hisce aspectum & auditum polluimus.
 Sed nos quidem in templum secede-
 mus, sacrificium adeo nefandû, quod
 humanis victimis constat, neque ipse
 probantes, neque deum admittere ex-
 istimantes. Atque utinam licuisset &
 illa sacrificia, quæ aliarum victimarum
 mactatione constabant, prohibere,
 cum sola quæ precibus & odoramen-
 tis sunt, nostro judicio sufficiant. Tu
 vero manens (neque enim in contro-
 versiam cadit, quin sit necessarium ut
 rex seditionem vulgi sedet) fac hoc
 immundum quidem sacrificium, cæte-
 rum propter inveteratam consuetudi-
 nem

nem, ac Æthiopum institutis confirmatam, inexcusabile : ita tamen ut tui expiatione postea sit opus futurum, aut etiam non futurum. Neque enim mihi videtur ad finem perventurum esse hoc sacrificium, cum ex aliis, tum ex deo consultore conjecturam facienti, & lumine circumfuso peregrinis, ac numen aliquod eos defendere significante. Et hæc cum dixisset, una cum aliis assessoribus surrexit, & ad effusionem sese apparabat. Tum vero Chariclia desiluit è foco, & accurrens provoluta est ad genua Sisimithris (ministris omnino prohibentibus, & illum supplicem habitum, deprecationem esse mortis existimantibus) &, O sapientissimi, dicebat, paululum commoramini. Siquidem causa mihi agenda est, & iudicio decertandum cum rege ac regina : vos vero solos etiam tantis jus dicere audio. Adeste igitur, & certanimis de vita estote iudices. Mactari enim me diis, neque possibile, neque justum esse cognoscetis. Admiserunt libenter, ea quæ dicta fuerunt : &, O rex, dixerunt, audisne provocationem, & ea quæ peregrina præten-

dit? Arridens igitur Hydaspes. At vero quale iudicium est, inquit, aut unde mihi cum hac? denique qua de causa, quo ve jure exoritur? Tum Sisimithres: Ea ipsa quæ dicentur, indicabunt. Atqui, num negotium hoc iudicium, & non injuria potius videbitur, si cum captiva ego qui sum rex in iudicium descendero? Fastigia dignitatis non respicit æquitas, respondit Sisimithres: sed is regnat in iudicio, qui probabilioribus vincit rationibus. Cæterum cum indigenis, inquit, & non cum peregrinis, controversias regum iudicandi, facultatem vobis lex dat. Sisimithres autem: Non vultu, inquit, tantum & extrinseca specie; iusta apud moderatos ponderantur, sed potius iustitia. Manifestum est quidem, dixit, quod nihil dicet serii: sed quod iis qui in extremo versantur periculo, peculiare est, inanum verborum fragmenta ad dilationem proferet: attamen dicat, quandoquidem ita Sisimithri placeat. Porro Chariclia, cum alioqui esset fidenti animo, propter liberationem ex circumstantibus periculis, quam expectabat: tum in primis exhilara-

larata est, postquam Sisimithris nomē
 audivit. Is enim erat, qui initio expo-
 sitam sustulerat, & Charicli tradiderat
 ante decennium, cum ad Oroondatem
 de Smaragdæis fodinis legatus mitte-
 retur. At tum adhuc unus ex vulgo
 Gymnosophistarum erat: cæterum in
 præsentia præfectus cæterorum decla-
 ratus fuerat. Faciem igitur viri non re-
 cordabatur Chariclia, cum admodum
 adolescentula, & annos septem nata,
 ab illo separata esset: verum nomen
 agnoscens, magis lætabatur, advoca-
 tum illum sibi, & adiutorem ea in par-
 te, ut cognosceretur, fore sperans. Ma-
 nus igitur in cælum tendens, cum ex-
 clamasset ita ut exaudiri posset, Sol
 autor generis majorum meorum, dice-
 bat, & alii dii ac heroes majores no-
 stri, vos eritis testes, quod nihil falsi
 dicam: vos quoque auxilio vestro mi-
 hi in hoc iudicio aderitis, ad quod cū
 justam causam asseram, inde sumam
 exordium. Peregrinos ne rex, an indi-
 genas mactari jubes? Hoc vero, Pere-
 grinos, dicente: Quamobrem tempus
 est, inquit, ut alios ad sacrificium in-
 quiras. nam me & vestratem, ac indi-

genam reperies. Hoc autem mirante, & fingere eam dicente: Chariclia, Minora, inquit, miraris: sunt autem alia majora. Neque enim indigenam tantum, sed etiam genus regium in primis, & proxime attingentem. Rursus Hydaspe contemnente, & averfante verba illa tanquam frivola: Desine, inquit, pater filiam tuam elevare, & averfari. Tum igitur rex non despicere tantum, sed etiam indignari, ludibriū esse & injuriam, rem illam ducens: &, O Sisimithre ac reliqui, dicere, quousque tandem abutetur mea nimia patientia? An non plane amentia laborat puella? quæ insigni audacia confectis mendaciis, mortem depellere conatur, filiam meam tanquam in scena se esse, desperatione quadam asseverans, & tanquam ex composita machinatione proferens, qui nunquam (ut scitis) in procreatione sobolis successu usus sim, semel tantum simul & audierim & amiserim. Quamobrem ducat eam aliquis, ne amplius excogitet sacrificio dilationem. Nemo ducet, exclamavit Chariclia, nisi jusserint iudices. Tu vero in præsentia judicaris, non sententiam

tiam fers, neque decernis. Peregrinos quidem rex mactare, fortasse, lex permittit: liberos autem mactare, neque hæc, neque natura ipsa pater concedit. patrem enim te hodie dii meum, etiam, si neges, declarabunt. Omnis causa quæ in iudicium venit, rex, duobus maximis & præcipuis argumentis niri consuevit: scilicet probationibus, quæ scriptis continentur, & testium confirmationibus. Utrumque tibi aut filia vestra esse declarer, exhibebo. Ad restem quidem non aliquem ex vulgo, sed ipsum iudicem provocans (Maximum autem ei qui dicit, ad fidem faciendam adiumentum est, iudicis scientia) Scripta vero, meæ & vestræ fortunæ narrationes proponens. Simulatque hæc dixit, illico expositam secum fasciam, quam sub utero gestabat, proferebat: & evolutam, Persinæ offerebat. Illa vero ut primum vidit, stupida & muta reddita est, diuque admodum ea quæ erant inscripta fasciæ, & puellam vicissim contemplabatur, & horrore ac tremore detinebatur, sudoreque manabat, gaudens quidem iis quæ comperiebat, anxia vero casu

ino-

inopinato, & haud facile cuiquam credibili. Denique metuens Hydaspis, si hæc patefierent, suspicionem, & incredulitatem, aut iram, fortassis etiam & pœnam. ut & Hydaspes, intuens stuporem, & angorem animi continuum: O mulier, dixerit, quid hoc est? An aliquid tibi accidit ab hac exhibita scriptura? Illa autem: O rex, inquit, & domine, ac marite. Nihil hoc amplius habeo quod dicam, nisi ut acceptam legas. Doctoris vice in omnibus fungetur apud te fascia. Utque tradidit, iterum tacebat tristis. Cum igitur accepisset Hydaspes, & Gymnosophistas ut accederent, & una legerent, advocasset, recensebat scriptum, multum ipse mirans: Sismithrem quoque percussam, & sexcentas mentis mutationes vultu declarantem, ad defixis oculis tœniam & Charicliam aspicientem, intuens. Ad extremum, postquam de expositione, & causa expositionis, edoctus est: Quod quidem mihi puellula quædam, inquit, nata sit, scio: & cum mortuam esse tum audissem, quemadmodum & ipsa Persina mihi narrabat, expositam esse,

esse, nunc cognosco. Cæterum quis est qui illam sustulit, servavit, ac enutrivit? aut quis est qui transportavit in Ægyptum? An etiam una captus est? Denique unde omnino conjecturam facere licet, quod illa ipsa sit, & non interierit id quod expositum fuerat: aliquis autem cum incidisset in hæc indicia, abutatur fortuna, & huic puellæ impositis, tanquam persona, illudat nostræ liberorum procreandorum cupiditati, & supposititiam ac adulterinam sobolem nobis in successionem asserat, veritatem hac fascia quasi adumbrans? Ad hæc Sisimithres: Prima quidem, inquit, eorum de quibus ambigis, tibi explicari possunt. Ego enim sum, qui expositam sustuli, & clanculum educavi, & in Ægyptum transtuli, quando me legatum eo miseras. Quod autem mentiri nobis fas non sit, ipse jam antea nosti. Agnosco autem & fasciam regiis Æthiopum literis insignitam, neque præbentem ullam ambigendi conjecturam; quod alibi sit composita: cum quod Persinæ manu notata sit, vel à te in primis cognosci possit. Cæterum erant & alia una exposita

posita indicia, tradita à me illi qui receperat puellam, homini Græco, & ut videbatur probo & honesto. Servantur & hæc, inquit Chariclia: simulque ostendebat monilia. Quibus visis, Persina magis est exanimata: & quærente Hydaspes, Quæ nam essent? ac si quid præterea sciret? nihil respondit, præterquam quod nosset quidem, cæterum domi hæc examinare & scrutari optimum esset. Rursus igitur angi, & pene animo deficere Hydaspes videbatur. At Chariclia: Hæc quidem sint materna indicia: tuum vero propriū, hic annulus est, ostendebatque pantarben. Cognovit Hydaspes: dederat enim illum dono Persinæ, sub desponsationem: & Optima, inquit, indicia quidē mea sunt: cæterum te ut meam his usam esse, & non aliquo alio modo ea nactam, nondum agnosco. Nam præter alia & color peregrinus, & inusitatus in terra Æthiopica, relucet. Si simithres autem: Alba, inquit, & ea fuit quam sustuli: alioqui & annorum tempus convenit cum præsentī ætate puellæ, cum decem & septem fere annos hæc, & expositionis tempus, impleve-

pleverit. Porro & oculorum aspectus
mecum facit, & totam vultus effigiẽ,
ac excellentem formam quæ nunc ap-
paret, convenire cum ea quam tum
cernebam, agnosco. Hæc quidem o-
ptime dixisti, Sifimithre, ad illum Hy-
daspes: & magis ut aliquis patronus,
summum studium ad causam afferens,
quam iudex. Sed vide ne ex aliqua
parte dubitationem eximens, aliam
quæstionem moveas, cum arduam,
tum haud facile conjugem meam cul-
pa liberaturam. Qui enim albam, cum
simus ambo Æthiopes, procreavimus,
nequaquam consentaneo rationi mo-
do? Limis igitur cum contuitus Sifi-
mithres, & ironice subridens: Tibi
quidem, inquit, nescio quid accidat,
qui ex affectu tuo in præsentia, patro-
ciniũ nobis ut probrum objicis, quod
ego mihi haud quaquam negligendũ
esse duco. Judicem enim legitimum
definimus, cum qui æquitatis patro-
nus ac defensor est. Cæterum cur non
potius tibi, quam puellæ, patrocinari
videbor? cum te patrem, deorum au-
xilio fretus, declarem: & quam vobis
ab incunabilis servavi filiam, eam &
nunc

nunc salvam in flore ætatis non despiciam? Sed tu quidem, ut vis, statue, & existima de nobis, qui hæc facimus flocci. Neque enim ad aliorum arbitrium vivimus, sed meram honestatē & æquitatem sectantes, nobis ipsi satisfacere cupimus. Quod ad quæstionem de colore attinet, hujus explanationem ipsa tibi fascia exponit: Persinam scilicet attraxisse quædam simulachra, & imaginationes similitudinis in tuo concubitu, ex conspectu Andromedæ. Quod si aliqui omnino id comprobari, & fidem tibi fieri vis, ad manum est exemplar & archetypus: contemplare Andromedam, quæ perinde in virgine atque in pictura ostenditur, ita ut nullum sit discrimen. Afferebant his dictis sublatam imaginem ministri, & cum eam proxime Charichiam erexissent, tantum excitarunt inter omnes plausum ac tumultum, cum alii aliis, qui paululum tantum intellexerant ea quæ dicerentur & fierent, significarent, & propter exactam & consummatam similitudinem, cum quadam lætitia exanimarentur: ut & Hydaspes non amplius diffidere posset,

set, sed diu staret immotus, lætitia simul & admiratione detentus. Si simi-
 thres autem, Unum adhuc desidera-
 tur, inquit. De regno enim, & illius
 legitima successione agitur, & ante o-
 mnia de veritate ipsa. Nuda brachium
 virgo, nigra nota pars supra cubitum
 maculata fuerat. Nihil dedecoris af-
 fert, nudatum parentum & generis te-
 stimonium. Nudavit illis Chariclia
 sinistram, & erat quasi ebenus quædam
 in circuitu brachium tanquam ele-
 phantem maculans, Non amplius sese
 continuit Persina, sed repente de thro-
 no desiluit, amplexaque lacrymabat:
 & propter magnitudinem gaudii, quã
 reprimere non poterat, mugitus cu-
 jusdam similem ejulatum edebat. Ete-
 nim excellentia gaudii etiam luctum
 interdum gignere solet: parumque
 aberat, quin una cum Chariclia col-
 laboretur. At Hydaspes miserabatur
 quidem mulierem, cum illam lugere
 videret: & ad similem affectum animo
 flectebatur. cæterum oculis tanquam
 cornu aut ferro in ea quæ cernebantur
 defixis, constiterat, doloribus lacry-
 marum repugnans. Cumque ipsi ani-

ma, cum patrio affectu, tum virili spiritu effervesceret, & in utranque partem tanquam fluctu raperetur, ad extremum tamen superatus est à natura, quæ vincit omnia: & quod pater esset, non tantum persuaderi sibi patiebatur, sed etiam ita ut pater afficiebatur animo: & Persinam collapsam una cum filia, ac perculsam erigens, visus est etiam Charicliam amplecti, & lacrymarum affluxu quasi quibusdam libationibus paternum cum illa fœdus facere. Neque tamen omnino excussus est iis quæ agenda fuerant: sed paululum commoratus, & populum conspicatus æquali affectu commotum, & ob fortunæ mirificum casum tanquam in scena exhibitum, præ voluptate simul & commiseratione flentem, & neque præcones silentium imperantes audientem, manu protensa silentium denunciâns, commotionem vulgi in tranquillitatem composuit. Et, O vos qui adestis præsentés, dicebat: Me quidem dii patrem, ut videtis & auditis, præter omnem expectationem declararunt: & quod filia mea sit hæc virgo, multis argumentis constat. Ego
vero

vero tanta sum erga vos & patriam benevolentia præditus, ut haud multum curans & generis successionem, & primam appellationem, quæ omnia mihi per hanc eventura fuerant, diis eam sacrificare pro vobis properem. Et si autem vos lacrymare video, & indicium dare, quod humano quodam affectu commoti sitis, denique miserari puellæ immaturam ad moriendum ætatem, miserari quoque meam nequicquam expectatam generis successionem: tamen necesse est me, vel vobis nolentibus, patrio obtemperare instituto, utilitate patriæ potius quam privatis commodis consulentem. Et quidem an hoc diis ita placeat, ut simul præbeant & auferant (id enim jampridem expertus sum, cum esset nata: & nunc experior, postquam inventa est) dicere non possum. cæterum vobis considerandum relinquo. Neque hoc statuere possum, ut quam extorrem egerint patria procul ad ultimos terræ fines, & rursus mirabili casu in captiva fortuna offerentes tradiderint, eandem rursus mactari sint admissuri. Quod cum ita sit, nihilomi-

nus quam ut hostem non sustuli, & captivam nullo detrimento affeci, eam filiam cognitam sacrificare, siquidem vestra voluntas ita fert, non cunctabor. Neque affectui succumbam, quod alii patri fortasse condonandum esset: nec frangar animo, nec deprecabor ut veniam detis, & hoc officium in præsentia naturæ præ lege tribuatis, eo plus erga illam affectui dantes, quod alio quoque modo liceat placare numen. Sed ut vos quod æque ac ego animo afficeremini, significationem dedistis, & nostros casus non secus ac privatos doluistis: ita & à me vestræ rationes longe meis anteponuntur, parum curante hanc calamitatem: haud multum quoque hanc miseram Persinam lugentem, quæ simul & primi fœtus parens, & prole orba reddita est. Quamobrem si videtur, desinite à lacrymis, & nostri inutili commiseratione: ad sacrificium autem aggrediamur. Tu vero filia (primum enim te hoc suavi nomine, & ultimum alloquor) ô nequicquam formosa, & quæ frustra parentes invenisti, quæ in patriam, aliena terra longe graviolem, infec-

infelicitè incidisti: & peregrinam quidem, salutare: patriam autem, perniciosam experta es, ne mihi animum lugubri fletu perturbes: sed si unquam antea magnos illos spiritus ac regios ostendisti, nunc præcipue attolle: & sequere parentem, qui te quidem nuptiali stola ornare non potuit, nec in porticus aut thalamos ducit, sed ad sacrificium instruit: & faces non nuptiales, sed ad usum sacrificii destinatas accendit, & in victam hanc pulchritudinem pro victimis offert. Vos autem dii propitii estote iis quæ dicta sunt, & si quid præterea affectu victus, parum pie aut religiose sum locutus, qui simul filiam vocarim, & interfector illius existam. Et hæc cum dixisset, injiciebat Charicliæ manus, ducere se eam ad aras & pyram quæ desuper erat assimulans: & eventum verborum, quæ pro concione fecerat, ut se in animos audientium insinuaret, deprecans. Multitudo autem Æthiopum concussa est ad ea quæ dicta fuerant, & ne paululum quidem duci Charicliam sustinens; magnum clamorem quendam & subitum edidit: *Serva virginem, voca-*

ciferans : serva regium sanguinem :
 serva eam quam dii salvam esse volue-
 runt. Habemus gratiam. Impletum
 est nobis, id quod legibus debebatur.
 Agnovimus te ut regem, agnosce te
 tu quoque ut patrem: propitii sint dii
 huic, ut videtur, delicto. Magis pec-
 cabimus, resistentes illorum volunta-
 ri. Nemo interficiat ab illis conserva-
 tam. Qui es pater populi, esto & do-
 mi tuæ pater: & sexcentas adhæc, &
 his similes voces proferebant. Ad ex-
 tremum, & re ipsa se prohibere decla-
 rabant, opposcentes se & obsistentes,
 ac aliis sacrificiis placari numen po-
 stulantes. Hydaspes autem ultro &
 lætus patiebatur se hac in parte supe-
 rari, optatam hanc vim sponte susti-
 nens: & populum continuis exclama-
 tionibus diutius indulgentem, & gra-
 tulationibus insolentius lascivientem
 videns, huic quidem voluptate se im-
 plendi facultatem dedit, expectans ut
 aliquando sua sponte conquiesceret.
 Cæterum cum proxime Charicliam a-
 stitisset, Charissima (dicebat) quod tu
 quidem mea sis filia, tum indicia o-
 stenderunt, tum sapiens Sisimithres
 testa-

testatus est, & ante omnia deorum
benevolentia declaravit. Sed iste quis
tandem est? qui una tecum captus,
nunc aris ut mactetur admotus est? aut
quomodo illum fratrem nominabas,
quando in conspectum meum Syenæ
primum adducti estis? Neque enim
utique & ipse filius noster esse repe-
rietur. Semel enim Persina, & te solam
enixa est. Chariclia autem, humi de-
fixis oculis, cum rubore: Fratrem qui-
dem, inquit, cum esse mentita sum,
necessitate commentum suppeditan-
te. Qui autem sit revera, ipse melius
exponet. Vir enim est, & confidentius
me muliere narrare non reverebitur.
Hydaspes autem cum non intellexisset
sententiam dictorum: Da, inquit, ve-
niam filiola, quæ per nos rubore suf-
fusa es, alicquam à virginali pudore
quæstionem de adolescente tibi pro-
ponentes. Sed tu quidem in taberna-
culo una cum matre sede, majorem
lætitiâ illi nunc afferens, quam cum
te peperit, & ægram animo, tuæ præ-
sentia fructu, & de tuis rebus narra-
tione consolans. Nobis autem sacri-
ficia curæ erunt, delecta omnino ea si

quam invenerimus idoneam quæ pro te una cū adolescente mactetur. Chariclia vero parum abfuit quin ejulatum ederet, significatione mactationis adolescentis commota: vix tamen, utilitati serviens, furibundo affectu necessitate postulante represso & cohibito, rursus occulte adrepebat ad scopum, & O domine, dicebat. Sed neque puellam fortasse te amplius inquirere oportuit, cum tibi semel populus fœminei sexus victimam per me remiserit. Quod si quis contendat, par, & ex utroque sexu sacrificandum esse, non puella tantum, sed & adolescens alius tibi inquirendus est: aut nisi hoc feceris, nec puella alia, sed ego iterum mactanda sum. Dii meliora, subjiciente, & causam quamobrē hoc diceret, quærente: Quod, inquit, & cum vivo hoc viro, me vivere, & cum moriente, una mori divinitus est constitutum. Ad hæc Hydaspes, cum nondum rē ipsam conjiceret: Laudo quidem, inquit, tuam hanc humanitatem filia, quæ peregrinum, & Græcum, & æqualem, unaque captum, & cui tecum familiaritas ex peregrinatione inter-

intercesserit, officiose miserearis, & servare cogites. Sed haudquaquã eximi potest sacrificio alioqui. nec pietas & religio patitur, ut omnino circumscribatur patrum institutum, de sacrificio ob victoriam partam faciendo. Deinde nec populus ferret, qui vix ut tibi veniam daret, deorum clementia permotus est. Chariclia igitur: O rex, inquit, patrem enim te appellare fortasse non licet: Siquidem deorum clementia corpus meum servatum est, ejusdem sit clementiæ, meam quoque servare animam, quam vere mihi esse animam, ii qui hoc fatali quadam necessitate sanxerunt, sciunt. Sin hoc irretractabile parcis inventum fuerit, & oportebit omnino exornare sacrificiũ, mactatum peregrinum, unum tantum te mihi largiturum esse promitte. Ipsam me jube mactare victimam, & gladio tanquam charissimo quodam & preciosissimo accepto pignore, conspicuam apud Æthiopes fortitudinis gloria effici. Perturbatus hisce Hydaspes: Sed non intelligo, inquit, hanc tuæ mentis in contrariam sententiam mutationem: quæ nuper defendere pe-

regrinum conabar, nunc autem non
 secus ac hostem aliquem, manu tua
 tollere expetis ac postulas. Atqui ne-
 que honesti quicquam, aut gloriosi,
 quod ad te atatemque tuam attinet, in
 actione ista inesse video. Verum fac
 esse: facultas tamen deest. Solis enim
 sacerdotio Solis & Lunę fungentibus,
 patriis institutis datum est hoc nego-
 tium: nec iis quibuscunque, sed illi
 quidem, uxori: huic autem, viro co-
 habitanti. Quod cum ita sit, tua vir-
 ginitas impedit hanc, quæ unde oria-
 tur haud scio, petitionem. Enimvero
 hac de causa nullum est impedimen-
 tum, inquit Charicia, pressa voce, &
 ad aurem Persinæ se inclinans: Est e-
 nim & mihi, mater, is qui nomen hoc
 implet, siquidem id vestra voluntas
 feret. Feret, inquit Persina, arridens
 leniter: & statim te elocabimus, diis
 annuentibus, ei quem te & nobis di-
 gnum elegerimus. Charicia autem
 clarins: Nihil opus est, inquit, eligere
 enim qui jam est. Cumque jam quip-
 piam planius dictura esset, (addebat
 enim audaciam imminuens periculum
 Theageni, ac ob oculos versans, &
 pudo-

pudorem virgineum seponere ac negligere cogebat) non amplius ferens Hydaspes : O dii, inquit, quam mala bonis miscere videmini, & præter spẽ à vobis mihi donatam fœlicitatem aliqua ex parte impedire: qui mihi filiam non expectatam quidem, sed amen-tem quodammodo ostendistis. An nõ enim fatuæ mens esse declaratur in ea, quæ absurdas voces edit? Fratrem nominabat eum qui non erat. De peregrino qui adest præsens, quis nam esset, cum interrogaretur, ignorare se dicebat. Rursus studebat servare tanquam amicum, eum quem non norat. Cum se obtinere non posse petitionem intellexisset, ut ipsa mactaret tanquam inimicissimum, obsecrabat. At cū neque hoc facere fas esse diceremus, uni tantum, & ei conjugii, tali sacrificio nuncupato: virum se habere prætexit, non addens quem. Quomodo enim eũ habere possit, quem neque esse, neque fuisse illi unquam per focum constituerit? Nisi forte in hac sola fallit, id quod apud Æthiopes hæudquaquam fallax est, castorum experimentum, & cum conscendisset non adustam remittit.

ac

cu

cnn

cnn

ac ut adulterina virginitate se venditet largitur. Denique soli licet amicos & hostes eisdem puncto temporis habere, & fratres ac viros qui non sunt fingere. Quamobrem uxor, tu quidem tabernaculum ingredi, & hanc ad sobrietatem revoca, quæ aut à deo qui ad sacrificia venit, in furorem concitatur: aut præ nimia lætitia ob successum insperatum, mente aberrat. Ego autem cum eam quæ diis pro hac mactari debet, & inquiri & inveniri à quodam jusserim, tantisper dum hoc fit, ad danda responsa legationibus, quæ à gentibus veniunt, & dona quæ ad gratulationem ob victoriam partam, declarandam afferuntur, vertar. Hæc ut dixit, prope tabernaculum in edito loco confidens, venire legatos, & si quæ afferrent dona, adducere jubebat. Internuncius igitur Harmonias, Utrum omnes sine discrimine, an ordine & ex unaquaque gente delectos, denique si seorsim adducere juberet, percontabatur. Hic autem cum ordine & distincte dixisset, ut etiam singuli pro dignitate honorem consequantur. Rursus inter-

nun-

nuncius: Igitur, inquit, rex, primus fratris tui filius Meroebus veniet, qui nuper quidē advenit, sed ut prius denunciaretur, ante septum & coronam militū qua cincti sumus expectat. Cur autem stupidissime & fatue, ad illū Hydaspes, non statim indicasti? cum non legatū, sed regem eum qui advenisset, esse scires: & quidē fratris mei non ita pridem mortui filium, & à me in illius throno collocatum, atque adeo adoptione filium meum constitutum? Sciebam, inquit, domine, Harmonias. Sed ante omnia occasionem captandam esse statuebam, cum si ulla re alia internunciis, in primis ratione considerationeque temporum sit opus. Dabis igitur mihi veniam, quod te cum reginis colloquentem, avocare à suavissimo sermone sum veritus. Nunc itaque veniat, ut dixit rex, recurrebat, quemadmodum erat illi imperatum: & statim redibat cum eo quod injunctum fuerat. Venitque in conspectum Meroebus, conspicuus quidem juvenis: tum primum autem adolescentium ætatem egrediens, cum decem & septem annos impleret: proceritate autem su-
pra

510 HELIODORI ÆTHIOP.

pra omnes propemodum qui aderant
eminens, conspicuo stipatorum co-
mitatu illum deducente: Æthiopico
vero exercitu qui circumstabat, cum
admiratione simul & veneratione viâ
ad illius adventum sine ullo impedi-
mento patefaciente. Cæterum neque
Hydaspes in folio mansit, sed obviam
progrediebatur: & cum paterna comi-
tate eum complexus prope se colloca-
vit, junctaque dextra: Tempori ve-
nis fili, dicebat, solenne sacrificium
ob victoriam partam una facturus, &
nuptialia sacra celebraturus. Siquidem
paterni dii generisque nostri authores,
& heroes, filiam quidem nobis, tibi
vero sponsam, ut videtur, invenerunt:
Enimvero arcana auditurus postea,
nunc si quid forte agere vis cum gente
quæ tuo regno subiecta est, indica.
Meroebus autem audita sponsæ men-
tione præ voluptate simul & pudore,
ne in nigro quidem colore celare po-
tuit quod erubisset, tanquam ad fuli-
ginem rubore accurrente. parvoque
spacio intermisso: Alii quidē, inquit,
pater, legati qui adveniunt, præcipuis
rebus ex sua quisque regione, tuam
præ-

præclaram victoriam ornantes, te munerabuntur. Ego vero te, qui strenuus in bellis extitisti, & maximis rebus gerendis præcipuam virtutem declarasti, quum convenienti & simili donario munerandum esse æquum judicarem, virum tibi offero, gladiatorem in bellis & sanguine adeo exercitatum, ut neminem sit habiturus qui se illi opponere possit: lucta autem & cestuum pugna in arena & stadiis adeo validum, ut illius robur à nemine sustineri queat. Et simul innuens, ut veniret vir, significabat. Ille autem progressus in medium, adorabat Hydaspem, tanta proceritate, & prisca illa statura homo, ut cum genu regis oscularetur, propemodum eos qui in alto loco sedebant adæquare videretur. & ne imperio quidem expectato, exuta veste nudus stetit, omnem qui vellet, seu cum armis, seu nudis manibus, ad certamen provocans. Cum autem nemo progrediretur, quamvis rex sæpius per præconem denunciasset ac edixisset, Hydaspes: Dabitur, inquit, tibi quoque à nobis æquale præmium. & cum dixisset, elephantem multorum annorum,

512 HELIODORI ÆTHIOP.
rum, & insignis magnitudinis offerri
ipsi iussit. Postquam autem adductum
est animal, ille quidem accipiebat lu-
bens. At populus subito concitus, mi-
ros risus edidit, urbanitate regis dele-
ctatus: & post submissionem ac dede-
cus, ut videbatur, ex irrisione ipsius
jactantiæ solatium capiens. Post hunc
& Serum adducebantur legati, araneo-
rum qui sunt apud illos, stamina &
texturas, vestem alteram purpureo co-
lore tinctam, alteram candidissimam
afferentes. His donis receptis, cum ut
dimitterentur illis quidam, qui jam-
pridem damnati in carcere detineban-
tur, petiissent, & rex annuisset: Ara-
bum feliciū legati accedebant, & folii
odoriferi & stœchadis & cinamomi,
& aliorum aromatum quæ Arabia fert,
dona multorum talentorum ex quoli-
bet genere offerebant, odore fragran-
tissimo locum implentes. Aderant
post hos ex Troglodyrica regione, au-
rum formicinum, & gryporum jugū,
quod aureis habenis regebatur, offe-
rentes. Deinde Blemmyum advenie-
bat legatio, arcus & jaculorum spicu-
la ex draconum ossibus, in coronam
impli-

implicata gerens: & Hæc tibi (dicebat) ô rex à nobis afferuntur dona, divitiis quidem allatis ab aliis, inferiora, cæterum apud fluvium contra Persas, ut tu ipse testis esse potes, comprobata. Preciosiora igitur sunt, inquit Hydaspes, quam multis talentis constantia xenia, quæ ut alia quoque nunc mihi offerantur, in causa esse dicimus: simulque si quid postularent, exponere jubebat. Cumque sibi minui & allevari tributum petiissent, totum in decennium dimisit. Post autem quam propemodum omnes qui legatione fungebantur, in conspectum venerunt, & singulos paribus, plurimos autem amplioribus donis rex remuneratus est, ultimi aderant Axiomitæ legati: qui quidem non pendebant tributum, sed alioqui erant socii & fœderati. Quamobrem de rebus prospere ac feliciter gestis gratulantes, hi quoque dona adducebant, cum alia, tum animantis cujusdam speciem, inusitata simul & admiranda natura, magnitudine quidem instar cameli, colore autem & cute squammis floridis distincta ac maculata. Erat autem ipsi

posterior pars una cum ventre humilis & leonina: porro armi & pedes anteriores & pectus supra proportionem aliorum membrorum erectum: gracile collum, & ex magno corpore reliquo, in tenue & subtile guttur productum: caput autem forma quidem cameli, magnitudine autem, struthii Lybici caput paulo plus quam duplo superans, & oculos tanquam cerussa illitos horribiliter versans. Immutatū etiam habuit incessum, omnino terrestri animali & aquatico contraria ratione vacillans, cruribus non permutanter, nec alternis incedentibus, sed seorsum & simul duobus in dextra parte, sigillatim autem & conjunctim sinistris, simul moto utroque latere sese transponentibus. Porro adeo habile ad motum, & mansuetum ac cicur habitu ex assuefactione comparato, ut gracili funiculo vertici circumducto à magistro regeretur, tanquam inevitabile vinculum ejus voluntatem ducem sequens. Hoc animal cum apparuisset, multitudinem quidem totam perculit, & nomen à figura sortitum est, à præcipuis corporis partibus ex

tem-

tempore à populo Camelopardalis nominatum: tumultu autem & perturbatione panegyrim implevit. Accidit enim tale quiddam. Aræ Lunæ astabat jugum boum: Solis autem, quadrigæ equorum alborum, ad maſtationem præparatorum. Porro cum peregrinū & inuſitatum, & cum primis monſtruſum animal apparuiſſet, tanquam ſpectro perturbati, terrore impleti ſunt, & eorum qui tenebant vinculis ruptis, ex tauris alter, qui ſolus, ut videtur, animal conſpexerat: & duo equi, in fugam effuſam ſeſe concitarunt: per-rumpere quidem ſeptum exercitus nequeunt, cum confertim denſatis ſcutis milites tanquam murum in circuitum duxiſſent: currentes autem ſine ordine, & quodvis obuium medio in ſpacio ſeu vas ſeu animal evertentes: ita ut clamor mixtus tolleretur ob id quod fiebat, partim præ metu ab his ad quos delati fuerant, partim præ voluptate ab illis quibus dum in alios infilirent delectationem & riſus materiam ex concuſcatione cadentium præbebant. Quamobrè ne Perſina quidem & Chariclia manere quietæ, &

intra tabernaculum sese continere po-
 tuerunt, sed velamine paululum amo-
 to & subducto, spectatrices eorum quæ
 fiebant, existebant. Ibi Theagenes, seu
 proprio & virili spiritu incitatus, sive
 etiam divinitus immisso impetu, usus,
 & custodes qui illi astiterant dispersos
 propter tumultum exortum conspicu-
 tus, erexit se subito, cum antea ad a-
 ram genibus incumberet, & mactatio-
 nem singulis momentis expectaret, li-
 gnumque fissum (quorum magnus nu-
 merus in ara jacebat) arripit, & ex e-
 quis qui non effugerant unius dorsum
 occupat, & apprehensis crinibus ad
 collum propendentibus, tubaque tan-
 quam freno utens, calcaneoque quasi
 calcaribus equum urgens, & loco fla-
 gri ligno fisso continue concitans, tau-
 rum qui effugerat agebat. Ac initio
 fuga esse Theagenis, ii qui aderant,
 suspicabantur: & clamore, ne sineret
 illum extra septum armatorum evehi,
 quilibet alterum quem proxime asti-
 terat, cohortabatur. Cæterum proce-
 dente conatu, quod non formido es-
 set, neque fuga mactationis, edoce-
 bantur. Assecutus enim celerrime tau-
 rum,

rum, aliquandiu à cauda detentum egit, lassitudine conficiens simul, & ad celeriorē cursum bovem incitans: quo se autem concitasset, conversum sequebatur, gyrationes & exitus angustos caute declinans. Postquam aurem illi notum & familiarem conspectum sui actionemque ipsam reddidit, jam ad latus adequitabat, cute cutem attingens, & anhelitum taurinum ac sudorem equestri miscens, & cursum ita æquali celeritate moderans, ut hi qui longius aberant, coaluisse vertices animalium opinarentur, & Theagenē aperte divinis laudibus extollerent, qui peregrinum quoddam ex equo & tauro jugum confecisset. Multitudo quidem his vacabat. Chariclia vero intuens, horrore & tremore detinebatur, cum quorsum tenderet conatus ignoraret, & de illius vulnere (si forte lapsus contingeret) non secus ac de sua mactatione esset sollicita: ut neque Persina clam id esset, sed, O filia, diceret, quidnam tibi accidit? Videris pro peregrino periclitari. Etiam ipsa aliquo modo commoveor, & miseret me illius juventutis. Effugere illum

etiam periculum opto, & conservari
 sacris, ne omnino imperfectus, & ne-
 glectus à nobis cultus divinus relin-
 quatur. Chariclia vero: Ridiculum
 est, inquit, optare ut non moriatur, eam
 ob causam ut moriatur. Cæterum si id
 à te præstari potest mater, serva virū,
 mihi gratificans. Persina autem cau-
 sam non veram, sed alioqui amatoriā
 suspicata: Etsi haudquaquam, inquit,
 servare illum possim, tamen quæ tibi
 cum viro consuetudo intercedat, pro-
 pter quam tantopere tibi est curæ, au-
 dacter jam deinceps matri expone: e-
 tiam si sit juvenilis commotio, & virgi-
 nitati non conveniens. Materna natu-
 ra, filiæ, & fœmineus sexus muliebrem
 lapsum, quo cognatione quadam affi-
 citur, adumbrare novit. Cum igitur
 summo cum dolore collacrymasset
 Chariclia, Et in hoc, inquit, præter
 cætera sum infœlix, quod etiam ab his
 qui singulari prudentia & ingenii per-
 spicacia sunt præditi, dum loquor,
 haud intelligor: & cum calamitates
 meas exponam, nondum eas narrare
 existimor: denique ad nudam deinceps
 & apertam accusationem mei ve-
 nire

nire cogor. Hæc dixit: & cum vellet rem ipsam aperire, rursus est excussa, clamore maximo à multitudine sublato. Theagenes enim cum permisisset equo, quanta celeritate posset uri, & præcurrentem aliquantum, pectus capiti taurino adæquare, hunc quidem liberum ferri sivit desiliens: injicit autem se in collum tauri, & in medium spacium inter cornua facie collocata, ulnis vero tanquam corona circumpositis, ac digitis in taurina fronte in nodum complicatis, ac reliquo corpore juxta dextrum armum bovis demisso, dependens ferebatur, ita ut paululum taurinis saltibus concuteretur. Postquam autem jam fatigatum nimio pondere, & languefactos esse illi musculos ex nimia intensione sensit, atque id loci in quo sedebat Hydaspes, prætereuntem, obvertit eum in anteriore partem, & illius cruribus suos pedes objicit, ungulis eos continue impingens, & gressum bovis implicans. Ille autem in impetu cursus impeditus, & robore juvenis gravatus evertitur, ac repente in caput devolutus, & erectis pedibus in scapulas ac deorsum proje-

stus, diu resupinus porrectim jacuit,
 cornibus terræ infixis, & ita ut caput
 movere non posset radicatis: cruribus
 autem nequicquam salientibus, & op-
 portune aerem findentibus, & cladem
 languore testantibus. Incumbebat ve-
 ro Theagenes (sola sinistra manu ad
 deprimendum vacans, dextram autem
 in cælum continue tendens) & in Hy-
 daspem & reliquam multitudinem ex-
 porrecta fronte intuebatur, risu illos
 ad oblectationem provocans, & mu-
 gitu tauri tanquam tuba celebritatem
 victoriæ denunciāns. Resonabat autē
 ex adverso & populi clamor, perspi-
 cum quidem nihil & articulatum in
 laudem proferens: cæterum hianti ore
 ut plurimum ex arteria sola sonos ad-
 mirationis indices edens, diuque com-
 muni consensu eum ad cælum ferens.
 Jussu igitur regis ministri accurrentes,
 alii Theagenem erectum adducebant,
 alii cornibus tauri laqueo restis inje-
 cto, ducebant tristem ac demissum, &
 aris rursus hunc & equum compre-
 hensum alligabant. Et cum Hydaspes
 aliquid cum Theagene locuturus es-
 set, & acturus, populus, tum delecta-
 tus

tus adolescente, & inde usque ab initio cum primum visus est, singulariter erga illum affectus: tum roboris admiratione stupefactus, magis autem Æthiopi athletæ Meroebi invidens ac æmulans, Hic cum Meroebi pugile jungatur, communi consensu exclamavit: Is qui elephantem accepit, deert et cum eo qui taurum cepit, contraque pronunciabat. Cumque diu incumberet, annuit Hydaspes: ducebaturque extemplo in medium Æthiops superbe trucibusque oculis circa se omnia lustrans, ac summis pedibus incedens, & dilatans sese, ac per vicissitudinem cubitis ulnas insolenter quatiens. Postea vero quam prope concilium constitit, Theagenem contuitus Hydaspes, Græco sermone: Peregrine, inquit, cum hoc te inire certamen populus jubet. Fiat id quod illi placet, Theagenes respondit. Cæterum quæ ratio est certaminis? Luctæ, inquit Hydaspes. At cur non potius gladio- rum, inquit, & armorum, ut aliquo præclaro facinore edito, aut cadens impleam Charicliam, quæ hætenus rationes nostras tacere sustinuit: vel

ad extremū, ut videtur nos valere iussit. Quid hoc sibi (inquit Hydaspes) velit, quod nomē Charicliæ admisceas, & habeas in ore, ipse scis: cæterum luctari, & non digladiari te oportet. Siquidem sanguinem effusum ante sacrificium conspici, fas non est. Cum igitur intellexisset, quod metueret Hydaspes ne interficeretur ante sacrificiū: Recte facis, inquit, quod me diis conservas, quibus etiam res nostræ curæ erunt: simulque sumpto pulvere, & humeris ac ulnis adhuc à bovis circumactione sudore madentibus insperso, ac eo qui non adhæserat excusso, objicit porrectim manus. Et pedibus in vestigio firmiter defixis, & poplite inflexo incurvatoque, humeris parteque inter scapulas contorta, & collo aliquantum inclinato, denique toto corpore contracto stabat, prehensiones luctarum cupide expectans. Æthiops autem intuens, minacioris habitu ridebat, & ironicis gestibus insultate adversario videbatur. Tū repente incursione facta, cubitum tanquam vectem aliquem collo Theagenes impingit: à qua plaga ingenti sonitu exaudito, rursus

sus exultabat, & stolide sibi arridebat. At Theagenes, ut vir in gymnasiis & unctionibus ab ineunte ætate exercitatus, & certandi arte Mercurii exacte instructus, cedere initio statuit, & experimento virium adversarii sumpto, tam terribili impetui & fero non resistere, cæterum agreste robur arte eludere. Statim igitur cum paululum tantum à terra commotus esset, magis se dolere gestu simulabat, & colli alteram partem expositam ad ictum excipiendum objiciebat. Cumque Æthiops iterum feriisset, cedens plagæ, propemodum se collabi in faciem fingebat. At postquam in contemptum illius adductus Æthiops, & animatus incaute jam tertio irruebat, & cubitum rursus sublatum impacturus erat: subiit repente Theagenes, inflexione corporis impetu declinato, & dextro cubito sinistro illius brachio sursum impulsio ac remoto, projecit adversarium nodo implicitum, atque etiam suæ manus impulsu frustra incitato in solum abreptum, & sub axillam illius se conjiciens, circumfundebatur tergo: crassoque ventre difficulter manibus

bus cincto, gressum circa talos & maleolos calcaneo magna vi & nulla intermissione facta demolitus, & in genua procumbere cogens, circumdat pedibus, & partibus circa inguina pressis, cruribus ac palmis, quibus innitens Æthiops pectus attollebat, excussis, cubitos nodi instar circum tempora ductos, ad tergum & humeros retrahens, ventrem illius in terram porrexit. Una igitur voce ob hoc factum, & clariore quam antea, à multitudine edita, neque rex sese cohibere potuit, sed exiit è folio, & , O necessitatem odiosam, dicebat: qualem virum mactare lege cogimur! & simul cum eum advocasset: O adolescens (ad ipsum inquit) Ut coroneris etiam ad sacrificia, sicuti moris est, adhuc restat, vel maxime autem hæc præclara quidem & illustis, sed inutilis tibi & diurna victoria, coronam meretur. Cæterum postquam id, ut te ex præsentī statu liberem, etiam si velim, præstari à me non potest, quantum licet, & conceditur, præstabo: & si quid nosti, quo te adhuc viventem juvare possim, postulato. Simulque cum his dictis auream
& la-

& lapidibus distinctam coronā Theageni imposuit. Nec non animadversus est quod lacrymaret. Theagenes autem : Igitur postulabo, inquit : & peto à te, ut hoc des meis precibus, quandoquidem promisti. Si maectationem omnino subterfugere & evitare non possum, saltem manu tuā, quā nunc invēta est, filiaē me maectari jube. Morsus hoc dicto Hydaspes, & ad similitudinem Charicliæ precationis animū referens, cæterum non judicans operæ precium esse, cunctatio rem ad amussim inquirere : Ea quæ fieri possunt, inquit, hospes, & petere te jussi, & daturum me esse pollicitus sum. Porro nuptam esse viro, non virginem, quæ maectet, lex diserte jubet. Sed & ipsa habet virum, ad illum Theagenes. Delirantis, inquit Hydaspes, hominis, ac revera animum despondentis & præbentis se morti, verba ista sunt. Matrimonii & consuetudinis cum viro expertem esse virginem, focus declaravit. Nisi forte Meroebum hunc virum dicas, nescio unde edoctus : nondum quidem virum, cæterum sponsum à me nominatum. Sed neque futurum
statue,

statue, dixit Theagenes, si quid ego de Charicliæ animo sensi: & si mihi, ut victimæ divinanti, credere justum erit. Ad hæc Meroebus: Sed non vivæ, inquit, præclare, victimæ, sed matatæ & resectæ, extis significationem vatis exhibent. Quamobrem recte dixisti pater, despondentem animum inepte, & nihil ad rem loqui peregrinum. Sed hunc quidem, si jubes, ducat aliquis ad aras. Tu vero cum absolveris, si quid adhuc restat, ad sacrificium aggredere. Et Theagenes quidem ducebatur eo quo imperatū fuerat. At Chariclia, quæ ob victoriam aliquantum respiraverat, & meliora speraverat, rursus cum duceretur, in luctu erat. Et Persina multifariam consolante, & consentaneum esse quod possit servari juvenis, si mihi reliquæ & manifestiora de te narrare volueris, dicente: Chariclia quidem tempus dilationem haud concedere videns, ad præcipuas & principales narrationes aggressa est. Hydaspes autem, si qui adhuc ex iis qui legatione fungerentur, reliqui essent, ex internuncio querebat. Harmonias vero: Soli Syenen-

fes,

ses, inquit, Rex, literas Oroondatis & xenia afferentes. nuper autem & momento aute venerunt. Accedant igitur hi quoque, Hydaspes cum dixisset, aderant, & literas tradebant : quas apertas & evolutas legebat. Erant autem ejuscemodi. CLEMENTI ET BEATO ÆTHIOPUM REGI HYDASPI, OROONDATES MAGNI REGIS SATRAPA. Quum vincens prælio, magis animi celsitudinæ viceris, & mihi satrapiam totam tua sponte concesseris, haud mirum mihi in præsentia videbitur, si exilem petitionem comprobabis. Puella quædam cum Memphi duceretur, obiter belli fuit appendix : & quod captiva jussu tuo in Æthiopiam sit missa, ex his qui una cum ipsa fuerunt, & tum periculum effugerunt, audiui. Hanc oro mihi dimitti muneris loco, cum ipsius puellæ causa, tum præcipue patris, cui illam servare velim. Qui multum terræ pererravit, & dum filiam inquireret, à præsidio quod fuit Elephantinæ sub belli tempus captus, à me contemplante hoc tempore eos qui superfuissent ex prælio, conspectus est, & ut mitteretur
ad

ad tuam clementiam petiit. Habes ibi una cum aliis legatis virum talem, ut vel solis moribus generositatem declarare possit: & dignum, ut vel vultu tantum & facie à te quod petit impetret. Lætum mihi hunc ô rex remitte, qui pater non modo nominatur, sed etiam exitit. Hæc ut legit: Quis igitur est ex his qui adsunt, qui filiam inquit? percontatus est. Et cum ostendissent quendam senem: O hospes, ad illum inquit, omnia petente Oroondate lubens faciam: Sed decem tantum adolescentulas captivas duci iussi. Cū vero unam filiam tuam nō esse cognitum sit, reliquas contemplare: & si agnitam inveneris, accipe. Procumbens senex, osculabatur pedes, & cum adductas puellas contemplans, eam quam inquirebat non invenisset: rursus tristis & mœrens, Nulla ex his est, Rex, dicebat. Voluntatem & studium meum, inquit Hydaspes, agnoscis tibi non deesse. Fortunam autem accusa, si eam quam inquiris, non invenis. Nam quod neque alia venit præter has, neque ulla est in castris amplius, circumspicere tibi licet. Cum feriisset frontem

tem senex, & collacrymasset, faciem attollens, & multitudinem in orbem circumspiciens, repente tanquam furiosus cucurrit: cumque accessisset ad aras, & pallii (hoc enim forte indutus erat) oram restis instar contorsisset, injicit collo Theagenis, & trahebat, clamans ita ut exaudiri posset: Natus sum te hostis, habeo te conscele- rate & execrande. Cumque custodes resistere & avellere niterentur, firmiter hærens, & tanquam in unum corpus cum illo coaluisset, ut eum duceret in conspectum Hydaspi & concilii obtinuit. Et, O rex (dicebat) hic est qui meam filiam tanquam prædator mihi eripuit, hic est qui domum solitariam & liberis orbam reddidit, & ex mediis Apollinis aris animam meam rapuit, ac nunc tanquam pius aliquis deorum aris assidet. Commoti sunt omnes ad ea quæ fiebant, verba quidem non intelligentes, cæterum rem ipsam quæ cernebatur admirantes. Et cum Hydaspes planius, quidnam vellet, dicere juberet: senex (erat autem Charicles) veriora de genere Charicliæ occultabat: id ve-

ritus, ne illa in fuga forte, & itinere jam antea sublata, bellum sibi cum veris parentibus accerferet. Exponebat autem compendio ea quæ nihil nocebant, ac dicebat: Erat mihi filia, rex, quam si quali animi indole & forma fuisset, conspexissetis, justam causam habere me, quamobrem dicam, crederetis. Erat inquam in virginitate ætatem degens, & ministra quæ Delphis colitur Dianæ. Hanc præclarus iste Thessalus genere cum Delphos meam urbem quasi patrium quoddam sacrum celebraturus, præfectus legationis constitutus venisset, clam ex adytis ipsis abstulit, atque adytis Apollinis. Quamobrem & erga vos merito deliquisse existimari debet, qui patrium vestrum deum Apollinem (qui idem est cum Sole) ac illius delubrum prophanavit. Porro quoniam quidam falsus antistes Memphiticus, socius hujus sceleratæ ac nefariæ actionis extiterat: cum essem in Thessalia deposcens à reliquis civibus, nec usquam invenirem, illis mihi hunc etiam in fuga, & ubivis locorum inveniretur, tanquam pestem dedentibus: ar-

cem

cem & asylum fugæ Calasiridis Mem-
 phim esse certis conjecturis suspica-
 tus, eo cum pervenissem, Calasiridem
 quidem ut oportuit mortuum depre-
 hendo: à Thyamide autem ejus filio,
 de omnibus quæ ad filiam attinebant,
 & quod Syenem ad Oroondatem mis-
 sa esset, certior factus: Oroondate e-
 tiam Syenæ frustratus (nam illuc quo-
 que veneram) Elephantinæ autem à
 bello deprehensus ac detentus, venio
 huc in præsentia supplex, filiam in-
 quisiturus. Et in me calamitosum ho-
 minem beneficium contuleris, & te
 ipso rem dignam feceris, si depreca-
 torem satrapam pro nobis non asper-
 nari videberis. Et ille quidem tacuit,
 lugubres fletus ad ea quæ dixerat ad-
 dens. Hydaspes autē ad Theagenem:
 Quid dices ad hæc, inquit? Ille autem:
 Vera, inquit, sunt omnia quæ in accu-
 satione commemorata sunt. Prædo
 ego sum & iniquus, & grassator, quod
 ad hunc attinet: cæterum in vos be-
 neficus. Redde igitur, inquit Hyda-
 spes, alienam, propterea quod diis an-
 tea devotus sis, mactationem sacrificii
 illustrem & gloriosam, non supplicii

justam perlaturus. Sed non is qui injuriam fecit, dixit Theagenes, sed qui injuriæ fructum habet, reddere juste debet. Cum igitur tu ipse habeas, redde. siquidem hanc, tuam filiam esse Charicliam, & ipse fatebitur. Nemo amplius sese continere poterat, sed simul omnium confusanea commotio existerat. Sisimithres vero cum diu se continuisset, jampridem ea quæ dicebantur & fiebant sciens, cæterum ut ad exactam & certam cognitionem pervenirent, ea quæ sensim patefiebant expectans, accurrebat, & Chariclem amplectebatur. Et, Salva est adoptiva tua, & à nobis tibi quondam tradita filia, dicebat: revera inventa & cognita filia eorum, quos tu ipse scis. Et Chariclia è tabernaculo procurrebat, ac neglecto naturæ omni ac ætatis pudore, Bacchico quodam & furienti impetu ferebatur, & ad genua Chariclis provoluta: O pater, dicebat, non minus mihi quam qui me procrearunt observande: Vlciscere me, ut vis, nec eam ipsam excusationem, quod fortasse id deorum voluntati quispiam tribuere possit, & illorum gubernatio-

nationi ea quæ facta sunt, ascribere, auscultans. Persina autem in altera parte Hydaspem amplectebatur, & Omnia ita se habere credas, mi vir, ad ipsum dicebat. Sponsum esse filiollæ Græcum hunc juvenem, omnino scito. Populus itidem alia ex parte, gratulatoriis clamoribus gestiebat ac tripudiabat. Omnium ætatum & ordinum homines, communi consensu ob ea quæ fiebant, lætabantur: plurima quidem eorum quæ dicebantur, non intelligentes: cæterum rem ipsam ex his quæ præcesserant Charicliæ rationibus, conjicientes: fortassis etiam divino quodam impulsu, qui ut omnia hæc mirifice caderent tanquam in scena, effecit, ad animadvertendam veritatem adducti. A quo & maxime contraria ad convenientiam aptabantur, cum gaudium & mœror inter se connexa & complicata essent, lacrymæ risu miscerentur, tristissima & acerbissima in solennitatem festi commutarentur: ridentibus simul his qui plorabant, & gaudentibus his qui lugebant: cum invenirent eos quos non quærebant, & amitterent quos

se inventuros esse existimabant: & ad extremum expectatis cædibus, in pia sacrificia transmigrantibus. Cum enim Hydaspes ad Sisimithrem, Quid facere oportet, ô sapientissime? dixisset: Recusare & refugere deorum sacrificium, impium est: mactare eos qui ab illis sunt donati, religio. Ex cogitandum est nobis, quid faciendum sit. Sisimithres non Græca lingua, sed ut omnes exaudire possent, Æthiopica: O Rex, dixit, offunditur caligo, ut videtur, etiam sapientissimis viris, præ nimia voluptate: Te igitur vel jampridem conjicere & animadvertere oportuit, deos non admittere sacrificium quod apparabatur, qui jam ex omni parte beatam Charicliam, ex ipsis aris filiam tuam esse declararunt: & hujus nutricium, tanquam ex composito, ex media Græcia huc accersiverunt: jam terrorem & perturbationem equis & bobus, qui ad aram stabant, incutientes. & fore ut rejicerentur majores hostiæ moribus & institutis receptæ, significantes: nunc tanquam bonorum coronidem, & tanquam facem fabulæ,

spon-

sponsum puellæ, hunc Græcum juvenem ostenderunt. Enimvero admit-
 tamus ad animum hæc divina miran-
 da facta, & adjutores simus illorum
 voluntatis : & continuemus magis
 pia sacrificia, hostias humanas & in
 consequentem ætatē rejicientes. Hæc
 cum Sisimithres clare, & ita ut ab om-
 nibus exaudiri possent, intonasset :
 Hydaspes, cum & ipse linguam genti
 vernaculam intelligeret, Chariclia &
 Theagene apprehensis: Igitur vos qui
 adestis, dicebat, cum hæc ita deorū
 nutu & voluntate peracta sint, resiste-
 re fas non est. Quamobrem testibus
 iis ipsis qui hæc fatis destinarunt, &
 vobis qui illorum ductum animorum
 assensu sequi videmini, par hoc so-
 lennibus nuptiis coalescere declaro: &
 murua consuetudine frui, procreatio-
 nis liberorum vinculo conjunctos, per-
 mitto. Et si videtur, confirmet hæc
 quæ decreta sunt, sacrificium, & ad
 rem sacram vertamur. Hæc dicta ap-
 probavit exercitus, & plausum mani-
 bus, ratum se habere conjugium si-
 gnificans, edidit. Appropinquans ita-
 que aris Hydaspes, & jam rem divinā

incepturus: O domine Sol (dicebat) & Luna domina, siquidem conjuges Theagenes & Chariclia, vestra voluntate declarati sunt, licet illis sane & sacra vobis facere. Et hæc cum dixisset, sua & Persinæ mitra, nota sacerdotii dempta, alteram Theageni, quæ sua erat, alteram Charicliæ, quæ Persinæ, imponit. Quod cum factum esset, oraculi quod illi redditum fuerat Delphis, Charicles recordatus est: & re ipsa perfectum esse id, quod jam pridem à diis prædictum fuerat, comperit: quod, juvenes, dicebat, postquam fuissent Delphis,

Venturos solis torridū ad igne solum.

Magna ubi præcipua virtutis præmia tandem

Temporibus fuscis candida festa gerant.

Coronati igitur juvenes albis mitris, & simul sacerdotio, voce sententiaque Hydaspis, ornati, cum sacrificium ipsi rite peregissent, cum facibus accensis, & tibiæ ac fistularum concentu, in curribus equorum quidē junctorum, Theagenes una cum Hydaspe, Sisimithres vero cum Charicle

seor-

seorsim: boum autem laborum Chariclia & Persina, cum gratulationibus, plausu ac tripudiis, Meroen deducebantur: ut reliqua quæ ad nuptias pertinent, magis arcana. in urbe, majore cum solennitate celebrarentur. Talem finem sortita est confectio de Theogene & Chariclia Æthiopicarum orationum: cujus author est vir Phœnix Emesenus, ex genere Solis, Theodosii filius, Heliodorus.

ÆTHIOPICA HISTORIA
HELIODORI

Libri decimi & ultimi

FINIS.



INCERTI AUTORIS VERSUS
in extremo codice reperti.

En corde, mente, totus animoque hareo,
Stupens, puella ô nobilis Chariclea,
Sincero amore dum sic amantem te intuo.
En mi stupore capta mens defigitur,
Mentem ut modestam, mentem honestam
conspicor.

Firmamq; in adversis tuam constantiam,
Fidemque sancte præstitam Theageni.
Felicior tu cetera quàm Virgines,
Amare queis, vel queis amari contigit.
Prius labores tu quidem passa es graves:
Sortita finem sed beatum es, nuptias.
Præda es latronum facta, nullum denique
Experta non es ô puella genus mali,
Errore longi temporis, longa & via.
Sed juncta tandem es, (ô beatas nuptias)
Tuo beato conjugio Theageni.



FLORILEGIUM SENTENTIARVM

In

✓ HELIODORO.

- F**irma contra fugam custodia, imbecillitas. 13
- Nobilitatis specimen, & pulchritudinis aspectus, vel praeconum ingenium sub-
jicere, & vincere superiores potest. 16
- In morte vacante omni contumelia, dulcis est exitus. 20
- Precibus non criminibus placatur id quod est potentius. 21
- Fallacibus uxorum verbis temere non habenda fides. 22
- Stultum est captivam vi allatam invitam amicis videri aliquid conari. 47
- Vulgarem Venerem despiciit propheticum genus. ibid.
- Decet mulierem silentium; & virum responsio inter viros. 49
- Virginem aspicere & intra metas temperantiae continere se, haud facile. 53
- Ex sermone ad tempus accommodato non est mala suspicio trahenda. 54
- Vim

I N D E X

- Vim vehementis cupiditatis tergiversatio
contrario nixu intendit, oratio verò ce-
dens, primum ardentemque impetum
cedat.* 56
- Multum saepe intermissus dies unus aut al-
ter momenti ad salutem attulit, & pro-
speros casus praeiuit, quos nullis consiliis
homines consequi potuissent.* 57
- Amicitia tempus & ius cognationis non
satis certa aliquando pignora.* ibid.
- Pulchrum mendacium cum auctori com-
modat, & audienti non nocet.* ibid.
- Cogitatio de uxoribus aut liberis animos
ad praelium excitat.* 61
- Nimia latitia in merorem vertitur inter-
dum, & immodica voluptas dolorem
gignit.* 77
- Proverbium, Ἰλιόθεν με φέγεis, ex Ilio me
fers.* 103
- Gratitudo viro sapienti pulchrum mu-
nus: multis tanquam thesaurus.* 107
- Fatorum decreta immutabilia providere
quis potest: effugere vero non potest.* 111
- Lucrum in adversis prospicientia.* ibid.
- Calamitates quae inopinatò adveniunt,
sunt intolerabiles: at praevise, aequiore
animo perferuntur.* ibid.
- Expellere se è vita nefas.* 110
- Ma-

SENTENTIARVM.

Magnum adiumentum ad oblivionē malorum recordatio animi, oculorum amotione obscurata. ibid.

Neque parcum nimis in emendo esse oportet: neque in vendendo grande nimis pretium exigere. 122

Forma excellentia multum addit ad proceritatis speciem. 123

In periculo versantem animam despicere & negligere fas non est. 124

Pulchritudo neque sub terram occultata latere potest. 125

Muliebris forma nativa venustas prima viris comparens, maiorem ad allicendum vim habet. 141

Novus & inusitatus conspectus facilius quam consuetus animum potest percellere. 143

Negotium sponte defugimus quod nos ad recordationem ducit eorum ex quibus dolorem capimus. 144

Ars & naturam frangere potest. 164

Velox est amans ad videndum id cuius desiderio tenetur. 169

Magnam vim habet ad conciliandam aspicientium benevolentiam, forma venustas. 171

Amantium mutuus aspectus, affectus re-
cor-

I N D E X

- cordatio & redintegratio est.* 173
- Omnis affectio qua cito cognoscitur, facile curatur : tempore inveterascens, prope- modum insanabilis redditur.* 177
- Alimentum morborum silentium, & quod enunciatur, leniri consolatione po- test.* ibid.
- Incertitudinem fortuna largiri melius, quam mortem manifestam.* 186
- Pudicitia, muliebris virtutis & animi re- gii character.* 187
- Incertitudo fortuna hominibus ignota est.* ibid.
- Anima nobilis mutuam alterius dignita- tem primo congressu cognoscit.* 191
- Hospitium & receptaculum sapientum aula regia.* 192
- Quadam prædicta mulieribus interdum cunctationem attulerunt.* 195
- Irrecusabilem habet apud mulieres fasci- num aurum & lapis.* 197
- Numen iis qui actiones suas ad illius vo- luntatem accommodant, auxiliatur e- tiam non imploratum, eorum preces be- nevolentia saepe antevergens.* 199
- Mensa ejusdem & libationis participes, & qui sacrum salem initium amicitia fe- cerint, non cognitis mutuo suis rationi- bus,*

SENTENTIARUM.

- bus, discedere est indecorum.* 202
- Infidus ad custodiam amator si in illius potestate fuerit id ut amore perfrui possit, & iis qui illi pudorem incutere possint, careat: magis enim incenditur cum omni prasidio destitutum id quod expetit, expositum sibi videt.* 204
- Intempestivo in adytum ingressu videre qua fas non sit, periculosum.* 206
- Occasio omnibus in rebus tum in bellis maximum momentum habens, non negligenda.* 209
- Liber animus & servitutis patiens, amoris servitutem fert.* 218
- Humanarum rerum ratio instabilis.* 222
- Servitus morte acerbior.* 225
- Formosos etiam barbarica manus verentur, & ad amabilem conspectum etiam immanis oculus consuescit.* 226
- Nunquam sapiens laborat inopia.* 232
- Deorum dona non sunt parvi facienda.* 237
- Lucrum optimum quod cum nulla iactura praeberis, ditiorē efficit accipientē. ibid*
- Vbi vis timetur, blandis pollicitationibus rem interdum differimus.* 246
- Servatur & apud praeones conscientia erga notes, officii & humanitatis.* 248
- Interdum vera dicimus cum figmento uti*
nos

I N D E X

- nos putamus. 253
 Prudentis consilii est temporis & rationem
 considerare, & in bonum commode
 vertere. 258
 Solent successus inopinati ad petulanter a-
 gendum provocare. 264
 Mora & cunctatio in amore possunt offen-
 sam afferre.
 Cum humanitate quadam conjunctum est
 adversa fortuna indicium. 284
 Etiam qua nihil habent periculi, formido-
 losa amantibus existunt. ibid.
 Quum certa est inventio, praeclarum est
 subire laborem, spe felicitis exitus. 288
 Servari reliquias generis, honestum &
 propter se expetendum. 289
 Acris est amans in deprehendo eo qui simi-
 li affectui succubuit. ibid.
 Commiserationi propior paupertas quam
 invidia. 298
 Solliciti animi de iis qua charissima sunt,
 facile etiam acerbiora augurantur. 301
 Servatur & apud mortuos erga parentes
 reverentia. 308
 Arcana & silentio occultanda mysteria
 sine testibus agenda. 309
 Multa ab opinione hominum aliena fortu-
 na humana varietas sapius efficit. 324
 Acris

SENTENTIARUM.

Acris in cognoscendo amantium aspectus.

325

*Latitiam unius diei sequuntur mille ad-
versa.* 338

*Notitias & familiaritates cum similibus
inire convenit.* 341

*Mulieres antea comes, & iuvenum cupi-
da, cum sua spe labuntur, implacabi-
les existunt.* 355

*Prudentium est etiam parum prosperos
casus, quatenus fieri potest, in melius
convertere.* 358

*Facere turpia & dicere aque indecorum
est.* ibid.

Inventrix consiliorum necessitas. 365

*Nullius sceleris sibi conscium quamvis
benevolentia numinis confidere sufficit,
tamen honestum id ipsum hominibus
cum quibus versaris, persuadere.* 368

*Oppositum in universum id quod subie-
ctum est, ei qui imperium in illud obti-
net.* 369

*Bellum in servitutem redigit: pax in liber-
tatē vindicat: illud est voluntas tyran-
nica, hoc vero, decretum regium.* 382

*Honestum & utile neque in controver-
siam venire debet.* ibid.

*Amantes cum occultas esse suas rationes
pa-*

I N D E X

- putant, erubescunt; cum sunt deprehensi, omnem pudorem amittunt. ibid
- Qui latet, cunctantior est: qui deprehensus est, audacior efficitur. 385
- Magnam ad faciendam viris fidem, vim habent & fascinum muliebres & familiares aspectus. 387
- Consueverunt adolescentes cum coluntur, despicere: vi autem coacti, cedere. 388
- Amor ubi desperat, amato nihil parcat, & repulsam in vindictam vertit. 389
- Animus quæ expetit, libenter credit. 394
- Generosa indolis commiseratio etiam barbaros movet. 397
- Dolor ejus qui amatur magis amantes quam suus excruciat. 403
- Consuetudo versandi in calamitatibus omnia in deteriore partem accipit, & conjectura interpretatur. Solent enim fere homines ad rationem eorum quæ accidunt, accommodare animum. 406
- Acris justitia oculus in redarguendo, & in occultis ac nefandis rebus in lucem proferendo. 412
- Suave quibusdam perire est, dummodo inimicorum internecione pereundum sit. 415
- Nullius sexus nec ætatis opem repudiat periculis.

SENTENTIARUM.

riculum de vita.

428

Indicit quodammodo & imperat viris praestantibus clementiam subiectus hostis.

431

Omnia suspecta & formidabilia qua in extremo periculo eveniunt.

433

Qui de rationibus suis desperant, semper quod superest temporis ad dilationem mortis, in lucro ponunt.

433

Stultum est propter unius amentiam, multitudinem internecione delere.

437

Pulchrum hostes adhuc stantes, vincere praelis: collapsos, benificentia.

458

Magna negotia magnis indigent apparatibus. Quorum enim varie intricata initia numen posuit, necesse est & fines longioribus ambagibus peragi. Alioquin ea qua longum tempus conflavit, brevi temporis momento retegere haud conducit.

465

Notio cui contradici non potest, materna natura est.

466

Sacrificia qua precibus & odoramentis fiunt, sufficientia.

486

Refugere & recusare deorum sacrificium impium est; mactare eos qui ab illis sunt donati relligio.

534

Offunditur caligo etiam sapientissimis viris

ris


INDEX SENTENT.

- ris pra nimia caliditate.* ibid.
Fastigia dignitatis non respicit aequitas:
sed regnat in iudicio qui probabiliori-
bus vincit rationibus. 488
Non vultu tantum & extrinseca specie,
iusta apud moderatos ponderatur, sed
iustitia. ibid
Iudex legitimus qui aequitatis patronus ad
defensor est. 495
Non ad aliorum arbitrium viventibus,
sed meram honestatem & aequitatem se-
ctantibus, sibi ipsis satisfacere, sapien-
tum est. 496
Sanguinem effusum, ante sacrificium con-
spici nefas. 522

F I N I S.









Hertberger 4. xi. 77 5110-



